

საქართველოს მეცნიერებათა აკადემია

ივ. ჯავახიშვილის სახ. ისტორიის, არქეოლოგიისა და ეთნოგრაფიის
ინსტიტუტი

ბენიამინ სილაგაძე

არაბთა ბატონობა საქართველოში

(არაბული ცნობების მიხედვით)



თბილისი
„მეცნიერება“

1991

წინამდებარე ნაშრომი, როგორც სათაურადანაც ჩანს აგებულია არაბი მწერლების ისტორიულ-გეოგრაფიული ხასიათის თხზულებებში დაცულ ცნობებზე და ძირითადად არაბთა ბატონობის ხანის საქართველოს პოლიტიკური ისტორიაა. მასში დაშორებული არაბული ცნობები შესაძლებლობის ფარგლებში შედარებულია ჩვენთვის ხელმისაწვდომი სხვა (არაარაბულ) წყაროთა შესაბამის მონაცემებთან. კვლევის შედეგად მიღებული დასკვნები აღასტერებენ ან აზუსტებენ და ასწორებენ ქართულ ისტორიოგრაფიაში აღრე გამოთქმულ და უკვე დამკვიდრებულ შეხედულებებს ამა თუ იმ მოვლენის, ამბის, ფაქტის შესახებ.

ნაშრომი განკუთვნილია როგორც სპეციალისტების, ისე მკითხველთა ფართო წრისათვის.

რედაქტორი ისტორიის მეცნიერებათა დოქტორი

ქ. ჩხატარაიშვილი

რეცენზენტები: ისტორიის მეცნიერებათა დოქტორი ნ. შენგელია,
ისტორიის მეცნიერებათა კანდიდატი

ლ. დავლიანიძე

0509020906

М 607 (06)—91

133—91

© გამომცემლობა „მეცნიერება“, 1991

წინასიტყვაობა

არაბთა 300-წლიანი ბატონობა საქართველოში, VII ს. 40-იანი წლებიდან X ს. 20-იან წლებამდე რომ გაგრძელდა და ქართველი ერის ისტორიის ერთ-ერთ ვრცელ მონაკვეთს შეადგენს, რა ხანია ინტენსიური კვლევის ობიექტს წარმოადგენს. ალბათ, არ არსებობს ადრე ფეოდალური ხანის საქართველოს ისტორიის მკვლევარი, ვინც „არაბობას“ როგორც პოლიტიკურსა და სოციალურ-ეკონომიკურ სისტემას რამდენადმე მაინც არ შეხებოდეს. ამავე დროს, აღსანიშნავია ისიც, რომ მის შესწავლას იმთავითვე საფუძვლად ედო ნარატიულ წყაროთა მყარი ბაზა, რომელიც ქართულის გარდა მოიცავს აგრეთვე უცხოურ. კერძოდ არაბულენოვან ისტორიულ-გეოგრაფიული ხასიათის თხზულებებსაც.

არაბ მწერალთა ცნობების შემოტანა მეცნიერულ ბრუნვაში და მათი მეშვეობით „არაბობის“ გეგმაზომიერი, ინტენსიური შესწავლა, რაც დღესაც წარმატებით მიმდინარეობს, უშუალოდ დაკავშირებულია ივ. ჯავახიშვილისა და ს. ჯანაშიას სახელთან. მაგრამ შეიმჩნევა, რომ მათ და მათი თაობის სხვა ქართველ ისტორიკოსთა შრომებში არაბულ წყაროთა მონაცემებს როგორღაც დაქვემდებარებული ადგილი უჭირავთ. ისინი ძირითადად მოხმობილი არიან ქართულ წყაროთა ცნობების სანდოობის შესამოწმებლად და ამდენად არასრულად, რადგან ქართულმა თხზულებებმა მხოლოდ მცირე რამ შემოგვინახეს არაბობის შესახებ. მაშასადამე, არაბ ავტორთა ცნობების რაღაც გაკვეთილი რაოდენობა მეცნიერული მიმოქცევის გარეთ რჩებოდა და გამომწეურებას საჭიროებს. ამას გარდა, საყურადღებოა ის აუცილებლად გასათვალისწინებელი გარემოებაც, რომ საქართველოში არაბთა ბატონობის შესწავლისას არაბ ავტორთა ცნობების ძირითადი ნაწილი გამოყენებულია ევროპულ ენებზე არსებული თარგმანების მეშვეობით. ეს თარგმანები კი სხვადასხვა მიზეზების გამო ყოველთვის არაა ზუსტი და არცთუ იშვიათად ხდებიან სერიოზული შეცდომების საფუძველი. საქმეს რომ ეშველოს, ამისათვის საჭი-

როა უშუალოდ წყაროებთან მისვლა, საქართველოს შესახებ მათში დაცული ყოველი ცნობის მოძიება, კრიტიკული შესწავლა, თარგმნა და თარგმანთან ერთად მისი შესატყვისი არაბული ტექსტის გამოქვეყნება სათანადო კომენტარების დართვით, ისე როგორც ეს მიღებულია იქ, სადაც მეცნიერული მუშაობა თანამედროვე დონეზეა.

ვერ ვიტყვი, რომ ამ მიმართებით ჩვენთან არაფერია გაკეთებული, მაგრამ გასაკეთებელი რომ ჯერ ბევრია ამის უარყოფაც არ შეიძლება.

მართალია, თანამედროვე ხელშემშლელ პირობებში, როცა მთელ ქვეყანაში საბიბლიოთეკო და სასტამბო-საგამომცემლო საქმე სავალალო მდგომარეობაშია, როცა მწვავედ იგრძნობა ქალაქის დეფიციტი და მეცნიერ-მკვლევარი „პროკრუსტეს“ სარეცელზეა გართხმული, როცა იგი ერთობ ღარიბ ულუფაზე ზის და ყოველივე ამის გამო წართმეული აქვს შემოქმედებითი მუშაობის ხალისი, ამის გაკეთება იოლი არაა. მიუხედავად ამისა, ყოველივე ეს მაინც უნდა გაკეთდეს, რადგან ამის გარეშე საქართველოში არაბთა ბატონობის (და განა მართო არაბთა ბატონობის?) სრულყოფილი ისტორიის დაწერა შეუძლებელია. არადა, ასეთი ნაშრომის შექმნა დროის მოთხოვნაა და მკითხველი მას კარგა ხანია ელოდება.

ამ რთული სამუშაოს ფონზე ჩვენი მიზანი ერთობ მოკრძალებულია. წინამდებარე ნაშრომი, როგორც სათაურიდანაც გამოკვეთილად ჩანს, აგებულია არაბი მწერლების ისტორიულ-გეოგრაფიული ხასიათის თხზულებებში დაცულ ცნობებზე და უმთავრესად არის არაბთა ბატონობის ხანის საქართველოს პოლიტიკური ისტორია. მასში დამოწმებული არაბული ცნობები, შესაძლებლობის ფარგლებში, შედარებულ-შეჯერებულია ჩვენთვის ხელმისაწვდომი სხვა, არაარაბულ წყაროთა შესაბამის მონაცემებთან. კვლევის შედეგად მიღებული დასკვნები ადასტურებენ ან აზუსტებენ ქართულ ისტორიოგრაფიაში აღრე გამოთქმულ და უკვე დამკვიდრებულ შეხედულებებს ამა თუ იმ მოვლენის, ამბისა და ფაქტის შესახებ.

ჩვენგან დამოუკიდებელი მიზეზების, კერძოდ კი მოცულობის შეზღუდვის გამო, ნაშრომში ასახვა ვერ ჰპოვა გეოგრაფიულმა, ეთნოგრაფიულმა, სავაჭრო-კულტურულმა თუ სხვა სახის ცნობებმა, რომელთაც მნიშვნელობა აქვთ აღებული ხანის საქართველოს ისტორიის რიგი საკითხების უკეთ გასაშუქებლად. მათი ადგილი დავუთმეთ შედარებით მცირე მოცულობის ნაშრომს, მიძღვნილს საქართველო-

ბიზანტიის ურთიერთობისადმი დავით III დიდი კურაპალატის დრო-
იდან ბაგრატ IV-ის მეფობის II ნახევრამდე. მართალია, ეს ქმნის
ერთგვარ შეუსაბამობას ნაშრომის სათაურსა და მის შინაარსს შო-
რის, მაგრამ, ვფიქრობთ, ამით მაინცდამაინც არაფერი დაშავებულა.
მთავარი ისაა, თუ როგორი იქნება ობიექტური მკითხველის რეაგირე-
ბა ყოველივე იმის მიმართ, რაც წიგნშია გადმოცემული.

არაბი და არაბულენოვანი მწერლების ცნობები
IV—VI სს. საქართველოს შესახებ

უძველესი ცნობა, რომელიც არაბი და არაბულენოვანი ავტორების ისტორიულ-გეოგრაფიული ხასიათის თხზულებებში გვხვდება საქართველოსა და საერთოდ ამიერკავკასიის ქვეყნების შესახებ IV—VI სს-ში მომხდარ ამბებს ეხება. ამ დროს კი, როგორც ცნობილია, მთელი ამიერკავკასია და მაშასადამე, საქართველოც, ორი დიდი დამპყრობლის — სასანური ირანისა და ახალი რომის იმპერიის, ანუ ბიზანტიის ცილობის ობიექტს წარმოადგენდა. ერთიცა და მეორეც, აქ გაბატონებას ცდილობდა და ამისათვის გამუდმებით იბრძოდა. მაგრამ ძალთა თანაფარდობა ისეთი იყო, რომ საწადელს ვერც ერთი აღწევდა და ვერც მეორე. მიუხედავად ამისა, ამიერკავკასიის დასავლეთ ნაწილში ბიზანტიის გავლენა სჭარბობდა, აღმოსავლეთში კი ირანისა, რომელსაც აქ ბიზანტიის გარდა ჩრდილოეთ კავკასიაში მომძლავრებული ჰენები, ალანები, სავირები, სარაგურები, ხაზარები და სხვა ტომებიც ეცილებოდნენ.

ამიერკავკასიის განაწილება გავლენის სფეროებად ჯერ კიდევ IV ს-ში მოხდა. 387 წლის შეთანხმების საფუძველზე სომხეთი, ალბანეთი და იბერიის ნაწილი (ქვემო ქართლი) ირანს ერგო, დანარჩენ ტერიტორიას, რომის იმპერია დაეპატრონა.

ამიერკავკასიის დანაწილებას გავლენის სფეროებად თან მოჰყვა სომხეთის, ალბანეთისა და საქართველოს სახელმწიფოთა სუვერენიტეტის თანდათანობით შესუსტება-გაქრობა. 428 წელს მეფობა გაუქმდა სომხეთში, ხოლო 463 წელს — ალბანეთში. მალე ასეთივე ბედი ეწია საქართველოსაც. 523 წელს მეფის ხელისუფლება დაემხო ქართლში, ხოლო უფრო გვიან, დაახლოებით VI ს. ბოლოს თუ VII ს. 20—30-იან წლებში — ეგრისში. ქართველი მეფე-მთავრების ბრძოლას ქვეყნის დამოუკიდებლობის აღსადგენად სასურველი შედეგი

არ მოჰყოლია. საქართველოში ირანმაც და ბიზანტიამაც უმეშვეო მმართველობა დაამყარეს და თავიანთი ტერიტორიულ-ადმინისტრაციული წესები შემოიღეს.

IX ს. არაბი მწერლის აბუ ხანიფა ად-დინავარის (გარდ. 895 წ.) ცნობით, ირანი VI ს-ში 4 ნაწილად იყო დაყოფილი. მისი ერთი მეოთხედი მოიცავდა ხორასანს, სიჯისტანსა და ქირმანს; მეორე — ისპანს, კუმს, ალ-ჯიბალს, აზერბაიჯანსა და სომხეთს; მესამე — ფარსს და ალ-ახვავს ბაჰრეინამდე, ხოლო მეოთხე — ერაყს, არ-რუმის, ანუ ბიზანტიის საზღვრამდე. ოთხად გაყოფილი ქვეყნის თითოეულ ნაწილს მართავდა ერთი კაცი¹, რომელსაც „პადოსპანი“ ეწოდებოდა.

ად-დინავარი ამ რეფორმას ხოსრო I ანუშირვანს (531—579) მიაწერს². ქართულ ისტორიოგრაფიაში მიღებული აზრის მიხედვით, აღნიშნული ტერიტორიულ-ადმინისტრაციული დაყოფის თარიღად კავად (კუბაზ) I-ის ზეობის წლები (488—531) არის მიჩნეული³. ამ მოსაზრებისაა ს. ერემიანიც⁴, ხოლო ნ. პიგულევსკაია კი ვარაუდობს, რომ ასეთი ცვლილებები ირანის სახელმწიფო ორგანიზაციას საფუძვლად დაედო ჭერ კადევ III საუკუნეში⁵.

აღნიშნული რეფორმა რომ ხოსრო I-მდე, კერძოდ, კავად I-ის დროს მომხდარა თანამედროვე აზერბაიჯანულ ისტორიოგრაფიაშიც დომინირებს. ამ შეხედულებას ავტორი ზ. ბუნიატოვი აღნიშნავს, „იმპერიის დაყოფა ოთხ პროვინციად, ანუ კუსტაკად ხოსრო I-მდე მოხდაო“ და ამის დასამტკიცებლად მოაქვს ატ-ტაბარის ცნობა, სადაც თითქოს საუბარია მხოლოდ იმაზე, რომ „ხოსრო ანუშირვანმა ტახტზე ასვლისთანავე წერილები დაუგზავნა 4 ნაწილად გაყოფილი ირანს ოთხ პადოსპანს“, მათ შორის „სომხეთ-აზერბაიჯანისა და მეზობელი „ხაზართა ქვეყნის“ პადოსპანს ზადუიათ იბნ ალ-ნახირაჯანს“⁶. ნამდვილად საქმე სულ სხვაგვარადაა. ატ-ტაბარი ამას გარდა, იმავე იტყობინება, რომ ხოსრო ანუშირვანმა ირანი ოთხ ნაწილად

¹ Al-Dinawarī Kitāb al-ahbār at-tuwāl. ed. W. Güirgass, Leide, 1888, გვ. 69 (შემდეგ — ად-დინავარი).

² იქვე.

³ საქართველოს ისტორიის ნარკვევები, თბ., 1973, ტ. II, გვ. 248.

⁴ Очерки истории СССР, III—IX вв., М., 1958, с. 219.

⁵ Н. Пигулевская, Города Ирана в раннем средневековье. М.—Л., 1956, с. 169.

⁶ З. М. Бунятов, Азербайджан в VII—IX вв. Баку, 1965, с. 39.

გაჰყო⁷. ამდენად, ატ-ტაბარის ცნობა მთლიანად ადასტურებს აღ-დინავარის მონაცემებს ირანში მომხდარი ტერიტორიულ-ადმინისტრაციული ცვლილებების შესახებ და მისი სისწორე ეჭვს არ უნდა იწვევდეს⁸.

სანამ კუსტაკებად (რუსთაკებად) ირანის დაყოფა მოხდებოდა, ქვეყანას ერთი საერთო სამხედრო ხელმძღვანელი ჰყავდა. ეს იყო „სპახბედი“. ანუ შირვანშა კი ეს თანამდებობა გააუქმა და, როგორც ატ-ტაბარი იუწყება, სპახბედის პატივი გადასცა პროვინციის (კუსტაკის) მმართველ პალოსპანებს, რომლებსაც, იმისდა მიხედვით, თუ ვინ რომელ პროვინციას განაგებდა, ეწოდებოდათ „აღმოსავლეთის („მამრის“) სპახბედი“, „დასავლეთის (მალრიბის) სპახბედი“, „სამხრეთის (ნიმრუზის) სპახბედი“ და „ჩრდილოეთის (ჯარბის)) სპახბედი“⁹. ასე რომ, ამიერიდან პროვინციის გამგებელი სამოქალაქო ხელისუფლების გარდა სამხედრო ხელისუფლებასაც ფლობდა.

იბნ ხურდაზბიჰის მიხედვით, „ჯარბი“ (الجرى), ანუ ჩრდილოეთის კუსტაკი მოიცავდა ირანის იმპერიის მეთოხედ ნაწილს, კერძოდ აზერბაიჯანს, სომხეთს, რეის, არ-რანის ტერიტორიას და იწოდებოდა აზერბაიჯანის საპახბედოდ („აზარბაზქან ისბაჰბიზი“)¹⁰, რომლის ცენტრი იყო ქალაქი განძაკი.

კუსტაკები უფრო მცირე ტერიტორიულ-ადმინისტრაციულ ერთეულებად — „შაჰრებად“, ანუ ოლქებად იყოფოდნენ. შაჰრის (شهر)

⁷ Chronique de Abu-Djafer-Mohammed ben Jazid Tabari, traduite Sur la version persane d'Abau-Ali Mohammed Bel'ami d'après les manuscrits de Paris de Gotha de Londres et de Canterburg, par M. Herman Zotenberg, I—IV, 1867—1874, t. II. გვ. 167; Histoire des reis de Perses par Abou Mansour Abd al-Malik ibn Mohammed ibn Isma'il Al-Tha'alibi. Texte arabe publie et traduit par H. Zotenberg, Paris, 1900, გვ. 614. ირანში მომხდარ ამ ცვლილებებს ხოსრო I-ის სახელს უკავშირებენ აგრეთვე თ. ნელდეკე (იხ. М. И. Артамонов, История Хазар, Л., 1962, გვ. 125) და ა. ტერ-გევონდანი (А. Н. Тер-Гевондян, Армения и арабский халифат, Ереван, 1977, გვ. 151).

⁸ ეს თვით ბენიათოვის ნაშრომიდანაც ჩანს (З. М. Бунятов, დასახ. ნაშრომი, გვ. 41).

⁹ Annales quos Scriptis Abu Dja'far Mohammed ibn Djarir al-Tabari, Ed. M. I, de Goeje series I—III, Lugduni Batavorum, 1879—1901, t. I, გვ. 89 (შემდეგ: ატ-ტაბარი).

¹⁰ Kitāb al-MasaliK Wa'l-Mamalik (liber viarum et-regnorum) autore Abu'l Kāsim Obaidollah ibn Abdallah ibn Khordādhbeh. Ed. M. J. de Goejl. Biblio-

როგორც ოლქის აღმნიშვნელი ტერმინის არაბული შესატყვისია „ქურ“ (كُور) რომელსაც იხსენიებს ატ-ტაბარი¹¹.

ჩრდილოეთის კუსტაკი აერთიანებდა 13 შაჰრს, ანუ ქურას, რომელთაგან ერთ-ერთი იყო „ვარჯანი“ (ივერია)¹². შაჰრს, რომელსაც აგრეთვე „ისთან“-საც უწოდებდნენ, „ისთანდარი (استندار) ან „მარზბანი“ მართავდა. 523 წლიდან ქართლის მარზბანის ადგილსამყოფელი ქ. თბილისი იყო. მანამდე კი აქ, როგორც ცნობილია, „პიტიაში“ იჯდა და თვალყურს ადევნებდა ირანის შაჰის ვასალ (IV ს.) ქართლის მეფის მოქმედებას.

ჯარბის, ანუ ჩრდილოეთის კუსტაკს დიდი, პასუხსაგები მისია ჰქონდა დაკისრებული, მას უნდა დაეცვა იმპერიის ჩრდილოეთი და ჩრდილო-დასავლეთი საზღვარი ისეთი ძლიერი მოწინააღმდეგეების თავდასხმისაგან, როგორებიც იყვნენ ბიზანტიელები და ხაზარები. ამიტომ მისი გაძლიერება ირანის შაჰების ყოველდღიურ საზრუნავს შეადგენდა.

ამის საპასუხოდ ქმედით ღონისძიებებს ახორციელებდა ბიზანტიაც. სასაზღვრო ირანის მხრიდან მუდამ მოსალოდნელი თავდასხმების მოგერიებისა და თავისი აგრესიული მოქმედების განხორციელების მიზნით, იქაც ტერიტორიულ-აღმინისტრაციული ხასიათის ცვლილებები მოხდა. შიგა სომხეთი, სატრაპული სომხეთი, პირველი სომხეთი, მეორე სომხეთი და პოლემონური პონტის (Понт полемейский) სომხეთი გაერთიანდა და ის სამართავად გადაეცა სამხედრო და სამოქალაქო ხელისუფლებით აღჭურვილ სტრატეგს — მაგისტრს.

536 წელს იუსტინიანე I-ის (527—565) ბრძანებით, გაერთიანებული სომხეთი (უფრო ზუსტად არმინია, რადგან იგი გარდა საკუთრივ სომხეთისა სხვა ტერიტორიასაც მოიცავდა) დაიყო მცირე აღმინისტრაციულ ერთეულებად: I, II, III და IV არმინიად. I არმინიაში, რომლის ცენტრი ქ. ვიზანი იყო, შევიდა შიგა სომხეთი, პოლემ-

tesa Geographorum arabicorum, Lugduni — Batavorum, 1889. VI, გვ. 118—119 (შემდეგ — იბნ ხურდაზბი); Н. А. Караулов, Сведения арабских писателей о Кавказе. Армении и Азербайджане (Сборник материалов для описания местностей и племен Кавказа, Тифлис, 1903, вып. XXXII, с. 5). შემდეგ მოკლედ: СМОМПК

¹¹ ატ-ტაბარი, დასახ. ნაშრომი, I, გვ. 814.

¹² Армянская география VII в. (приписываемая Моисею Хоренскому). Перевод с древнеармянского К. Патканова. СПб., 1877, с. 58; Г. В. Луконин, Иран в эпоху первых сасанидов, Л., 1961, с. 19, 24.

მონიის პონტიის სომხეთისა და ადრინდელი I სომხეთის მნიშვნელოვანი ნაწილი: II არმინიაში გაერთიანდა ყოფილი I სომხეთის ნაწილი. ელენოპონტის ნაწილი და აგრეთვე ნაწილი პოლემონიის პონტიისა. კენტრი ამისა იყო ქ. სევასტია; III არმინია მოიცავდა ადრინდელ II სომხეთს (ცენტრი ქ. მელიტენი), ხოლო IV არმინია — სატრაპიის ავტონომიური ოლქების ყოფილ ტერიტორიას. ცენტრი ქ. მარტიროპოლი (ტიგრანაკერტი)¹³.

VI ს. უკანასკნელ მეოთხედში ირანის საშინაო მდგომარეობა მკვეთრად გაუარესდა. 579 წელს ხოსრო I ანუშირვანი გარდაიცვალა. მის მემკვიდრეს ჰორმუზდს (579—590) 589 წელს სარდალი ბაჰრამ ჩუბინი აუჯანყდა. შაჰმა აჯანყების ჩაქრობა ვერ შეძლო და ის ტახტიდან გადააყენეს. ქვეყნის მართვა ჰორმუზდის ვაჟს ხოსრო II ფარკისს (591—628) მიახდევს. მან აჯანყების ჩასაქრობად და მისი მოთავის დასასჯელად დახმარება სთხოვა ბიზანტიის კეისარს მავროკეს (582—602), რომელსაც სომხეთი და ქართლი აღუთქვა. მავროკემ შაჰს დახმარების ხელი გაუწოდა. 591 წელს ბაჰრამი დამარცხდა და ბიზანტიამ შეპირებული ტერიტორიები მიიღო. ქართლში მეფობა აღსდგა. მეფეს კეისარი ამტკიცებდა და წოდებასაც თვითონ აძლევდა. გურგენს (გუარამს) მან კურაპალატობა უბოძა, ხოლო მის შვიცვლელს, სტეფანოზ I-ს — პატრიკიოსობა. პატრიკიოსად იწოდებოდა ეგრისის გამგებელიც, რაც იმაზე მეტყველებს, რომ როგორც აღმოსავლეთ, ისე დასავლეთ საქართველოში მეფობა ფორმალურ ხასიათს ატარებდა, რომ ქვეყანას ფაქტობრივად მეფე კი არა, მისი ნაცვალი პატრიკიოსი მართავდა.

604 წელს ირან-ბიზანტიის ომი განახლდა. ირანმა მოწინააღმდეგეს წაართვა სირია, ფინიკია, სომხეთი, კაპადოკია, პალესტინა და ქართლი. ომით ისარგებლეს ქართველმა აზნაურებმა, მათ დაიწყეს ქართლის თანდათანობით განთავისუფლება სპარსელთა უღლისაგან და ბრძოლა სრული დამოუკიდებლობის მოსაპოვებლად, მაგრამ 622 წელს ბიზანტიის უეცარმა თავდასხმამ ირანზე ქართველ აზნაურთა დაწყებული საქმე საბოლოოდ ჩაშალა. 628 წელს ბიზანტიის კეისარმა ჰერაკლემ (610—641) შეძლო თბილისის აღება და ქართლის დაბრუნება, რაშიც მას ფასდაუდებელი დახმარება გაუწიეს ხაზარებმა.

ზემოთ უკვე ვახსენეთ, რომ ხაზარები და ჩრდილოეთ კავკასიის სხვა ტომები ირანის ისტორიულ მეტოქეებს წარმოადგენდნენ

¹³ Очерки истории СССР, III—IX вв. М., 1988, с. 217.

ამიერკავკასიაში. ეს მეტოქეობა კი, არსებული ცნობების თანახმად, თავის ისტორიას ახალი წელთაღრიცხვის III საუკუნიდან ითვლის. მოვსეს ხორენაცის თანახმად, მეფე ვალარშაკის დროს „ხაზართა და ბასილთა (ალბათ, უნდა იყოს ბარსილთა. — ბ. ს.) გაერთიანებული ურდოები თავიანთი მეფის ვნასებ სურხანის წინამძღოლობით ჩორის შემოსასვლელიდან შემოიჭრნენ, მტკვარზე გადმოვიდნენ და მის გასწვრივ მდებარე ტერიტორიას მოედნენ“. ვალარშაკმა დაამარცხა ისინი, გააძევა ჩორის ხეობას იქით, მაგრამ მტრის ქვეყანაში გამართული ბრძოლის დროს იგი დაიღუპა¹⁴. შემდეგ მემატიანე აღნიშნავს, რომ სასანიანთა დინასტიის ფუძემდებლის, შაპ არდაშირ I-ის (226—240) დროს მამაცმა პეროზმატმა დაამარცხა რომელიღაც „ვერზეკ ხაკანი“¹⁵.

მოვსეს ხორენაცის ამ ცნობას უნდა ეხმაურებოდეს ლეონტი მროველის ერთი უთარღლო ცნობაც. მის ნაშრომში „ცხოვრებათა ქართულთა მეფეთასა და პირველთაგანთა მამათა და ნათესავთაში“, რომელშიც თხრობა მიყვანილია V საუკუნემდე. ხაზართა მოსკლის შესახებ აღნიშნულია: „ვერ წინააღუდგეს თარგამოსიანნი, რამეთუ იყო სიმრავლე ურიცხვ ხაზართა, წარტყუენეს ქუეყანა თარგამოსიანთა, და შემუსრეს ყოველნი ქალაქნი არარატისანი და მასისისანი და ჩრდილოსანი. და დაურჩეს ციხე-ქალაქნი თუხარისი, სამშვლდე და მტუერის ციხე. რომელ არს ხუნანო, შიდაქართლი და ეგრისი. და ისწავლეს ხაზართა ორივე ესე გზანი, რომელ არს ზღვს-კარი დარუბანდი და არაგვს-კარი. რომელ არს დარიალა და განამრავლეს ხაზართა გამოსვლა, დატყუენვა მათი და ვერლარა წინააღუდგეს და ამიერთგან იქნეს ესე ყოველნი თარგამოსიანნი მოხარკე ხაზართა“. ასე გაკრძელებულა დიდხანს ვიღრე ირანი მომძლავრდებოდა. შემდეგ კი მემატიანის თქმით, „გაჩნდა ნათესავთა შორის ნებროთისთა კაცი ერთი გმირი... აფრიდონ“ და მან, როგორც „წერილ არს ცხოვრებასა სპარსთასა“, წარმოგზავნა დიდი ლაშქრით „ერისთავი თვისი არღამ“, რომელიც „მოვიდა ქართლად, შემუსრა ყოველი ქალაქი, ციხე და მოსპო აქ მყოფი ხაზარები“¹⁶.

¹⁴ Моисей Хоренский, История Армении. Перевод с древнеармянского Н. О. Эмина. М., 1858, с. 134.

¹⁵ იქვე, გვ. 154.

¹⁶ ქართლის ცხოვრება, ტექსტი დადგენილი ყველა ძირითადი ხელნაწერის მიხედვით ს. ყაუხჩიშვილის მიერ. თბ., 1955, ტ. I, გვ. 11—13. შემდეგ მოკლედ: ქართლის ცხოვრება.

ეჭვი არაა, რომ ლეონტი მროველის „გმირი აფრიდონი“ და მოსე ხორენაცის „მამაცი პეროზმატი“ ერთი და იგივე პირი არის. ასევე ერთი და იგივე პირი უნდა იყოს ქართველი ისტორიკოსის „არდამა“ და სომეხი ისტორიკოსის „არდაშირი“. მამასადამე, ხორენაცისა და მროველის ცნობები, ამიერკავკასიაში ხაზართა პირველად გამოჩენის შესახებ, ასახვენ ერთ დროს მომხდარ მოვლენას, რომელიც ქრონოლოგიურად დაახლოებით III ს. I ნახევარში თავსდება.

რაკი ხაზარებმა ამიერკავკასიაში შემოსასვლელი გზები ისწავლეს და აქაურობასაც კარგად გაეცნენ, აღარ ისვენებდნენ, ხშირად შემოდინდნენ და ქვეყანას დიდ ზიანს აყენებდნენ. ერთი ასეთი თავდასხმის შესახებ მოგვითხრობს ატ-ტაბარი. მის თანახმად, ხაზარები ამიერკავკასიაში მოსულან რომის იმპერატორის იულიანეს ლაშქართან ერთად¹⁷. ეს ლაშქრობა, მ. არტამონოვის მიხედვით, მომხდარა III ს-ში შაბურ I-ის (240—271) დროს¹⁸. მაგრამ აქ უდავოდ უზუსტობასთან გვაქვს საქმე. როგორც ცნობილია, იულიანე იმპერატორი შაბურ I-ს კი არა, შაბურ II-ს (309—379) ეომებოდა და ამ ომშივე დაიღუპა 363 წელს¹⁹.

მამასადამე, არაბი მემატიანის ცნობაში მოხსენიებულ ლაშქრობას, რა თქმა უნდა, ადგილი უნდა ჰქონოდა IV ს-ში. ეს აშკარად ჩანს VII ს. სომეხი ისტორიკოსის მოვსეს კალანკატვაცის (დასხურანცის) ცნობიდანაც, რომელშიც აღნიშნულია: 350 წელს „მრავალი ხაზარი შემოვიდა ჩორის კარი ჩვენს ქვეყანაში. შაბურმა ურიცხვი ჯარი შეკრიბა სირიაში, ხვარაზმში, ... ადარბადაგანში და ალბანეთში, აგრეთვე 12 ტომი მოიყვანა კავკასიის მთების ველური ხალხებიდან და ამ აურაცხელი ძალებით ის აღსდგა და მათ წინააღმდეგ დაიძრაო“²⁰.

¹⁷ М. Артаманов, *დასახ. ნაშრომი*, გვ. 116.

¹⁸ იქვე.

¹⁹ История Ирана. Издательство Московского университета, М., 1977, с. 112.

²⁰ История Агван Моисея Каганкатваци, писателя X века, Перевод с древнеармянского К. Патканова, СПб., 1861, с. 80—91 შემდეგ — История Алван); Л. М. Меликсет-Бек, Хазары по древнеармянским источникам в связи с проблемой Моисея Хоренского. Сборник в честь акад. И. А. Орбели. М. — Л., 1960, с. 112; М. И. Артаманов, *დასახ. ნაშრომი*, გვ. 115; З. Бунятов, *დასახ. ნაშრომი*, გვ. 40; ლ. დავლია-

სომეხი ისტორიკოსი ხაზართა მოსვლის ზუსტ თარიღს (350 წ.) უთითებს, მაგრამ როგორ დასრულდა ეს ლაშქრობა ამის შესახებ არაფერს გვაუწყებს. ვერც სხვებთან ვხვდებით საამისო პირდაპირ მითითებას. მიუხედავად ამისა, ზუსტად თუ არა, დაახლოებით მაინც შეიძლება გავკეთ პასუხი დასმულ კითხვას. როგორც ატ-ტაბარის ზემოთ მოტანილი ცნობიდან ჩანს, ხაზარები მოსულან იულიანე იმპერატორის ლაშქართან ერთად. თუ ამ ცნობას ისე გავიგებთ, რომ ამ შემთხვევაში ხაზარები რომაელთა დამხმარე ძალას, მათ მოკავშირეს წარმოადგენდნენ, რაც გამორიცხული არ არის, მაშინ ისინი ამიერკავკასიიდან 363 წელს წავიდოდნენ, რადგან საყოველთაოდ ცნობილი, რომ სწორედ ამ დროს რომაელები დამარცხდნენ და იულიანეს შემკვლელ იოვიანსა და შაბურ II-ს შორის დადებული ნიზიბინის სახავო ხელშეკრულების ძალით, ირანს დაუბრუნდა ადრე მის მფლობელობაში მყოფი ტერიტორიები²¹. მაშასადამე, ხაზარების თარეში ამიერკავკასიის ქვეყნებში, მათ შორის საქართველოშიც 13 წელს გაგრძელებულია.

ზოგ მკვლევარს ეჭვი შეაქვს კალანკატვაცის ზემოთ მოტანილი ცნობის სანდოობაში. ზ. ბუნიათოვი მას „ანაქრონიზმს“ უწოდებს და აღნიშნავს: „სპარსეთის პირველი მეფე, ხაზართა მიმართ ენერგიული ზომები რომ განახორციელა, იყო კუბად I (კავად 446—531), რომლის ერთ-ერთმა სარდალმა დინავერამდე მისულ ხაზარებს მანამდე სდია. სანამ ჯურზანი (საქართველო) და არანი არ დაატოვებინა“²². მაშასადამე, გამოდის, რომ V—VI სს-მდე არც ხაზართა თავდასხმები ყოფილა ამიერკავკასიაზე და არც ვინმეს უომია მათ წინააღმდეგ. თავის ამ მოსაზრების დასაბუთებლად ზ. ბუნიათოვი იმორჩეობს IX ს. არაბი ისტორიკოსის ალ-ბალაზურის ერთ ცნობას, რომელიც მის სასარგებლოდ არაფერს ამბობს. აი ეს ცნობა: [თანამედროვე] I და II არმინია, ანუ „არანი და ჯურზანი [ადრე] ხაზართა ხელში იყო, დანარჩენი არმინია — ბიზანტიას ჰქონდა და მას არმინიაკოსი მართავდა. გადმოდიდნენ ხაზარები. თავს ესხმოდნენ (მეზობლებს) და ზოგჯერ დინავარამდეც აღწევდნენ. ფირუზ მეფის ძე კუბაზი იძულებული შეიქნა გაეგზავნა მათ წინააღმდეგ თავისი

6 ი ძ ე, ლეონტო მროველის ერთი ცნობის განმარტებასათვის, ქართული წყაროთმცოდნეობა IV, თბ., 1973, გვ. 5.

²¹ История Ирана, с. 112.

²² З. Бунятов, დასახ. ნაშრომი, გვ. 40.

ერთ-ერთი უდიდესი სარდალი თორმეტი ათასი კაციით. იგი არანში შევიდა და დაიკავა [ტერიტორია]. რაც იყო მდინარე არ-რასა (არაქსა) და შირვანს შორის. მას მიჰყვებოდა თვით კუბაზი, რომელმაც არანში დააარსა ქალაქი ბაილაკანი, მთელი ქვეყნის (არანის) სასახლვრო (غرف) ქალაქი ბარზა'ი (ბარდავი) და კაბალა, რომელიცაა ხაზარი. შემდეგ შირვანსა და ალ-ლანის კარებს (ღარიალის) შორის გამოუწვავი თიხისაგან გაავლო ზღუდე (دژ), ხოლო ზღუდის გასწვრივ ააშენა 360 ქალაქი (მაღინა), რომლებიც დაქცეულ იქნენ ბაბუ ლ-აბვაბის (დერბენდის) აშენების შემდეგ²³.

ალ-ბალაზურის ეს ვრცელი ცნობა, თვით ავტორის განცხადებით, არმინის ისტორიის კარგი მცოდნეების: ბარდაველი მუჰამად იბნ იმბაილის, დაბილელი (დვინელი) ბარმაკ იბნ აბდულას, ხლათელი მუჰამად იბნ მუჰნისისა და სხვათა ზეპირ გადმოცემას ემყარება და თუ ის სანდოა, რაშიც არც ბუნიათოვს ეპარება ეჭვი, მაშინ ცხადია ხაზარები ამიერკავკასიაში, კერძოდ ალბანეთსა და აღმოსავლეთ საქართველოში კუბად (კავად) მეფემდე მოსული ჩანან.

რაც შეეხება იმას, რომ, ალ-ბალაზურის ცნობის თანახმად, კუბაზმა მიიღო ქმედითი ზომები ხაზართა წინააღმდეგ, ეს სრულიადაც არ გამოირჩეხავს იმას, რომ მსგავსი ღონისძიებები შეეძლოთ გაეტარებინათ მის წინამორბედ მეფეებს: არდაშირს, შაბურსა და სხვებს. ასე რომ, ალ-ბალაზურის ამ ცნობით სომეხი ისტორიკოსის ცნობის ანაქრონულობა არ დასტურდება. ერთადერთი, რასაც აშკარად ამ ცნობიდან ვეებულობთ არის ის, რომ კუბაზის დროსაც, ისე როგორც მანამდე, აღმოსავლეთ საქართველო, სომხეთი და აზერბაიჯანი (ალბანეთი) ხაზართა განუწყვეტელი თავდასხმებით ყოფილან შეწუხებული და ირანის ამ ხელმწიფეს ისინი იქიდან გაუძევებია, რის შემდეგ თავისი სამფლობელო ჩრდილოეთის საზღვარი გაუმაგრებია კიდევ, კედლითა და სამხედრო დაბის ტიპის ციხე-ქალაქებით (მაღინა).

ზ. ბუნიათოვის სკეპტიკური დამოკიდებულება მოვსეს კალანკატვაცის ცნობისადმი, როგორც ჩანს, ემყარება ხაზართა ისტორიის სპეციალისტის მ. არტამონოვის მოსაზრებას, რომლის მიხედვითაც სანდო

²³ Баладзори, Книга завоевания стран. Перевод с арабского П. К. Жузе. Материалы по истории Азербайджана. Баку, 1927, гл. ტექსტისა 3, თარგმანის—5. ასეთივე ცნობა აქვს იბნ ალ-ასრსაც. იხ. Из Тарих ал-Кавили (полного свода истории) Ибн ал-Асира. Материалы по истории. Азербайджана. Баку, 1940, с. 9.

არაა არა მარტო კალანკატვაცის, არამედ ატ-ტაბარისა და ალ-ბალა-ზურის (ქართულ წყაროს ის არ იცნობს) ცნობებიც იმის გამო, რომ VI ს. ბიზანტიელი მწერლები ხშირად რომ მოგვითხრობენ ირანის ჩრდილოეთ საზღვართან მყოფი სავიწროების შესახებ, არსად არ იხსენიებენ ხაზარებს. ამიტომ იგი იმ დასკვნაზე მიდის, რომ „Наиболее ранние достоверные упоминания о Хазарах не уходят глубже VI века“²⁴. მაგრამ ასეთი დასკვნის გაკეთება რამდენადმე ნაჩქარევია, ჯერ ერთი, იმიტომ, რომ ჩრდილოეთ კავკასიის (ვოლგა-დონს შორის მოქცეულ ტერიტორიაზე მყოფ) ხალხთა ისტორია, თვით მ. არტამონოვის განცხადებით, დღესაც სრულად არაა შესწავლილი და ზუსტად არაა იცნო VI ს-მდე იქ ვინ, სად ან რა დროიდან ცხოვრობდა. მეორე, ჩვენთვის გაუგებარია, რას გულისხმობს ავტორი „ხაზართა შესახებ ყველაზე უტყუარ მოხსენიებად“, მაგრამ არსებობს დ. დანლოპისა და ე. პარკერის მიერ გამოთქმული მოსაზრება, რომ ხაზარები ევროპაში მოვიდნენ ჰუნებთან ერთად²⁵. ჰუნები კი ანტიკური ხანის ცნობილი გეოგრაფის პტოლემეაიოსის ცნობით, მდინარე დნეპრის ნაპირებთან ჩანან ჯერ კიდევ II საუკუნეში²⁶. ევროპაში მათი მოსვლის თარიღად III ს. ასახელებს V ს. სომეხი ისტორიკოსი ალათანგელოსი²⁷. IV ს. ბერძენი ავტორის ამიანე მარკელონის დროს, ჰუნები ცხოვრობდნენ აზოვის ზღვის სანაპირო ველებში²⁸ და ჩრდილოეთ კავკასიაში, საიდანაც თავს ესხმოდნენ ა/კავკასიას²⁹.

²⁴ М. И. Артамонов, *დასახ. ნაშრომი*, გვ. 116 ასეთი მოსაზრებისაა დ. დანლოპიძე მისი თქმით, მსგავსად არაბი ავტორებისა, ლეონტი მროველი და მოსე კალანკატველი „წინა დროის ამბებს, რაც ჩრდილო კავკასიას უკავშირდებოდა, ხაზარებს მიაწერდნენ“ (დ. დანლოპიძე, *დასახ. ნაშრომი*, გვ. 7).

²⁵ D. M. Dunlop. *The History of the Jewish Khazars*. Princeton University Press, New-Jersey, 1954. გვ. 35; E. H. Parker. *A Thousand years of the Tatars*. Ed. II. გვ. 198.

²⁶ Известия древних писателей греческих и латинских о Скифии и Кавказе. Собрал и издал с русским переводом В. В. Латышев. Т. I, СПб., 1890, с. 232.

²⁷ К. Патканьян, Опыт истории династии Сасанидов по сведениям, сообщаемым армянскими писателями. Труды Восточного отделения Археологического общества, часть XIV, СПб., с. 20—21; Тревер К. В. Очерки по истории и культуре Кавказской Албании IV в. до н. э.—VII в. н. э. М.—Л., 1959, с. 193.

²⁸ Амнан Марцелин, История, Перевод с латинского Ю. Кулаковского. вып. I—III, Киев, 1906—1908. с. 236—243.

²⁹ К. Патканьян, *დასახ. ნაშრომი*, გვ. 20—21. ჰუნები რომ ნამდვილად

ხაზარები რომ ნამდვილად VI ს-მდე დიდი ხნით ადრე მოსულან ჩრდილოეთ კავკასიაში ამას სხვა მონაცემებიც ადასტურებს. მაგალითად, მ. არტამონოვის თქმით, ხაზარები ურალისპირეთიდან დასავლეთისაკენ გაუძევებია სავირებს³⁰. სავირები, ანუ (საბირები) კი, რომლებსაც ზაქარია რიტორი, კომეს მარცელინი, თეოფანე აღმსარებელი, პროკოფი კესარიელი (VI ს.), ივ. ჯავახიშვილი და ს. ჯანაშია ჰუნებად მიიჩნევენ³¹, პტოლემეაიოსის ცნობით, II ს-ში მდინარე დონის ნაპირებთან ცხოვრობდნენ³², ხოლო სტეფანე ბიზანტიელის გადმოცემით, შავიზღვისპირეთსა³³ და ჩრდილოეთ კავკასიას ფლობდნენ.

მესამე, როცა მ. არტამანოვი ალ-ბალაზურის ცნობის ანაქრონიზმულობაზე მსჯელობს, მხედველობაში აქვს ის გარემოება, რომ არაბი ავტორი ახსენებს I და II არმინიას. I, II, III და IV არმინიად დაყოფა კი კუბაზის მეფობაზე გაცილებით გვიან, კერძოდ 536 წელს მოხდა³⁴. მაგრამ წყაროს ცნობის შინაარსის ამგვარი გაგება, ვფიქრობთ, მისი დამახინჯებაა, რადგან მასში ნამდვილად ის კი არაა ნათქვამი, ხაზართა აღნიშნული ლაშქრობა მაშინ მოხდა, როცა უკვე I და II არმინია არსებობდა, არამედ სწორედ ის, რომ ხაზარები გამოდიოდნენ, თავს ესხმოდნენ და იპყრობდნენ ირანის ხელქვეშ მოქცეული კავკასიის იმ ტერიტორიას, რასაც IX ს-ში (როცა ალ-ბალაზური თავის თხზულებას წერდა) I და II არმინია ერქვა.

IV ს-ში ვოლგა-დუნაის შორის მოქცეულ ტერიტორიებს ფლობდნენ და თავს ესხმოდნენ სამხრეთის ქვეყნებს ამას ამტკიცებს კ. ცეგელიც (იხ. მისი „პეტრე იბერის სირიული ცხოვრების გამო“, კრებულში „აღმოსავლური ფილოლოგია“, თბ., 1969, გვ. 7—14).

³⁰ М. И. Артамонов, *დასახ. ნაშრომი*, გვ. 66.

³¹ Н. В. Пигулевская, *Спиритские источники по истории народов СССР, Хроника Захария Ритора*. М.—Л., 1941, с. 165; *Летопись византийца Феофана от Диоклетиана до Царей Михаила и сына его Феофилакта*. Перевод В. И. Оболенского и Ф. А. Терповского б/г. ЧМОИДР, 1884—1887, с. 126—129; Прокопий Кесарийский, *История войн римлян с персами в двух частях (книгах)*. Перевод с греческого Спиридона Дестуниса. СПб., 1862, с. 74, 407; ივ. ჯავახიშვილი *ქართველი ერის ისტორია*, თბ., 1960, ტ. I, გვ. 427; ს. ჯანაშია, *შრომები*, II, თბ., 1952, გვ. 369.

³² В. В. Латышев, *Известия древних писателей...*, I, с. 231.

³³ იქვე, გვ. 265.

³⁴ М. И. Артамонов, *დასახ. ნაშრომი*, გვ. 117.

მეთხე, არ შეიძლება ხელაღებით ვენდოთ ბიზანტიელი მწერლების იმ ცნობებს, რომელთაც სხვაგან პარალელი არ დაეძებნებათ და უნდობლობა გამოჟუცხადოთ სომეხი, არაბი და ქართველი ავტორების მონაცემებს. ძნელზეძნელი დასაჯერებელია, ფალაური წყაროების ავტორებს, რომელთა ცნობებით, თვით მ. არტამონოვისა და ზ. ბუნიათოვის აღიარებით³⁵, არაბი მწერლები სარგებლობდნენ, არ სცოდნოდათ ვის ებრძოდა ირანი კავკასიაში —სავირებს თუ ხაზარებს. ვფიქრობთ, არც სომეხი ისტორიკოსები იქნებოდნენ მარტო ზეპირი გადმოცემების შემყურე. გასათვალისწინებელია ისიც, რომ რომელიმე ძლიერი პოლიტიკური გაერთიანება შედგებოდა სხვადასხვა ეთნიკური ჯგუფისაგან, რომელიც ძალიან ხშირად მოქმედებდა როგორც დამოუკიდებელი პოლიტიკური ერთეული. მისთვის პოლიტიკური ჰეგემონობის უქონლობა სრულიადაც არ ნიშნავდა ეთნიკურად არ არსებობას. ამიტომ, ალბათ, უფრო დასაშვებია იქნებოდა გვეფიქრა, რომ იმიერკავკასიაში არსებობდა სავირთა ძლიერი სამეფო და მასში შემავალი ხაზართა ეთნიკურ-პოლიტიკური ერთეული, რომელიც უშუალოდ ესაზღვრებოდა იმიერკავკასიას და საკუთარი ნება-სურვილითა თუ სიუზერენის ბრძანებით თავს ესხმოდა სამხრეთელ მეზობლებს³⁶.

ნამდვილად ასე იყო თუ არა ეს, ამაზე საბოლოო პასუხს მომავალი კვლევა-ძიება გასცემს. მაგრამ როგორიც არ უნდა იყოს ეს პა-

³⁵ М. И. Артамонов, დასახ. ნაშრომი, გვ. 116; З. Бунятов, დასახ. ნაშრომი, გვ. 39.

³⁶ ამიტომ მ. არტამონოვი ერთ ადგილას სრულიად მართებულად აღნიშნავს, რომ «Хазары..., о которых говорится у Табарни, могла при этом играть только второстепенную роль, как часть савирского ополчения..., что в состав савир находились хазары, или наоборот, савиры были в составе хазар... Такое смещение савир и хазар может объясняться только тем, что те и другие переплетались между собой составляли одно и то же военно-политическое объединение, во главе которого, однако стояли савиры» (М. Артамонов, დასახ. ნაშრ. გვ. 126—127). მაშასადავე, არსებობდა სავირ-ხაზართა პოლიტიკური გაერთიანება და ამიტომაც, რომ აღბალაზური ხაზარებსა და თურქებს ერთმანეთის სინონიმებად ხმარობს, (Балadzори, დასახ. ნაშრომი, გვ. 5—6). მათ შორის იგივეობის ნიშანს სვამს აგრეთვე ალ. გამყრელიძეც. (ალ. გამყრელიძე, ნოკოფორე კონსტანტინეპოლის ცნობები ირაკლი კეისრის საქართველოს დაშტრობის შესახებ. მასალები საქართველოს და კავკასიის ისტორიისათვის. ნაკვ. 31, თბ., 1954, გვ. 220. ამ საკითხთან დაკავშირებით იხ. აგრეთვე მ. არტამონოვი, დასახ. ნაშრომი, გვ. 155—156.

სუბი — დადებითი თუ უარყოფითი, ერთი რამ, რასაც არსებითი მნიშვნელობა აქვს, ახლავე ნათელია: IV ს-იდან დაწყებული საქართველო ალბანეთთან და ნაწილობრივ სომხეთთან ერთად იმიერკავკასიიდან მოძალებულ მომთაბარე ტომთა სათარეშო ასპარეზს წარმოადგენდა, რაც სერიოზულად აფერხებდა ამიერკავკასიის ქვეყნებისა და მოსახლეობის ნორმალურ განვითარებას.

თუ რაოდენ ძლიერი და საშიში უნდა ყოფილიყო ეს შემოსევები კარგად ჩანს არაბ მწერალთა იმ ცნობებიდანაც, რომლებიც ირანის შაჰების მიერ ჩრდილოეთში გატარებულ თავდაცვითი ხასიათის ღონისძიებათა მთელ სისტემას ეხებიან. როგორც უკვე აღვნიშნეთ, ალბალაზურის ცნობით, ამიერკავკასიიდან ხაზარების განდევნის შემდეგ კუბაზ I-ს დაუარსებია ქალაქები: ბაილაკანი, ბარდავი და კაბალა, ანუ ხაზარი. შირვანსა და დარიალს შორის გაუვლია ზღუდე, ხოლო ზღუდის გასწვრივ მთელ სივრცეზე აუშენებია 360 ქალაქი, ანუ, უფრო ზუსტად, 360 გამაგრებული სამხედრო დაბა (მადინა).

კუბაზის დაწყებულ საქმეს განაგრძობდა მისი მემკვიდრე, წყაროებში ერთობ განხაურებული ხოსრო I ანუ შირვანი (531—579). ირან-ბიზანტიის ომის (552—556) დამთავრებისთანავე, იგი იმაში დარწმუნებული, რომ მამამისის მიერ გატარებული ღონისძიებანი ჩრდილოეთის საზღვრის დასაცავად საკმარისი არ იყო და მ. კალანკატვაცის მიხედვით, ხაზარები³⁷, ხოლო პროკოფი კესარიელის ცნობით, სავირები³⁸ მაინც ახერხებდნენ ამიერკავკასიაში შემოსვლას, ახლა უფრო ძლიერი კედლის შენებას შეუდგა. თანახმად ლეგენდისა, რომელმაც ჩვენამდე მოაღწია IX ს. არაბი მწერლის ალ-ბალაზურის თხზულების მეშვეობით, ანუ შირვანმა ააშენა ქალაქები: შაბარანი, მასკატი, ბაბუ ლ-აბვაბი და ჩაასახლა მათში სიასიჯებად (السياسيين)³⁹

³⁷ История Алван, с. 90.

³⁸ Прокопий (из Кесарий), Война с готами. Книги V—VIII из истории войн Юстиниана с персами, вандалами и готами. Перевод с греческого С. П. Кондратьева. М., 1950, с. 292—293, 416.

³⁹ იბნ კუდამა წერს: السياسيين, ხოლო ალ-მასუ'დი — الساسانيين, რაც სენ მარტენის წაჯთხებით უნდა იყოს „Sisag“-ის ტომი (M. Vivian Saint Martin, Mémoires sur l'Arménien, I, გვ. 207—214), ხოლო ა. ქრისტენსენის წაჯთხებით — „nišāstaghān“ — მოახალშენე (A. Christensen, L'Iran sous les Sassanides, 1944, გვ. 369). ს. ერემიანის მიხედვით აქ უნდა იგულისხმებოდნენ სომხეთის პროვინციის სისაკანის მცხოვრებნი (Очерки истории СССР, с. 317).

წოდებული ხალხი. შემდეგ ხაზართა მეფეს⁴⁰ ზავი, მეგობრობა, თავ-
დაცვითი კავშირი შესთავაზა და თვითონ მის ასულზე იქორწინა,
ხოლო მას თავისი ერთ-ერთი ცოლის ნიერ ნაშვილები ქალიშვილი
საკუთარ ასულად შეატყუა. ცოტა ხნის შემდეგ ხაკანი და შაჰი ერთ-
მანეთს შეხედნენ ალ-ბარშელში. ლხინი რამდენიმე დღეს გაგრძელ-
და. ერთ ღამეს, ხოსროს ბრძანებით მისმა სანდო პირებმა ხაზართა
მეფის ბანაკს ცეცხლი წაუკიდეს. იგივე განმეორდა რამდენიმე ღამის
შემდეგაც. ხაკანი ამის გამო განრისხდა და შაჰი საყვედურებით აავსო.
ხოსრომ კი თავი ისე დაიკირა თითქოს ხანძრის შესახებ არაფერი
იცოდა და რომ ამაში ხაკანიც დაერწმუნებინა ახლა თავის კაცებს
საკუთარი ბანაკისათვის ხანძრის გაჩენა უბრძანა. მეორე დღით ანუ-
შირვანმა თავის სტუმარს ხმამალა უსაყვედურა: „შენი ხალხი ისე
გაქოფაქდა, ჩემი ბანაკისა და კარვის დაქცევა მოინდობაო“. ხაკანმა
ბოდიში მოიხადა და დაიწყო იმის მტკიცება, რომ მან ხანძრის შე-
სახებ არაფერი იცოდა. ანუშირვანმა განუცხადა, რომ სჯერა მისი
და თან დასძინა: „როგორც ხედავ ჩვენი ჭარები უკმაყოფილო არიან
მიღწეული საზავო შეთანხმებით, ვშიშობ არ აჯანყდნენ და მეგო-
ბარ-ნათესავეები ისევ ერთმანეთს მტრებად არ გადაგვეკიდონ. ამიტომ
თუ ნებას დამრთავ ჩვენს სამფლობელოებს შორის კედელს გავავ-
ლებ, მას კარებს გავუკეთებ და ვერავინ ჩვენი სურვილის გარეშე
ვერც შენთან შემოვა და ვერც ჩემთან. ხაზარი დათანხმდა და შინი-
საკენ გაბრუნდა. ანუშირვანმა კი ქვის ლოდებისა და ტყვიისაგან 300
წყრთის სიმადლის⁴¹ კედლის შენება დაიწყო მთასა და ზღვას შორის.
შემდეგ სამი მილის სიგრძეზე ზღვაც ქვით ამოავსო და იქაც კედ-
ლი აავსო, ხოლო როცა მასაც მორჩა კედელს რკინის კარები გაუკეთა
და მის დარაჯად 100-კაციანი რაზმი ჩააყენა იქვე აშენებულ მოძრავ
კოშკში⁴².

ცხადია ამ ლეგენდაში ბევრი რამ შეიძლება გაზვიადებული
იყოს, მაგრამ თვით მისი შექმნა უდავოდ რაღაც რეალურ სინამდვი-

40 სხვა ცნობით ეს უნდა იყოს „თურქრთა“ ხაკანი ისტემი, რომელსაც
ზოგჯერ ღიზაბულას სახელთაც მოიხსენებენ (M. H. Артамонов, დასახ.
ნაშრომი, გვ. 133—136).

41 იბნ ალ-ფაკიბი კი სიმადლის ნაცელად „სიგანეს“ ამბობს (СМОНПК, XXXI
с. 17).

42 Exerplae Kitab al-kharadj auctore Kudamaibn Djafar, Bibliotheka Geo-
graphorum arabicorum. Ed. M. J. de Goeje, Lugd. — Batav., 1889, t. VI, გვ.
256, 260—261; Н. А. Караулов, Сведения арабских писателей о Кав-
казе, Армении и Азербайджане. СМОНПК, Тифлис, 1903, XXXII, с. 29—33.

ლეს უნდა ემყარებოდეს. ამის დასტურია, როგორც სხვა ნარატიულ წყაროებში დაცული ცნობები⁴³, ისე თვით ეს კედელი, რომელიც დღესაც რეალურად არსებობს და მნახველთა გაკვირვებას იწვევს. თითოეული კედლისა (ასეთი ყი აქ რამდენიმეა) და ციხე-ქალაქის აშენება დიდ დროს, უამრავი ადამიანისა და მუშა პირუტყვის უზარმაზარ შრომას, აურაცხელ სურსათ-სანოვავებს, ფინანსებსა და სხვა მატერიალურ ხარჯებს მოითხოვდა. ამის გამგები ყი სხვა ვინ უნდა ყოფილიყო თუ არა ალბანეთის, საქართველოსა და სომხეთის მოსახლეობა. ამიტომ გასაგებია მემატიანის სევდიანი ხმით ნათქვამი: „სპარსელმა მეფეებმა ჩვენი ქვეყანა დააძაბუნესო“⁴⁴. და მერე, განა მართო ისინი აქცევდნენ ამიერკავკასიის ქვეყნებს? მათ დასუსტებაში თანაბარი წვლილი მიუძღვით აგრეთვე ბიზანტიელებსა და ჩრდილოეთ კავკასიაში გაბატონებულ ნომად ტომებს. ისინიც, ისე როგორც სპარსელები, დაპყრობილი ხალხების მძიმე გადასახადებით დაბეგრას ყი არა, მათ აყრა-გადასახლებასა და ფიზიკურ მოსპობასაც არ ერიდებოდნენ. საამისო ცნობები საძებარი არ არის. მენანდრეს თქმით, „ბიზანტიელი სარდლები ქვეყანას სპობდნენ, მის მოსახლეობას ჰყრიდნენ და სხვაგან ასახლებდნენ“⁴⁵. ასეთსავე სურათს გვიხატავს პროკოფი კესარიელიც. მისი ცნობით, ხოსრო ანუ შირვანმა განიზრახა დასაუღეთ საქართველოში საქმე ისე მოეწყო, რომ ხალხს აჯანყება ველარ მოეხერხებინა. ამიტომ გადაწყვიტა ლაზიკის მეფის გუბაზის მოკვლა, ლაზიკიდან ყველა მცხოვრებთა სპარსეთში გადასახლება და ლაზიკაში სპარსელებისა და სხვა ტომის ხალხთა დაბანაკება⁴⁶.

სისასტიკეში ხაზარები ტოლს არავის უდებდნენ. ბიზანტიის მოკავშირე ხაკანმა თავის ძმისშვილს შათეს, როცა ეს უკანასკნელი თბილისის ასაღებად გამოსიტუმრა, უბრძანა: წინააღმდეგობის გაწევის შემთხვევაში არ დაენდო არავინ; 15 წლამდე ასაკის გოგო-

⁴³ Баладзори, с. 6—7; Абу-л-Фарадж Кудама-Ибн Джафар ибн Кудама (СМОМПК, XXII, Тифлис, 1903, с. 31—33).

⁴⁴ История Алван, с. 105; К. В. Тревер, Очерки по истории и культуре Кавказской Албании. М.—Л., 1959, с. 271.

⁴⁵ Византийские историки. Перевод с греческого С. Дестуниса. Менаандр Византиец. История за период 558—583 г. н. э. СПб., 1860, с. 411—412.

⁴⁶ Прокопий Кесарийский, История войны римлян с персами в двух частях (книгах). Перевод с древнегреческого Спиридона Дестунина, СПб., 1862, с. 284—285; ივ. ჯავახიშვილი, ქართველი ერის ისტორია, თბ., 1960, ტ. 1, გვ. 249.

ბიჭები ხაზარეთში გაერეკა მონა-მსახურებად, ხოლო უფროსი ასაკისა კი ყველა გაეწყვიტა⁴⁷. სარდალმა დანაბარები პირნათლად შეასრულა. 628 წელს თბილისში შექრილმა „ხაზარებმა ველური სი-სასტიკით გაჟლიტეს ყველა, განურჩევლად სქესისა და ასაკისა“⁴⁸.

იმ თავდაცვითი ხასიათის ვრცელ გეგმაში, რომელსაც სასანური ირანის ცენტრალური ხელისუფლება „ჯარბის“, ანუ ჩრდილოეთის განსაკუთრებულ „კუსტაკში“ ანხორციელებდა, გარკვეული ადგილი ეკავა სამხედრო სტრატეგიული თვალსაზრისით მეტად მნიშვნელოვანი სასაზღვრო პუნქტის ქალაქ თბილისის გამაგრებას.

თბილისს, აღმოსავლეთ საქართველოს ამ ერთ-ერთ უძველეს დასახლებულ ადგილს, მოხერხებული და ამავე დროს მნიშვნელოვანი მდებარეობა ჰქონდა. იგი იმ მთავარ სავაჭრო-სატრანზიტო გზაზე იყო, რომელიც მტკვრის ხეობას თავიდან ბოლომდე გასდევდა და ერთმანეთთან აკავშირებდა აღმოსავლეთის, დასავლეთისა და სამხრეთის ქვეყნებს. ესა და, გარდა ამისა, მდინარის კლდოვანი ნაპირები და დასავლეთიდან ზედ მიკრული მთები თბილისს ძნელად მისასვლელს რომ ხდიდა, მისი დაწინაურების კარგ პერსპექტივას ქმნიდა. IV ს. II ნახევარში, როცა ირანელთა თავდასხმის საშიშროება გაძლიერდა, ქართლის მეფეებმა თბილისში ციხესიმაგრე ააგეს და მას მცხეთის დაცვა დააკისრეს, ხოლო როდესაც იმავე საუკუნის დასასრულს ქართლი ირანელებმა დაიპყრეს და საპიტიახშოდ გამოაცხადეს, თბილისი პიტიახშის ადგილსამყოფელი ქალაქი გახდა. ეს იყო მცხეთის როგორც ქვეყნის პოლიტიკურ-იდეური ცენტრის თანდათანობითი დამცრობის პროცესის დასაწყისი, რაც, მართალია, V ს. ში გარკვეული დროით შეჩერდა, მაგრამ შემდეგ იმით დამთავრდა, რომ ვახტანგ გორგასალმა თბილისი შემოზღუდა, ხოლო მისმა მემკვიდრემ დარჩიმ (VI ს.) ის დედაქალაქად გამოაცხადა. პირველი ცნობა, სადაც თბილისი იბერთა დედაქალაქად იხსენიება, დათარიღებულია 571 წლით და ეკუთვნის VI ს. ბიზანტიელ ისტორიკოსს თეოფანეს⁴⁹. ამ დროისათვის თბილისი უკვე ირანელთა ხელშია და წარმოადგენს სამხედრო-სტრატეგიული მნიშვნელობის მსხვილ სასაზღვრო პუნქტს, რომელსაც საქიროების შემთხვევაში უნდა შეეკავებინა ბიზანტიელთა მხრიდან მოსალოდნელი თავდასხმები და დარი-

⁴⁷ История Алван, с. 121; З. Бунятов, დასახ. ნაშრომი, გვ. 50.

⁴⁸ საქართველის ისტორიის ნარკვევები, თბ., 1973, ტ. II, გვ. 281.

⁴⁹ თ. მე ს ხ ი ა, დ. გ ვ რ ი ტ ი შ ვ ი ლ ი, მ. დ უ მ ბ ა ძ ე, ა. ს უ რ გულაძე, თბილისის ისტორია, თბ., 1958, გვ. 13.

ალის ზეობიდან მოძალეებული ჩრდილოეთ კავკასიის ტომთა შემოსევებიც. ამ მისიის შესასრულებლად საჭირო იყო თბილისის გამაგრება. როგორც აღ-იაკუთი აღნიშნავს, ხოსრო ანუ შირვანშა მაშინ, როცა ბაბუ ლ-აბუბი ააშენა, თბილისის პირდაპირ, მდინარე მტკვრის აღმოსავლეთ ნაპირზე ქალაქი სულდუბილი⁵⁰ დააარსა, სპარსული მოღვმის ას-სულდის ხალხით დასახლა და საგუშაგოდ გააქეთა⁵¹, ანუ საგუშაგოდ აქცია.

იაკუთის ამ ცნობაში, რომელიც აღ-ბალაზურის, ატ-ტაბარის, იბნ ხურდაზბიძის, იბნ აღ-ფაკიძისა და სხვათა მონაცემებზეა აგებული, სრულიად გარკვევით ჩანს ამ ახალი გეოგრაფიული პუნქტის ადგილმდებარეობაც, მისი დანიშნულებაც, დაარსების დროც, დამაარსებელიც და ისიც კი, თუ ვისით იყო დასახლებული და რატომ მიიღო „სულდუბილის“ ან „სულდაბილის“ სახელწოდება. მგარამ, მიუხედავად ამისა, მისი ადგილმდებარეობის, დამაარსებლის ვინაობის, მოსახლეობისა და სახელწოდების საკითხები მაინც სადავოდაა ქცეული, რადგან ჩამოთვლილ ავტორთა ცნობებში არსებობს ერთგვარი განსხვავება, წინააღმდეგობა და, მამასადამე, შეცდომები; რაც შეუძინეველი არ დარჩენია მკვლევართ. მაგალითად, იბნ ხურდაზბიძთან სულდუბილი და ჯურზანი (ქართლი) მოთავსებულია II არმინიაში, თბილისი — I არმინიაში. ამავ დროს ჯურზანი ამ შემთხვევაში ქალაქია⁵². ასეთივე მდგომარეობაა იბნ აღ-ფაკიძთანაც. გარდა იმისა, რომ სულდუბილი და თბილისი მასთან სრულიად სხვადასხვა ტერიტორიულ-ადმინისტრაციულ ერთეულებშია მოთავსებული, ჯურზანი ერთ შემთხვევაში ქალაქია და სულდუბილთან ერთად II არმინიაში შედის, მეორე შემთხვევაში ოლქადაა მოხსენიებული⁵³. იბნ რუ-

⁵⁰ ადრეფეოდალური ხანის ქალაქი (მადინა) ზღუდეშემოვლებული დასახლებაა, ცხნით ან უცხნოდ. სულდუბილი მისი დაარსებისას სათვალთვალო კოშკის მქონე სამხედრო დაბის ტიპის შემორჩეული პუნქტი ჩანს.

⁵¹ صغدييل.. مدينة... على نهر الكر من جانب الشرقى قبالة قفليس بناها كسرى انوشروان العادل حيث بنى باب الابواب و انزلها قوما من اهل الصغد من ابناء فارس و جمعا مسلحة (იაკუთის ცნობები საქართველოსა და კავკასიის შესახებ. ნაკვ. I, არაბული ტექსტი ქართული თარგმანითა და შესავალით გამოსცა ე. სიხარულიძემ, თბ., 1964, თარგმანი გვ. 71, ტექსტი გვ. 74—75).

⁵² Н. А. Караулов. Сведения арабских писателей о Кавказе, Армении и Азербайджане (СМОМПК, 1903, вып. XXXII, с. 12—15).

⁵³ СМОМПК, 1902, вып. XXXI, с. 12—15.

სთესთან კი სულდუბილია ოლქად გამოცხადებულნი⁵⁴ და ეს მაშინ, როცა სხვა ავტორები: ბალაზური⁵⁵, ატ-ტაბარი⁵⁶, ალ-მასუდი⁵⁷, იაკუთი⁵⁸ და იბნ ალ-ასირი⁵⁹ სულდუბილს ქალქად (მადინად) მოიხსენიებენ.

სწორედ ამ გარემოებამ და გარდა ამისა იმანაც, რომ ქართულ წყაროებში სულდუბილი არსად იხსენიება, უბიძგა მკვლევართ კრიტიკულად მოპყრობოდნენ იაკუთის ცნობას და ექვი შეეტანათ მის სრულ სანდოობაში.

1. საექვოდაა მიჩნეული ის რომ სულდუბილი ხოსრო ანუ შირვანშა დაარსა (მ. ლორთქიფანიძე, ო. ცქიტიშვილი, თ. გამსახურდია), თუმცა ამას ვერ ასაბუთებენ და მხოლოდ იმის აღნიშვნით კმაყოფილდებიან, რომ ეს გაცილებით გვიანდელი მოვლენაა არაბი და არაბულენოვანი ავტორების მიერ „წინამუსლიმურ ხანაში გადატანილი“⁶⁰ და „ტრადიციისამებრ ხოსრო ანუ შირვანისადმი მიწერილი“⁶¹.

2. საექვოდაა მიჩნეული აგრეთვე სულდუბილის ადგილმდებარეობაზე. ამ საკითხთან დაკავშირებით სპეციალურ ლიტერატურაში გამოთქმულია ერთმანეთის გამომრიცხველი რამდენიმე აზრი. მარი ბროსეს თანახმად, სულდუბილი იგივე ცურტაეია⁶², ხოლო ი. მარქვარტი სულდუბილს თბილისის „კალასთან“ აიგივებს⁶³.

მ. ბროსეს ეს შეხედულება ღაზარაიანმა უარყო და აღნიშნა, რომ ცურტაეი, რომელსაც გაჩიანთან აიგივებენ, არ იყო მტკვარზე, ამ-

⁵⁴ СМОМПК, вып. XXXII, с. 42—43.

⁵⁵ Балазори, Книга завоевания стран. Текст и перевод П. К. Жузе. Материалы по истории Азербайджана. Баку. 1927, с. 6 (ტექსტი, გვ. 4).

⁵⁶ ატ-ტაბარი, დასახ. თხზულება, დე გუეს გამოც., III, გვ. 1416; გ. წერეთელი, არაბული ქრესტომათია, თბ., 1949, გვ. 66; ო. ცქიტიშვილი, ძველი თბილისის ისტორიიდან, საქართველოს მეცნ. აკადემიის საზოგადოებრივ მეცნიერებათა განყოფილების „მომამბე“, თბ., 1963, № 5, გვ. 154.

⁵⁷ Bibliotheca Geographorum arabicorum. Ed. M. J. de Goeje, Lugd.—Batavorum. 1894. t. VIII. გვ. 62 (შემდეგ მოკლედ—B.G.A.).

⁵⁸ ე. სიხარულიძე, იაკუთის ცნობები... არაბ. ტექსტი, გვ. 74, თარგმან. 71.

⁵⁹ Материалы по истории Азербайджана из «Тарих-ал-Камиль» (Полного свода истории) Ибн ал-Асфра. Перевод с арабского П. К. Жузе. Баку, 1940, с. 10.

⁶⁰ ო. ცქიტიშვილი, დასახ. ნაშრომი, გვ. 146, 154.

⁶¹ საქართველოს ისტორიის ნარკვევები, თბ., 1973, ტ. II, გვ. 352.

⁶² Histoire de la Géorgie, trad. M. Brosset. St.—P., 1849. I, გვ. 109.

⁶³ J. Marquart, Osteuropäische und Ostasiatische Streifzüge, Leipzig, 1903, გვ. 394.

დენად, მისი იდენტიფიცირება სულდუბილთან შეცდომაა⁶⁴. ცურტა-ვის გაიგივება სულდუბილთან შეუძლებლად მიიჩნია აგრეთვე მ. ლორთქიფანიძეს, რადგან სულდუბილი სასაზღვრო პუნქტი იყო, ცურტავი კი არა⁶⁵.

უარყოფილია ი. მარქვარტის შეხედულებაც. არაბი და არაბულენოვანი მწერლების, აგრეთვე ქართულ წყაროთა მონაცემების საფუძველზე ვ. მინორსკიმ უჩვენა, რომ სულდუბილი მდებარეობდა მდინარე მტკვრის მარცხენა ნაპირზე, სადაც შემდეგ ისანი იყო⁶⁶. ამ მოსაზრებას სრულიად მართებულად იზიარებენ ქართველი მეცნიერები: მ. ლორთქიფანიძე⁶⁷, ო. ცქიტიშვილი⁶⁸ და თ. გამსახურდია⁶⁹. მართლაც, რაკი იაკუთისა და სხვა არაბი ავტორების (ატ-ტაბარი) ცნობებიდან აშკარად ჩანს, რომ სულდუბილი სამხედრო დაბის ტიპის დასახლება (მადინა) იყო და თბილისის დამცავ საგუშაგოს ფუნქციას ასრულებდა, ცხადია, ის იქ უნდა ყოფილიყო, საიდანაც ყველაზე კარგად მოახერხებდა თავისი მოვალეობის შესრულებას. ასეთი ადგილი მაშინდელი თბილისის (აბანოების უბნის) პირდაპირ, მტკვრის მარცხენა მხარეს, მხოლოდ ის იქნებოდა, რომელსაც თამარის პირველი ისტორიკოსი ისნის ველსა და სალოდებლის სანახებს (გარეუბანს) უწოდებს⁷⁰.

3. განაკუთრებულ დავას იწვევს თვით სახელწოდება „სულდუბილი“. არაბი და არაბულენოვანი ავტორების: ბალაზურის, იბნ ალფაკიჰის, იაკუთისა და იბნ ალ-ასირის თანახმად, „სულდუბილი“ ესაა ეთნიკური წარმოშობის გეოგრაფიული სახელი, მასში ჩასახლებული სპარსული მოდგმის ხალხის — სულდების (სოლდების) მიხედვით შერქმეული⁷¹. ამ შეხედულებას იცავენ შ. მესხია და მ. ლორთქიფა-

⁶⁴ M. Chazarian. Armenien unter den arabischen Herrschaft bis Zur Entstehung des Bagratiden reiches, Marburg. 1903, გვ. 224.

⁶⁵ მ. ლორთქიფანიძე, ძველი თბილისის ისტორიული გეოგრაფიიდან, მასალები საქართველოსა და კავკასიის ისტორიისათვის, თბ., 1954, ნაკვ. 30, გვ. 160.

⁶⁶ V. Minorisky. Isani—Sughdabil. Enziklopedie des Islam—Tiflis, Leipzig, 1908—1913, გვ. 818.

⁶⁷ მ. ლორთქიფანიძე, დასახ. ნაშრომი, მსკი, 30, გვ. 160.

⁶⁸ ო. ცქიტიშვილი, დასახ. ნაშრომი, გვ. 143 და შმდ.

⁶⁹ საქართველოს ისტორიის ნარკვევები, თბ., 1973, II, გვ. 352.

⁷⁰ ქართლის ცხოვრება, II, თბ., 1959, გვ. 31.

⁷¹ Материалы по истории Азербайджана, Баку, 1927, выд. II, არაბული ტექსტი გვ. 3—4, თარგმანი—6; СМОМПК, XXXI, с. 14—15. იაკუთის ცნობები

ნიძე⁷². მაგრამ მათგან განსხვავებით ვ. მინორსკიმ სულდუბილის ეტიმოლოგია ქართულ წყაროში, კერძოდ იოანე საბანისძის „აბო ტფილელის მარტილობაში“ მოხსენიებულ „საგოდებელს“, ანუ სსაფლაოს დაუკავშირა და აღნიშნა: „სულდაბილ“ ფორმა ქართული „საგოდებელის“ გაარაბულების, მასში „განის“ „ღართ“ შეცვლის გზით არის მიღებული⁷³.

ვინც ვ. მინორსკის ამ მოსაზრებას გაიზიარებდა მას, ბუნებრივია, მეცნიერულად უნდა დაემტკიცებინა, რომ არაბი მწერლების ცნობები სულდუბილისა და მასში სულდების დასახლების შესახებ მცდარია. ამ ამოცანის გადაწყვეტა სცადა ო. ცქიტიშვილმა. მან არაბი და არაბულენოვანი ავტორები, რომლებიც სულდუბილს იხსენიებენ ან მასზე მსჯელობენ, სამ ჯგუფად დაჰყო. პირველ ჯგუფს მიაკუთვნა იბნ ხურდაზბიძი, იბნ ალ-ფაკიძი და იბნ რუსთე, ე. ი. ის ავტორები, ვისთანაც სულდუბილი მაღინაცაა და ოლქიც. ავტორთა მეორე ჯგუფში მოათავსა ალ-ბალაზური, ალ-იაკუთი (და, ალბათ, აქვე უნდა შევიდეს იბნ ალ-ასირიცი), რომლებიც ყველაზე თანმიმდევრულნი არიან იმის მტკიცებაში, რომ სულდუბილი ანუშირვანმა ააშენა და სულდებით დასახლა. მესამე ჯგუფში კი მოათავსა ატ-ტაბარი და ალ-მასუდი, რომლებიც, თურმე, გარკვეული სიფრთხილის გამო, მხოლოდ იმას აღნიშნავენ, რომ სულდუბილი ხოსრომ ააშენა და არაფერს ამბობენ მასში სულდების ჩასახლების შესახებ⁷⁴.

ასეთი კლასიფიკაციის შემდეგ, ო. ცქიტიშვილმა პირველი ჯგუფის ავტორები, რომლებიც ვერ ამყლავნებენ საქართველოს გეოგრაფიის საკმაო ცოდნას და სულდუბილს ხან მაღინად იხსენიებენ, ხან ოლქად, მათ სრული უნდობლობა გამოუცხადა და მოხსნა მსჯელობის სფეროდან. დაახლოებით ასე მოექცა იგი მეორე ჯგუფში მოხვედრილ მწერლებსაც. იაკუთი როგორც XII—XIII სს. ავტორი და ხოსრო ანუშირვანის ეპოქიდან ქრონოლოგიურად ძალიან შორს

საქართველოსა და კავკასიის შესახებ. ნაქ. I, თბ., 1964, გვ. 71; Материалы по истории Азербайджана из „Тарих-ал-Қамил“ Ибн ал-Асир, Баку, 1941, с. 10.

⁷² შ. მესხია და სხვ., თბილისის ისტორია, თბ., 1958, გვ. 31; მ. ლორთქიფანიძე, დასახ. ნაშრომი, გვ. 159 და შმდ.

⁷³ V. M i n o r s k y, დასახ. ნაშრომი გვ. 825; მსხვე, Transcaucasica, Journal Asiatique, Juillet—September 1930, გვ. 58; მსხვე, A History of Sharvān and Darband in the 10—th—11—th centuries, Cambridge, 1958, გვ. 25; მსხვე, История Ширвана и Дербенда X—XI веков, М., 1963, с. 46.

⁷⁴ ო. ცქიტიშვილი, დასახ. ნაშრომი, გვ. 145—146.

მღვკომი, არ მიიჩნია სანდო წყაროდ. ამავე მიზეზით ის ექვის თვალი უყურებს ალ-ბალაზურსაც და აღნიშნავს, რომ იგი (და აგრეთვე მისი დროის სხვა მწერლებიც — ბ. ს.) სარგებლობდა ზეპირი გადმოცემით, რომელსაც საუკუნეთა მანძილზე არ შეიძლებოდა გარკვეული ცვლილება არ განეცადა და ისე არ ასახულიყო არაბ მწერალთა ცნობებში, მით უმეტეს, რომ საამისოდ თითქოსდა სათანადო საფუძველზე არსებობდა ქართული „საგოდებელის“ სახით, საიდანაც, მინორსკის თქმით, უნდა იყოს წარმოშობილი „სოლდუბილი“⁷⁵.

იმის დასამტკიცებლად („გასამაგრებლად“), რომ „სულდუბილი“ ქართული „საგოდებელიდანაა“ წარმოშობილი და არასდროს ის სულდუბით არ ყოფილა დასახლებული, ო. ცქიტიშვილი იმოწმებს იოანე საბანისძის „აბო ტფილელის მარტვილობის“ იმ ადგილს, სადაც მწერალი ამბობს: „და ვითარცა გამოიღეს წმიდა იგი გუამი წმიდისა მის გარეშე ქალაქსა და აღიღეს ადგილსა, რომელსა საგოდებელ ეწოდებოდა, რამეთუ მუნ არს საფლავები კაცთა მის ქალაქისათაჲ, მუნ გარდამოიღეს იგი ურმისა მის-გან და დადევს იგი ქუეყანასა. და მოიღეს შეშაჲ და თივაჲ და ნაფთი და დაასხეს გუამსა მას ზედა წმიდისა და დააგზნეს ცეცხლი, ვიდრემდის დაწუნეს კორცნი იგი წმიდისა მოწამისანი ადგილსა მას, რომელ არს აღმოსავლით ციხესა მას ქალაქისასა, რომელსა ჰრქვან სადილეგო, პირსა ზედა კლდისასა, რომელ არს კბოდჭ, კოდჭ მდინარისა მის დიდისაჲ, რომელი განჰვლის აღმოსავლეთით ქალაქსა, ესე არს სახელით მტკუარი“⁷⁶.

ამის შემდეგ ო. ცქიტიშვილი ასკვნის: როგორც მოტანილი ცნობიდან ირკვევა, იმ ადგილს, სადაც აბო ტფილელის გვამი დაუწვავთ, საგოდებელი რქმევია. ხოლო საგოდებელი კი ყოფილა ქალაქ გარეთ, მდინარე მტკვრის მარცხენა კლდოვანი ნაპირის თავზე არსებული თბილისის ციხის, ანუ სადილეგოს აღმოსავლეთით⁷⁷. ვფიქრობთ, საბანისძის ტექსტიდან ასეთი დასკვნის გამოტანა არ უნდა იყოს მართებული. როგორც თვით თხზულებიდან ჩანს, აბოს გვამი ქალაქ გარეთ წაუღიათ და დაუწვავთ თბილისის ციხის, ანუ სადილეგოს აღმოსავლეთით ჩამდინარე მტკვრის

⁷⁵ ო. ცქიტიშვილი, დასახ. ნაშრომი, გვ. 146.

⁷⁶ ძველი ქართული აგიოგრაფიული ლიტერატურის ძეგლები, წიგნი I, თბ., 1964, გვ. 73; იოანე საბანისძე, მარტვილობა აბო ტფილელისა, პროფ. დ. კეკელიძის გამოცემა, ტფილისი, 1935, გვ. 74—75; ო. ცქიტიშვილი, დასახ. ნაშრომი, გვ. 147.

⁷⁷ ო. ცქიტიშვილი, დასახ. ნაშრომი, გვ. 147—179.

მარცხენა კლდოვანი ნაპირის თავზე, იმ ადგილას, სადაც საზოგადო სასოფლო-საგოდებელი ყოფილა, ე. ი. იოანეს „ციხე ქალაქი“, ანუ სადილეგო (სატუსალო) ქალაქ გარეთ, მტკვრის მარცხენა ნაპირზე კი არ არის, არამედ მის მარჯვენა ნაპირზეა, თვით ქალაქში. სპეციალისტების ვარაუდით, ეს უნდა იყოს „ქალა“, რომელიც ჯუანშერიან ცნობით, სტეფანოზ I-ის (IV ს.) დროს ააშენეს⁷⁸, ძველი თბილისის ჩრდილო-დასავლეთით მდებარეობდა და კედლით იყო შემოზღუდული⁷⁹.

მაგრამ დავანებოთ თავი იოანე საბანიძის „ქალაქის ციხის“, ანუ სადილეგოს ადგილმდებარეობის გარკვევას (თუმცა ამასაც ჩვენთვის პრინციპული მნიშვნელობა აქვს) და ვიკითხოთ: რანაირად „ამაგრებს და უტყუარს ხდის“ „აბო ტფილელის მარტვილობა“ ო. ცქიტიშვილის მოსაზრებას იმის შესახებ, რომ „სოლდებილი არასდროს არ ყოფილა დასახლებული სოლდის ტომით და რომ სოლდებილი VIII ს. დასაბრულისათვისაც... დაუსახლებელი ჩანს“⁸⁰, ე. ი. იქ საერთოდ, არასდროს არაეინ არ ყოფილა დასახლებული? ასეთი რამ ჩვენ ამ თხზულებაში არ გვეგულება. არსად არაა ნათქვამი ან თუნდაც მინიშნებული, რომ სულდუბილში არც სულდები სახლებულან და არც სხვა ვინმე. ასეთი რამ იოანეს კიდევაც რომ წამოსცდენოდა, ჩვენ მას მაინც ვერ დავეთანხმებით, რადგან სოლდუბილი ყველას (მათ შორის ო. ცქიტიშვილის) აღიარებით, იყო „მადინა“, ანუ სამხედრო თავდასცვითი ტიპის საგუშაგო პუნქტი (محطة) და ამიტომ დაუსახლებელი ვერავითარ შემთხვევაში ვერ იქნებოდა. ხოლო თუ ეს ასეა (ამაში კი ეჭვის შეტანა შეუძლებელია), მაშინ ბუნებრივად იბადება კითხვა, ვისით უნდა ყოფილიყო ეს „საფორთიფიკაციო ნაგებობა“⁸¹ დასახლებული? ადგილობრივ მოსახლეობას კამ მისიის შესასრულებლად, ალბათ, იქ არ ჩაასახლებდნენ. ასეთი რამ გამოორიცხული უნდა იყოს თუ ანუშირვანის პოლიტიკას გავითვალისწინებთ. ის ხომ, პროკოფი კესარიელის თქმით, მათ „არ ენდობოდა“⁸².

VI ს-ში ირანი მტრულ გარემოცვაში იმყოფებოდა. დასავლეთიდან ბიზანტია ემუქრებოდა, ჩრდილოეთიდან კი თავს ესხმოდნენ იმი-

78 ქართლის ცხოვრება, I, თბ., 1955, გვ. 223—225.

79 უფრო ვრცლად ამის შესახებ იხ. „თბილისის ისტორია“, თბ., 1958, გვ. 29.

80 ო. ცქიტიშვილი, დასახ. ნაშრომი, გვ. 147—149.

81 იქვე, გვ. 150—151.

82 საქართველოს ისტორიის ნარკვევები, თბ., 1973, II, გვ. 254.

ერკავკასიაში გაბატონებული ძლიერი ტომები — ჰუნები, სავირები, საარავგურები, ჰაზარები, სამხრეთ-დასავლეთიდან — არაბები, ხოლო აღმოსავლეთიდან — ეფტალიტები და თურქიტები. ყველა ესენი ხშირად მოქმედებდნენ ბიზანტიის წაქეზებით, მასთან ერთად, ერთდროულად ან ცალ-ცალკე და სხვადასხვა მხრიდან.

ძალიან უჭირდა ირანს იმის გამოც, რომ იგი წარმოადგენდა ეროვნული ნიშნით და იდეოლოგიური (სარწმუნოებრივი) მრწამსით ერთმანეთისაგან მკვეთრად განსხვავებული ქვეყნების კონგლომერატს, რომელშიც შემავალი თითოეული ქვეყანა და ხალხი მუდამ განდგომაზე ფიქრობდა. ამიტომ ხოსრო ანუშირვანი თავის საგარეო და საშინაო პოლიტიკას ისე წარმართავდა, რომ მის წინაშე მდგარი სირთულეები როგორმე დაეძლია და სახელმწიფოს ერთიანობა შეენარჩუნებინა.

იმ დიდმნიშვნელოვან ღონისძიებებს შორის, რომელთაც ანუშირვანი სახელმწიფოს მთლიანობის დასაცავად და ცენტრიდანული ძალების შესასუსტებლად ახორციელებდა, ერთ-ერთი იყო მოსახლეობის ადგილგადანაცვლება, რასაც ის სხვადასხვა საბაბით ახორციელებდა. მაგალითად, VI ს. 40-იან წლებში, ეგრისში ფეხმოკიდებული ირანელების წინააღმდეგ ხმის ამოღება რომ არავის გაებდნა, ხოსრომ, როგორც უკვე ვთქვით, ლაზიკის მეფის გუბაზის მოკვლა, ლაზიკიდან ადგილობრივი მოსახლეობის ირანში გადასახლება და ლაზიკაში ირანელებისა და სხვა უცხო ტომის ხალხთა ჩასახლება გადაწყვიტა⁸³. თუ ამის განხორციელებას მოახერხებდა, მაშინ ხოსრო დასავლეთ საქართველოში მტკიცედ ფეხის მოკიდებასთან ერთად, ცხადია, სერიოზულად დაასუსტებდა მის მოძულე ბიზანტიასაც, რომლის წინააღმდეგ მას საქართველოს ქრისტიანული მოსახლეობა საიმედო ძალად არ გამოადგებოდა.

დაპყრობილი ადგილების მტკიცედ დაცვის, იქ საკუთარი ძალაუფლების დამკვიდრებისა და ადგილობრივი მოსახლეობის დათრგუნვის მიზნით, ირანის შაჰები აგებდნენ აგრეთვე უამრავ სიმაგრეებს, სადაც მხოლოდ და მხოლოდ უცხო ტომის რაზმებს აყენებდნენ. ეს იყო მოსახლეობის ადგილ-გადანაცვლების სხვა, შედარებით უფრო მშვიდობიანი, ნებაყოფლობითი ფორმა და მას ფართო გამოყენება ჰქონდა არა მარტო სასანურ ირანში, არამედ არაბთა სახელმწიფოშიც. წყაროთა მონაცემებიდან ვიცით, რომ ხოსრო ანუშირვანმა ქა-

⁸³ Прокопий Кесарийский, დასახ. ნაშრომი, გვ. 284—285; ივ. ჯავახიშვილი, ქართველი ერის ისტორია, თბ., 1960, გვ. 249.

ლაქები შაბარანი, მასკატი, ბაბუ ლ-აბვაბი, აგრეთვე ციხესიმაგრე-
ნი — ალ-ვაისი, ალ-ქალბი და ას-საჰიუნი თავისი სანდო ხალხით —
სიასიჯებით დაასახლა⁸⁴. ვიცით ისიც, რომ არმინია-აზერბაიჯანის
არაბმა გამგებლებმა მთელი ქვეყანა სირიიდან, იემენიდან და სხვა შო-
რეული ადგილებიდან მოყვანილი ტომებით ააფსეს⁸⁵. მაგალითად,
აზერბაიჯანის პირველმა აბასელმა გამგებელმა იაზიდ იბნ ხათიმ ალ-
მუჰალაბიმ არ-რავად იბნ ალ-აზდის ტომი დაასახლა თავრიზ ალ-ბაზის
ტერიტორიაზე, მურრა იბნ ალი ატ-ტაის ტომი — ნარიზში და ალ-
ჰამადანის ტომი — მაიანიჯში⁸⁶. ხოლო თბილისის ამირამ ისაყ იბნ
ისმაილმა IX ს-ში სოლდებილის გამაგრებისას იქ ხუვაისელნი ჩა-
აყენა⁸⁷.

თუკი შორეული ადგილებიდან სიასიჯების, ხუვაისელების, ალ-
აზდის, ალ-ჰამადანის, ატ-ტაის ან სხვა ტომების მოყვანა-დასახლება
შეიძლებოდა ამიერკავკასიაში, კერძოდ საქართველო-აზერბაიჯანის
ზემოაღნიშნულ (და ასევე სხვა) ადგილებში, მაშინ არც თბილისში
სოლდების ჩამოსახლება უნდა იყოს გამორიცხული. მით უმეტეს,
რომ ირანის აღმოსავლეთ ნაწილში არსებული ვითარება საამისოდ
გარკვეულ პირობას ქმნიდა.

როგორც უკვე ვთქვით, VI ს-ში ირანი საომარ მდგომარეობაში
იმყოფებოდა ეფთალების იმპერიასთან, რომელიც გადაჭიმული იყო
უზარმაზარ ტერიტორიაზე (ხოტანიდან — აღმოსავლეთით კასპიის
ზღვამდე დასავლეთით და ჰინდამდე — სამხრეთით). 542 წელს, როცა
ხოსრო თავისი არმიით ეფთალებთან საღაგო საკითხების მოგვარებით
იყო დაკავებული, დასავლეთიდან მას ბიზანტიის ხელქვეითი ეგრისის
მეფის, გუზაზის ელჩები ეწვივნენ და დახმარება სთხოვეს. შაჰი მა-
შინვე მიხვდა, რომ უკეთესი შემთხვევა დასავლეთ საქართველოს
შემოსაერთებლად ირანს აღარ დაუდგებოდა, მაგრამ არც ის დარ-

⁸⁴ Баладзорн. დასახ. ნაშრომი, გვ. 5—6; Кудама, СМОНПК, 1903, с. 30—31.

⁸⁵ ალ-ბალაზურის ცნობით, მასლამა იბნ აბდ ალ-მალიქმა მარტო დერბენდში 24000 სირიელი ჩაასახლა (Баладзорн, გვ. 17).

⁸⁶ Я. К у б н, დასახ. ნაშრომი, გვ. თარგმანისა 8, არაბ. ტექსტის—5. ეს ტომები იემენიდან იყვნენ წამოყვანილი (იხ. З. Б у н и я т о в, დასახ. ნაშრომი, გვ. 170 — 174 და შმდ.).

⁸⁷ ატ-ტაბარი, დასახ. თხზულება, ტ. III, გვ. 146; გ. წერეთელი, არაბული ქრესტომათია, თბ., 1949, გვ. 66; ოცქიტისეილი, დასახ. ნაშრომი, გვ. 154.

ჩენია გაუთვალისწინებელი, რომ გუბაზის თხოვნის დაკმაყოფილებას, ბიზანტიასთან შეჯახება, და, მაშასადამე, ორ ფრონტზე ომი მოჰყვებოდა, რასთვალავ ირანი არ იყო მაშინ მზად. ამიტომ, ხოსრო ანუ-შირვანმა ასეთი მანევრი განახორციელა: დასავლეთ საქართველოს შემოერთების ხელსაყრელი მომენტი რომ ხელიდან არ გაეშვა, მან ეფთალებთან ზავი დადო, თავისი ტერიტორიის ნაწილი დაუთმო და დიდძალი ყოველწლიური ხარკის გადახდაც იკისრა. მაგრამ ზავი მალე დაირღვა. როგორც ცნობილია, ირანმა დასავლეთ საქართველოს შემოერთება ველარ შეძლო, 562 წელს ბიზანტიასთან 50-წლიანი ზავი შეკრა და გაწბილებულმა ხოსრო I-მა მთელი ყურადღება ისევ შუა აზიისაკენ მიაპყრო, სადაც მაშინ თურქიტებმა და ეფთალებმა შორის (555 წ.) დაწყებული ომის გამო მისთვის ხელსაყრელი სიტუაცია შექმნილიყო ეფთალების მიერ მიტაცებული ირანის მიწა-წყლის დასაბრუნებლად და ხარკისაგან გასანთავისუფლებლად.

563—567 წლებში ხოსრო ანუშირვანმა თურქიტებთან კავშირში⁸⁸ შეძლო ეფთალების საბოლოო დამარცხება, ხოლო 568—571 წლებში თურქიტების მუქარაც მოიგერია და ირანის საზღვარი მდინარე ამულდარიამდე გადასწია⁸⁹, რის შედეგად სოლდების ქვეყანა — ძველი სოლდიანა — ორად გაყოფილი აღმოჩნდა. ამულდარიის მარჯვენა მხარის სოლდები თურქიტების ბატონობის ქვეშ აღმოჩნდნენ, მისი მარცხენა მხარისა კი ირანის შემადგენლობაში შევიდნენ. მაგრამ ორად გაყოფილი სოლდები გაერთიანებას ცდილობდნენ. ირანის ხელისუფლება კი ამის წინააღმდეგ გამოდიოდა⁹⁰ და მათ დასასუსტებლად ისეთსავე ზომებს მიმართავდა, როგორც სხვათა მიმართ.

⁸⁸ ატ-ტაბარი და იბნ ალ-ასირის მიხედვით, ამ კავშირის ინიციატორი იყო ხოსრო ანუშირვანი (Tabari, Annales, ed. De Goeje, t. I, გვ. 895 — 896; Ibn al-Athiri, Chronicon quod perfectissimum inscribitur, ed. C. J. Tornberg, I—XIV, 1851—1876, t. I, გვ. 316—317). კავშირი იმთავითვე უფიქროსი განმტკიცებული, რომ ხოსრო დაგორწინებულა თურქიტებს ხაკანის ისტემის (დი-ზაბულის) ასულზე (M. Артамонов, დასახ. ნაშრომი, გვ. 134) ეტყობა. ეს ფაქტი უღვეს საფუძვლად ბალაზურისა და ხურდაზ ბიძის ჩვენს მიერ ზემოთ მოტანილ თხრობას ხაზართა ხაკანთან ხოსროს დანათესაებებს შესახებ.

⁸⁹ Менаандр Византиец, Продолжение истории Агафиевой. Византийские историки. Перевод с греческого Спиридона Дестуниса, СПб., 1860, с. 493.

⁹⁰ ხელისუფლება უარს ეუბნებოდა მათ აგრეთვე აბრეშუმით შეუზღუდველ ვაჭრობაზეც, რის გამოც საქმე იქამდე მივიდა, რომ სოლდელმა ვაჭრებმა თურქიტების დახმარებით კავშირი დაამყარეს ბიზანტიის მთავრობასთან და სთხოვეს

სწორედ ამით უნდა ყოფილიყო გაპირობებული სულდების მოსვლა საქართველოში და დასახლება თბილისთან ახლო მდებარე საგუშაგო პუნქტში⁹¹, რომელსაც მასში მცხოვრებთა მიხედვით შემდეგ სულდუბილი, ანუ სოლდებილი ეწოდა. ასე რომ, არაბი მწერლების ცნობებს ხოსრო ანუ შირვანის მიერ სულდუბილის (სოლდებილის) აშენების და იქ სულდების დასახლების შესახებ, ჩვენი აზრით, რეალური საფუძველი გააჩნდა და მათი უგულვებელყოფა შეეცდომა.

შეცდომად მიგვაჩნია ისიც, თითქოს „სულდუბილი“ ნაწარმოები იყოს ქართული „საგოდებლიდან“ ამ უკანასკნელის გაარაბიზირების, ე. ი. მასში „განის“ „ღანით“ შეცვლის გზით. სულდუბილი რომ ნამდვილად საგოდებლიდან იყოს მიღებული, როგორც ამას ვ. მინორსკი და ო. ცქიტიშვილი ვარაუდობენ, მაშინ თამარის პირველი ისტორიკოსი, რომელიც XII—XIII ს-ში მოღვაწეობდა, აღარ იტყოდა „ყურთლუ არსლან... ითხოვა კარავი დადგმად ველსა ისანისასა და სანახებსა „სალოდებლისასა“⁹². ანდა „სანახებსა სალუდებლისასა“⁹³, ამ გარემოებას ყურადღება მიაქცია მ. ლორთქიფანიძემ და ივარაუდა, რომ საგოდებელი (სალოდებელი, სალუდებელი) არაბული „სოლდებელიდანაა“ წარმოშობილი⁹⁴. ეს ვარაუდი უფრო მართებული ჩანს, თუმცა დაეკვების საფუძველს ისიც ვერ სპობს. არაა გამორიცხული, „სალოდებელი (სალოდებელი, სალუდუბული)“ და „საგოდებელი (სა-საფლაო)“ ერთმანეთის ახლოს მყოფი სხვადასხვა გეოგრაფიული პუნქტები ყოფილიყვნენ. ამას გვაფიქრებინებს აბო ტფილელის მარტვილობის ის ადგილი, სადაც ავტორი ამბობს: „და ვითარცა გამოიღეს წმიდა იგი გუამი წმიდისა მის გარეშე ქალაქსა და აღიღეს ადგილსა, რომელსა საგოდებელ ეწოდების, რამეთუ მუნ არს საფლავები კაცთა მის ქალაქისათა“.

რატომ დასჭირდა საბანისძეს საგოდებლის განმარტება თავისი თანამედროვეებისათვის? მ. ლორთქიფანიძე ამას იმით ხსნის, რომ

დახმარების აღმოჩენა (Менандр, დასახ. ნაშრომი, გვ. 370—375. 493; Н. В. Пыгулевская, Византийская дипломатия и торговля Шелком. Византийский временник, 1947 (XXVI), с. 187; М. А. Ртамонов, დასახ. ნაშრომი, გვ. 134.

91 ჩასახლება ხდებოდა წინასწარი შეთანხმებით და გარკვეული ვადით. იმა-
იელთა ბატონობისას ეს ვადა 4 წელი იყო.

92 ქართლის ცხოვრება, თბ., 1959, II, გვ. 30—31.

93 იქვე. საგოდებელი მხოლოდ ვახტანგისეულ ვარიანტშია.

94 მ. ლორთქიფანიძე, დასახ. ნაშრომი, გვ. 163.

იოანემ იცის ამ ადგილის არაბული სახელწოდება. უკეთ რომ ვთქვათ, ადგალის მიერ ციხიდან მიღებული სახელი სოლდებული, რომელიც დიდ მსგავსებას პოულობს ქართულ საგოდებელთან. და რადგან სწორედ აქ ქალაქის სასაფლაოა, ის ასკენის, რომ ეს საგოდებელია⁹⁵, ე. ი. განმარტავს, რომ საგოდებელი ძველი სოლდებულია.

ო. ცქიტიშვილის მიხედვით კი იოანე საბანისძეს ასეთი განმარტება იმისათვის სჭირდება, რომ, ჯერ ერთი, მაშინ თბილისში ისეთი ადგილის გარდა, რომელსაც „საგოდებელი ეწოდების, რამეთუ მუნ არს საფლავები კაცთა მის ქალაქისათაჲ“, იყო აგრეთვე წმინდანთა თუ წამებულთა სასაფლაო. მეორე, ამ განმარტებით იოანეს სურდა გამოეხატათვისი შეშფოთება იმის გამო, რომ აბოს ცვამი, რომელიც ქართულმა ეკლესიამ წმინდანად გამოაცხადა, საზოგადო სასაფლაოზე წაიღეს და არა წამებულთა სასაფლაოზე. მესამე, საბანისძის თხზულებისათვის ისეთი განმარტებები საერთოდ უცხო არ უნდა იყოს. მაგალითად, იგი აღწერს მტკვარსაც მოუხედავად იმისა, რომ სხვა დიდი მდინარე არც მაშინ და არც წინათ თბილისს არ ჩაუდიოდა⁹⁶.

მაგრამ ასეთი მსჯელობა დამატებითი დასაბუთების გარეშე დაუჯერებელია. საგოდებელი რომ სოლდებული, ანუ სულდუბილი (საღუდებელი) არ უნდა იყოს ამას ქვემოთ დავინახავთ. რაც შეეხება იმას, რომ თბილისში მაშინ რამდენიმე სასაფლაო არსებობდა, ეს შეიძლება არც იყოს გამორიცხული, მაგრამ, ცხადია, ყველა სასაფლაო ქალაქის აღმოსავლეთით მარცხენა კლდოვანი ნაპირის თავზე — ისანში არ იქნებოდა განლაგებული. და ამიტომ საგოდებლის განმარტება იოანეს არ დასჭირდებოდა. ასეთი განმარტება მას, ალბათ, არც მაშინ დასჭირდებოდა, რომ, მის „დროინდელ სასაფლაოს აღრე საგრდებელი რქმეოდა“ და შემდეგ, „დროთა განმავლობაში ქცეულიყო საკუთარ სახელად“, როგორც ამას ო. ცქიტიშვილი ვარაუდობს⁹⁷.

მტკვრის, ვითარცა დიდი მდინარის, განმარტება კი მწერალს იმიტომ დასჭირდა, რომ მის გარდა თბილისში სხვა მდინარეებიც (წაკისი, ავანანთ ხევი, ვერე, ანუ სკვირეთი)⁹⁸ იყო. ასეთი განმარტებით იოანემ მკითხველს სწორი გეზი მისცა და აუწყა: საგოდებელი

95 მ. ლორთქიფანიძე, დასახ. ნაშრომი, გვ. 163.

96 ო. ცქიტიშვილი, დასახ. ნაშრომი, გვ. 147—148.

97 იქვე, გვ. 148.

98 შ. მესხია, დ. გვრიტიშვილი, მ. დუმბაძე, ა. სურგულაძე, თბილისის ისტორია, თბ., 1958, გვ. 29.

რომელიმე პატარა მდინარის კი არა, დიდი მდინარე, ანუ მტკვარი რომ არის, მის აღმოსავლეთით მდებარეობსო.

ვფიქრობთ, ზუსტად ასეთივე მოსაზრებით უნდა განმარტავდეს იგი საგოდებლის რაობასაც. მან მშვენივრად იცის, რომ საგოდებლის ახლოს იმყოფება გამაგრებული (დასახლებული) ადგილი სულდუბილი (საღუღებელი, საღოდებელი, სოღდებილი), რომელიც სახელწოდებით ძლიერ ჰგავს საგოდებელს და ამიტომ მკითხველს უხსნის: აბოს გვამი სულდუბილში კი არ დაუწვავთ, არამედ სხვაგან, „ადგილსა, რომელსა საგოდებელ ეწოდების, რამეთუ მუნ არს საფლავები კაცთა მის ქალაქისათაჲ“.

შეიძლება ვინმემ უნებლიეთ იკითხოს, თუ სულდუბელი (სოღდებილი) საგოდებლის ახლოს რეალურად არსებობდა, რატომ ერთხელ მაინც არ მოიხსენია იგი იოანე საბანისძემ? საქმე ისაა, რომ იოანეს მიზანს თბილისისა და მისი სანახების აღწერა კი არა, ისეთი მხატვრული ნაწარმოების შექმნა შეადგენდა, რომლის ზემოქმედებით თუ სულ არა, გარკვეული დროით მაინც აღიკვეთებოდა ან შენელებოდა ქრისტიანთა გამუსლიმების პროცესი. ამიტომ მან თავის თხზულებას სიუჟეტად დაუდო მუსლიმობაზე ხელაღებული, გაქრისტიანებული არაბის, აბოს წამება და მოიხსენია მხოლოდ ის ადგილები, რომლებიც აუცილებლად სჭირდებოდა ამ ნეტარი ადამიანის თავდადასავლის სრული სურათის წარმოსადგენად. ასე რომ, სულდუბილი (სოღდებილი) და ასეთივე სახელწოდების საგოდებელი ერთმანეთისაგან და მოუკიდებლად არსებული გეოგრაფიული პუნქტები უნდა იყვნენ განსხვავებული ფუნქციებით. სულდუბილი წარმოადგენდა თავდაცვითი მნიშვნელობის გამაგრებულ პუნქტს (მასლაჰათს), ხოლო საგოდებელი — ადგილს, სადაც გოდებდნენ, გლოვობდნენ, სტიროდნენ⁹⁹. ამიტომ მიგვაჩნია, რომ არაბი მწერლების ცნობები სულდუბილის შესახებ ძირითადად სწორია და მათი უარყოფა საამისოდ დამატებითი მასალების მოძიების გარეშე შეუძლებელია.

⁹⁹ ასეთი ადგილი შეიძლება ირც კი ყოფილიყო სასაფლაო. მ. ლორთქიფანიძის შენიშვნისა არ იყოს, „საქართველოს ზოგ კუთხეში (მაგ., თუშეთში) დღესაც არსებობს საგოდებელი“, რომელიც ეწოდება სასაფლაოდან მოშორებულ ადგილს (დასახლებულ პუნქტსა და სასაფლაოს შორის), სადაც დაღამენ მიცვალებულს, გოდებენ და შემდეგ მიასვენებენ სასაფლაოზე ((მ. ლორთქიფანიძე, დასახ. ნაშრომი, გვ. 163).

არსებული ცნობების თანახმად, ხოსრო ანუშირვანს საქართველოში აუგია აგრეთვე „ალ-ლაზკის“ (ლაზიკის) კარი, „ალ-ბარკის“, კარი, „ალ-ლანის“ (დარიალის) კარი, „სამსახის“ (სამცხის) კარი, „საპიუნის“ (სიონის), „სამშულდის“ (სამშვილდის), „ჯარდმანისა“ (გარდაბნის?) და „ფირუზ კუბაზის ციხესიმაგრენი“¹⁰⁰. ამ ნაგებობათაგან „ალ-ლაზკისა“ და „ბარკის“ კარები, როგორც ალ-ბალაზური იტყობინება, დასავლეთ საქართველოში, შავი ზღვის სანაპიროზე ყოფილან. რაც შეეხება „ფირუზ კუბაზის ციხეს“ ის კი ო. ცქვიტიშვილთან სულდუბილის მაღინაში ჩანს¹⁰¹. მაგრამ ალ-ბალაზურისა და იბნ ხურდაზბიჰის ცნობით, რასაც ო. ცქვიტიშვილი იმოწმებს, ქართლში, ბიზანტიის საზღვართან ყოფილა აგებული¹⁰².

ზემოთ უკვე ითქვა, რომ პერაკლე კეისარმა ხაზართა უშუალო დახმარებით სძლია ირანელებს, 628 წელს თბილისი დაიკავა და, თუ აქამდე დასავლეთ საქართველოს ფლობდა, ამიერიდან აღმოსავლეთ საქართველოსაც დაეპატრონა, მაგრამ ამ გამარჯვების ნაყოფით ბიზანტიამ დიდხანს ვერ ისარგებლა. გაუთავებელ ომებში ირანის დამარცხებამ, ეს ქვეყანა ჭერ დააძაბუნა, ხოლო შემდეგ ნიადავი შეუღზადა მის მთლიანად მოსპობას და ახალი მრისხანე დამპყრობლების — არაბების გამოჩენა-გაძლიერებას, რამაც საგონებელში ჩააგდო თვით ბიზანტიაც.

100 ალ-ბალაზური. დასახ. ნაშრომი, გვ. ტექსტისა 4, თარგმანის—6; იბნ ხურდაზბიჰი (СМОНПК, Тифлис, 1903, вып. XXXII, с. 15); იბნ ალ-ფაკიჰი (СМОНПК, Тифлис, 1902, вып. XXXI, с. 14—15).

101 ო. ცქვიტიშვილი, დასახ. ნაშრომი, გვ. 144.

102 Б а л а з о р и, დასახ. ნაშრომი, გვ. ტექსტისა 4, თარგმანის — 6; СМОНПК, Тифлис, 1903, вып. XXXII, с. 14—15. ალ-ბალაზურის, ალ-ფაკიჰისა და კუდამას გადმოცემებით, ანუშირვანს აღნიშნულ ციხესიმაგრეებში ჩაუყენებია სიასი-ჭები (Б а л а з о р и, დასახ. ნაშრომი, გვ. 6; СМОНПК, вып. XXXI, с. 14—15, вып. XXXII, с. 30—31), რომლებიც სომეხი აეგორების განმარტებით, სისაკანის, ანუ სიუნიკის მცხოვრებნი ყოფილან ხოსროს სამსახურში მყოფი.

არაბთა დაპყრობითი ომები

VII ს. 20—30-იან წლებში მექელი ვაჭრის, მუჰამადის, გარჯით არაბეთის ნახევარკუნძულზე წარმოქმნილმა არაბთა ახალმა პოლიტიკურმა გაერთიანებამ, რომელიც სახალიფოს სახელმწიფოებთაა ცნობილი, ჩამოყალიბებისთანავე ფართო დაპყრობითი ომები წამოიწყო, მისი მახვილი უმთავრესად მიმართული იყო მაშინდელი მსოფლიოს ორი ისეთი ძლიერი სახელმწიფოსაკენ, როგორსაც ირანი და ბიზანტია წარმოადგენდნენ. ირანს იგი შედარებით იოლად გაუსწორდა. კადისთან (637 წ.) და ნიჰავერდთან (642 წ.) გამართულ ბრძოლებში არაბებმა სძლიეს მოწინააღმდეგეს და სასანურმა ირანმა ამის შემდეგ ფაქტობრივად შეწყვიტა არსებობა. იგი სახალიფოს დაემორჩილა.

არაბთა ლაშქრობა წარმატებით ვითარდებოდა აგრეთვე დასავლეთითა და ჩრდილოეთით. ჩრდილოეთით მათ 640—642 წლებში ბიზანტიას წაართვეს პურის ბელელი — სირია-მესოპოტამია და შეუდგნენ ამიერკავკასიიდან მის გაძევებას.

ბალახურის ცნობით, არაბები 'იად იბნ ალ-ლანამის სარდლობით სირიიდან სომხეთს სწვევიან 640(19) წელს. ტარონის ოლქში მათ აუღიათ ხლათი მისი პატრიკოსისათვის სულჰისა (ზავისა) და ამანის' უშიშროების სიკვლი უბოძებიათ და ალ-აინ ალ-ჰამიდის, ანუ „მკავე წყლის წყაროებისაკენ“ (ფეოდოსიოპოლისაკენ?) წასულან. იქიდან 'იად იბნ ალ-ლანამი ბიდლისს დაბრუნებულა, მის ლაშქარს კი გზა ჩრდილოეთისაკენ 'განუგრძვია' და, როგორც სებეოსი (VII ს.) გადმოგვცემს, დაუკავებია ბზუნეკ-აგოივიტი, მთელი ტარონის ოლქი და ბერკრის ხეობიდან² ორდოსპ-კოგოვიტზე გავლით ის არარატში

1 Liber expugnationis regionum auctore al-Baladri, Lugd. — Batav., 1866, 33. 176 (შემდეგ al-Baladri).

2 История епископа Себеоса. Перевод с четвертого исправленного издания С. Т. Малхасянц. Ереван, 1939, с. 91—93.

შეკრილა, სადაც 7-დღიანი გარემოცვის შემდეგ, კერძოდ სომხური მოძრაობის კალენდრის „ტრე“-ს თვის 20 რიცხვში, პარასკევ დღეს, ე. ი. 640 წლის 6 ოქტომბერს დაუფლებია ღვინს³.

არაბთა ამ ლაშქრობის თარიღად 640 წელს დებენ აგრეთვე დიონისე ტელმაჰრი და ლევონდი, რომლის თანახმად ეს იყო რიგით პირველი ლაშქრობა სომხეთში აბუ ბაქრის, უმარისა და უსმანის მმართველობის 22-ე წელს⁴.

არაბები ამჯერად სომხეთში დიდხანს არ დარჩენილან. სებეოსისა და ლევონდის მიხედვით, ისინი სირიაში დაბრუნებულან აბუ ბაქრ-უმ-არ-უსმანის მმართველობის 22 წელსავე, კათალიკოს ეზრას (628—640) სიცოცხლეში, იმ გზით, რომლითაც მოვიდნენ⁵. მათი ესოდენ უეცარი წასვლა იმით უნდა ყოფილიყო გამოწვეული, რომ ისინი მაშინ სპარსეთის შაჰის, იეზდიგერდ III-ის წინააღმდეგ გაჩაღებულ ბრძოლებში იყვნენ დასაქმებულნი და სომხეთისათვის არ ეცალათ. ეს რომ ნამდვილად ასე უნდა ყოფილიყო, ამას უდავოდ მოწ-

³ დიონისე ასახელებს, „სელეკილთა ერის 952 წელს (Chronique de Denys de Tell-Mahre, Paris, 1895, გვ. 6), რაც შეესაბამება ქრისტეს წელთაღრიცხვის 640/1 წელს.

⁴ აბუ ბაქარი სახალიფოს განაგებდა 632—634 წლებში, 'უმარი—634—644' წლებში და 'უსმანი—644—656 წლებში. მაგრამ მათი მმართველობის წლებს არ ანსხვავებენ, რადგან აბუ ბაქრის დროს 'უმარი იყო მისი უახლოესი მრჩეველი. ოგივე ითქმის 'უსმანზეც, რომელიც იყო მუჰამადის მეგობარი და მოადგილე. როგორც გ. ვეილი აღნიშნავს, მათ გამუსლიმებისთანავე (618 წ.) დაიკავეს მალალი პოსტები და სახელმწიფოს ერთად მართავენ (Weil Gustaw, Geschichte der Chalifen, t. Omar). ანტომ ხშირად სომეხი მწერლები, მათ შორის ლევონდიც, მათი თანამმართველობის პერიოდს იწყებენ 618 წლიდან, ნაცვლად 632 წლისა, როცა ხალიფად აბუ ბაქარი დაჯდა. ამ გარემოებას ყურადღება მიაქცია ქ. პატკანიანმა და მიუთითა, რომ ლევონდის მიერ დასახელებული აბუ ბაქრ-'უმარ-'უსმანის გამგებლობის 22-ე წელი 640 წელზე მოდის (Гевонд, დასახ. ნაშრომი, გვ. 4. 118, შენ. 3 და გვ. 127, შენ. 27). ე. დიულორიეს გაანგარიშებით არაბებს ღვინი აუღიათ 642 წ. 6 ოქტომბერს (E. Dulaurier, Recherches sur chronologie arménienne, გვ. 230—231).

⁵ ბალახურის მიხედვით ხელშეკრულება დაუდევს ხუზაიფა იბნ ალ-იამანის (Бахадзори, დასახ. თხზულება გვ. ცექსტისა 17, თარგმანის—23), ატ-ტაბარი და იბნ ალ-ასირი კი მას მოაწერენ ბუჰაირ იბნ აბდალას ალ-ლაისს (ატ-ტაბარი, დასახ. თხზ.; ტ. I, გვ. 2562; იბნ ალ-ასირი, დასახ. თხზულება, ტ. III, გვ. 13; Материалы по истории Азербайджана из „Тарих ал-Камилъ“, с. 12), ხოლო ხუზაიფის ხელშეკრულება, მათი აზრით, დადებული უნდა იყოს 22(642/3) წელს (А. Н. Тер-Гевондян, Армения и арабский халифат, Ереван, 1977, с. 27).

მობს ის, რომ დაამარცხეს თუ არა სპარსელები, არაბებმა მაშინვე ამიერკავკასიისაკენ იბრუნეს პირი და მის დაპყრობა-დამორჩილებას შეუდგნენ. ამისათვის მათ ერთგვარი საბაბიც კი ჰქონდათ. მხედველობაში გვაქვს ის გარემოება, რომ აზერბაიჯანელებმა უარი თქვეს 639 წ. მათთან დადებული მორჩილებისა და ყოველწლიური ხარკის (800000 დინარის) გადახდის ხელშეკრულების შესრულებაზე, ხოლო სომხებმა ლაშქრობაც კი მოაწყვეს სირიაში თეოდოროს რმტუნის მეთაურობით.

არაბები მწერლების ისტორიულსა და გეოგრაფიულ თხზულებებში დაცული ცნობების თანახმად, არაბები საქართველოს დედაქალაქის დასაპყრობად წამოსულან 642/3 (22) წელს. როგორც ატ-ტაბარი და იბნ ალ-ასირი აღნიშნავენ, 22(642/3) წელს ბაბ ალ-აბეაბის დაპყრობის შემდეგ სურაკიმ ბუქაირი იბნ აბდალლაჰი, ჰაბიბ იბნ მასალამა, (დაიბადა 617 წ. მექაში), ჰუზაიფა იბნ უსაიდი და სალმან იბნ რაბი'ა არმინის გარშემო მდებარე მთების მოსახლეობის წინააღმდეგ გაგზავნა. ბუქაირი მულანისაკენ გაისტუმრა, ჰაბიბი — თბლისისაკენ, ჰუზაიფი კი იმათ წინააღმდეგ, ვინც ალ-ლანის მთებში ცხოვრობდა, ხოლო სალმანი — სხვა მხარეს. მაგრამ ისინი ისე დაბრუნდნენ, რომ ბუქაირის მეტმა ვერაფერი დაიპყრო. ბუქაირმა კი 21(642) წელს მულანი დაიკავა.

ერთი შეხედვითაც კი აშკარაა, რომ ატ-ტაბარისა და იბნ ალ-ასირის ამ ვრცელ ცნობაში თავი და ბოლო ერთმანეთს არ ეთანხმება. თუ სურაკიმ თავისი სარდლები დერბენდის დაპყრობის შემდეგ გაგზავნა თბილისის, მულანის, ოსეთისა და სხვა ადგილების დასალაშქრავად, ხოლო დერბენდი მან ნამდვილად 22 (642/3) წელს დაიკავა, მაშინ, ცხადია, მულანს ბუქაირი 21(642) წელს ვერ აიღებდა. არადა, ბალაზურთანაც „დაცვის სიგელი“, რომელიც ბუქაირმა მულანელებს უბოძა, დათარიღებულია 21 წლით⁷. ეტყობა ატ-ტაბარისთან, რომლიდანაც იბნ ალ-ასირი იწერს თავის ცნობას, რაღაც მიზეზის გამო, დარღვეულია თხრობის ქრონოლოგიური თანმიმდევრობა, თორემ შეუძლებელია სურაკს ბუქაირი მულანის დასალაშქრა-

6 ატ-ტაბარი, 1, გვ. 237 (ჯიროს გამოცემა), იბნ ალ-ასირი, დასახ. ნაშრომი, გვ. 14; Материалы по истории Азербайджана из „Тарих ал-Камилъ“ Ибн ал-Асира, Баку, 1940, с. 13—14.

⁷ ალ-ბალაზური, გვ. 326 (დეჟუეს გამოცემა); З. Буниятов, დასახ. ნაშრომი, გვ. 81.

ვად გაეკზავნა დერბენდის ალები შემდეგ⁸. სხვა ცნობებიდან ვიცით, რომ ბუქაირმა სწორედ მულანის დაკავების შემდეგ განაგრძო ლაშქრობა კასპიის ზღვის დასავლეთ სანაპიროს გასწვრივ, ჩრდილოეთის მიმართულებით და იმავე წელს მიაღწა დერბენდს, სადაც 22/642(3) წელს თავისი რაზმით მივიდა ხალიფა უმარის მიერ გამოგზავნილი სურაკი და შეუერთდა მას ქალაქთან⁹.

რაკი ირკვევა, რომ სურაკი დერბენდს მივიდა 22 წელს, ქალაქის ალებამდე. ხოლო მისი ალების შემდეგ მან თავისი სარდლები სხვადასხვა მხარეს დაგზავნა, ცხადია, ჰაბიბი თბილისის ასაღებად უნდა წამოსულიყო 642/3 წელს¹⁰.

ეს ლაშქრობა არაბებისათვის უიღბლო გამოდგა, მაგრამ საქართველოს დაპყრობა-დამორჩილებაზე მათ ხელი მაინც არ აუღიათ. ატ-ტაბარის ცნობით, ჰაბიბს ისევ განუახლებია საომარი მოქმედება, თბილისი აუღია და მისი მოსახლეობისათვის „დაცვის სიგელი“ მიუცია. მაგრამ როდის მოხდა ყოველივე ეს? ამის შესახებ იგი გარკვევით არაფერს იტყობინება. მასთან ეს ლაშქრობა ქრონოლოგიურად 22(642/3) წლის ამბებშია მოქცეული, და უშუალოდ მოსდევს იმ ამბების თხრობას, რომლებიც ბასრელ და ქუფელ მეომრებს შორის მათ მიერ დაპყრობილი მიწების გადასანაწილებლად გაშლილ დავას ეხებიან. ეს დავა კი ცნობილია, რომ უმარის ხალიფობის (634—644) დასასრულსა¹¹ და უსმანის ზეობის (644—656) დასაწყისში გაჩაღდა¹². მაშასადამე, ატ-ტაბარის ცნობაში მოხსენიებული ლაშქრობა საქართველოში არაბებს უნდა მოეწყოთ 644—645 წლებში. ამ დასკვნამდე მივყავართ მის მეორე ცნობასაც, რომელშიც აღნიშნულია, რომ 24 წელს აზერბაიჯანის გამგებელმა ვალიდმა ამ ქვეყნის აჯანყებული მოსახლეობის დათრგუნვა-დახარკვის შემდეგ თავი-

⁸ ვფიქრობთ, ყველაფერი რიგზე იქნება, თუ ზემოთ მოტანილ ცნობას გავიგებთ ასე: სურაკიმ თავისი სარდლები... სალაშქროდ დაგზავნა მულანის ალების შემდეგ. მულანი კი მან 21(642) წელს დაიპყრო. ეტყობა, მულანელები არაბებს განუდგნენ და ამით იყო გამოწვეული ბუქაირის ხელმეორედ ლაშქრობა 22(642/3) წელს იქ.

⁹ З. Бунятов, დასახ. ნაშრომი, გვ. 81—82.

¹⁰ ამ დროს არაბებმა საქართველომდე მოაღწიეს აღნიშნავს ა. მიულერი (А. Мюллер, История ислама, СПб., 1895, I, გვ. 290).

¹¹ იბნალ-ასირი, დასახ. თხზულება, ტ. III, გვ. 15—16.

¹² Бладзорн, დასახ. თხზ. გვ. 198; ۱۹۹-ص، كتاب البلدان، يعقوبى (შემდეგ: აღ-ია'კუბი).

სი ლაშქრის ერთი რაზმი სალმან იბნ რაბიას მეთაურობით არმინის დასალაშქრავად გაგზავნა. სალმანმა არმინია გაძარცვა, მოსულისაყენ მიმავალ ვალიდს გზაში დაეწია და ორთავენი ჰადისში შეჩერდნენ. იქ ვალიდმა უსმანის წერილი მიიღო. ხალიფა იტყობინებოდა, რომ მუსლიმთა წინააღმდეგ ბიზანტიელთა დიდი ლაშქარი წამოსულა და მუავია აბუ-სუფიანი (სირიის გამგებელი) ითხოვდა, სირიელებისათვის მათი ძმები ქუფლები მიეშველებინათ. ვალიდმა ხალიფას ნება-სურვილი დააკმაყოფილა, სალმანი 8000 კაცით სირიელებს მიაშველა. სხვა ვერსიით, რომელიც ალ-ვაკიდსაგან (747—823) მომდინარეობს, სალმანი სირიელთა დასახმარებლად ალ-ვალიდს კი არა, სა'იდ იბნ ალ-'ასის გაუგზავნია იმის გამო, რომ ხალიფას ბრძანებით მუ'ავიას ლაშქარი ჰაბიბ იბნ მასლამას სარდლობით არმინის დასაპყრობად გაუგზავნია, მაგრამ, როდესაც კალიკალა (არზრუმი) დაუკავებიათ, მათ წინააღმდეგ ამ ქვეყნის ბიზანტიელი გამგებელი წამოსულა 80-ათასიანი ლაშქრით და ჰაბიბს ამიტომ უცნობებია მუ'ავიასათვის მუ'ავიას 'უშმანისათვის, ხოლო ამ უკანასკნელს სა'იდ იბნ ალ-'ასისათვის მიმხმარებოდა მას (ჰაბიბს), ალ-'ასის ბრძანება შეუსრულებია, სალმან იბნ რაბი'ა 6000 მეომრით ჰაბიბისაყენ გაუსტუმრებია, მაგრამ სანამ იგი ღანიშნულ ადგილს მივიდოდა, ჰაბიბს ბიზანტიელები დაუმარცხებია და კალიკალას დაბრუნებულა¹³.

ატ-ტაბარის ცნობის ეს ორი ვარიანტი მხოლოდ დეტალებით განსხვავდებიან ერთმანეთისაგან, თორემ ისე ისინი ერთსა და იმავე ამბავზე მოგვითხრობენ, ერთმანეთს ავსებენ და ადასტურებენ, რომ არმინის დასაპყრობად მოწყობილ არაბთა ლაშქრობას 24(624/5) წელს ჰქონია ადგილი¹⁴.

ატ-ტაბარი არაბთა ამ ლაშქრობის შესახებ მეტს არაფერს ამბობს, რის გამოც იქმნება შთაბეჭდილება, თითქოს იგი კალიკალის აღებით დასრულებულიყო. მაგრამ ასეთი რამ გამორიცხულია. როგორც თვით ტაბარი აღნიშნავს, ლაშქრობის მიზანი არმინის (და არა 'მარტო კალიკალას) დაპყრობა-დამორჩილება იყო. ამიტომ კალიკალასთან მოპოვებული გამარჯვების შემდეგ, ცხადია, არაბთა სარდალი განაგრძობდა საომარ მოქმედებას დაკისრებული მისიის შესა-

¹³ ატ-ტაბარი, დასახ. თხზულება, ტ. 1, გვ. 308—309.

¹⁴ არმინია რომ 24(644/5) წელს დაულაშქრავს და დაუპყრია სალმან იბნ რაბი'ა ალ-ბაჰილის ამას ალ-ია'კუბიც აღნიშნავს (СМОНПК, 1903, вып. XXXII, с. 60—61).

სრულებულად. ამის დასტურია ისლ-ბალაჩურის ერთი ვრცელი ცნობა, რომელიც ამავე ლაშქრობას ეხება. ცნობის თანახმად, კალი-კალაში რამდენიმე თვის ყოფნის შემდეგ ჰაბიბ იბნ მასლამა მიდის ქ. მარბილს, იპყრობს ხლათს¹⁵, ას-სამს, ბუსფურაჯანს (ვასპურჯანს), არჯიშს (არქეშს), ბაჯუნაისს (ბიჯნისს), ჯურნს, აშუშს, დაბილის (დვინის) ყველა დასახლებულ ადგილს, აგრეთვე სისაჯანს (სივნიეთს) და იქიდან მიემართება ჯურზანისაკენ, ანუ ქართლისაკენ. „ზათ აღ-ლუჯუმაღ“ წოდებულ ველზე ჰაბიბი ამარცხებს მოწინააღმდეგეს, რის შემდეგ ჯურზანის პატრიკიოსმა თავისი მოციქული აახლა მას და შეწყალება სთხოვა¹⁶. არაბთა სარდალი პატრიკიოსის თხოვნას აკმაყოფილებს, უზავდება მას და იმორჩილებს ჰავარიჰს¹⁷, ქასფარ ბის, ქისალს¹⁸, სამსახს (სამცხეს), ჯარდმანს (გარდაბანს?),

15 ხლათს არაბები დაეუფლნენ 25(28.10.645—16.10.646) წელს.

16 იბნ აღ-ასირის ცნობით კი „ზათ აღ-ლუჯუშის“ შემდეგ ჰაბიბი იპყრობს სირაჯ ტაირს, ბალრაჯანს, სისაჯანს და მერე მიემართება ჯურზანისაკენ (იბნ აღ-ასირი, დასახ. თხზულება, III, გვ. 41).

17 ივ. ჯავახიშვილის წაკითხვით, ეს უნდა იყოს „ხერკი“ (ივ. ჯავახიშვილი, ქართველი ერის ისტორია, II, გვ. 76), მ. დ'ოსონი და მ. ლაზარანი გულისხმობენ „ჯავახს“ (M. D'osson, Des peuples du Caucase, გვ. 53—54; M. Chazarian, Armenien unter der arabischen Herrschaft, Marburg, 1903, გვ. 80). „ჯავახად“ კითხულობს მას დ. მუსხელიშვილიც (დ. მუსხელიშვილი, საქართველოს ისტორიული გეოგრაფიის ძირითადი საკითხები, II, თბ., 1980, გვ. 30). ამ მოსაზრებას იზიარებს ე. სიხარულიძე.

18 ივ. ჯავახიშვილი, მ. ლორთქიფანიძე და ე. სიხარულიძე ვარაუდობენ, რომ ქასფარ ბის (كافرس) არის ქსოვრისი, ხოლო დ. მუსხელიშვილის წაკითხვით

აქ უნდა იგულისხმებოდეს „კასპი“. რაც შეეხება ქისალს (كسال)-ს როგორც ბალაზური ამბობს, ის მდებარეობდა ბარდავიდან 40 და თბილისიდან 20 ფარსანის დაშორებით (А. П. Б л а д з о р и, დასახ. თხზულება გვ. ტექსტისა 12). ამიტომ ე. მინორსკისა და დ. მუსხელიშვილის მიხედვით ის უნდა იყოს „ქიზიყი“ V. Minor sky, Kasal (Kazah). Revue des Etudes Armeniennes, t. X, გვ. 120—123; დ. მუსხელიშვილი, აღმოსავლეთ საქართველოს ისტორიული გეოგრაფია არაბულენოვანი წყაროების მიხედვით. საქ. მეცნ. აკადემიის ივ. ჯავახიშვილის სახ. ისტორიის... ინსტიტუტის XIX სამეცნ. სესია, თეზისები, თბ., 1970, გვ. 5; მისივე, საქართველოს ისტორიული გეოგრაფიის ძირითადი საკითხები, II, გვ. 29, ხოლო ივ. ჯავახიშვილის, მ. ლორთქიფანიძის, ე. სიხარულიძის და ჯ. გვასალას წაკითხვით, „ქისალი“ ქსანი უნდა იყოს (ივ. ჯავახიშვილი, ქართველი ერის ისტორია, II, თბ., 1965, გვ. 76; მ. ლორთქიფანიძე, ჰაბიბ იბნ მასლამას „დაცვის სიგელი“, მასალები საქართველოს და კავკასიის ისტორიისათვის, ნაკვ. 29, თბ., 1951, გვ. 81; ე. სიხარულიძე, არაბეთ-საქართველოს ურ-

ქუსთაჯს, შავშეთს, ბაზალეთს, თრიალეთს, კლარჯეთს, ხახიტს (კახეთს), ხუხითს (კუხეთს), არტაპალს (არტაანს), ბაბ ალ-ლანის (დარი-ალის კარის) მოსახლეობას, ას-სანარიელებს (წანარებს) და დუღა-ნიელებს (დიდოელებს). ბალაზურის ჩვენებით ამ ლაშქრობას ადგილი ჰქონია 'უსმან იბნ 'აფანის ხალიფობის დასაწყისში, ე. ი. 644—645 წელს¹⁹. ასეთივე ცნობა აქვს ალ-ია'კუბისაც. იგი პირდაპირ უთითებს თარიღს და ამბობს: „არაბებმა არმინია 24(7.II.644—27.10.645) წელს დაიპყრეს“²⁰. არმინიის დაპყრობისა და „ჯურზანის“ მოსახლეობასთან დაზავების ოდნავ განსხვავებულ თარიღს იძლევა აჰმად იბნ ა'სამ ალ-ქუფი. მისი გადმოცემით არაბებს არმინია აულიათ და ქართლის მოსახლეობასთან ზავი დაუდევთ²¹ 25(28.10.645—16.10.646) წელს²². სხვა არაბი მწერლებისაგან განსხვავებით აჰმად იბნ ა'სამ ალ-ქუფი ამ ლაშქრობას და წარმატებებს იბნ რაბი'ა ალ-ბაჰილის სახელს უკავშირებს, მაგრამ, ეტყობა, სწორი არ არის. ამას გვაფიქრებინებს არა მარტო ის გარემოება, რომ ბალაზური, ია'კუბი და იბნ ალ-ასირი აღნიშნული ლაშქრობის მეთაურად ჰაბიბ იბნ მასლამა ალ-ჰაქამის ასახელებენ, არამედ ისიც, რომ თვით აჰმად იბნ ა'სამ ალ-ქუფი სხვა ადგილას, სადაც ის აღწერს ჰაბიბის მიერ ჩატარებულ სამხედრო ექსპედიციას, აღნიშნავს: ხალიფა უსმანის ბრძანებით არმინიისაკენ წასულმა მასლამამ 6000 მხედრითა და ქვეითით რაჰდე-

თერთობის ისტორიიდან, არაბული „დაცვის სიგელები“, თხუ შრომები, 73, თბ., 1959, გვ. 175; ჟ. გვასალია, ქსნის ხეობის ისტორიული გეოგრაფიის საკითხები. „საქართველოს ისტორიული გეოგრაფიის კრებული“, III, თბ., 1967, გვ. 40).

¹⁹ Бабадзори, დასახ. თხზულება, გვ. 197. ჩამოთვლილი ადგილები რომ ჰაბიბმა დაიპყრო, ამას ალ-ფაჰიჰი ადასტურებს (იხ. С.М.ОМПК, вып. XXXI. 1902, გვ. 27).

²⁰ ალ - ი ა ' კ უ ბ ი, დასახ. თხზულება, გვ. 363; С.М.ОМПК, вып. XXXII, გვ. 60—61. ამტკობაა, რომ მ. კანარი ჰაბიბის მიერ თბილისის დაპყრობას 645 წლათარიღებს (M. Canard. E. I., N. E., Leiden-London, 1960. გვ. 636).

²¹ Абу Мухаммад Ахмад ибн А'сам ал-Куфи, Книга завоеваний (извлечение по истории Азербайджана VIII—IX вв.), перевод с арабского З. М. Бушятова, Баку. 1981. გვ. 9 (შემდეგ მოკლედ: Ал-куфи).

²² იქვე, გვ. 78, მთარგმნელის ზ. ბუნიათოვის შენიშვნა. ასეთი უმნიშვნელო სხვაობა მიჯრით მოცემული თარიღის ქრისტიანულ წელთაღრიცხვაზე გადაყვანის დროს ბუნებრივია, თუ გადასაყვანი წლის თვე და რიცხვი უცნობია.

წიგნე ღღეში ხლათი დაიკავა, მერე გზა განაგრძო, სირაჯ ტაირს რომ მიადგინა ჯურზანის მოსახლეობას წერილი გაუგზავნა და დაუზავდაო²³. ავტორი ამ ლაშქრობის თარიღს არ ასახელებს, მაგრამ ამის დადგენა ძნელი არაა, თუ გავითვალისწინებთ, რომ ხლათი არაბებმა მასლამას სარდლობით აიღეს 25(645/6) წელს²⁴.

მანასაღამე ირკვევა, რომ არაბები საქართველოში მოსულან VII ს. 40-იანი წლების შუა ხანებში, რასაც არაბი მწერლების გარდა ერთხელ კიდევ ადასტურებს ბიზანტიელი ქრონოგრაფი თეოფანეც. მისი პირდაპირი ჩვენებით, ქვეყნის გაჩენიდან 6145/645/ წელს ჰაბიბოსმა დაამარცხა ბიზანტიელი სარდალი და კავკასიონის უღელტეხილამდე ჰღია²⁵. მაგრამ ბიზანტიელ და არაბ მწერალთა მონაცემების სისწორეს საეჭვოდ მიიჩნევს ზოგი სომეხი და ქართველი ისტორიკოსი. მ. ლაზარიანის ვარაუდით, არაბ ავტორთა ცნობებში ერთ ლაშქრობადაა გაერთიანებული 40—50-იანი წლების ბრძოლები და იგი 40-იან წლებში მომხდარ ამბადაა გამოცხადებული²⁶. დაახლოებით ასეთივე აზრისაა ა. ნ. ტერ-გევონდიანიც. ისიც დარწმუნებულია იმაში, რომ VII ს. 50-იან წლებში არმინიაში ჰაბიბის მიერ მოწყობილი მეორე დიდი ლაშქრობა, რომლის შედეგად სომხითი და საქართველო სახალიფოში მოექცა, არაბ ავტორებთან მიჩნეულია მის პირველ ლაშქრობად, 644 წელს რომ მოეწყო²⁷.

ქართველ ისტორიკოსთაგან მ. ლაზარიანის მოსაზრებას მხარს უჭერენ ს. ჯანაშია²⁸, ნ. ბერძენიშვილი²⁹, მ. ლორთქიფანიძე³⁰, შ. მეს-

²³ А. П. - К у ф и и, დასახ. თხზულება, გვ. 11.

²⁴ იქვე, გვ. 78, მთარგმნელის შენიშვნა.

²⁵ Theophanes Chronographia, I, 1888, გვ. 345; ივ. ჯ ა ვ ა - ნ ი შ ვ ი ლ ი, ქართველთა ერის ისტორია, II, 1965, გვ. 73; А. Н. Тер - Гевондян. Армения и Арабский халифат, Ереван, 1977, გვ. 30.

²⁶ М. Chazaria, დასახ. ნაშრომი, გვ. 35.

²⁷ А. Н. Тер - Гевондян, დასახ. ნაშრომი, გვ. 29—30.

²⁸ ს. ჯ ა ნ ა შ ი ა, არაბობა საქართველოში, („შრომები“, II, თბ., 1952, გვ. 358—363).

²⁹ ნ. ბ ე რ ძ ე ნ ი შ ვ ი ლ ი, ქართველი ხალხის ბრძოლა უცხოელი დამპყრობლების წინააღმდეგ VII—VIII სს-ში (საქართველოს ისტორია, დამხმარე სახელმძღვანელო, თბ., 1958, I, გვ. 115).

³⁰ მ. ლ ო რ თ ქ ი ფ ა ნ ი ძ ე, ჰაბიბ იბნ მასლამას დაცვის სიგელი (მასალები საქართველოსა და კავკასიის ისტორიისათვის, თბ., 1951, ნაკვეთი 29, გვ. 61—65).

სხია, ვ. გუჩუა³¹, ო. ცქიტიშვილი³² და სხვ., რომლებიც ჰაბიბის ლაშქრობას საქართველოში 655 წლით ათარიღებენ.

თავიანთი მოსაზრების დასასაბუთებლად აღნიშნული ავტორები ჩვეულებრივ იმას იშველიებენ, რომ ჯერ ერთი, არაბი მწერლები, კერძოდ, ალ-იაკუბი და ატ-ტაბარი ჰიჯრით 31(651/2) წელს მომხდარი ამბების აღწერისას „კვლავ ლაპარაკობენ ჰაბიბის ლაშქრობაზე და დასძენენ: წინააღმდეგობა მასა და სალმანს შორის გრძელდებოდა ხალიფა უსმანის დაღუპვამდე“³³, ე. ი. 656 წლამდეო. მეორე, ამბის მომსწრე სომეხი ისტორიკოსები არსად იხსენიებენ არაბთა დიდ ლაშქრობას ამიერკავკასიაში ჰაბიბ იბნ მასლამას სარდლობით³⁴.

მართლაც, ალ-იაკუბი და ატ-ტაბარი ერთგან კი აღნიშნავენ, 31 წელს ჰიჯრით ჰაბიბმა ლაშქრობა მოაწყო, რის შედეგად დაიწყო უთანხმოება და მან უსმანის დაღუპვამდე გასტანაო. მაგრამ ეს არ ემარა იმის უარსაყოფად, თითქოს 645 წელს არაბთა ლაშქრობას ჩვენში აღვილი არ ჰქონია. მით უმეტეს, რომ იმავე იაკუბს აქვს პირდაპირი ცნობა: 24 წელს ჰიჯრით (ე. ი. 645 წელს ქრისტიანული კალენდრით) არაბებმა დაიპყრეს არმინიაო, რომლის შემადგენლობაში, როგორც ცნობილია, შედიოდა აღმოსავლეთ საქართველოც.

ჰაბიბმა 662(42) წლამდე მაინც იცოცხლა³⁵ და ამ ხნის განმავლობაში არა ერთი ლაშქრობის მოწყობა შეძლო თუნდაც ამიერკავკასიაში, რომლის მკვიდრი მოსახლეობა არასდროს შერიგებია დამპყრობლებსა და მუდამ ხმაღამართული იდგა მომხდურ მოძალადეთა წინააღმდეგ. ყოველ შემთხვევაში ცნობილია, რომ ჰაბიბ იბნ მასლამას (ვის სახელთანაც დაკავშირებულია აღმოსავლეთ საქართველოს დაპყრობა და დაცვის სიგელის დადება) ამიერკავკასია-

31 შ. მესხია, ვ. გუჩუა, საქართველოს ისტორიის სახელმძღვანელო VII—X კლასებისათვის, თბ., 1969, გვ. 38.

32 ო. ცქიტიშვილი, აჰმედ იბნ ასამ ალ-ქუფი არაბთა პირველი ლაშქრობის შესახებ საქართველოში („მაცნე“, ისტორიის... სერია, თბ., 1984, № 1, გვ. 95; 97).

33 А. Н. Тер-Гевондян. დასახ. ნაშრომი, გვ. 29.

34 იქვე.

35 H. L a m e n s, Etudes Sur le règne du calife Omariy de Mo'awiya I^{er} Melanges de la Faculte Orientale de Beirouth (MFOB), I, გვ. 42—57. რე კი აღნიშნავენ, რომ ჰაბიბი 51 (671) წელსაც ცოცხალი იყო (The Encyclopaedie of Islam, III, გვ. 12).

ამი ულაშქრია 642—643. (644/5) და 653—654 წლებში³⁶. 640 წლიდან მოყოლებული არაბთა შემოსევა რომ ხშირი იყო კავკასიასა და კერძოდ იბერიაში, ამას ა. მიულერთან ერთად აღნიშნავს კ. თუმანოვი³⁷. ამას გარდა, აქვე ისიც უნდა გვახსოვდეს, რომ არსებული ცნობებით, დავა არაბებს შორის დაპყრობილი მიწა-წყლის გადასანაწილებლად დაიწყო ხალიფა უსმანის აღზევებისთანავე (644/5). და 651 წელს გადაიზარდა I სამოქალაქო ომში, რომლის გამოც დროებით შეწყდა დაპყრობები ყველგან, მათ შორის ამიერკავკასიაშიც³⁸. ასე რომ, საექვოა 654—655 წლებში არაბებს საქართველო პირველად დაელაშქროთ და დაეპყროთ. უფრო სარწმუნო, ალბათ, ის იქნება თუ დავუშვებთ, რომ არაბები ამ დროს უკვე დაპყრობილი ადგილების შესანარჩუნებლად და მიზნის მისაღწევად ადგილობრივი მოსახლეობის (დათრგუნვა-დამორჩილებას ან გარეშე ძალის — ბიზანტიის მოგერიებას ცდილობდნენ³⁹.

ახლა ისიც ვნახოთ, თუ რას ამბობენ ამიერკავკასიაში არაბთა ლაშქრობების შესახებ სომხური ნარატიული წყაროები, რომლებსაც მკვლევართა ერთ ჯგუფი ესოდენ უპირატესობას ანიჭებს არაბულენოვან ავტორთა მონაცემებთან შედარებით.

არაბები ამიერკავკასიისაკენ მოიწევდნენ ორი მხრიდან: ირანიდან და სირია-მესოპოტამიიდან. ირანიდან ისინი ადარბადაგანის (აზერბაიჯანის) მიმართულებით მოდიოდნენ, ხოლო სირია-მესოპოტამიიდან კი სომხეთ-საქართველოს მიმართულებით. ლევონდის ცნობით, არაბები სომხეთში პირველად გამოჩენილან აბუ ბაქრის, უმარისა და უსმანის ხალიფობის 22 წელს⁴⁰, ანუ, როგორც

³⁶ А. Мюллер, История Ислама, СПб., 1895, I, с. 289—291.

³⁷ С. Туманови, Studies in Christian Caucasian History. Georgetown University Press, 1963. გვ. 393.

³⁸ ე. სიხარულიძე, საქართველოში არაბთა პირველ ლაშქრობათა ზოგიერთი საკითხისათვის (საქართველოს მეცნიერებათა აკადემიის საზოგადოებრივ მეცნიერებათა განყოფილების „მოამბე“, № 1, თბ., 1961, გვ. 194).

³⁹ ყოველ შემთხვევაში, პაბიბმა რომ საქართველო 645 წელს დალაშქრა და მოსახლეობასთან ზავი დადო ამას, როგორც უკვე ითქვა, ბალაზურ-იაკუბ-ატ-ტაბარის მსგევით აღნიშნავს მ. კანარდ (M. Canard. Et. N. E., Leiden-London, 1960, გვ. 636).

⁴⁰ Гевонд, დასახ. თხზულება გვ. 4.

ქ. პატკანიანი ანგარიშობს, 640 წელს⁴¹. მეორედ — „სამი წლის შემდეგ... კონსტანტინე ბერძენთა იმპერატორის გამეფებიდან⁴² ორი წელი რომ გავიდა, და ამ დროს დაულაშქრავთ დედაქალაქი დვინი⁴³.

ლევონდის ამ ჩვენებას შთლიანად ეთანხმება სებეოსის ცნობაც, რომლის მიხედვითაც არაბები სომხეთში მოსულან ჯერ 640, ხოლო შემდეგ — 643 წელს, კათალიკოს ეზრას⁴⁴ დროს,, (როცა) ჰერაკლე გარდაიცვალა⁴⁵ და სომეხ ნახარათა შორის დაწყებული მტრობა, დაქსაქსულობის გამო (სომხეთში) სარდლად ჯერ არავინ იყო დანიშნულა. ამ დროს, — განაგრძობს სებეოსი, — ისმაილთა დამპყრობთა ლაშქარი სირიის ქვეყნიდან ტარონის ქვეყანაში შემოიჭრა, და ეპატრონა მას, აგრეთვე ბზუნეიკს⁴⁶, აგიოვიტს⁴⁷ და ბერკრის⁴⁸ ხეობით, ორდობად⁴⁹ — გოგოვიტის⁵⁰ გავლით არარატის ოლქში⁵¹ შევიდა და დვინს დაეუფლა⁵². ამავე დროს ვასპურაკანის⁵³ მიმართულე-

⁴¹ Гевонд, გვ. 118, შენიშვნა 3 და გვ. 127, შენიშვნა 27. ამ შემთხვევაში ლევონდი აბუ ბაქარ-უმარ-უსმანის მმართველობას ითვლის არა 632 წლიდან, როცა აბუ ბაქარი გახალიფდა, არამედ მუჰამადის აღზევების (618 წ.) დროიდან.

⁴² კონსტანტინე III, რომელსაც სომეხი ავტორები ხშირად კოსტასის ან კონსტატის სახელით იხსენიებენ, ბიზანტიის იმპერატორად აკურთხებენ 641 წელს და 669 წლამდე მეფობდა.

⁴³ Гевонд, დასახ. თხზულება, გვ. 4—5.

⁴⁴ ქ. პატკანიანის გამოანგარიშებით, ეზრა კათალიკოსად იყო 618—640 წლებში. ლ. ხანლარიანი კი აღნიშნავს, ის კათალიკოსად 630 წელს აირჩიეს და 641 წელს გარდაიცვალა (К и р а к о с Г а н д з а к е ц и, История Армении. Перевод с древнеармянского, предисловие и комментарий Л. А. Ханларян, М., 1976, გვ. 355, შენიშვნა 901).

⁴⁵ ჰერაკლე გარდაიცვალა 29 წლის მეფობის შემდეგ 640 წელს.

⁴⁶ ბზუნეიკი — ოლქი ტურუბერანში ვანის ტბის ჩრდილოეთით.

⁴⁷ აგიოვიტი — ოლქი არქეშის ჩრდილო-დასავლეთითა და ვანის ტბის ჩრდილო-აღმოსავლეთით.

⁴⁸ ბერკრი — ოლქი და ციხე ვასპურაკანში ვანის ტბის ჩრდილო-აღმოსავლეთით.

⁴⁹ ორდოსპი — ადგილი ბაიზეთის ახლოს (ორდსპ).

⁵⁰ ოლქი არარატის პროვინციაში, ბალრავანდის აღმოსავლეთითა და ვასპურაკანის ჩრდილოეთით.

⁵¹ ტერიტორია არარატსა და არაგაცის მთებს შორის, მდინარე არაქსის ხეობაში.

⁵² История епископа Себеоса. Перевод с IV-го исправленного армянского издания С. Т. Малхасянци, Ереван, 1939, გვ. 92—93 (შემდეგ მოკლედ: სებეოსი).

⁵³ ოლქი დიდ სომხეთში, ნახიჩევანის სამხრეთით, ვანის ტბის აღმოსავლეთითა და ურმის ტბის ჩრდილო-დასავლეთით.

ბით მოქმედმა არაბებმა არწაფქამდე⁵⁴ მიაღწიეს და „გორის თვის“⁵⁵ 23-ს იგი დაიკავეს. ხოლო არარატის მიმართულებით მოლაშქრე არაბებმა კი მახვილით განვლეს მთელი ტერიტორია „ტაიკის“⁵⁶, ალვანეთისა და ივერიის საზღვრებამდე⁵⁷, შემდეგ ნახიჩევანი მოარბიეს და იქიდან მუავიას⁵⁸ ბრძანებით სირიისაკენ გაბრუნდნენ, რომ იქ ბიზანტიის წინააღმდეგ მებრძოლ ლაშქარს მიშველებოდნენ. სებეოსის ცნობით, ამ ლაშქრობის დროს დაღუპულან არაბი სარდლები „ოტმანი“ (უსმანი) და „ოგომაი“ (უკბა)⁵⁹, რასაც იმეორებს ლევონდიც⁶⁰.

არაბთა ლაშქრობების შესახებ სომხეთში საგულისხმო ცნობებს გვაწვდის აგრეთვე XI ს. მწერალი სტეფანოს ტარონაცი, ასოლიკის სახელითაც რომაა ცნობილი. სტეფანოსის თანახმად, არაბები აბუ ბაქრის, უმარისა და უსმანის დროს რამდენიმეჯერ ყოფილან სომხეთში. პირველად — 640 წელს, მეორედ — 644 წელს (შემოდგომაზე), მესამედ — 646 წელს და შემდეგ 654 წელს. პირველი ლაშქრობისას დაულაშქრავთ მარკი, გოხტენი, ნახიჩევანი, არტაზი, დაუმარცხებიათ ბიზანტიელი სარდალი პროკოფი, მოურბევიათ დაპყრობილი ტერიტორია და უკუქცეულან. მეორე თავდასხმისას, რომელიც ტრეს თვის 20 რიცხვში (ოქტომბერში) ყურძნის კრეფის დროს მოხდა, მათ აუკლიათ ტარონისა და არარატის ტერიტორიები, დაუპყრიათ დვინი, დაუტყვევებიათ 35 ათასი კაცი და წასულან⁶¹.

54 ციხესიმაგრე კოგოვიტის ოლქში, არარატის მთის დასავლეთით.

55 გორი — სომხური მოძრავი კალენდრის მერვე თვეა. VII ს. 40-იან წლებში იგი იულიუსის კალენდრის ივლის-აგვისტოს ემთხვევა.

56 ტაიკი იგივე ტაო, საქართველოს სამხრეთი მხარე კოროხის ხეობაში.

57 სებეოსი, გვ. 99—100. ა. შანსაზარაიანი აღნიშნავს, ეს 650 წ. მოხდაო და სებეოსს იმეორებს (А. Шахназарян, Двин, Ереван. 1940, с. 68) მაგრამ სომეხი მემატიანე პირდაპირ ამბობს, ეს კონსტანტინეს მეფობიდან ორი წელი რომ გავიდა მაშინ მოხდაო (გვ. 100, ე. ი. 643 წელს. ამ ლაშქრობის თარიღად 643 წელს ასახელებს ა. მიულერიც. მისი თქმით, მაშინ არაბებმა საქართველომდე მიაღწიეს“ (А. Мюллер, История ислама, т. I, СПб.. 1895, с. 290).

58 მუ'ავია — სირიის გამგებელი, 661—680 წლებში ხალიფა.

59 სე ბ ე ო ს ი, დასახ. თხზულება, გვ. 100.

60 ლ ე ვ ო ნ დ ი, დასახ. თხზულება, გვ. 6.

61 Всеобщая история Степаноса Таранского Асалика по прозванию. Перевод с армянского и объяснена Н. Эмшным. М., 1864, с. 89—90.

იმის გამო, რომ სომხეთის დაცვაზე ბიზანტიის იმპერატორს არ უზრუნველია, სომხეთის მმართველი თეოდოროს რშტუნი, კათალიკოსი ნერსესი და სმბატი იძულებული გახდნენ ზურგი შეექციათ კონსტანტინესათვის და 643—646 წლებში, არაბებს დამორჩილებოდნენ⁶². ეს იმანაც განაპირობა, რომ ამ დროს ბიზანტიასა და სომხეთს შორის წარმოებდა დავა რელიგიურ სფეროში. ბიზანტიის იმპერატორი დაჟინებით მოითხოვდა სომხების გაქალკედონიკებას, ხოლო სომხები კი უტად იცავდნენ მონოთეიზიტობას.

სომხეთის თავკაცთა საქციელი ბიზანტიის იმპერატორს მოთმინებას უკარგავდა, მაგრამ ურჩ ქვეშევრდომთა დასჯა და სომხეთის კვლავ შემოერთება მას მაშინ არ შეეძლო. ბიზანტია მძიმე ვაჭრობაში იმყოფებოდა. რელიგიური უთანხმოების საფუძველზე 646 წელს მოხდა განხეთქილება მასსა და რომს შორის⁶³. ბიზანტიამ დაკარგა ლათინური აფრიკა— ალექსანდრია⁶⁴, კირენაიკი და ტრიპოლი⁶⁵. სირიის გამგებელმა მუავია აბუ სუფინმა დაიპყრო კაპადოკია და შეუდგა მზადებას საზღვაო ლაშქრობისათვის კონსტანტინეპოლის წინააღმდეგ⁶⁶. ყოველივე ამან აიძულა კონსტანტინე იმპერატორი (650 წ.) დაედო არაბებთან სანაწლიანი საზავო ხელშეკრულება და ეკისრა დიდი თანხის გადახდა⁶⁷. თეოფანე ქრონოგრაფის ცნობით, ეს მომხდარა 650 წელს, სებეოსთან კი ჩანს, რომ საზავო ხელშეკრულება დაუდევთ „კონსტანტინეს მეფობის მეორე წელს“, ე. ი. 643 წელს⁶⁸, რაც, ვფიქრობთ, შეცდომაა.

653 წელს ბიზანტია-არაბეთის სანაწლიანი ხელშეკრულების ვადა ამოიწურა. ამ დროისათვის არაბებმა მოამთავრეს მთელი ირანის დაპყრობა და განიზრახეს ბიზანტიის მოსპობაც, რისთვისაც განაახლეს საომარი მოქმედება ზღვაზეც და ხმელეთზეც. იმავე წელს ბიზანტიას აუჯანყდნენ სომხებიც, რომლებიც, როგორც სებეოსის ერთი ცნობიდან ჩანს, მხოლოდ მაშინ, ე. ი. 653 წელს დამორჩილებიან

⁶² ლეკონდი, დასახ. თხზულება, გვ. 127, შენ. 24; გვ. 130, შენ. 41 და გვ. 132, შენ. 50.

⁶³ Ю. Кулаковскій, История Византии, Киев, 1915, т. III, с. 200.

⁶⁴ იქვე, გვ. 194.

⁶⁵ Theopanes Chronographia, 1888, გვ. 343.

⁶⁶ La Chronique de Michael le Syrien, trad. par Chabot, Paris, 1901, XI, გვ. 141.

⁶⁷ Theopanes Chronographia, გვ. 344; La Chronique de Michel le Syrien, გვ. 442.

არაბებს: „სამწლიანი ხელშეკრულების ვადის გასვლის შემდეგ, — ამბობს მემბტიანე, — (ისმაილიანების მეფემ) აღარ ისურვა მისი გაგრძელება და... კონსტანტინეს ზეობის მე-12 წელს⁶⁹ ჯარებს უბრძანა დაეწყოთ ომი. ამავე წელს აჯანყდნენ სომხები, ჩამოშორდნენ ბერძენთა სამეფოს და დამორჩილდნენ ისმაილიანთა ხელმწიფეს. რმტუნის მფლობელმა ყველა სომეხ ნახარართან ერთად ხელშეკრულება დაღო ჯოჯოხეთთან... ისმაილიანთა გამგებელმა ასე უთხრა მათ: „ჩვენს შორის საზავო ხელშეკრულება, რამდენი ხნითაც გნებავთ, ასეთი იქნება: სამი წლის განმავლობაში თქვენგან ხარკს არ ავიღებ, შემდეგ კი გადაიხადეთ იმდენი, რამდენსაც ისურვებთ. ამაზე ფიცსა ვღებ თქვენთან. თქვენ მიწაზე იყოლებით 15000 კაციან ცხენოსან ჯარს, რომლის შესანახს გაიღებთ თქვენივე ქვეყნიდან და მე მას ჩაგითვლით ხარკში. თქვენ ცხენოსან ლაშქარს სირიაში არ გაიწვევენ, სხვაგან კი, სადაც არ უნდა მოვითხოვო, ის მზად უნდა იყოს წასასვლელად. თქვენს ციხესიმაგრეებში არც ამირებს გამოვგზავნი და არც ჯარს, ერთ მხედარსაც კი. სომხეთში ვერც ერთი მტერი ვერ შემოვა. თუ ბიზანტიელები დაგვესხნენ თავს, იმდენ ჯარს მოგაშველებთ, რამდენსაც ისურვებთ. იგფიცებით ყოვლისმძლე უფალს, რომ არ მოვატყუებთ»⁷⁰.

სებეოსი აქ წინააღმდეგობაში ვარდება⁷¹. ჯერ გვითხრა ზავი 643 წელს დაიდო სამი წლითო, ხოლო შემდეგ კი განაგრძობს და გვეუბნება: როგორც კი ეს დრო იგვიდა არაბებმა მისი გაგრძელება აღარ ინებეს და მაშინვე, კონსტანტინეს მეფობის XII წელს ე. ი. 653 წელს, ბრძოლა განაგრძესო. თუკი ზავი ნამდვილად 643 წელს დაიდო სამი წლის ვადით და ვადის გასვლისთანავე საომარი მოქმედება კვლავ განახლდა, მაშინ, ცხადია, ეს უკანასკნელი 646 წელს უნდა მომხდარიყო. ხოლო თუ ბრძოლა 653 წ. განახლდა, მაშინ უნდა ვიფიქროთ, რომ ზავი 650 წელს დაუდვიათ. სადაა დაშვებული შეცდომა? ამ კითხვაზე ზუსტი პასუხის გაცემა ჩვენს ხელთ არსებული მასალის მიხედვით არ ხერხდებოდა, მაგრამ ვფიქრობთ, რომ 643—644 წლების, — როცა არაბებმა ბიზანტიელები სომხეთიდან გააძევეს,

68 ს ე ბ ე ო ს ი, დასახ. თხზულება, გვ. 100—101.

69 სხვაგან (გვ. 122). წერს „მე-11 წელს“, ხოლო ერთგან „მე-13 წელსაც“ ამბობს (ს. ჯ ა ნ ა შ ი ა, შრომები, II, თბ., 1952, გვ. 361).

70 ს ე ბ ე ო ს ი, დასახ. თხზულება, გვ. 116—117.

71 საერთოდ უნდა ითქვას, რომ სომეხი, ბიზანტიელი და არაბი მწერლები ზმირად ეწინააღმდეგებიან ერთმანეთს, ზოგჯერ საკუთარ თავსაც.

სომხეთი დაიკავეს, ხოლო სომხები მიიმხრეს და მათთან სათანადო ჭარიგება დადეს — არეულია შემდეგი დროის, კერძოდ 648—650 წლების ამბებში, როდესაც უკვე არაბები უშუალოდ კონსტანტინეპოლს დაემუქრნენ და იმპერატორი აიძულეს თავიანთთვის სასურველი ხელშეკრულება დაედო. ასეთი აღრევა შეუძლებელია სებეოსის მოსვლოდა, თუ ის აღწერილი ამბების თანამედროვეა და თავისი თხზულება ნამდვილად VII ს. 60-იან წლებში აქვს დაწერილი, როგორც ეს დღეს არის მიღებული⁷². ამიტომ უნდა ვიფიქროთ, რომ ან ეს თხზულებაა გვიან შედგენილი და მის ავტორს უკვე აღარ ახსოვდა ხეირიანად როდის რა მოხდა, ანდა თხზულების ეს ადგილი არაბების მიერ სომხებთან დადებული ხელშეკრულების ტექსტთან ერთად ჩამატებულია შემდეგ (მაგრამ არა იქ, სადაც უნდა იყოს)⁷³ გადამწერთა თუ რედაქტორთა ხელით ისე, როგორც წინა, „XLIV თავი, რაზეც სამართლიანად მიუთითებს ს. მალხასიანცი⁷⁴. თუ ყოველივე ეს ასეა, მაშინ გვაქვს საფუძველი ვიფიქროთ, რომ 653 წელს სომხები ბიზანტიის წინააღმდეგ იმიტომ კი არ აღმდგარან, რომ არაბთა მხარეზე გადასულიყვნენ, არამედ იმის გამო, რომ ისინი ამ დროს უკვე დიდი ხნის გადასული იყვნენ მუსლიმთა მხარეზე და მათთან დადებული ხელშეკრულება ავალდებულებდათ საერთო მტრის წინააღმდეგ ერთად ებრძოლათ. ამას გვაფიქრებინებს „სომეხი ხალხის ისტორიის“ სახელმძღვანელოს ის ადგილიც, სადაც აღნიშნულია „648 წელს დვინში შედგა საერო და სასულიერო ფეოდალთა თათბირი. თათბირმა რმტუნის დაქინებით, კატეგორიულად უარყო ბიზანტიის მოთხოვნა გადასულიყვნენ მის მხარეზე, ე. ი. ფაქტიურად დამორჩილებოდნენ მას“⁷⁵. რაკი სომხები უარს აცხადებენ ბიზანტიისადმი მორჩილებაზე, ეს იმას ნიშნავს, რომ ისინი არაბებთან არიან, რადგან დამოუკიდებელი სომხეთი მაშინ არ არსებობდა. არაბთა მხარეზე გადაბარგებული სომხების დასასჯელად ბიზანტიის იმპერატორმა ლაშქარი შეჰყარა და „თავისი მეფობის მე-12 წელს“

72 სებეოსის ისტორიაში თხრობა მიყვანილია 661 წლამდე.

73 ასეთი რამ სრულიად არ უნდა იყოს გამორიცხული, თუ გავითვალისწინებთ იმას, რომ სებეოსის თხზულების ერთადერთი უძველესი ხელნაწერი (1672 წ), საიდანაც სხვებია გადაწერილი, დამახინჯებული და დეფექტურია. გვერდები ზოგან არეულია, ზოგი კი აკლია და ამიტომ თხრობაც არ არის თანმიმდევრული (იხ. სებეოსის IV გამოცემა, ერევანი, 1939, გვ. 6). !

74 ს ე ბ ე ო ს ი, დასახ. თხზულება, გვ. 102—104 და 175, შენიშვნა 189.

75 История армянского народа, Ереван, 1951, часть I, под редакцией Б. Н. Аракеяна и А. Р. Иоаннисяна, с. 112.

სომხეთისაკენ გამოემართა. შეშინებული ნერსესი და სხვა მრავალი ნახარარი, თეოდოროს რშტუნის გამოკლებით, იმპერატორს ქალაქ არზრუმს მიეგებნენ, მორჩილება აღუთქვეს და დვინისაკენ გაუძღვნენ. თეოდოროსმა კი კუნძულ ალთამარს შეაფარა თავი ვანის ტბაში და ყველას აცნობა თავიანთ ოლქებში გამაგრებულებს. მისი მოკავშირე ქართველები, ალვანელები და სივნიელები, თავიანთ ქვეყნებში გამაგრდნენ. მათ დასამორჩილებლად კონსტანტინემ დვინიდან ლაშქარი გაგზავნა. ქართველები ერთხანს უარს იყვნენ მორჩილებაზე, მაგრამ ბოლოს დანებდნენ. ალვანელების, სივნიელების და სეპაკან გუნდის წინააღმდეგობის იკატეხვა კი ბერძნებმა ვერ შეძლეს⁷⁶. სეპეოსის ეს ცნობაც მოწმობს, რომ სომხეთი, საქართველო და ალვანეთი 653 წლამდე შესულან არაბთა მორჩილებაში.

ბიზანტიის იმპერატორი სომხეთში დიდხანს არ დარჩენილა. 653 წლის აღდგომის იდღესასწაულს ის კონსტანტინეპოლში შეეგება. მისი წასვლისთანავე თეოდოროს რშტუნიმ ბიზანტიას მიმხრობილ ნახარარათა დასასჯელად სირიიდან არაბთა ლაშქარი გამოითხოვა და მუ'ავიამ 7000 მეომარი მოაწველა. ამ ჯარით მან გაზაფხულზე ბიზანტიელები სომხეთიდან გააძევა, შავი ზღვის სანაპიროს მიალწია, ტრაპიზონი დაიკავა და იქიდან დამასკოს წავიდა⁷⁷. ამრიგად, სომხეთი კვლავ არაბთა მფლობელობაში მოექცა.

თეოდოროსი დამასკოში პატივით მიიღეს. მუ'ავიამ მას ოქრო-მკედით ნაქარგი ფარჩეული უბოძა, სამართავად გადასცა „სომხითი, ივერია, სიუნია“⁷⁸ კავკასიონამდე, ჩორის კარამდე⁷⁹... და დაავალა, ეს ქვეყნები მორჩილებაში მოეყვანა⁸⁰. თეოდოროსმა სირიის გამგებელს პირობა მისცა, რომ დავალებას პირნათლად შეასრულებდა, მაგრამ, ეტყობა, ეს ველარმოახერხა და ამიტომ ხალიფა უსმანი 654 წელს იძულებული გახდა კაპადოკიაში დაბანაკებული თავისი ჯარი კავკასიისაკენ დაეძრა ქართლის დასამორჩილებლად: „შემოდგომის დასასრულს, როცა (655 წ.) ზამთარი იწყებოდა ისმადილიანთა ლაშქარი მოვიდა და დვინს დადგა... ისმადილიანებმა თავიანთი წარმომადგენლების მეშვეობით (იქიდან) მოლაპარაკება გამართეს ივერი-

76 ს ე ბ ე ო ს ი, დასახ. თხზულება, გვ. 117—119.

77 იქვე, გვ. 121.

78 სიუნია, სიუნიკი, ანუ სივნიეთი — თანამედრვე ყარაბაღი.

79 ჩორის (კორის, ჭურის) კარები — დარუბანდი.

80 ს ე ბ ე ო ს ი, გვ. 121—122. ამ ცნობებიდანაც აშკარად ჩანს, რომ სომხეთი და ქართლი 653 წლამდე შესულან არაბთა მფლობელობაში.

ელებთან და მუქარით შეუთვალეს: დაგვემორჩილეთ ან დატოვეთ ქვეყანა და წადითო. ივერიელებმა უარი თქვეს და საომრად მოემზადნენ. (მაშინ) ისმაილიანები მათკენ დაიძრნენ, რომ ისინი სულერთიანად ამოეწყვიტათ, (მაგრამ) როგორც კი გზას გაუდგნენ, ყინვამ და თოვლმა მოუსწროთ და პირი მაშინვე (ასირიისაკენ) იბრუნეს⁸¹.

არაბების წასვლა რომ შეიტყვეს, სომეხმა ნახარაგებმა ფეოდალური შინაომები დროებით შეწყვიტეს, ერთმანეთთან კეთილმეზობლური ურთიერთობა დაამყარეს, თეოდოროს რშტუნის სამფლობელო გაიყვეს და მძიმე გადასახადებით დაბეგრეს. თეოდოროსს, რომელიც მაშინ შეუძლოდ იყო და აღთამარს აფარებდა თავს, მის წინააღმდეგ შეთქმულ ფეოდალთა დასჯა საკუთარი ძალით არ შეეძლო, ამიტომ მან ისევ „არაბებს სთხოვა ჯარი, რათა სომეხები დაემარცხებინა და განეფანტა, ხოლო ივერიელნი ხმლით გაენადგურებინა“⁸² (ალბათ, არაბთა ლალატისა და ბიზანტიელთა მხარეზე გადასვლისათვის).

ასეთ თხოვნაზე, ცხადია, ხალიფა მას უარს არ ეტყოდა და, როგორც სებეოსი იუწყება, სომხეთისაკენ დასძრა დიდი ლაშქარი, რომელმაც კაბიზის სარდლობით 655 წ. ვახაფხულის ეამს „დაიკავა მთელი ქვეყანა კიდით კიღამდე თეოდოროს რშტუნი და ყველა ნახარაგი ქვეყნისა მათ დამორჩილდნენ და ყოველნაირად ცდილობდნენ მათი სურვილის დაკმაყოფილებას... ტაჯიკები (არაბები. — ბ. ს.) თავს დაესხნენ ნახიქვანთან მეომარ ბერძნებს, დაამარცხეს ისინი და მოსპეს, ხოლო სხვები გააქციეს. თვით მავრიანცი⁸³ გაიქცა და ივერიაში გადაიხვეწა, რის შემდეგ ისმაილიანები ქალაქ კარინისაკენ⁸⁴ გაბრუნდნენ, დაიკავეს ის, წაიღეს ოქრო-ვერცხლი და უამრავი სიმდიდრე. მათ გაძარცვეს აგრეთვე სომხეთის მიწა-წყალი ალვანეთი, საუნციკი, გაამიშვლეს ეკლესია-მონასტრები და მძევლებად წაასხეს ქვეყნის რჩეული დიდგვაროვანნი ცოლშვილიანად. მათთან ერთად წავიდა რშტუნის გამგებელი თეოდოროსიც⁸⁵ თავისიანებითურთ და (ყველანი) სირიაში მიიყვანეს“⁸⁶.

81 ს ე ბ ე ო ს ი, დასახ. თხზულება, გვ. 124.

82 იქვე.

83 მავრიანოსი, რომელიც სომხეთის მმართველად დაინიშნა 653 წელს.

84 კარინი, კარნუ ქალაქი და კალიკალა არზრუმს ეწოდებოდა.

85 თეოდოროსი ამ დროს ცოცხალი აღარ იყო, ის 654 წელს გარდაიცვალა დამასკოში (ლ ე ვ ო ნ დ ი, გვ. 130, შენიშვნა 41).

86 ს ე ბ ე ო ს ი, დასახ. თხზულება, გვ. 126—127. „სომხეთის ისტორია“ (1951 წ.) ამ ლაშქრობის თარიღად ასახელებს. 654 წელს, რაც შეცდომაა.

სომეხი წარჩინებულნი ოჯახებიანად რომ აპყარეს საკუთარი მიწა-წყლიდან და სირიაში მძევლებად წაიყვანეს, ამით არაბებს ეკონათ სომხეთს საბოლოოდ დაიმორჩილებდნენ, მაგრამ სასურველ შედეგს მაინც ვერ მიაღწიეს. „იმავე წელს სომხებმა უარი განაცხადეს ისმაილიანებისადმი სამსახურზე და საბერძნეთის მეფის სამსახურში ჩადგნენ“⁸⁷. მაშინ მოთმინებადაკარგულმა ხალიფამ სომეხი მძევლები მთლიანად ამოელიტა⁸⁸ და ზომხეთის დასაქცევად ლაშქრის გაგზავნასაც აპირებდა, რომ დასცლოდა, მაგრამ მან სიცოცხლე დაასრულა და „სომხეთმა ორი წლით დაისვენა“⁸⁹.

ასეთია სომეხი მწერლების სებეოსის, ლევონდისა და სტეფანოზ ტარონაციის, ანუ ასოლიკის ცნობები ამიერკავკასიაში არაბთა ლაშქრობების შესახებ მათი აქ პირველად გამოჩენიდან უსმანის ხალიფობის დასასრულამდე, ე. ი. 656 წლამდე. მოტანილი ცნობებიდან ირკვევა, ჯერ ერთი, ის, რომ არაბებს უსმანის დალუპვამდე ამიერკავკასიაში ულაშქრიათ 640⁹⁰, 643/4, 646/7⁹¹ და 655 წლებში; მეორე, მათ დაულაშქრავთ სომხეთი და გაუძევებიათ იქიდან ბიზანტიელები; მესამე, ბიზანტიას უცდია დაკარგული ტერიტორიის დაბრუნება და 653 წელს ერთგვარი წარმატებებიც კი ჰქონია, მაგრამ 654 წ. ის მაინც წასვლია ხელიდან; მეოთხე, სებეოსის ცნობის თანახმად, არაბების მიერ სომხეთის დაპყრობა, სომხეთის გამგებლის თეოდოროს რჭტუნის, სუმბატისა და კათალიკოს ნერსესის მიერ არაბთა ბატონობის ცნობა მომხდარა 652/3 წელს. მისივე თქმით, ამ დროს უნდა იყოს დადებული სომხეთთან „მორჩილებისა და ურთიერთდახმარების ხელშეკრულება, მაგრამ როგორც ზემოთ ვთქვით, გარკვეული მიზეზის გამო ამ ცნობის სისწორე საეჭვოა. ამიტომ სწორი უნდა იყოს ის ცნობა და მასზე დაფუძნებული მოსაზრება, რომლის მიხედვით სომხეთი არაბთა ხელში ჩანს 643—646 წლებიდან; მეხუთე, სომეხი მწერლები არაფერს ამბობენ საქართველოში არაბთა შემოსვლის შესახებ და ამდენად არ იმსახურებენ ისინი იმ მეტისმეტ ნდობას, რასაც

87 ს ე ბ ე ო ს ი, გვ. 128.

88 1775 კაციდან მხოლოდ 22 გადარჩა ცოცხალი (სებეოსი, გვ. 128).

89 ლ ე ვ ო ნ დ ი, დასახ. თხზულება, გვ. 7.

90 ასოლიკის მიხედვით არაბები სომხეთში მოსულან ჯერ კიდევ 637 წელს (Всеобщая история Степаноса Таронского, М., 1864, с. 89).

91 სომხეთში არაბთა ერთ-ერთი შემოსევის თარიღად 647 წელს ასახელებს შოკესე კალანკატვაცი (История Алван Моисея Каланкатвацци, СПб., 1861, с. 258).

მკვლევართა ერთი ჯგუფი იჩენს მათ მიმართ⁹²; მეექვსე, ის ორი-
ოდნე ცნობაც კი, სადაც საქართველოა მოხსენიებული, იმაზე მოგვი-
თხრობს, რომ საქართველოს აღმოსავლეთი ნაწილი არაბების ხელში
გადასულს არა 654—655 წლებში, არამედ უფრო ადრე. ამ მხრივ
ჩვენს ყურადღებას იქცევს სებეოსის ის ცნობები, სადაც აღნიშნუ-
ლია ბიზანტიის იმპერატორის მიერ 653 წელს ჯარის გაგზავნა ქართ-
ლის დასამორჩილებლად და სირიის გამგებლის მიერ თეოდოროს
რშტუნისათვის მისი (ქართლის) გადაცემა სამართავად. აგრეთვე ისიც,
სადაც ქართველები არაბებთან პირშეკრული სომხების მოკავშირედ
არიან გამოცხადებული „აღვანელებთან“ ერთად. ქართლი რომ იური-
დიულად არაბთა ხელქვეითი არ ყოფილიყო სირიის გამგებელი მასზე
„განმკარგულებელი ვერ იქნებოდა, რშტუნის მის გამგებლად არ დანიშ-
ნავდა, მაგრამ ეტყობა ქართველები ხშირად არღვევდნენ არაბთათვის
მიცემულ პირობას, გამოდიოდნენ მისი მორჩილებიდან, რის გამოც
არაბები ყოველთვის ცდილობდნენ მათზე თავიანთი უფლებების აღ-
დგენას. დაბოლოს, ამ მოსაზრებებს სასაზღვროდ შეიძლება მი-
ვუთითოთ ასოლიკის ერთ ცნობაზე, სადაც აღნიშნულია, რომ არა-
ბებმა დვინი აიღეს და თავისი ბატონობა დაამყარეს სომხეთ-ქართლ-
აღვანეთში 95 (645/6) წელს⁹³. ეს ცნობა თითქმის მთლიანად ეთან-
ხმება არაბი და ბიზანტიელი მწერლების მონაცემებს სომხეთ-საქართ-
ველოში არაბთა ბატონობის დასაწყისის შესახებ.

როცა არაბი ავტორების ცნობათა სისწორეში ეჭვი შეაქვთ, ჩვე-
ულებრივ უთითებენ შემდეგ გარემოებაზე: 1. რომ სომეხი მწერლები
იმავე ლაშქრობების აღწერისას ჰაბიბს მხოლოდ 654 წ. ბრძოლე-
ბის დროს იხსენიებენ⁹⁴; 2. შეუძლებელია არაბებს ამოდენა ტერიტო-
რია — სომხეთ-საქართველო ერთი ლაშქრობისას დაეპყროთ და 3.
არაბ ავტორებთან ზემოაღნიშნული ყველა ლაშქრობა გაერთიანებუ-

⁹² სომხურ ისტორიოგრაფიაში შეიმჩნევა ტენდენცია, როგორმე გაუგრძელონ
ქვეყნის დამოუკიდებლობა და ამ მიზნით გადაღონ არაბთა თავდასხმები, მაგრამ
ამაში წყაროები უშლით ხელს.

⁹³ ს. ჯანაშია, შრომები, II, თბ., 1952, გვ. 363. სომხური წყაროების მო-
ნაცემების სათანადო ანალიზის შედეგად ასეთივე დასკვნამდე მიდის დ. ქასრა-
შვილიც (დ. ქასრაშვილი, ჰაბიბ იბნ მასლამას „დაცვის სიგელის“ დათარი-
ღებისათვის... მეგობრობა“, თბ., 1980, გვ. 131, 139). ოღონდ სამართლიანობა მო-
ითხოვს აქვე ითქვას, რომ არაბული წყაროების მოხმობისას, ავტორი ჰიჯრით
მოცემული თარიღების გადაყენისას ყველგან ერთწლიან შეცდომას უშვებს.

⁹⁴ А. Н. Тер-Гевондян, დასახ. ნაშრომი, გვ. 30.

ლია და გადატანილი 644/5 წელს⁹⁵. მაგრამ ამ არგუმენტებიდან, ვფიქრობთ, ვერც ერთი ვერ უძლებს საღ კრიტიკას. სომეხი მწერლები მხოლოდ ორგან იხსენიებენ არაბი სარდლების სახელებს: 642/3 წელს მოწყობილი ლაშქრობებისას უსმანსა და 'უკბას და 654 წელს — ჰაბაბს. სხვა ლაშქრობებისას არაბ მეთაურთა სახელებს ისინი საერთოდ არ უთითებენ. მაგრამ ეს განა იმის უფლებას გვაძლევს, რომ მათ მიერ აღწერილი ლაშქრობები, სადაც არაბი სარდლების სახელებს ვერ ვხვდებით, არარსებულად ან საექვოდ მივიჩნიოთ? ამიტომ არაა მართებული ვიფიქროთ, რომ რაკი ისინი ჰაბაბს 654 წ. ლაშქრობამდე არ ახსენებენ, მანამდე ის „არმინიაში“ არ ყოფილა. არაბი ავტორების ცნობით ხომ იგი სომხეთსა და ქართლში (ჯურჯანში) 644/5 წელსაც იყო და 653/4 წელშიაც⁹⁶.

არაბთა უეცარმა გამოსვლამ მსოფლიო პოლიტიკურ სარბიელზე და აღმოსავლეთის ერთ-ერთ უძლიერეს სახელმწიფოზე — სასანურ ირანზე მოპოვებულმა ბრწყინვალე გამარჯვებამ მათ უძლეველის სახელი მოუხვეჭა. როგორც ლევონდი აღნიშნავს, ისინი „ფრთებიანი გველისა და ქარის სისწრაფით“ მოქმედებდნენ⁹⁷, რის გამოც ხმა გავრცელდა, არაბს ხმალი და ისარი ვერაფერს აკლებსო⁹⁸. მათთან შებრძოლებას ყველა, ბიზანტიაც კი ერიდებოდა⁹⁹. ჰატარა ქვეყნები უბრძოლველად ნებდებოდნენ. რაიმე სერიოზული წინააღმდეგობის გარეშე დანებდა მათ ამიერკავკასიის ქვეყნების — სომხეთ-საქართველო-აზერბაიჯანის მოსახლეობაც. სებეოსის ცნობით, არაბები საქართველოს საზღვარს ჯერ კიდევ 642/3 წელს ზაფხულში მისდგომიან¹⁰⁰. ისე რომ, არაბი მწერლების ცნობები 644/5 წელს ამიერკავკასიაში არაბთა ლაშქრობისა და აღმოსავლეთ საქართველოს დაპყრობის შე-

⁹⁵ А. Н. Тер. Гевондян, დასახ. ნაშრომი გვ. 30.

⁹⁶ ი ბ ნ ა ლ - ა ს ი რ ი, დასახ. თხზულება, III, გვ. 44.

⁹⁷ Л е в о н д, დასახ. თხზულება, გვ. 5.

⁹⁸ В. А. Дорн, Известия о хазарах восточного историка Табарн, с отрывками из Гафиз—Абру, Ибн Аазем—Эль-Куфи и др. (Журнал Министрства народного просвещения, СПб., август 1844, часть XLIII, отд. I, гв. 95), იბ ა ლ - ა ს ი რ ი, დასახ. თხზულება, III, გვ. 64.

⁹⁹ „ივლტოდეთ, რამეთუ უფალმან მოსცა აღმოსავლეთი და სამხრეთი სარკინოზთა“ (ჯ უ ა ნ შ ე რ ი, ცხოვრება ვახტანგ გორგასლისა, ქართლის ცხოვრება, I, 1955, გვ. 230).

¹⁰⁰ С е б е о с, დასახ. ნაშრომი, გვ. 100.

სახებ სრულიად სარწმუნო ჩანან და არავითარ აღრევას არ აქვს ადგილი.

საქართველოში არაბთა ბატონობის დასაწყისად 644/5 წელს იმიტომაც უარყოფენ, რომ დამპყრობლები აქ დიდხანს არ დარჩენილან¹⁰¹. მაგრამ უნდა გვახსოვდეს, რომ ისინი ხანგრძლივი დროით არსად არ ჩერდებოდნენ. იქ, სადაც მათ უბრძოლველად ნებდებოდნენ, ადგილობრივი მართვა-გამგებლობის წესი უცვლელი რჩებოდა. დამპყრობლები დამარცხებულთაგან ითხოვდნენ ყოველწლიურად ხარკს ან სულად და საადგილმამულო გადასახადების გადახდას¹⁰² და თვითონ მიდიოდნენ. მდგომარეობა შეიცვალა მხოლოდ მას შემდეგ, როცა დაპყრობილ ქვეყნებში, მათ შორის საქართველოშიც, თავი იჩინა ანტიარაბულმა მოძრაობამ და როდესაც ამიერკავკასია არაბთათვის იქცა ხაზარეთთან საზღვრისპირა ზონად. ამ ორმა გარემოებამ აიძულა არაბები თავიანთი რაზმები ჩაეყენებინათ დაპყრობილ მხარეებში იქ ბატონობის შესანარჩუნებლად და გარედან აგრესიის მოსაგერიებლად.

101 ს. ჭ ა ნ ა შ ი ა, შრომები, II, გვ. 358.

102 იბნ ალ-ფაკიჰის ცნობით, არაბები დაპყრობილი ქურაჰის, ქასფარის (ყასპის), ქისალის, ხუნანის, სამსახის (სამცხის); ალჯარდმანის (გარდაბნის), ქასფი ბისის, შავშეთისა და ბაზალეთის მოსახლეობისაგან ითხოვდნენ საადგილმამულო და სულად გადასახადს, ხოლო სანარებიდან (წანარებიდან), კლარჯეთისა და დუღანელთაგან (დიდოელთაგან)—ხარკს (СМОНПК, XXXI, Тифлис, 1902, с. 26—27). ასეთივე ცხობა აქვს ბალაზურისაც (Б а л а з о р и, დასახ. ნაშრომი, გვ. ტექსტისა — 9, თარგმანი — 13). ე. სიხარულიძე კი ამავე წყაროზე დაყრდნობით აღნიშნავს, წანარები, დიდოელნი და კლარჯეთის მოსახლეობა ხარაჯასა და ჯიზიას იხდოდნენ (იხ. ე. ს ი ხ ა რ უ ლ ი ძ ე, არაბეთ-საქართველოს ურთიერთობის ისტორიიდან, თსუ შრომები, თბ., 1959, ტ. 73 (აღმოსავლეთმცოდნეობის სერია), 1, გვ. 175.

მეცამე თავი

არაბთა ბატონობის დასაწყისი საქართველოში, ჰაბიბ-იბნ მასლამას „დაცვის სიგელი“

დაპყრობილი ქვეყნების ხალხებს არაბები „სულჰისა და ამანის“ (ზავისა და უშოშროების) ხელშეკრულებებს, ანუ „დაცვის სიგელებს“ აძლევდნენ. „დაცვის სიგელი“ წარმოადგენდა საბუთს, რომელიც იურიდიულად განსაზღვრავდა დამპყრობელსა და დაპყრობილს შორის პოლიტიკური დამოკიდებულების ფორმას, მათ უფლება-მოვალეობას, ვალდებულებას. ის ეძლეოდა როგორც ქვეყნებს, ისე მათ ცალკეულ ნაწილებსა და ქალაქებს. სარწმუნო ცნობებიდან ირკვევა, რომ ასეთი ხელშეკრულება ჰქონდა აზერბაიჯანს, რომელსაც იგი 18(639) წელს უბოძა 'უტბა იბნ ფარკადმა' და შემდეგ, 22(644) წელს განუახლა ჰუზაიფა იბნ ალ-ღანამიმ². ანალოგიური გარიგება ჰქონდა დადებული არაბებს დვინის³, ბალრავანდის, ნახიჩევანის, მულანის, ქართლისა და ამიერკავკასიის სხვა ადგილების გამგებლებთან⁴.

ალ-იაკუთის ცნობით, როცა ჰაბიბმა „არამინის ქალაქთა უმრავლესობა დაიპყრო და მის შუაგულს მიაღწია, მასთან ჯურჯანის პატრიარქოსის მოციქული გამოცხადდა“⁵. ვინ იყო ეს მოციქული? ალ-

¹ Al-Tabarī, Annales..., t. I, გვ. 2662.

² იქვე, გვ. 2804; Б а л а д з о р и, Книга завоевания стран, Баку, 1927, с. 23.

³ Т. М. Сипенкова, К истории завоевания Закавказья арабами (Вопросы истории стран Азии, Л., 1965, с. 146).

⁴ მულანელთათვის ბოძებული დაცვის სიგელი გაუცია ბუქაირ იბნ აბდალაჰს (A t - T a b a r ī, დასახ. ნაშრომი, ტ. I, გვ. 2665—2666; იბნ ალ-ასირი, III, გვ. 21—22), ლათელთათვის—'იად იბნ ალ-ღანამის (A. H. Т е р - Г е з о н - д я н, დასახ. ნაშრომი, გვ. 24), ხოლო ზემოჩამოთვლილი სხვა ადგილებისათვის— ჰაბიბ იბნ მასლამა ალ-ფიჰრის (Б а л а д з о р и, დასახ. ნაშრომი, გვ. 10—11).

⁵ ე. ს ი ხ ა რ ლ ი ძ ე, იაკუთის ცნობები საქართველოსა და კავკასიის შესახებ, ნაკვ. I, თბ., 1964, გვ. 39. ;

ბალახურისთან იგი **كلى**-დ (ნიკალა?) იხსენიება, ატ-ტაბარის-თან და VIII—IX სს. ცნობილ ფილოლოგ-თურისტთან, აბუ 'უბაიდ ალ-კასიმ იბნ სალამთან (770 — 838) — **كلى**-დ (თუფილა)⁷. ამიტომ უნდა ვიფიქროთ, რომ სწორია „თუფილა“ (თეოფილე?). რაც შეეხება „ნკლ“ (ნიკალა) ფორმას ის გაჩენილი უნდა იყოს შემდეგ, ალბათ, ტექსტის გადაწვერთა დაუდევრობით ან გაუგებრობის შედეგად, კერძოდ „თ“ ასოს წერტილის „ფ“-ს თავზე დასმისა და ამ უკანასკნელის „კ“ ასოდ წაკითხვის შედეგად⁸. თუმცა ტ. სიპენკოვა გვთავაზობს სხვაგვარ წაკითხვასაც. მისი აზრით, „Следует читать не „nuklī a Tiflī(s)“ и переводить „тифлисец“⁹.

პატრიკოსის წარმომადგენლისა და არაბთა სარდლის შეხვედრის ადგილს წყაროები არ ასახელებენ, მაგრამ ირკვევა, რომ შეხვედრა საქართველოს ფარგლებს გარეთ მომხდარა, მოციქულს ჰაბიბისათვის გადაუცია ქართლის პატრიკოსის წერილი, ასი დინარის ღირებულების საჩუქარი და თავისი ხალხისა და გამგებლის სახელით ზავი უთხოვია. არაბთა სარდალს მისი თხოვნა დაუკმაყოფილებია და საზავო ხელშეკრულების ტექსტი შეუღვენია.

ამჟამად ამ გარიგების რამდენიმე ვარიანტი არსებობს: ალ-'უბაიდისეული, ალ-ბალახურისეული, ალ-ია'კუთისეული, ატ-ტაბარისეული და სხვ. ამათგან ყველაზე ადრინდელია აბუ უბაიდის ზემოთ დასახელებულ თხზულებაში დაცული ხელშეკრულების ტექსტი, რომელიც 1976 წელს ო. ცქიტიშვილმა გამოაქვეყნა და თარგმნა¹⁰ და ასეთი შინა-

⁶ Баладзорн, დასახ. თხზულება, გვ. ტექსტისა 8, თარგმანს—12.

⁷ كتاب الاموال، للإمام العظيم الحافظ الحجة أبى عبيد القاسم بن سلام المتوفى ٢٢٤ سنة هـ، و مولده سنة ١٥٤، ص ٥٥ و علق هوامشه محمد ٢٩.— (შემდეგ: ალ-'უბაიდი).

⁸ ეს სხვაობა რომ გრაფიკულ ნიშანგვარა წარმოქმნილი ამას აღნიშნავს მ. ლორთქიფანიძეც (მ. ლორთქიფანიძე, „ჰაბიბ იბნ მასლამას დაცვის სიგელი“, მასალები საქართველოსა და კავკასიის ისტორიისათვის, ნაკვ. 29. გვ. 64).

⁹ Т. М. Силенкова, К истории завоевания Закавказья арабами (Вопросы истории стран Азии, Л., 1965, с. 147).

¹⁰ ო. ცქიტიშვილი, ჰაბიბ იბნ მასლამას „დაცვის სიგელი“ აბუ უბაიდის თხზულებაში („მაცნე“, ისტორიის... სერია, თბ., 1976, I, გვ. 108—195). თარგმნილია „დაცვის სიგელის“ სხვა ვარიანტებიც. ბალახურისეული ვარიანტის

არსისაა: „სახელითა ალლაჰისა მოწყალისა (და) მწყალობლისა. ესაა ჰაბიბ იბნ მასლამას წიგნი ალ-ჰარმანის¹¹ ქვეყნის ტიფლისის მოსახლეობისადმი. გებოძათ თქვენ და თქვენს შვილებს, ოჯახებს ქონების, სენაკების, ეკლესიების, საღვთაებისა¹² და ლოცვის შეუვა-

გერქანელი თარგმანი ეყუთენის მ. ლაზარიანს (M. Chazarian, დასახ. ნაშრომი, გვ. 22—27. მ. ლაზარიანის მიხედვით ის ქართულად თარგმნა ჯერ ივ. ჯავახიშვილმა (ივ. ჯავახიშვილი, ქართველი ერის ისტორია, II, თბ., 1965, გვ. 75—76), მერე მ. ლორთქიფანიძემ (მ. ლორთქიფანიძე, ჰაბიბ იბნ მასლამას „დაცვის სიგელი“. მასალები საქართველოსა და კავკასიის ისტორიისათვის, ნაკვ. 29, თბ., 1951, გვ. 61—65). 1959 წელს „დაცვის სიგელის“ ბალაზურ-ატ-ტაბარი-სეული ვარიანტები ვრცლად განიხილა ე. სიხარულიძემ (ე. სიხარულიძე, არაბეთ-საქართველოს ურთიერთობის ისტორიიდან. სტალინის სახ. თსუ შრომები, 73. აღმოსავლეთმცოდნეობის სერია, თბ., 1959, გვ. 167—181). ე. სიხარულიძეს ეყუთენის „დაცვის სიგელის“ იაკუთისეული ვარიანტის თარგმანიც (იაკუთის ცნობები საქართველოსა და კავკასიის შესახებ, ნაკვ. 1, თბ., 1964, გვ. 39—40), ხოლო ბ. სილაგაძემ იგი შეისწავლა მის დათარიღებასთან დაკავშირებით (ბ. სილაგაძე, ჰაბიბ იბნ მასლამას დაცვის სიგელის დათარიღებისათვის, „მაცნე“, ისტორიის... სერია, თბ., 1971, 1, გვ. 68—85). არსებობს „დაცვის სიგელის“ რუსულ-ინგლისური თარგმანებიც. ინგლისური თარგმანი შესრულებულია ფ. ჰიტტის მიერ (The origins of the Islamic State Bign a translation from the arabic accompanied With Annotations geographic and historic Notes of the Ki(t)āb Futūh al-Buldān al-Imām Abu-l'Abbās Ahmad ibn Jabir al-Balādhuri, vol. I, by Philip Khūrī Hitti. Ph. D. Studies in history, Economics and Public Law Edited by the Faculty of Political science of Columbia University. Vol. XLVIII (Whole Number 163). New-York, Columbia University, 1916, გვ. 316—317), ხოლო რუსულა—ო. სენკოვსკის, პ. ეუზესა და სიპენკოვას მიერ (Сборник Сочинений Сенковского, VI, СПб., 1859, გვ. 191—195; Из Сочинения Балладзори „Книга завоевания стран“, текст и перевод. Перевод П. К. Жузе, Баку. 1927, გვ. 12; Т. М. Сипенкова, დასახ. ნაშრომი, გვ. 147—148).

¹¹ ალ-‘უბაიდისაგან განსხვავებით ალ-ბალაზურთანაა **القرمز** („ალ-კირმიზ“), ხოლო ატ-ტაბარისთან **الهمز** („ალ-ჰარმან“). ეტყობა ეს სხვაობაც გრაფიკულ ნიღაღზეა წარმოქმნილი და იგი მ. ლორთქიფანიძის თანახმად უნდა შესწორდეს ტაბარისეული ტექსტის მიხედვით (მ. ლორთქიფანიძე, დასახ. ნაშრომი, გვ. 61), ხოლო ა. ბოგვერაძე გეთავაზობს, ალ-ჰარმანი „წავიკითხოთ ალ-არმინია“-დ (ა. ბოგვერაძე, ქართლის პოლიტიკური და სოციალურ-ეკონომიკური განვითარება IV—VIII საუკუნეებში, თბ., 1977, გვ. 94), იმ გასაგებში გარემოების გამო, რომ ქართლი მაშინ არმინიის ქვეყანაში შედიოდა.

¹² აბუ ‘უბაიდის განმარტებით, **صلوات** (სალავათები) უდაბნოში აგებული შენობებია, სადაც ქრისტიანები მოგზაურობის დროს ლოცულობენ (აბუ ‘უბაიდი, დასახ. თხზულება, გვ. 211; ო. ცქიტიშვილი, დასახ. ნაშრომი, გვ. 195).

ლობა იმ პირობით, რომ სცნობთ თქვენს დამცირებას ჯიზიით¹³ და ყოველ კომლზე ერთი დინარის გადახდას. თქვენ გეკრძალებათ კომლების გაერთიანება ჯიზიას შესამცირებლად, ჩვენ კი უფლება არ გვაქვს გავყოთ ისინი ჯიზიას გასადიდებლად¹⁴. თქვენ შეძლებისამებრ დაგვეხმარებით ალლაპის, მისი მოციქულისა და მორწმუნეთა მტრების წინააღმდეგ ბრძოლაში, ... უმასპინძლებთ ერთი ღამით და დააპურებთ გაკირვებულ მუსლიმს „აჰლ ალ-ჟითაბის“¹⁵ ხალხთათვის ნება-

13 აბუ 'უბაიდისეულ ვარიანტიშია — *على اقرار بصغار الجزية*. მისგან განსხვავებით ბალახურთანაა *على اقرار بالصغار والجزية* („დამცირებისა და ჯიზიის აღიარებით“), ხოლო ატ-ტაბარისთან — *على الاقرار بصغار الجزية*. ჯიზია სულადი გადასახადი იყო, რომლითაც ყურანის IX სურის 29-ე ლექსის თანახმად მუსლიმები ბეგრავდნენ ყველა სხვა სარწმუნოების დაპყრობილ ხალხებს მათი მორჩილება-დამცრობისა და საკუთარი სუვერენულობის ჩვენების მიზნით. ჯიზიის გადახდით დაპყრობილ-დამცრობილი თავის რელიგიურ მრწამს ენარჩუნებდა. მაშასადამე, ის იყო არა მარტო „დამცირების“ სიმბოლო, არამედ „გამოსასყიდი“ გადასახადიც. ვრცლად ამის შესახებ იხ. Л. И. Надирадзе, Жизнь в „Охраниной грамоте“ Хазина ибн Маслама. „მაცნე“, ისტორიის... სერია, თბ., 1986, № 3, გვ. 104—105.

14 VII ს. საქართველოში სასოფლო თემში გაერთიანებული წვრილი გლეხური მეურნეობა სქარბობდა (С. Н. Какабадзе, Краткий обзор истории Грузии, Сухуми. 1941, с. 19; Т. М. Сипенкова, დასახ. ნაშრომი, გვ. 152).

15 ჰაბიბ იბნ მასლამას „დაცივის სიგელის“ ეს ადგილი გასაგებად ერთობ ბუნდოვანია. ივ. ჭავჭავიძის განმარტებით, „აჰლ ალ-ჟითაბი“ (*أهل الكتاب*) ეწოდება საღმრთო წიგნის მქონე ხალხებს: მუსლიმებს, ქრისტიანებსა და ებრაელებს (ივ. ჭავჭავიძე, ქართველი ერის ისტორია, II, გვ. 75). მისგან განსხვავებით მ. ლორთქიფანიძე იმ აზრისაა, რომ „აჰლ-ალ-ჟითაბი“ აღნიშნავს ყურანის ხალხს, ე. ი. მუსლიმებს (მ. ლორთქიფანიძე, ჰაბიბ იბნ მასლამას დაცივის სიგელი“, მასალები საქართველოსა და კავკასიის ისტორიისათვის, ნაკვ. 29, თბ., 1951, გვ. 64—65; მისივე, არაბთა მფლობელობის ხასიათისათვის საქართველოში. მასალები საქართველოსა და კავკასიის ისტორიისათვის, ნაკვ. 35, თბ., 1963, გვ. 82—83). თავიდან ამ აზრისა იყო ე. სიხარულიძე (ე. სიხარულიძე, არაბეთ-საქართველოს ურთიერთობის ისტორიიდან, არაბული დაცივის სიგელები, თსუ შრომები, ნაკვ. 73, აღმოსავლეთმცოდნეობის სერია, თბ., 1959, გვ. 166, 170—171, 177). მაგრამ შემდეგ შეიცვალა აზრი და ისე როგორც ივ. ჭავჭავიძე, ისიც „აჰლ ალ-ჟითაბი“ გულისხმობს მუსლიმებსაც, ქრისტიანებსაც და ებრაელებსაც (იაკუთის ცნობები საქართველოსა და კავკასიის შესახებ, ნაკვ. 1, თბ., 1964, გვ. 40). „აჰლ ალ-ჟითაბი“ რომ მხოლოდ ყურანის ხალხს, ანუ მუსლიმებს არ ნიშნავს ამას სხვებზე ადასტურებენ (იხ. П. К. Жузе, Из соч. Баладжо-ри, ... გვ. 12; Т. М. Сипенкова, დასახ. ნაშრომი, გვ. 148; ო. ცქი-

დართული იმ საკმელ-სასმელით, რაც ჩვენ არ გვეკრძალება¹⁶ და უჩვენებთ გზას ისე, რომ ზიანი არავინ მიაყენოს თუკი ვინმე მართლმორწმუნეთაგანი ჩამორჩება, გვეალებათ მისი მიყვანა მორწმუნეთა უახლოეს რაზმამდე, თუ ეს მოსახერხებელი იქნება. თუ იქნებით მშვიდად, ილოცებთ და ზაქათს¹⁷ გაიღებთ ძმები ვიქნებით სარწმუნოებით¹⁸. ხოლო, ვინც უარს იტყვის მშვიდობაზე, ისლამზე და ჭიზიაზე, ის ალაჰის, მისი მოციქულისა და სარწმუნოების მტრად იქნება მიჩნეული. ალაჰი კი ისაა, ვისაც მოწყალეებას სთხოვენ. თუ მორწმუნეთ რაიმე მიზეზით არ ეცლებათ (დასახმარებლად) და მტერი დაგიმორჩილებთ, ეს არ ჩაგეთვლებათ პირობის დარღვევად და არავინ დაგსჯით, თუკი ისევ დაუბრუნდებით სარწმუნოებასა და მუსლიმებს. ენაა თქვენი უფლება-მოვალეობანი. მოწმეა ალაჰი, ანგელოსნი მისნი,

ტ ი შ ვ ი ლ ი, დასახ. ნაშრომი, გვ. 149; Л. И. Надирадзе. К. интерпретации термина Ахл ал-Китаб в „Охранной грамоте“ Ханиба ибн Масламы. ახლოაღმოსავლური კრებულები, თბ., 1983, გვ. 45, 50—51; მისივე, Джизья в „Охранной грамоте“ Ханиба ибн Масламы, „მაცნე“, 1986, № 3. გვ. 110).

¹⁶ „დაცვის სიგელის“ ეს ადგილი ივ. ჭავჭავაძისთან ასეთნაირად უდერს: „...გაუმსახინძლდეთ ისეთის საკმელებით, რომელიც (სადმართო) წერილის მქონე ერებს (ე. ი. ქრისტიანებსა და ებრაელებს) და ჩვენც (მუსლიმებს. — ბ. ს.). გვექმება“ (ივ. ჭავჭავაძის შვილი ილია ქართველი ერის ისტორია, II, გვ 75). ასე ესმით სიგელის აღნიშნული ადგილი აგრეთვე შ. ლორთქიფანიძეს, ე. სიხარულიძეს, ო. ცქიტიშვილს, ლ. ნადირაძეს და ამ სტრიქონების ავტორს (შ. ლორთქიფანიძე, ჰაბიბ იბნ მასლამას „დაცვის სიგელი“. მასალები საქართველოს და კავკასიის ისტორიისათვის, ნაკვ. 29, გვ. 64; ე. სიხარულიძე, არაბეთ-საქართველოს ურთიერთობის ისტორიიდან. არაბული „დაცვის სიგელები“. თსუ შრომები, ნაკვ. 73, აღმოსავლეთმცოდნეობის სერია, გვ. 177; ო. ცქიტიშვილი, ჰაბიბ იბნ მასლამას „დაცვის სიგელი“ აბუ უბაიდის თხზულებაში. „მაცნე“, ისტორიის სერია, № 1, თბ., 1976, გვ. 194; Л. И. Надирадзе, დასახ. ნაშრომი, 50—51; ბ. სილაგაძე, დასახ. ნაშრომი, გვ. 69). ჰაბიბ იბნ მასლამას „დაცვის სიგელის“ აღნიშნული ადგილის ივ. ჭავჭავაძისეული გაგება, რასაც სხვა ავტორებიც იმეორებენ, სწორია. მაგრამ თუ ჩვენ ის სხვა სიტყვებით გადმოვიცით, ეს მხოლოდ აზრის უფრო სიცხადისათვის მოვიმოქმედებთ.

¹⁷ ზაქათი زَكَاة (მეათედი) სამოწყალო-საქველმოქმედო გადასახადი მუსლიმთათვის გაქრებულთა დასახმარებლად (Адам-Мец, Мусульманский Ренессанс. Перевод с немецкого, предисловие, Спб. библиография и указатель Д. А. Бертельса, М., 1966, с. 105).

¹⁸ მამასადამე, ზაქათის გადახდელს აუცილებლად უნდა ეცნო არაბთა ბატონობა და ელოცა ყურნის წესით (იბნ 'ბაიდი, დასახ. თხზულება, გვ. 209).

მოციქული და მორწმუნენი, თუმცა მოწმედ ალაპიც ხომ საკმარი-
სია“¹⁹.

ამ საზავო ხელშეკრულებით თუფილი (თეოფილი) უკან გაბ-
რუნებულა. მისთვის ჰაბიბს გაუყოლებია თავისი წარმომადგენელი
ცნობილი იურისტი აბდ არ-რაჰმან იბნ ჯაზ ას-სალამი და გაუტანე-
ბია თბილისის მოსახლეობისადმი მიმართვის ასეთი შინაარსის წერი-
ლი: „ჰაბიბ იბნ მასლამასაგან ტაფლსის მცხოვრებლებს! მშვიდობა
თქვენ! ვაქებ თქვენს წინაშე ალაჰს, რომლის გარდა არაა სხვა რამ
ღვთაება. შემდეგ კი აი რა: მოვიდა ჩემთან და ჩემთან მყოფ მორ-
წმუნეებთან მოციქული თქვენი თუფილი და თქვენი სახელით თქვა,
რომ ჩვენ (მუსლიმები) ვიყავით არარა, უმწეო და უმეტარი ხალხი,
რომელსაც ალაჰმა მოგვანიჭა სიცოცხლე და სიდიადე. დიდება მას
ქვეყნიერების უფალს, მოწყალესა და მწყალობელს. მშვიდობა მის
მოციქულს იკურთხოს იგი, რამეთუ გვატარა სწორი გზით. თუფილმა
თქვენი სახელით განაცხადა, რომ ალაჰმა დასცა მუსლიმთა მტერს
შიშის თავზარი... და ისურვეთ ჩვენთან დაზავება. მე და ჩემთან
მყოფმა მორწმუნეებმა მოვიწონეთ თქვენი საქციელი. თუფილის მიერ
მოტანილი საჩუქარი მე და ჩემთან მყოფმა მორწმუნეებმა შევა-
ფასეთ ას დინარად და ჩავითვალეთ გამოსასყიდ თანხაში, რომლის
გარდა გმართებთ ჯიზია, ყოველი კომლიდან დინარი. მართლმორწმუ-
ნე დიდებულთა თანდასწრებით დაგიწერეთ თქვენი ვალდებულებე-
ბისა და შეუვალობის ეს სიგელი და გეგზავნებათ თქვენ აბდ არ-რაჰ-
მან იბნ ჯაზ ას-სულამის ხელით. თუ თქვენ სცნობთ რაც მასშია, მა-
შინ იგი ვადმოგცემთ მას, ხოლო თუ უარყოფთ, გამოგიცხადებთ
ომს. ალაჰს ხომ მოღალატენი სძულს. მშვიდობა მას, ვინც სწორი
გზით ივლის“²⁰.

19 იბნ 'უბაიდი, დასახ. თხზულება, გვ. 193—194. ასეთივე შინაარსისაა
ალ-ბალაზურის, ატ-ტაბარისა და იაკუთისეული „დაცვის სიგელის“ ვარიანტებიც.
მართალია, მათში თხრობა უფრო დახვეწილია, ტექსტებიც ზოგჯერ შემოკლებუ-
ლია და სხვა განსხვავებანიც შეიმჩნევა, მაგრამ ძირითადი აზრი ერთნაირია: ისი-
ნი ერთმანეთს ავსებენ და ზოგჯერ ასწორებენ კიდევ. ამ თვალსაზრისით თითოეული
ვარიანტის ცალ-ცალკე შესწავლა და ერთმანეთთან შედარება არ იქნება ინტერესს
მოკლებული.

20 აბუ 'უბაიდი, დასახ. თხზულება, გვ. 210—211; ალ-ბალაზურის, ატ-
ტაბარისა და იაკუთის თხზულებებში „დაცვის სიგელის“ შემონახული ვარიანტე-
ბი მხოლოდ დეტალებით განსხვავდებიან ერთმანეთისა და 'უბაიდისეული ვარიან-
ტისაგან. ამ ვარიეტეტსთან დაკავშირებით არ უნდა იყოს მართალი ა. ბოვერაძე,
რომელიც ამბობს: „ჩემი აზრით, სხვა თბილისის მოსახლეობისათვის მოცემული

რა რეაგირება მოახდინეს თბილისელებმა ამ მიმართვისადმი ზუსტად არავინ იცის სანდო ცნობების უქონლობის გამო, მაგრამ ერთი კი ცხადია, ჰაბიბი ამის შემდეგ შედის ქალაქში და მის მოსახლეობას უდებს აღნიშნულ ხელშეკრულებას²¹, ისიც ჩანს, რომ თბილისის გარდა მას უბრძოლველად დანებებია აგრეთვე საქართველო სხვა თემები და ქალაქები: „ქასფარი²², ქისალი, ხუნანი, სამსახი, ალ-ჯარდმანი, კასფ ბისი²³, შავშეთი და ბაზალეთი“, ხოლო „წაწარები, კლარჯეთის მოსახლეობა და ღუდანელები“ კი ხმლით დაუმორჩილებია და დაუხარკავს, რაც დასტურდება იბნ ალ-ფაკიპის ცნობიდან²⁴. ასე რომ, საქართველოს აღმოსავლეთ ნაწილის დასალაშქრავად არაბებს დიდი დრო და ჯაფა არ დასჭირვებიათ. ამიტომ არც დიდხანს დარჩენილან ისინი იქ. დაიმორჩილეს და დაბეგრეს თუ არა ქვეყანა, მაშინვე დატოვეს მათ იგი ისე, რომ ხელი არ უხლიათ ადგილობრივი მმართველობის სისტემისა და წეს-ჩვეულებისათვის.

არაბთა ბატონობის ცნობა და „ჯიზიით დამცილების“ აღიარება²⁵, უდავოდ, საქართველოს რთული ვითარებით იყო ნაკარნახები. ბი-

სიგელი და სხვა პატრიკიოსის სახელზე, ანუ მისი საგამგეო ქვეყნისადმი გაცემული სიგელი“ (ა. ბ. გ. ვ. ე. რ. ა. ძ. ე., დასახ. ნაშრომი, გვ. 93). სინამდვილეში კი ერთი არის „ზაფისა და უშიშროების“ სიგელი, ხოლო მეორე — არაბი სარდლის პირადი წერილი პატრიკიოსისადმი დაზავებაზე თანხმობის შესახებ.

²¹ СМОНПК, XXXI, 1902, с. 26—27.

²² كسفر უნდა იყოს كسفي-ის (კასპის) შერყენილი ფორმა, გაჩენილი გადამწერის დაუდევრობისა თუ ტექსტის გაუგებრობით, ამიტომ ნ. კარაულოვის ვარაუდი, რომ იქ იგულისხმება „ხეცურეთი“ (СМОНПК, XXXVIII, Типлис, 1908, გვ. 74, შენ. 105 და გვ. 75, შენ. 114) დაზუსტებას საქიროებს.

²³ كسفر უნდა იყოს كسوريس („ქსოვრისი“-ს) დამახინჯებული ფორმა.

²⁴ Из книги о странах Ибн ал-Факиха ал-Хамадани, перевод с арабского и примечания Н. А. Караулова (СМОНПК, вып. XXXI, с. 26—27).

²⁵ მასლამას „დაცვის სიგელის“ ფრაზას: **على الاقرار بصغار الجزية** ჩვეულებრივ თარგმნიდნენ „მცირე ჯიზიის ცნობად“ (მ. ლ. ო. რ. თ. ი. ფ. ა. ნ. ი. ძ. ე., ჰაბიბ იბნ მასლამას „დაცვის სიგელი“. მასალები საქართველოსა და კავკასიის ისტორიისათვის, ნაკვ. 29, გვ. 63), ნამდვილად კი მისი სწორი თარგმანია „ჯიზიით დამცილების აღიარებით“. საქმე ისაა, რომ არაბების წინაშე ყველა მათ მიერ დაპყრობილი არამუსლიმი დამცირებულად ითვლებოდა (იბ. ი. ბ. ა. ლ. ა. ს. ი. რ. ი., დასახ. თხზულება, III, გვ. 151—152; Корап. Перевод и комментарий И. Ю. Крачковского, М., 1963, გვ. 151—152; ე. ს. ი. ხ. ა. რ. უ. ლ. ი. ძ. ე., არაბეთ-საქართველოს ურთიერთობის ისტორიიდან... თსუ შრომები, ტ. 73, აღმოსავლეთმცოდნეობის სერია,

ზანტიას, რომელიც საქართველოს მფარველობას იჩემებდა, მისი დაცვის უნარი აღარ შესწევდა. საკუთარი ძალები კი სასაზღვრო ირანის დამქცევ არაბთა ძლიერი ტალღის უკუსაქცევად ქვეყანას აღარ ჰყოფნიდა და ასეთ პირობებში ომი მას განადგურების მეტს არაფერს მოუტანდა, ხოლო ომზე უარის თქმასა და ზავს ამ უბედურების თავიდან აცილების გარდა სხვა ჰიკეთის მოტანაც შეეძლო. ბიზანტიელთა სიმკაცრისა და მძულვარების გამო უკიდურესობამდე შეწუხებულ აღმოსავლეთის ხალხებს, მათ შორის ქართველებსაც, რომელთა მდგომარეობა განსაკუთრებით გაუარესდა ჰერაკლე იმპერატორის დროიდან, მათი ბატონობიდან თავდახსნის ერთ-ერთ საშუალებად არაბთა მხარეზე გადასვლა ესახებოდათ. არაბებს ისინი, როგორც ივ. ჯავახიშვილი აღნიშნავს, ბერძენთა მონობისაგან განმთავისუფლებლად მიიჩნევდნენ და თავდაპირველად: სინბარულითაც ეგებებოდნენ²⁶, რადგან ახალი დამპყრობელი გარდა იმისა, რომ უცვლელად ტოვებდა დაპყრობილთა პოლიტიკურ-ეკონომიკურ სისტემასა და რელიგიას, მოსახლეობას ბევრავდა მხოლოდ ერთი ან ორი სანის გადასახადით: ჯიზიით, ანუ სულადი გადასახადით და ხარაჯით, ე. ი მიწაზე შეწერილი გამოსაღებით, რაც გაცილებით მსუბუქი იყო ბიზანტიურ გადასახადებთან შედარებით. ამიტომ ქართველი ხალხისა და მისი პოლიტიკური ხელმძღვანელის, პატრიკიოსის დაზავება არაბებთან უნდა განვიხილოთ ერთადერთ სწორ გადაწყვეტილებად.

არაბებს საქართველოში დიდხანს არ ედგომებოდათ. სანამ ისინი ამიერკავკასიის შემოერთებას მოამთავრებდნენ, სახალიფოში არეულობამ იჩინა თავი. ქუფელ და ბასრელ მეომრებს შორის 643 (22) წელს დაიწყო დავა დაპყრობილი (ირანის) მიწების გადასანაწილებლად²⁷ და მან გაჭიანურებული ხასიათი მიიღო. ამას დაემატა სამოქალაქო ომი 656—661 წლებში. ამავე დროს გართულდა სახალიფოს საგარეო მდგომარეობაც. არაბებმა ბიზანტია კი დაასუსტეს, მაგრამ მისი წინააღმდეგობის გატეხვა და საბოლოოდ დამარცხება ვერ მოახერხეს. ის ძალას იკრებდა და გადამწყვეტი ბრძოლისათვის ემზა-

თბ., 1959, გვ. 172, 176; Л. И. Н а д и р а д з е, К вопросу о феодализме в завоеванном арабами странах. Современная историография стран зарубежного Востока. М., 1975, гв. 55; მსივე, Джизья в „Охранной грамоте“ Халифа ибн Масламы, „მაცნე“, ისტორიის... სერია, თბ., 1986, № 3, გვ. 108).

²⁶ ივ. ჯავახიშვილი, ქართველი ერის ისტორია, II, თბ., 1965, გვ. 74.

²⁷ ი ბ ნ ა ლ - ა ს ი რ ი, დასახ. თხზულება, გვ. 15.

დებოდა. ჩრდილოეთში არაბებს გამოუჩნდა საშიში მტერი თურქი ხაზარების სახით. ყოველივე ეს სახალიფოს პოლიტიკურ მესვეურებს კარანახობდა თავი მოეყარათ ჯარებისათვის სირიაში (ბერძენთა წინააღმდეგ) და ჩრდილოეთში — დარუბანდის მისადგომებთან (ხაზარებთან საომრად). ასეთ ვითარებაში დაპყრობილი ხალხები ცდილობდნენ ხელსაყრელი მომენტის გამოყენებას, უარს აცხადებდნენ არაბებთან დადებული ხელშეკრულებების შესრულებაზე და სახალიფოს მორჩილებიდან გამოდიოდნენ. არაბებს კი უხდებოდათ მათი ხელახლა დაპყრობა. ერთ-ერთი ასეთი შემთხვევის შესახებ იბნ ალ-ასირი გვაუწყებს: „მუავიას დროს არმინიის მოსახლეობა მორჩილებიდან გამოვიდა... მაშინ ჯურზანში მყოფმა ჰაბიბ იბნ მასლამამ თაველისისა და ჯურზანის მთების მოსახლეობას მორჩილებისაკენ მოუწოდა და ისინი დაითანხმა“²⁸. არაბი მემატიანის ეს ცნობა 643(22) წლითაა დათარიღებული. მაგრამ ვინაიდან მასში ნათქვამია, არმინიის (რომლის შემადგენელ ნაწილსაც ჯურზანი, ანუ ქართლი წარმოადგენდა) მოსახლეობა მორჩილებიდან გამოვიდაო, ეს უდავოდ იმაზე მიგვანიშნებს, რომ ცნობაში დაშვებულია ქრონოლოგიური უზუსტობა და მომხდარ ფაქტს, ნამდვილად, ადგილი უნდა ჰქონოდა შედარებით გვიან, 645 წლის შემდეგ. ამას გვაფიქრებინებს როგორც თვით იბნ ალ-ასირის, ისე სხვა არაბ ავტორთა ის მონაცემები, რომელთა მიხედვითაც ქართლი სახალიფოს შემადგენლობაში მხოლოდ 645 წლიდან მოექცა და, ცხადია, მანამდე ქართლის მთელი მოსახლეობის რაიმე განდგომაზე საუბარი შეუძლებელია.

აღმოსავლეთ საქართველოს დაპყრობის შემდეგ ჰაბიბ იბნ მასლამა ალ-ფიქრი ამიერკავკასიაში დიდხანს აღარ დარჩენილა. ხალიფა უსმან იბნ აფანმა ის სირიაში გაიწვია ბიზანტიასთან გართულებული ვითარების გამო, ხოლო მის ნაცვლად არმინიაში გაგზავნა ხუზაიფა იბნ ალ-იამანი. მაგრამ, როგორც ირკვევა, ის არმინიაში არ წასულა. ალ-ქუფის ვადმოცემით, ხუზაიფს, რომელიც მაშინ მედინაში ყოფილა, უხშია თავისი ბიძაშვილი სულათ იბნ ზაფირ ალ-‘აბსი და არმინიის მმართველობა მისთვის მიუხდვია, თვითონ კი მედინაში დარჩენილა. მემატიანის ცნობით, სულათს არმინიაში ერთი წელი მოუთევია. მერე ის შეუცვლია მულირ იბნ შუ‘ბას, ხოლო ეს უკანასკნელი — აშ‘ ას იბნ იაის ალ-კინდის, რომელიც იქ დარჩენილა ხალიფა ‘უსმანის გარდაცვალებამდე²⁹. ხალიფა ‘უსმანი 656 წელს დაიღუპა. ამდენად, ალ-ქუფის

28 ი ბ ნ ა ლ - ა ს ი რ ი, დასახ. თხზულება, III, გვ. 16:

ეს ცნობა კიდევ ერთი დადასტურებაა იმისა, რომ ჰაბიბ იბნ მასლამას „დაცვის სიგელი“, რომელიც აღმოსავლეთ საქართველოზე არაბთა სიუხერენობის უტყუარ იურიდიულ საბუთს წარმოადგენს, შეუძლებელია 655 წელს კი არა თუნდაც 653 წელს დადებულიყო.

სულთან იბნ ზაფირ ალ-‘ბსის არმინიაში დიდი სიმკაცრე გამოუჩენია ადგილობრივი მოსახლეობისადმი³⁰. თუმცა, სანდო ცნობები ცხადყოფენ, რომ ავკაცობაში მას არც სხვა ამირები ჩამოუვარდებოდნენ. აშ‘ას იბნ კაის ალ-კინდის ქუფელების დიდი რაზმით სასტიკად დაუსჯია არაბობის წინააღმდეგ გამდგარი „არმინიელნი“, აგრეთვე დაუწყია იქ არაბთა დასახლება³¹.

როგორც ჩანს, დაპყრობილი ქვეყნების მოსახლეობის განდგომის შემთხვევები იშვიათობას არ წარმოადგენდა და გაპირობებული იყო ორი ვარემოებით: არაბულ გადასახადების სიმძიმითა და არაბთა ბატონობის სისუსტით. სანამ ეს ბატონობა ძალას მოიკრებდა, დაპყრობილი ხალხები სარგებლობდნენ ამ მომენტით და მორჩილებაზე უარს აცხადებდნენ. მაგრამ ასე იყო მხოლოდ პირველ ხანებში. შემდეგ ვითარება თანდათან ცართულდა. არაბებმა ამიერკავკასიაში სულ უფრო იწყეს მომრავლება-მომძლავრება და ამაში ადგილობრივი მოსახლეობის ანტიარაბული მოქმედების გარდა ბრალი მიუძღვით ხაზარებსაც.

³⁰ Абу Мухаммад Ахмад ибн А‘сам ал-Куффи, დასახ. თხზულება, გვ. 12; ო. ცქიტიშვილი, აჰმად იბნ ასამ ალ-ქუფი არაბთა ლაშქრობების შესახებ („მაცნე“, ისტორიის... სერია, თბ., 1984, № 1, გვ. 103 — 104).

³⁰ Ал-Куффи, დასახ. თხზულება, გვ. 19.

³¹ З. М. Бунятов, Азербайджан в VII—IX вв. Баку, 1965, с. 171.

მ ა ო თ ხ ე თ ა ვ ი

ომეგი ჩრდილოეთში და მათი შედეგები საქართველოსათვის

იბნ ალ-ასირის ცნობით, 652/3 (32) წელს ხაზარები და თურქები (კავკასიელი ჰუნები) მუსლიმთა წინააღმდეგ საომრად გაერთიანდნენ. ბრძოლა ბალანჯარის ტერიტორიაზე გაიმართა და ხაზართა გამარჯვებით დასრულდა. არაბებმა უდიდესი ზარალი ნახეს, მათ დაკარგეს სარდალი აბდ-არ-რაჰმან იბნ რაბია¹ და თანამებრძოლთა უმეტესობა. ვინც დაღუპვას გადაურჩა, მტერს ზურგი უჩვენა და შორს სამხრეთისაკენ უკუიქცა². ამ ბრძოლას განსაკუთრებული მნიშვნელობა ჰქონდა ორივე მხარისათვის. ხაზარები დარწმუნდნენ, რომ არაბები უძლევლნი არ არიან, არაბები კი მიხვდნენ, რომ სანამ ჩრდილოეთ კავკასიაში ხაზარებია, ამიერკავკასიაში მუსლიმთა ბატონობას მუდამ საფრთხე მოელის. ამიტომ მოწინააღმდეგეებმა ამ გაკვეთილიდან სათანადო დასკვნა გააკეთეს: ხაზარებმა თანდათან გააქტიურეს საომარი მოქმედება, ძირითადად სამხრეთის მიმართულებით, ხოლო არაბებმა თავიანთი ძალების გამრავლების მიზნით, იწყეს სამხრეთიდან ტომების გადმოსახლება ჩრდილოეთში, სპსაზღვრო რაიონებში, კერძოდ ალბანეთში; აგრეთვე აღმოსავლეთ საქართველოს ტერიტორიაზეც როგორც ხაზარებისა და ალანების, ისე ბიზანტიელთა წინააღმდეგ საბრძოლველად.

არაბ მწერალთა მონაცემებით, მდგომარეობა არაბებსა და მათ მოწინააღმდეგე ხაზარებს, ალანებსა და ბიზანტიელებს შორის მკვეთრად გაჩაღებულა VII ს. 60-იანი წლებიდან. იბნ ალ-ასირის ცნობით, 42(662/3) წელს არაბებს ულაშქრიათ ალანებისა და ბიზანტიელების წინააღმდეგ³. შემთხვევით არ ასახელებს, საიდან განახორცი-

1 აჰმად იბნ ასამ ალ-ქუფის ცნობით, აღნიშნულ ბრძოლაში აბდ არ-რაჰმან იბნ რაბია კი არა, მისი ძმა სალმა იბნ რაბია, ალ-ბაჰილი დაღუპულა (ო. ცქც. ტ. II, გვ. 103).

2 იბნ ალ-ასირი, დასახ. თხზულება, III, გვ. 64.

3 იქვე, გვ. 213.

ელეს არაბებმა ეს თავდასხმა ალანებზე, მაგრამ ცხადია, ის საქართველოს ტერიტორიიდან მოეწყობოდა, დარიალის გასასვლელით.

არაბებმა ეს ბრძოლა მოიგეს, მაგრამ მიღწეული გამარჯვებით დიდხანს ვერ ისარგებლეს. 664 წელს ჰუნებმა⁴ თავიანთი მეფის ალფ-ილტივარის ბრძანებით არაბები დაამარცხეს და მდინარე არაქსის იქით გააძევეს. არრანის მაშინდელმა გამგებელმა ჯუანშირმა არაბებს ზურგი შეაქცია, დაქცევსაგან თავისი სამფლობელოს გადარჩენისა და ხელისუფლების შენარჩუნების მიზნით, ალფ-ილტივარს უმხრო და მის ასულზე დაქორწინდა, თუმცა ამით სასურველ შედეგს მაინც ვერ მიაღწია. მუ'ავია აბუ სუფინმა იგი ლალატისათვის სიკვდილით დასაჯა, ხოლო ამიერკავკასიის ქვეყნების ასაკლებად ახალი დამსჯელი ექსპედიცია გამოგზავნა⁵. არაბი ავტორები ამ თავდასხმის შედეგის შესახებ არაფერს ამბობენ, რაც იმას ნიშნავს, რომ იგი მათი წარმატებით არ დამთავრებულა. ამას ადასტურებს თუნდაც ი. დრასხანაკერტცის ერთი ცნობა, რომ კათალიკოს ისრაელის (667—677) დროს არაბებმა ბარაბას წინამძღოლობით ილაშქრეს ქართლსა და სომხეთში, მაგრამ გრიგოლ მამიკონიანმა და ქართლის ერისთავმა ნერსიმ ისინი უკუაქციეს⁶.

ამიერკავკასიის მიმართ უნდობელნი გამოდგნენ ჰუნებიც და ხაზარებიც, არ-რანის გამგებლის დაზავებამ და დანათესავებამ ვერ შეაჩერა მათი სიხარბე და 684/5 წელს სამხრეთში მოაწყვეს ძლიერი ლაშქრობა, რომლის დროსაც გაძარცვეს და დააქციეს არ-რანი, ქართლი და სომხეთი.

სამხრეთიდან და ჩრდილოეთიდან გამუდმებული თავდასხმებით შეწუხებულ ქართლს, სომხეთსა და ალბანეთს დასავლეთიდანაც არ ჰქონდათ მოსვენება. 686/7 წელს ისინი დალაშქრა იმპერატორ იუსტინიანე II-ის (685—696, 705—711) სარდალმა ლეონტიმ⁷. 688

⁴ მათ შექმნეს პოლიტიკური გაერთიანება „ჰუნთა სამეფო“ დაღესტანში (VII ს-ში) და იმყოფებოდნენ ხაზარების მორჩილებაში (M. H. Артамонов, დასახ. ნაშრომი, გვ. 180, 184).

⁵ M. Каланкатвацц, დასახ. თხზულება, გვ. 151—152, 185; M. H. Артамонов, დასახ. ნაშრომი, გვ. 181 — 183; A. H. Тер-Гевондян, დასახ. ნაშრომი, გვ. 49—50.

⁶ Тер-Гевондян, დასახ. ნაშრომი, გვ. 51.

⁷ Theophanis Chronographia, I, გვ. 155—156.

წელს კი მათ დასაქცევად დაიძრა თვით იმპერატორი, რომელმაც ეს ქვეყნები აიკლო და მძიმე ხარკით დაბეგრათ.

ბიზანტიელთა და ხაზართა გამარჯვება ამავე დროს ნიშნავდა არაბთა მარცხს, რაშიც ისინი ბრალს სდებდნენ ადგილობრივ მოსახლეობასაც, დამპყრობლებს შორის გაუთავებელი მტრობით რომ სარგებლობდა და მუდამ დამოუკიდებლობისაკენ ისწრაფოდა. ამიტომ ბიზანტიელთა და ხაზართა ყოველ ლაშქრობას თან სდევდა არაბთა საპასუხო თავდასხმა. ალ-იაკუბის ცნობით, 43(663/4) წლიდან 59 (678/9) წლამდე მათ 16-ჯერ დაულაშქრავთ აღმოსავლეთ ამიერკავკასიის ქვეყნები⁹. ასეთივე თავდასხმები გრძელდებოდა შემდეგაც, კერძოდ 73(692/3), 82(701/2) და 85(704) წლებში¹⁰.

მუჰამად იბნ მარვანის ლაშქრობა

ჩამოთვლილი ლაშქრობებიდან არც ერთი არ იყო ხელსაყრელი ადგილობრივი მოსახლეობისათვის, მაგრამ თავისი მასშტაბურობითა და მძიმე შედეგებით 701—704 წლების ლაშქრობა მაინც გამოირჩეოდა ყველა მანამდელი სამხედრო ექსპედიციისაგან. იგი განახორციელა 693 წელს აზერბაიჯანის, არმინიისა და ალ-ჯაზირის გამგებლად დანიშნულმა მუჰამად იბნ მარვანმა თავისი ძმის ხალიფა აბდ-ალ-მალიქის (685—705) ბრძანებით და მიზნად ისახავდა არაბთა წინააღმდეგ ამბოხებული მოსახლეობის დათრგუნვას¹¹. მან ცეცხლითა და მახვილით განვლო მთელი სომხეთი, აღმოსავლეთ საქართველო და არ-რანი, გაძარცვა და გადაბუგა ეკლესია-მონასტრები, საცხოვრებელი სახლები, დაატყვევა და ამოწყვიტა მოსახლეობა. ერთ-ერთი ასეთი შემთხვევის გამო ალ-იაკუბი და ალ-ბალაზური იუწყებიან: მუჰამადმა არმინიის გამგებლები, თავიანთ თავს აპრარებს (ნაპარარებს) რომ უწოდებენ, ხლათის ოლქის ერთ ეკლესიაში შეიტყუა, გამოამწყვდია, ეკლესიას ცეცხლი წაუკიდა და ყველანი ფერფლად

⁹ А. Мюллер, История ислама, II, с. 40; Ю. Кулаковский, История Византии III, с. 257—258; М. И. Артамонов, *დასახ. ნაშრომი*, გვ. 191. ზოგან ამ ლაშქრობას თარიღად დასახელებულია 689 წელი (А. Н. Тер-Гевондян, *დასახ. ნაშრომი*, გვ. 52).

¹⁰ Ya'qubi, II, 239—240.

¹¹ იბნ ალ-ასირი, *დასახ. თხზულება*, IV, გვ. 176—177, 248—249.

¹¹ Якуби, История, II. Текст и перевод Л. К. Жузе, Баку, 1927, с. 5.

აქციაო¹². იგივე შემთხვევა უფრო ვრცლად და მუქად აქვს აღწერილი ალ-ქუფის. მისი გადმოცემით, მუჰამადის ასეთი არაადამიანური საქციელის მიზეზი ის იყო, რომ არმინის აჯანყებულმა მოსახლეობამ ბიზანტიელებისა და ხაზარების დახმარებით არაბთა სარდალს უბაიდალამ იბნ აბუ შ-შაიხს სულ გაუწყვიტა ათი ათასი სირიელი მეომრისაგან შემდგარი ლაშქარი¹³. არაბთა სისასტიკეს რომ საზღვარი არ ჰქონდა და ის მასობრივ ხასიათს ატარებდა ამას არაბი ავტორების გარდა სომეხი მწერლებიც ადასტურებენ. მოვსეს კალანკატვაციის ცნობით, მუჰამადს ასეთივე ხერხით 146 წელს სომხური წელთაღრიცხვით, ანუ 697 წელს ევროპული კალენდრით, ქ. ნახ-ქევნის ეკლესიაში დაუწვავს 1200 სომეხი თავაცი¹⁴, ხოლო ლევონდი უმატებს და ამბობს, რომ ხანგრძლივი თარეშის შემდეგ ის ქვეყნები, სადაც მუჰამად იბნ მარვანმა გაიარა, „ნახანძრალს ან ღორის ფეხით გათელილ ძნებს ჰგვანდნენო“¹⁵. რა თქმა უნდა, ეს დიდი უბედურება იყო დაპყრობილი ქვეყნების მოსახლეობისათვის, მაგრამ უფრო მთავარი, რაც ამ ლაშქრობას შედეგად მოჰყვა მაინც ის არის, რომ საბოლოოდ ჩამოყალიბდა არმინის ცალკე პროვინცია¹⁶, ანუ არმინის საამირო სომხეთ-საქართველო-ალბანეთის (პარტანის) შემადგენლობით და არაბობამ განიმტკიცა პოზიციები ამიერკავკასიაში. მისი არაბი გამგებელი ამიერიდან დვინში იჯდა და იქიდან უწევდა კონტროლს მთელ საამიროს.

ამრიგად, აბდ ალ-მალიქმა მიზანს მიაღწია. მუჰამად იბნ მარვანის ლაშქრობით ჩააქრო სახალხო აჯანყებანი „არმინიაში“, გაწყვიტა არაბთმოდულე ფეოდალების უმრავლესობა, შეასუსტა მათი წინააღმდეგობის ძალა. მოამთავრა ამიერკავკასიის ქვეყნების დამორჩილება, შექმნა „არმინის“ დამოუკიდებელი საამირო და ყოველივე ამით შეამზადა პირობები ამ რეგიონში როგორც „არაბობის“ დასამ-

¹² იქვე, ტექსტი გვ. 3, თარგმანი, გვ. 5—6; Б а л д з о р и, Книга завсёгдашняя страна, Баку, 1927, გვ. 15.

¹³ ალ-ქუფი, დასახ. თხზულება, გვ. 13—14.

¹⁴ მოვსეს კალანკატვაცი, აღვანთა ქვეყნის ისტორია, ძველი სომხურიდან თარგმნა, შესავალი, შენიშვნები და საძიებლები დაურთო ლ. დავლიანიძე — ტატიშვილმა, თბ., 1985, გვ. 153. ვარდანის ერთი ცნობის თანახმად, ამ შემთხვევას ადგილი ჰქონია აბდ ალ-მალიქის გარდაცვალების (705 წ.) შემდეგ, მეორე ცნობით კი 150(701) წელს (В а р д а н, Всеобщая история, გვ. 91 — 92), ალბათ, 150(701) წელი უფრო სწორია.

¹⁵ Г е в о н д, დასახ. თხზულება, გვ. 14.

¹⁶ Т е р - Г е в о н д я н, დასახ. ნაშრომი, გვ. 74.

კვიდრებლად. ისე იქ არაბთმოცილე ბიზანტიელთა და ხაზართა წინააღმდეგ სამოქმედოდ, რაც ახალი ძალით გაიშალა მისი გარდაცვალების შემდეგ, ხალიფების ალ-ვალიდის (705—715), სულაიმანის (715—717), 'უმარ იბნ აბდ ალ-'აზიზის (717—720), იაზიდ II-ისა (720—724) და ჰიშამის (724—743) დროს.

ატ-ტაბარისა და იბნ ალ-ასირის თანახმად, 706/7 წელს არაბებს მასლამა იბნ აბდ ალ-მალიქის სარდლობით, დაულაშქრავთ ხაზართა სამფლობელო დერბენდი. 708/9 წელს იგი ხელახლა აუთხრებია არმინიის მაშინდელ გამგებელს მუჰამედ იბნ მარვანს, ხოლო 713 წელს — ისევ მასლამა იბნ აბდ ალ-მალიქს¹⁷. ამავე დროს, არაბებს დაუპყრიათ „აბაზგების, ლაზებისა და იბერიელთა“ ქვეყნები 98 (716—717 წწ.)¹⁸.

არაბთა მოძალებამ სავონებელში ჩააგდო ხაზარები. ისინი დარწმუნდნენ, რომ, თუ ასე გაგრძელდებოდა, საბოლოოდ დაჰკარგავდნენ ყველაზე გემრიელ ლუქმას — ამიერკავკასიას, რომლის ჩრდილოეთ მხარეს თავიანთ სამფლობელოდ მიიჩნევდნენ. არც ის იყო გამორიცხული, რომ მუსლიმი დამპყრობლები ხაზარეთს დაეუფლებოდნენ, რადგან მარტო ხაზარები მოწინააღმდეგეს ვერ უმკლავდებოდნენ. ჰაჭირო იყო ისეთი მოკავშირის პოვნა, რომელიც მათ არაბების წინააღმდეგ საბრძოლველად გამოადგებოდა. ასეთ ძალას კი მაშინ ბიზანტია წარმოადგენდა და ხაზართა მბრძანებელმა ხაკანმაც იოლად გამოახა იმპერატორთან საერთო ენა. დაახლოებით 711 წელს მისი აქტიური სამხედრო დახმარების წყალობით ბიზანტიის სამეფო ტახტზე ასულმა სომეხმა წარჩინებულმა ვარდანმა, რომელიც აღზევების შემდეგ ფილიპე იმპერატორად მონათლეს, იუსტინიანე II-ის სიკვდილით დასჯისთანავე, მოლაპარაკება გამართა თავის კეთილისმყოფელთან და შეთანხმდნენ, რომ ამიერიდან ერთად იბრძოლებდნენ არაბთა წინააღმდეგ. ამ გარიგების ძალით მათ გაინაწილეს ამიერ-

¹⁷ Tabari, Annales..., II, 1200; ი ბ ნ ა ლ - ა ს ი რ ი, IV, 255.

¹⁸ А. М ю л е р, დასახ. ნაშრომი, გვ. 95—96. ლეონდისა და მოესეს კალანკატვაცის თანახმად, ამ ლაშქრობის ხელმძღვანელი უნდა იყოს მასლამა იბნ აბდ ალ-მალიქი (Гевонд, დასახ. თხზულება, გვ. 28; М. К а л а н к а т в а ц и, დასახ. თხზულება, გვ. 263), მაგრამ როგორც არაბული, ისე ბიზანტიური წყაროებიდან ჩანს, რომ მასლამა 718 წლის 15 აგვისტომდე კონსტანტინეპოლის ალყას ხელმძღვანელობდა (А. М ю л л е р, დასახ. ნაშრომი, გვ. 94) და, ბუნებრივია, 717 წელს ის კავკასიაში ვერ იქნებოდა (М. И. А р т а м о н о в, დასახ. ნაშრომი, გვ. 205; გ. ბ ბ რ ა მ ი შ ვ ი ლ ი, დასახ. ნაშრომი, გვ. 29).

კავკასია გავლენის სფეროებად¹⁹. აღმოსავლეთი ერგო ხაზარებს, ხოლო დასავლეთი — ბიზანტიას. ეს იყო მნიშვნელოვანი მოვლენა როგორც ბიზანტია-ხაზარეთის ურთიერთობის ისტორიაში, ისე ამიერკავკასიის ქვეყნების ცხოვრებაშიც. აწი ეს ორი დამპყრობელი დადებული შეთანხმების შესაბამისად მოქმედებდა.

არაბი ავტორების ცნობებით, 99(717/8) წელს 20-ათასიანი ლაშქარი ხაზარებისა შეიჭრა ალბანეთში, ხოლო 104(723/3) წელს მათ სასტიკად დაამარცხეს საბით ან-ნაჰარანის სარდლობით სომხეთიდან წამოსული მუსლიმთა ჯარი და ხელთ იგდეს დიდძალი ალაფი²⁰.

ალ-ჯარრაჰის კირველი ლაშქრობა

ამიერკავკასიის დაკარგვას არაბები ვერ ურიგდებოდნენ. ამიტომ თაზიდ იბნ აბდ ალ-აზიზმა „არმენიის“ გამგებლად ალ-ჯარრაჰ იბნ აბდ ალლაჰ ალ-ჰაქამი გამოგზავნა ჯარით და ხაზარებისა და მათი მოკავშირეების (კასპიისპირა ჰუნების, ყივჩაღების, ალანების) წინააღმდეგ გალაშქრება უბრძანა. იბნ ალ-ასირის ცნობით, 105(723/4) წელს ალ-ჯარრაჰი ამიერკავკასიისაკენ დაიძრა და ის უბრძოლველად დაიკავა, რადგან ხაზარებმა და მათმა მოკავშირეებმა როგორც კი შეიტყვეს არაბთა გამოსვლის შესახებ, დაპყრობილი ტერიტორიები დატოვეს და დარუბანდისაკენ დაიხიეს²¹.

ჯარრაჰი თავისი 30 ათასი მხედრით ბარდავში შეჩერდა და ხაზართაგან მიტოვებულ ტერიტორიაზე საქმეთა მოწესრიგებას შეუდგა. ატ-ტაბარის თქმით, მან თავისი ლაშქარი მულანსა და გილანს დაგზავნა ყველას გასაწყვეტად²², ხოლო მას, როგორც ალ-ბალაზური იტყობინება, ამ დროს უნდა შემოეღო ბარდავში ახალი საწონ-საზო-

¹⁹ М. И. Артамонов, *დასახ. ნაშრომი*, გვ. 196—201.

²⁰ Tabari, *Annales...*, II, 1437; იბნ ალ-ასირი, *დასახ. თხზულება*, ტ. V, გვ. 52; В. Дорн, *Известия о хазарах восточного историка Табары, с отрывками и Гафис—Абру, Ибн-Азем-Эль-Куфи и др.* (Журнал министерства народного просвещения, часть XIII, СПб., 1844, 18 (შემდეგ მოკლედ: В. Дорн, *Известия о хазарах...*).

²¹ იბნ-ალ-ასირი, *დასახ. თხზულება*, ტ. V, გვ. 52, 59.

²² В. Дорн. *Tabaris Nachrichten über die Chasaren, nebst, Auszugen aus Hafis Abru, Ibn Asam el—Kufi, U. A. Mél. VI. Ser. Sc. Politiques ets. t. VI. გვ. 517 და შმდ.*

მი ერთეულები, რომელთაც შემდეგ მოსახლეობამ ალ-ჯარაჰული უწოდა²³.

ბარდავში მცირე დროით შეჩერების შემდეგ არაბი სარდალი თავისი ჯარით მდ. მტკვარზე გადავიდა და ხაზარებისაკენ გაემართა. მოწინააღმდეგის სიფხიზლის მოდუნების მიზნით, წასვლამდე რამდენიმე დღით ადრე ხმა დააგდო, რომ ის კარგა ხანს ადგილიდან დაძვრას არ აპირებდა²⁴. ხერხმა გასჭრა. იგი დერბენდში ისე შევიდა, წინააღმდეგობა არავის გაუწევია. მხოლოდ მეორე დღეს გამოვიდა მის წინააღმდეგ ხაზართა დიდი ლაშქარი ხაკანის ვაჟის ბარჯიქის სარდლობით, მაგრამ მტრის შეჩერება ვერ შეძლო. ჯარაჰმა სასტიკად დაამარცხა იგი და აიძულა უკუქცეულიყო. თვითონ კი ბალანჯარისაკენ გაემართა.

ბალანჯარი ხაზართა მთავარი ციხესიმაგრე იყო, რომელიც ახლა კიდევ უფრო გაემთავრებიათ ერთმანეთზე გადაბმული ეტლებით, რათა არაბთა მხედრონისათვის თავისუფალი მოქმედების შესაძლებლობა მოესპოთ. მიუხედავად მედგარი წინააღმდეგობისა, ხაზართა ლაშქარი აქაც დამარცხდა. ჯარაჰი ბალანჯარს დაეუფლა და ის თავის ჯარს მიუგდო საძარცვავად. შემდეგ ალ-ვაბანდარის ციხესიმაგრე შემუსრა და ამით დაასრულა ლაშქრობა. დაპყრობილი ტერიტორიები ალ-ჯარაჰმა დახარკა, მოსახლეობა აპყარა და, როგორც ალ-ბალაზური იუწყება, არ-რანის ტერიტორიაზე, ყაბალაში გადაასახლა²⁵.

არაბთა მხედართმთავარი დარწმუნებული იყო, რომ ასეთი ღონისძიებების გატარების შემდეგ დაპყრობილი ადგილების მოსახლეობა, თუ სამუდამოდ არა, დიდხანს მაინც ველარ გაბედავდა მორჩილებიდან გამოსვლას, მაგრამ ვარაუდი არ გამართლდა.

სანამ არაბთა ლაშქარი უკან გაბრუნებას მოასწრებდა დამორჩილებული ქვეყნების მოსახლეობა აღსდგა და მას დასახევი გზა მოუჭრა. ჯარაჰი იძულებული გახდა მლის²⁶ რუსთაქში გამოეზამთრა და სახალიფოდან მაშველი რაზმები გამოეთხოვა²⁷.

²³ Б а л а д з о р и, დასახ. თხზულება, გვ. არაბ. ტექსტისა 11, თარგმანი—16.

²⁴ А л - К у ф и, დასახ. თხზულება გვ. 17.

²⁵ Б а л а д з о р и, დასახ. თხზულება, გვ. 194.

²⁶ ზ. ბუნიათოვის მიხედვით კი შაქში (З. Б у н я т о в, დასახ. ნაშრომი, გვ. 110), ქ. ნუხის ახლოს (М. И. А р т а м о н о в, დასახ. ნაშრომი, გვ. 209).

²⁷ ი ბ ნ ა ლ - ა ს ი რ ი, დასახ. თხზულება, V, გვ. 53; А л - К у ф и, დასახ. თხზულება, გვ. 21.

724 წელს, 28 იანვარს (105 წ. 25 შა'ბანს), იაზიდ II, რომელსაც ალ-ჯარრაჰი დახმარებას სთხოვდა, გარდაიცვალა. მისმა შემცვლელმა ხალიფამ ჰიშამ იბნ აბდ ალ-მალიქმა ჯარრაჰი დაკავებულ თანამდებობაზე დაამტკიცა და მას მამუელი ლაშქრის გაგზავნა აღუთქვა. შეასრულა თუ არა მან ეს დაპირება, ამაზე წყაროები უარყოფითად პასუხობენ. მას დახმარება არ მიუღია და დამარცხებულა. დაკისრებული ამოცანა ვერ შეუსრულებია. ამაზე უნდა მიგვანიშნებდეს ის გარემოებაც, რომ 107(725/6) წელს ხალიფამ იგი თანაპლებობიდან გადააყენა და არმინის გამგებლად თავისი ძმა მასლამა იბნ აბდ ალ-მალიქი გაგზავნა²⁸.

სახალიფოს მბრძანებლის ეს გადაწყვეტილება უდავოდ ნაკარნახევი იქნებოდა ჩრდილოეთის საგანგებო კუსტაკში შექმნილი რთული ვითარებით, რაც ძირითადად ხაზართა მოძალებით უნდა ყოფილიყო გამოწვეული. მასლამა იყო სახელმწიფოებრივი სარდალი, ლეგენდარული პიროვნება, რომელმაც ძალიან ბევრი გააკეთა უმაიელთა სახალიფოს ძლიერებისათვის და ასეთი კაცის გამოგზავნა ამიერკავკასიაში იმას ნიშნავდა, რომ სახალიფოს მესვეურნი გადამწყვეტ მნიშვნელობას ანიჭებდნენ ამ მხარეს ხაზარების წინააღმდეგ ბრძოლაში, რომელსაც ახლა ეს გამოცდილი მხედართუფროსი უდგებოდა სათავეში.

108(726/7) წელს მასლამამ შეძლო ხაზართა გაქევა აზერბაიჯანიდან და საომარი მოქმედება გადაიტანა მათ ტერიტორიაზე. იბნ ალ-ასირის თანახმად, მასლამამ ორჯერ მოაწყო ლაშქრობა ხაზართში: 109(727/8) წელს აზერბაიჯანიდან და 110(728/9) წელს ალანთა კარიდან, ანუ დარიალიდან. ორივე ოპერაცია არაბთა გამარჯვებით დამთავრებულა²⁹, მაგრამ, ჩანს, ეს წარმატებაც ხანმოკლე ყოფილა. 111(729/30) წელს ხაზარები კვლავ აზერბაიჯანში ჩანან³⁰. ეს კი იმას ნიშნავს, რომ მასლამამაც მასზედ დაკისრებულ ამოცანას, რომელიც ხაზართა წინააღმდეგობის საბოლოოდ გატეხვას იგულისხმობდა, თავი ვერ გაართვა, აღმოსავლეთ ამიერკავკასიის ქვეყნების, მათ შორის აღმოსავლეთ საქართველოს მიწა-წყალი ხაზართა უსასრულო შემოსევების გამო, არაბთა პირობით სამფლობელოს წარმოადგენდა.

28 იბნ ალ-ასირი, V, გვ. 64—65. მასლამა აბდ ალ-მალიქის უკანონო შვილი იყო მონა ქალისაგან ნაყოლი.

29 იბნ ალ-ასირი, V, გვ. 68, 72.

30 იქვე, გვ. 73.

111(729/30) წელს მასლამა იბნ აბდ ალ-მალიქი ხალიფამ უკან გააწვია კონსტანტინეპოლზე სალაშქროდ და მისი თანამდებობა ისევ ჯარაჰ იბნ აბდ ილ-ლაჰ ალ-ჰაჰამის ჩააბარა. არმინიის ახალი გამგებელი იმავე წელს სირიელთა ლაშქრით თბილისში მივიდა და იქ რამდენიმე ხანი დაჰყო.

თბილისში ყოფნისას ქალაქის მოსახლეობას არაბი სარდლები-სათვის არაბებთან მათი ურთიერთობის იურიდიულ-უფლებრივი მდგომარეობის დამადასტურებელი საბუთი — ჰაბიბ იბნ მასლამას „დაცვის სიგელი“ უჩვენებია და ჯარაჰს იგი დაუშტყიცებია³¹. თანაც თავისი ხელით საკუთარი წიგნიც დაუწერია და მათთვის უბოძებია. ბალახურის თხზულებაში დაცული ეს „წიგნი“, ისტორიულ მეცნიერებაში „ჯარაჰის დაცვის სიგელის“ სახელწოდებით რომაა ცნობილი, ასეთი შინაარსისაა: „სახელითა ალლაჰისა მოწყალისა (და) მწყალობლისა! ესაა ჯარაჰ იბნ აბდ ალლაჰის წიგნი ქართლის ოლქის მანგლისის თემის თბილისის მოსახლეობისადმი მასზედ, რომ მომიტანეს ჰაბიბ იბნ მასლამას შიერ მათთვის ბოძებული შეუვალობის წიგნი ჯიზიით დამცირების ოლიარებისა და იმის შესახებ, რომ იგი დაუზავდათ მიწებზე, ვენახებზე და წისქვილებზე, რომლებსაც ეწოდება ავარი და საბინა მანგლისის თემში, ტა'ამი და დიდუნა კუჰუეიტის თემში, ქართლის ოლქში იმ პირობით, რათა ამ წისქვილებზე და ვენახებზე ყოველწლიურად გადაიხდიდნენ 100 დირჰემს ერთდროულად. მე ძალაში დავტოვე მათი უშიშროებისა და ზავის შეთანხმება და ვბრძანე: „არც მათ და არც სხვას, ვისაც ჩემი წიგნი წაეკითხება, ამაზე მეტი არ გადაახდევინონ, თუნდაც ალლაჰმაც რომ ინებოს.

დაწერა ალ-ჯარაჰ იბნ აბდ ალლაჰ ალ-ჰაჰამიმ“.

ალ-ბალახურის თხზულებაში³² შემონახული სიგელის ეს ტექსტი დიდი ხანია მეცნიერულ მიმოქცევაშია. იგი თარგმნილია ინგლისურ,

31 მ. ლორთქიფანიძის მიხედვით ეს ამბავი 724—725 წელს მომხდარა (მ. ლორთქიფანიძე, არაბთა მფლობელობის ხასიათი საქართველოში. მასალები საქართველოსა და კავკასიის ისტორიისათვის, ნაკვ. 35, გვ. 75), ხოლო ტ. სიპენკოვას თქმით, კიდევ უფრო ადრე 720—724 წლებში იაზიდ იბნ აბდ ალ-მალიქის ხალიფობისას (Т. М. Сипенкова, დასახ. ნაშრომი, გვ. 149). სიგელის დამტკიცების თარიღად VIII ს. 20-იან წლებს მიიჩნევს ე. სიხარულიძეც (ე. სიხარულიძე, არაბეთ-საქართველოს ურთიერთობის ისტორიიდან... გვ. 172),

32 Материалы по истории Азербайджана, вып. III, Баку, 1927, с. 8—9.

რუსულ, ქართულ და სხვა ენებზე. ინგლისური თარგმანი ეკუთვნის ა.ფ. ჰიტჩის³³, რუსული — პ. ჟუზენას³⁴ და ტ. სიპენკოვას³⁵, ხოლო ქართული თარგმანები შეასრულეს მ. ლორთქიფანიძემ³⁶ და ე. სიხარულიძემ³⁷.

თავისი შინაარსით ეს სიგელი მნიშვნელოვანი იურიდიული საბუთია. იგი გვეხმარება საქართველოს ისტორიის რიგი საკითხების გარკვევაში. როგორც ცნობილია, დღემდე დომინირებს შეხედულება იმის შესახებ, რომ ჰაბიბ იბნ მასლამას დაცვის სიგელი გაცემული იყო არა მარტო თბილისის, არამედ აღმოსავლეთ საქართველოს სხვა ადგილების, კერძოდ მანგლისის, არმაზისა და საერთოდ შიდა ქართლისა და გუგარეთის მცხოვრებთათვის³⁸. მაგრამ როგორც ჰაბიბის, ისე ჯარაჰის სიგელიდანაც ჩანს, რომ „დაცვის სიგელი“ გაცემულია მხოლოდ თბილისელებზე. ირკვევა ისიც, რომ ჰაბიბის „დაცვის სიგელის“ იმ ფარიანტში, რომელიც თბილისელებს ალ-ჯარაჰისათვის წარუდგენიათ, საუბარი ყოფილა ხარაჯის შესახებ³⁹, თუმცა ეს ჩვენამდე მოღწეული 4 ვარიანტიდან აღარც ერთში არაა გამოკვეთილად ფიქსირებული. მართალია, ამ ფაქტს იმის დასამტკიცებლადაც იყენებენ, რომ ჰაბიბის სიგელში ხარაჯზე საერთოდ არ ყოფილა საუბარი, თორემ ერთ-ერთ ვარიანტში მაინც აისახებოდა იგი⁴⁰, მაგრამ, გამორიცხული არაა, რომ ყველა ეს ვარიანტი მომდინარეობდეს ერთი რომელიღაც არასრული რედაქციიდან. ყოველ შემთხვევაში ალ-ჯარაჰის სიგელიც ამაზე მიგვანიშნებს. მას არ შეეძლო ჰაბიბისათვის

³³ Philip Khuri Hitti. დასახ. ნაშრომი.

³⁴ Материалы по истории Азербайджана, III, с. 12—13.

³⁵ Т. М. Сипенкова, დასახ. ნაშრომი, გვ. 149.

³⁶ მ. ლორთქიფანიძე, ჰაბიბ იბნ მასლამას „დაცვის სიგელი“. მასალები საქართველოსა და კავკასიის ისტორიისათვის, ნაკვ. 29, გვ. 61—64.

³⁷ ე. სიხარულიძე, არაბეთ-საქართველოს ურთიერთობის ისტორიიდან, თსუ შრომები, 73, გვ. 172.

³⁸ ივ. ჯავახიშვილი, ქართველი ერის ისტორია, II, თბ., 1965., გვ. 75; მ. ლორთქიფანიძე, დასახ. ნაშრომი, გვ. 61; ს. ჯანაშია, შრომები, II, 1952, გვ. 364; ა. ბოგვერაძე, ქართლის პოლიტიკური და სოციალურ-ეკონომიკური განვითარება IV—VIII საუკუნეებში. თბ., 1979, გვ. 92—93; დ. მუსხელიშვილი, დასახ. ნაშრომი, გვ. 24—25.

³⁹ Т. М. Сипенкова, დასახ. ნაშრომი, გვ. 152. თავის დროზე ასეთი მოსაზრება გამოთქვა ს. ჯანაშიამ (ს. ჯანაშია, შრომები, II, გვ. 371).

⁴⁰ ე. სიხარულიძე, დასახ. ნაშრომი, გვ. 177.

მიწერა ის, რაც მის სიგელში არ იყო. იგი არც იმას დამალავდა, თუ აღრიხედელ შეთანხმებაში რაიმე ცვლილებები შექმნდა. ანდა როგორ უნდა დაერწმუნებია თბილისელები იმაში, რომ ის ამტკიცებდა მხოლოდ იმას, რაც ჰაბიბის ხელშეკრულებით იყო იგათვალისწინებული, თუკი ასეთი რამ მასში ნამდვილად არ იყო; მეორე, გასათვალისწინებელია ისიც, რომ არაბებს დაპყრობილ ქვეყნებში მიჰქონდათ ორი სახის ძირითადი გადასახადი; ხარაჯა, ანუ საადგილმამულო (ქონებრივი) გამოსაღები და ჯიზია — სულადი გამოსაღები არამუსლიმებზე. ბალახურისთან იგივე ჰაბიბ იბნ მასლამის მიერ დვინისა (დაბილისა) და ნახქევნის (ნაშავას) მოსახლეობისადმი ბოძებულ „დაცვის სიგელებში“, რომლებიც აგრეთვე ხალიფა უსმან იბნ აფანის ზეობის დასაწყისშია გაცემული, ჯიზიასთან ერთად დასახელებულია ხარაჯაც⁴¹. შეიძლება ეს გარემოება იმით აგვეხსნა, რომ დვინი და ნახქევანი არაბებმა ხმლით დაიკავეს, ხოლო თბილისი და მისი შემოგარენის მოსახლეობა მათ უბრძოლველად დანებდა და ამიტომ თბილისელებს შეღავათი მისცეს. მაგრამ ასეთი რამ გამოირიცხული ჩანს, რადგან თბილისელებისადმი ბოძებულ „დაცვის სიგელში“ ჯიზია სულადი კი არა, საკომლო გადასახადია. მაშ რით უნდა აიხსნას, რომ ერთი და იგივე პირის ხელიდან, თითქმის ერთდროულად გამოსულ იურიდიულ საბუთებში — „დაცვის სიგელებში“ ზოგში მხოლოდ ჯიზიაა მოხსენიებული და ისიც საკომლო გამოსაღების მნიშვნელობით, ხოლო ზოგში — ჯიზიაც და ხარაჯაც? საბუთის გამცემმა, ალბათ, კარგად იცოდა ვისთვის რა შინაარსის „სიგელი“ უნდა მიეცა და ამდენად მისი შეცდომა გამორიცხულია. თუ ეს ასეა, მაშინ ან თბილისელთათვის ბოძებული და ჩვენამდე მოღწეული „დაცვის სიგელი“ არის ნაკლები, ანდა ის, რაც განსხვავებად მიგვაჩნია მოჩვენებითა, ამასთან დაკავშირებით სპეციალურ ლიტერატურაში, როგორც უკვე ითქვა, გამოთქმულია ორი სხვადასხვა აზრი. ტ. სიპენკოვას მიხედვით ჰაბიბის მიერ თბილისელთათვის მიცემული და ჩვენამდე მოღწეული სიგელის ტექსტი დეფექტურია, ე. ი. არაა სრული⁴². მისგან განსხვავებით ე. სიხარულიძე კი ვარაუდობს, რომ ალ-ჯარრაჰმა ძალაში დატოვა ჰაბიბის საზავო ხელშე-

⁴¹ Liber expugnationis, ed. M. J. de Goeje, Lugduni — Batavorum, 1863, c. 200; З. Буннятов, Азербайджан в VII—IX вв., Баку, 1965, с. 82; Т. М. Сипенкова, დასახ. ნაშრომი, გვ. 146.

⁴² Т. М. Сипенкова, დასახ. ნაშრომი, გვ. 152.

კრულების პირობები სრულად და თავის მხრივ დაუმატა: 1. მუხლი იმის შესახებ, რომ თბილისის ახლოს არსებული ვენახები და წიკვილები იბეგრებოდნენ ერთდროული გადასახადით წელიწადში 100 ღირჰემის ოდენობით; 2. კუხეთს არაბებისათვის უნდა ეხადა ნატურალური გადასახადი სოფლის მეურნეობის პროდუქტების სახით. მაშასადამე, ჰაბიბ იბნ მასლამა ალ-ფიქრის „დაცვის სიგელის“ დღემდე შემონახული ტექსტი სრულია⁴³.

ჩვენ კი ვფიქრობთ, თბილისელთათვის ჰაბიბის მიერ ბოძებულ და წყაროებში დღემდე შემონახულ „დაცვის სიგელში“ ხარაჯის შესახებ ცალკე მუხლის არარსებობა არ უნდა ნიშნავდეს მის დეფექტურობას და ამდენად ტ. სიპენკოვას ვარაუდის სისწორეც საეჭვოა. უფრო მისაღები ჩანს ე. სიხარულიძის აზრი იმ შესწორებით, რომ ხარაჯა ჰაბიბის სიგელის ტექსტში „ჩარაჰის დამატებული პუნქტების“ გარეშეც იგულისხმებოდა ჯიზიას სახით.

ჯიზია ძველთაძველი საგადასახადო ინსტიტუტია და სხვადასხვა დროს სხვადასხვა მნიშვნელობით იხმარებოდა. სასანურ ირანში (226—642) ის წარმოადგენდა ისეთ გადასახადს, რომლითაც იბეგრებოდა პიროვნებაც და ყოველგვარი უძრავ-მოძრავი ქონებაც, ე. ი. ერთდროულად ჯიზიაც იყო და ხარაჯაც. ასეთი ჯიზიით იბეგრებოდა მოსახლეობის გარკვეული ნაწილი, ძირითადად ებრაელები, ქრისტიანები, ზოროასტრები (ზოროასტრული რელიგიის მიმდევარნი) და ინდუსები. გადასახადი იყო ყოველწლიური და აიღებოდა წელიწადში ერთხელ ფულით, ნატურით ან ფულითაც და ნატურითაც. მისი ოდენობა განისაზღვრებოდა იმის მიხედვით, თუ ვინ რა შეძლების იყო⁴⁴. ასე რომ, სასანურ ირანში ჯიზია ერთგვარ კომბინირებულ, ანუ შერეულ გამოსაღებს წარმოადგენდა.

ასეთ შინაარსს ინარჩუნებდა იგი აგრეთვე ისლამის გამარჯვებისა და არაბთა სახალიფოს წარმოქმნის პირველ ხანებშიც⁴⁵ ოღონდ იმ განსხვავებით, რომ ამ გადასახადით იბეგრებოდა ყოველი სრულწლოვანი (20-იდან 50 წლამდე ასაკის) არამუსლიმი მამაკაცი (მოხუცების, დავ-

⁴³ Э. Т. Сихарулидзе. Из истории арабо-грузинских отношений (ლენინგრადში წაკითხული მოხსენება. იხ. Т. М. Сипенкова, დასახ. ნაშრომი, გვ. 153).

⁴⁴ И. П. Петрушевский, Земледелие и аграрные отношения в Иране X—XIV веков. М.—Л., 1960, გვ. 387 და შტრი; Т. М. Сипенкова, დასახ. ნაშრომი, გვ. 145—146.

⁴⁵ სანამ მუსლიმური სამართალი ჩამოყალიბდებოდა.

„რღომილი ავადმყოფების, არაფრისმქონე მათხოვარ-მაწანწალებისა და ბერმონაზვნების გამოკლებით), თუ ის არ მონაწილეობდა ისლამის მტრების წინააღმდეგ ბრძოლაში“⁴⁶.

ჰაბიბ იბნ მასლამას მიერ თბილისელთათვის ბოძებული „დაცვის სიგელის“ ჭიზიაც, სწორედ, ისეთი გადასახალია⁴⁷, რომლითაც იბეგრებოდა პიროვნებაც და მისი მეურნეობაც. ასე რომ არ იყოს, „სიგელის გამცემი არაბი სარდალი, ალბათ, აღარ იტყოდა: „თქვენ არ გაქვთ უფლება გააერთიანოთ კომლები ჭიზიას შესამცირებლად, ჩვენ კი უფლება არა გვაქვს გავყოთ ისინი მის გასადიდებლად“. ცხადია, აქ რომ ჭიზია მხოლოდ და მხოლოდ სულად გადასახლად იგულისხმებოდეს, კომლებს გაყოფა ან გაერთიანება გადასახალით მიღებული შემოსავლის ოდენობის გაზრდა-შემცირებაზე ვერ იმოქმედებდა. ამიტომ ექვი არაა, მასლამას „დაცვის სიგელში“ ფიქსირებული ჭიზია სულადი გადასახლის გარდა საადგილმამულო გამოსაღებასაც, ანუ ხარაჯსაც აღნიშნავს. მაშასადამე, მასლამას მიერ თბილისელთათვის ბოძებული „დაცვის სიგელი“ იმთავითვე ავალდებულებდა მოსახლეობას ხარაჯის გადახდას და ამდენად, ვარაუდი იმის შესახებ, რომ ეს მუხლი მასში ჭარჩაპის მიერაა შემდეგ დამატებული, ვფიქრობთ, არ იმსახურებს ნდობას⁴⁸. იგივე ითქმის მ. ლორთქიფა-

46 განმარტება ემყარება აზერბაიჯანის, მულანის, ნაშავას (ნახიჭევნის) დაბილის (დვინის), ბაილკანის მოსახლეობისადმი მიცემული „დაცვის სიგელების“ შინაარსის ანალიზს (იხ. ალ-ბალაზური, გვ. 326; ატ-ტაბარი, 1, გვ. 2662, 2666—2667; იბნ ალ-ასირი, III, გვ. 21 — 22; З. М. Бунятов, დასახ. ნაშრომი, გვ. 80—83. შდრ. ე. სიხარულიძე, ჭიზია, ქსე, ტ. XI).

47 ამის საწინააღმდეგოდ ლ. ნადირაძე აღნიშნავს: „ჰაბიბის... „დაცვის სიგელის“ ჭიზია სულაც არ არის სასანურო“ (Л. И. Надирадзе, Жизнь в „Охранной грамоте Хабуба ибн Масламы, „მაცნე“, ისტორიის... სერია, თბ., 1986, № 3, გვ. 114).

48 ე. სიხარულიძე ამ „დამატებას“ სულჰის მიწების კატეგორიას მიაკუთვნებს და განმარტავს, რომ მუსლიმური სამართლის მიხედვით, არაბების მიერ ნებით-დამპყრობილი ტერიტორია ითვლებოდა სულჰის მიწებად, რომლებზეც გადასახალი ხელშეკრულებით იყო გათვალისწინებული და განსხვავდებოდა როგორც ჭიზიას, ისე ხარაჯისაგან, იგი არ წარმოადგენდა სპეციალურად არც სულად. არც მიწაზე დაწესებულ გადასახლად, არამედ ხარკს, ქალაქში — ჭიზიას, მის ირგვლივ მდებარე მიწებზე — ხარაჯს. „ვიღრე ეს ხელშეკრულება ქალაქში რჩებოდა, რაცელილებიც არ უნდა მომხდარიყო სახელმწიფოში საგადასახლო საკითხთან დაკავშირებით, დასახელებულ ტერიტორიებს იგი არ ეხებოდა“ (ე. სიხარულიძე, დასახ. ნაშრომი, გვ. 180). ამ განსაზღვრების განხილვა ჩვენი მიზანი არ არის, მაგრამ ერთი რამ მაინც უნდა ითქვას. თუ სულჰის მიწებზე დადგენილი გადა-

ნიძის იმ მოსაზრებაზეც, რომლის თანახმად თითქოს ალ-ჯარაჰს კომლექტივი გადასახადის მაგივრად ქართლის მოსახლეობისათვის დაეკისრებინოს სულადობრივი გადასახადი („გადიდებული ჯიზია“) და საუღვლიმშეულო გადასახადი („ხარაჯა“)⁴⁹. თუკი ჯიზია და ხარაჯა ქართლში ჯარაჰმა შემოიტანა, მაშინ რაღა იყო ის საკომლო „ჯიზია“, ჰაბიბმა რომ დაუდგინა თბილისისა და მისი შემოგარენის მოსახლეობას გადასახდელად? ამ კითხვაზე სწორი პასუხის გასაცემად საჭიროა ვიცოდეთ, რომ ის საგადასახადო ცვლილებები, რაც არაბებმა VIII ს. 20-იან წლებში საქართველოში (საერთოდ ამიერკავკასიაში) განახორციელეს და საისტორიო მწერლობაში ჯარაჰ იბნ აბდ ალლაჰის სახელთანაა დაკავშირებული, ჯიზიასა და ხარაჯის შემოღებას კი არა, სახარაჯო გადასახადის გადიდებას ითვალისწინებდა თბილისში დაბანაკებულ არაბთა შესახად ან სახელმწიფო ხაზინის შემოსავლის გასაზრდელად. ჯარაჰის „სიგელში“ ერთი სიახლეც შეინიშნება. მასში იმ ობიექტების ჩამოთვლა, რომლებიც „ხარაჯით“ იბეგრებიან იმაზე მიგვითითებს, რომ VIII ს. 20-იან წლებში სახალიფოში უკვე მოქმედებს მუსლიმური, ანუ ყურანული „ჯიზია“⁵⁰, საიდანაც, სასაზღვრო ჯიზიისაგან განსხვავებით, საბოლოოდ გამოყოფილია „ხარაჯა“. როგორც დამოუკიდებელი ქონებრივი (სამეურნეო) გადასახადი.

როგორც „სიგელიდან“ ჩანს, ჯარაჰს მანგლისისა და კუჰუეიტის თემების მიწები, ვენახები და წისქვილები, რომელთაც ეწოდებოდა „ავარი“, „საბინა“, „ტა'ამი“ და „დიდუნა“ დაუბეგრავს წელიწადში 100 დირჰემის (დრაჰმის) ოდენობით ადრე დაწესებული ერთი დი-

სახადის ოდენობა სამუდამო იყო, მაშინ როგორ მოხდა, რომ ჰაბიბის მიერ დადგენილი საკომლო გადასახადი ერთი დინარი (12 დირჰემი) ჯარაჰმა 100 დირჰემამდე გაზარდა? ასეთ კითხვას ისიც ბადებს, რომ ალ-ფაჰისის ცნობით, ჰაბიბ იბნ მასლამა ნებით დანებებულ ჯარაჰის, ქასფარის, ქისალის, ხუნანის, სამსხის; ჯარდმანის, ქასფი ბისის, შავშეთის და ბაზალეთის მოსახლეობას შეუთანხმდა ეხადათ როგორც სულადი, ისე მიწის გადასახადი (Сведения арабских писателей о Кавказе... СМОМПК, вып. XXXI. Тифлис, 1902, с. 26—27). ე. ი. ჯიზიაც და ხარაჯაც.

⁴⁹ მ. ლორთქიფანიძე, საქართველო არაბთა ბატონობის უღელქვეშ (ნ. ასათიანი, ვ. გუჩუა, მ. ლორთქიფანიძე, შ. მესხია, საქართველოს ისტორია, VIII—IX კლასების სახელმძღვანელო, თბ., 1988, გვ. 90).

⁵⁰ ვრცლად ამის შესახებ იხ. А. И. Надирадзе. დასახ. ნაშრომი, გვ. 114—115.

ნარის (12 ღირჭემის) ნაცვლად, მაგრამ დოკუმენტში არც წისქვილების რაოდენობაა მითითებული და არც ვენახების ზომა. ასევე გაურკვეველია ისიც, ამ ოდენობის (100 ღირჭემი) სახარაჯო გამოსაღები ერთ წისქვილსა და ვენახს ეწერა, ერთი თემის წისქვილებსა და ვენახებს თუ ჩამოთვლილი პუნქტების ზვრებსა და წისქვილებს ერთად აღებულს. მიუხედავად ამისა დაახლოებით მაინც შეიძლება გაეცეს პასუხი ამ კითხვას არაპირდაპირი ცნობების მოშველიებით.

უმაიელთა ბატონობის ხანაში (661—750) სახალიფოს ცენტრალურ ნაწილში — ერაყში — ფართობის გავრცელებული საზომი ერთეული ჯარიბი იყო. ერთი ჯარიბი (جریب — ფხვიერი სხეულისა და ფართობის საწონ-საზომი ერთეული) ვენახიდან 6 ღირჭამი აიღებოდა⁵¹, ღირჭამი კი იყო ფულისა და წონის ერთეული. როგორც წონის ერთეული, იგი სხვადასხვა დროს სხვადასხვა სიდიდის იყო. VII—VIII სს. მიჯნაზე მისი წონა 2,97 გრამს უდრიდა. რაკი ვიცით, რომ ალ-ჯარრაჰის სიგელის თანახმად საერთო გადასახადი 100 ღირჭამს შეადგენდა, 2,97 გრამი იგამრავლებული 100-ზე მოგვცემს 209 კილოგრამსა და 700 გრამს, ანუ დაახლოებით 13,13 ფუნტს. ცხადია, ეს გადასახადი თემზე ძალიან ცოტა იქნებოდა, ამიტომ უნდა ვივარაუდოთ, რომ ეს იყო ერთი პუნქტის წისქვილებზე ან ერთ წისქვილზე შეწერილი გადასახადი.

იგივე შეიძლება ითქვას ვენახებზედაც. უმაიელთა დროს ერაყში ჯარიბი ვენახიდან აიღებოდა 6 ღირჭამი. თუ დავუშვებთ, რომ საქართველოშიც ამდენს აიღებდნენ, მაშინ უნდა ვიფიქროთ, რომ დაბეგრული ვენახის საერთო ფართობი იქნებოდა (100×6) 16,4 ჯარიბი, ანუ დაახლოებით 4,9 ჰექტარი, რაც ასევე მიგვანიშნებს, რომ აქაც საქმე გვაქვს ერთი პუნქტის ან ერთი კომლის ვენახებზე დაწესებულ გამოსაღებზე.

ალ-ჯარრაჰის სიგელში რამდენიმე პუნქტია დასახელებული: ავარი, საბინა, ტა'ამი და დიდუნა. მაგრამ ასეთი ადგილები ქართლში არ იძებნება. ამიტომ ფიქრობენ, რომ აქ საქმე გვაქვს ქართული გეოგრაფიული ადგილების სახელთა დამახინჯებასთან და ცდილობენ

⁵¹ История Ирана с древнейших времен до конца XVIII века. Л., 1958, с. 91; Т. М. Сипенкова, დასახ. ნაშრომი, გვ. 153. „ჯარიბის“ როგორც საწყაოს შესახებ იხ. გ. ჯაფარიძე, ნარკვევი ქართული მეტროლოგიის ისტორიიდან, თბ., 1973, გვ. 156.

იმის დადგენას თუ სიგელში მოცემული პუნქტის სახელწოდება რომელ ქართულ სახელს შეესაბამება და რა უნდა ყოფილიყო იგი. მაგალითად, მარი ბროსეს მიაჩნია, რომ ალ-ჯარაჰის სიგელში მოხსენიებული „კუჰუვიტი“ კოგოვიტია⁵². მ. ბროსეს ეს განმარტება გაიზიარა ალ-ბალახურის თხზულების გამომცემელმა დე გუემ და იმანაც შენიშვნებში მიუთითა, „კუჰუვიტი“ „კოგოვიტი“ არისო⁵³. ასე გაჩნდა თავდაპირველად დასავლეთ ევროპაში ვერსია „კუჰუვიტ“ — „კოგოვიტის“ იგივეობის შესახებ, რამაც შემდეგ რუსულ და ქართულ ისტორიოგრაფიაში მოიკიდა ფეხი (პ: ჟუზე და მ. ლორთქიფანიძე „კუჰუვიტს“ კოგოვიტად“ თარგმნიან) და გამოიწვია სერიოზული გაუგებრობა. საქმე ისაა, რომ ალ-ჯარაჰის სიგელის თანახმად, „კუჰუვიტი“ ქართლის ოლქშია. „კოგოვიტი“ კი სომხური გეოგრაფიის მონაცემებით, საქართველოდან შორს მყოფი აიარაღის პროვინციის ერთ-ერთი ოლქი იყო სომხეთში⁵⁴. ამიტომ ე. სიხარულიძე ვარაუდობს, რომ „კუჰუვიტი“ არის არა „კოგოვიტი“, არამედ თბილისის ჩრდილოეთით მდებარე კანტონის, „ხვეთის“ არაბული ფორმა⁵⁵, სადაც ქართული „კ“ გადმოცემულია არაბული „კჰ“ (ق) -ით, ხოლო „ით“ დაბოლოება „იტ“ (ط) -ით. ამით ე. სიხარულიძემ უარყო ჩემოალნიშნული შეხედულება „კუჰუვიტ“-„კოგოვიტის“ იდენტიზაციის შესახებ და კუჰუვიტი საქართველოს ფარგლებში შემოიტანა⁵⁶, რითაც ნაწილობრივ მოხსნა ის წინააღმდეგობა, რომელიც სიგელის ტექსტსა და მის ჟუზე-ლორთქიფანიძისეულ თარგმანებში შეინიშნება. მანვე წამოაყენა ჰიპოთეზა იმის შესახებ, რომ „ტა'ამი“ უნდა იყოს დილომი, ხოლო „დიდუნა“ — დიდუბე⁵⁷. მართლაც, რაკი სიგელში საუბარია თბილისის მიწებზე, ცხადია, ისინი ქალაქის ახლოს იქნებოდნენ და ამდენად გამორიცხული არაა, რომ „ტა'ამი“ და „დიდუნა“ შესაბამისად დილომი და დიდუბე იყოს. მაგრამ საეჭვოა, რომ ეს ტოპონიმები „ხვეთის“ კანტონში ყოფილიყვნენ. ყოველ შემთხვევაში, ამის შესახებ არსებობს სხვა, ჩვენი აზრით, უფრო მისაღები მოსაზრება.

⁵² M. Brosset, I. 142.

⁵³ Liber expugnationis regionum, ... გვ. 202.

⁵⁴ Монсей Хоренский (Мовсес Хоренаци). Армянская география VII века. Текст и пер. издал К. П. Патканов. СПб., 1877, с. 53.

⁵⁵ ე. სიხარულიძე, დასახ. ნაშრომი, გვ. 179.

⁵⁶ იქვე.

⁵⁷ იქვე.

ტ. სიპენკოვა „კუჭუვიტს“ უკავშირებს „კხოეთს“ (КХОЭТ)⁵⁸, რო-
მელიც ს. ერემიანის მიხედვით, თბილისის ჩრდილო-აღმოსავლეთი
მდებარეობდა და წარმოადგენდა კახეთის ნაწილს — „კუხეთს“⁵⁹.
„კუხეთი“ კი ქართულ წყაროთა მონაცემების თანახმად, ზედ ეკვრო-
და თბილისს. მისი დასავლეთი საზღვარი გასდევდა არაგვსა და
მტკვარს დაახლოებით ჟინვალიდან წითელ ხილამდე⁶⁰. ასე რომ, თუკ
„კუჭუვიტი“ ნამდვილად „კუხეთია“ და ამ უკანასკნელის საზღვარ
მდ. მტკვარამდე აღწევდა, მაშინ უნდა ვიფიქროთ, რომ „დიდუნა
(დიდუბე) და „ტა'ამი“ (დილომი) ხვეთის ზეგში, ანუ თემში კი არა
„კუხეთის“ ფარგლებში შედიოდნენ.

შედარებით რთული გასარკვევია „საბინას“ ადგილმდებარეობა.
აღ. ჭარაპის სიგელის მიხედვით იგი მანგლისის თემში ფიგურირ-
ებს. იქ კი ასეთი პუნქტი არ იძებნება. ს. ერემიანი მას აიგივებს წო-
ბენტან, რომელიც „სომხური გეოგრაფიის“ მიხედვით, თბილისი
ჩრდილოეთით იმყოფებოდა⁶¹ და არა მის სამხრეთ-დასავლეთით, ე. ი
მანგლისის მხრიდან. ამიტომ თუ სიგელის ტექსტში არაა დაშვებუ-
ლი შეცდომა, ს. ერემიანის იდენტიფიკაცია არ გამოდგება. იგივე
ითქმის „ავარი“-ს შესახებაც. ტ. სიპენკოვა ვარაუდობს, რომ „ავარი
„ავარის“ დამახინჯებული ფორმა უნდა იყოს⁶². გ. წერეთელს კი შე-
საძლებლად მიაჩნია, რომ „ავარი“ მდ. ვერეს აღნიშნავდეს⁶³. მართ-
ლაც, ერთი შეხედვით ეს იდენტიფიკაცია სწორი უნდა იყოს, რად-
გან მდ. ვერე თბილისთანაც ახლოსაა, წისქვილებისთვისაც მოსახერ-
ხებელი ადგილია და მოსახლეობა და სახნავ-სათესიც ბლომად ყო-
ფილა. ამას ადასტურებს არქეოლოგიური მასალებიც: ნასოფლარ-
ნამოსახლარები, სასაფლაოები, სხვადასხვა სახის სასოფლო-სამეურ-
ნეო ინვენტარი, ბოლო მოხსნილი და მუჯუროიანი ქვევრები, რომ-

⁵⁸ Т. М. Сипенкова, *დასახ. ნაშრომი*, გვ. 5.

⁵⁹ С. Т. Еремян, Карта «Армения по Ашхарацуйцу (Армянской географии VII века)», Ереван, 1960.

⁶⁰ ვახუშტი, აღწერა... (ქართლის ცხოვრება, IV, გვ. 523—524; დ. მუსხე-
ლიშვილი, *დასახ. ნაშრომი*, გვ. 35—36; ე. ხოშტარია, ძველი ქართულ-
საისტორიო წყაროების „კახეთის შიის“ ლოკალიზაციისათვის. „კავკასიის ხალხ-
ისტორიის საკითხები“, 1966, გვ. 170 და შმდ; ლ. კილაშვილი, ქალაქი რუს-
თავი, თბ., 1958, გვ. 10—13.

⁶¹ С. Т. Еремян *დასახ. ნაშრომი*.

⁶² Т. М. Сипенкова, *დასახ. ნაშრომი*, გვ. 150.

⁶³ გ. წერეთელი, *არაბულ-ქართული ლექსიკონი*, თბ., 1952, გვ. 20.

ლებიც აღმოჩნდა თანამედროვე საბურთალოს საცხოვრებელი მასივინ მიდამოებში (სამჭუხაროდ, მისი შესწავლისათვის თავის დროზე არავის უზრუნვეა), მაგრამ „ავარის“ გაიგივება მდ. ვერესთან და მის ხეობასთან მაინც შეუძლებელი იქნება თუ არ დავუშვებთ, რომ მდინარე სკვირეთს უკვე VIII ს-ში ვერე ეწოდებოდა.

თბილისიდან აღ-ჯარაპი ჩრდილოეთისაკენ გაემართა, დარიალის კარი განვლო, ხაზარეთში გადავიდა, მას დიდი ზარალი მიაყენა და დიდძალი ალაფით უკან გამობრუნდა. ხაზარები რევანშისათვის ემზადებოდნენ. როგორც ატ-ტაბარი აღნიშნავს, მათ არაბთა წინააღმდეგ საბრძოლველად უზმობდა ქართლის გამგებელიც, რომელიც, ეტყობა, შეწუხებული იყო არაბობით და დამოუკიდებლობისაკენ ისწრაფვოდა.

მემათიანის თქმით, ქართველმა „მალიქმა“ ხაკანს კაცი გაუგზავნა და ურჯულოთა სახელით მუსლიმთა წინააღმდეგ სალაშქროდ მოუწოდა. თხოვნა დაკმაყოფილებული იქნა. ხაკასარ ხაკანმა 300 ათასი კაცი თავისი ვაჟიშვილის ბარჯიქის⁶⁴ სარდლობით, ჯარაპის წინააღმდეგ აზერბაიჯანისაკენ დასძრა. ბარჯიქი ჯერ ვარკანს⁶⁵ მიადგა და იგი სასტიკად დალაშქრა, შემდეგ კი ჯარაპთან შესაბრძოლებლად გასწია და აზერბაიჯანის ქალაქებში გაფანტული მისი ჯარი მოსპო. ამასობაში ჯარაპი საილანს⁶⁶ მივიდა და იქ დადგა. ხაზარები რიცხობრივად დიდად სჭარბობდნენ არაბებს. ამიტომ ჯარაპს მისმა თანმხლებმა აზერბაიჯანელმა მარდანშაჰმა ურჩია, ბრძოლაზე თავი შეეკავებინა, საილანის მთასთან დაბანაკებულიყო და სირიიდან ლაშქრის მოსვლას დალოდებოდა. მაგრამ ამირმა ეს სიმხდალედ მიიჩნია და ალლაჰის მტრებთან შეგება არ მოიშალა. ბრძოლა უსასტიკესი გამოდგა. მედგარი წინააღმდეგობის მიუხედავად, არაბები და-

⁶⁴ სხვაგან წერია: „ბარპაქ“, „ბარპლ“, „ნარსთიქ“, „ბარჯან“ (В. Догр, დასახ. ნაშრომი, გვ. 517—522), „პაშენქ“, „პაშენაქ“ (Тарихи дербанд наме, Тифлис, 1898, с. 74, 104, 107), „ბარჯანქ“ (В. В. Бартольд, Туркестан в эпоху монгольского нашествия. СПб., 1900, ч. II, с. 79), „ტარმაჩ“ (Гевонд, История халифов, СПб., 1862, с. 71), „ბარჯილ“ (М. И. Артамонов, История хазар, Л., 1962, с. 211).

⁶⁵ იგივეა, რაც სხვაგან მოხსენიებული „ვარსანი“ და „ვარზანი“ ქალაქი ვარდნაეკრტი მდ. არაქსზე.

⁶⁶ იგივე „საბალანი“ — დიდი მთა, რომელიც გადაკუთრებს ქ. არდაბილს აზერბაიჯანის მიწაზე (მაკუთის ცნობები საქართველოსა და კავკასიის შესახებ, არაბული ტექსტი ქართული თარგმანით და შესავლით გამოსცა ე. სიხარულიძემ, თბ., 1964, გვ. 61).

მარცხდნენ. მათი ლაშქრიდან მხოლოდ ასმა კაცმა უშველა თავს გაქცევით, სხვები დაიღუპნენ. დახოცილთა შორის იყვნენ გამუსლიმებული მარდანშაჰი, რომელიც ხაზარებს მამაცურად ერკინებოდა, და თვით ჯარაჰი. არაბთა მთელი სიმდიდრე, აგრეთვე ჯარაჰის თავი, მისი ცოლები, შვილები და პარამხანა მტრის ხელში აღმოჩნდა. ხაზარები არდებილს დაეუფლნენ და მის მოსახლეობას სასტიკად გაუსწორდნენ. მუსლიმებს ყველგან სდევნიდნენ, ძარცვავდნენ, კლავდნენ, ატყვევებდნენ⁶⁷.

ატ-ტაბარის ამ ცნობას ზუსტი თარიღი არ უზის. თუ მასში მოთხრობილი ამბის მიხედვით ვიმსჯელებთ, ხსენებული ლაშქრობა ჰიშამის ხალიფობის დასაწყისში, ე. ი. 724—725 წლებში უნდა მომხდარიყო. მაგრამ ამას სხვა წყაროები არ ეთანხმებიან. როგორც უკვე დავინახეთ, იბნ ალ-ასირ ალ-ჯაზირის თანახმად, ატ-ტაბარის ცნობაში ნახსენები არაბთა თავდასხმა ხაზართა ქვეყანაზე და ამის საპასუხო ხაზართა ლაშქრობა, რომლის დროსაც არმინის გამგებელი ალ-ჯარაჰი დაიღუპა, ჰიჯრის 111—112 წლებში მომხდარი ამბავი ჩანს: „ამ (111) წელს — აღნიშნავს იბნ ალ-ასირი, ალ-ჯარაჰი თბილისის მხრიდან ხაზართა ქვეყანაში შევიდა, მათი ქალაქი ალ-ბაიდა დაიპყრო და შინ მშვიდობით დაბრუნდა... მას შემდეგ, რაც ალ-ჯარაჰმა ხაზარები და თურქები უკუაქცია, ისინი შეიკრიბნენ და 112 წელს ისევ ალანთა მხრიდან გამოჩნდნენ. ალ-ჯარაჰ იბნ აბდ ალლაჰი მასთან მყოფი სირიელებით მათ შეეგება. გაიმართა არახული ბრძოლა. ორივე მხარე თავდადებით იბრძოდა, მაგრამ იმის გამო, რომ ხაზარები მუსლიმებს სჭარბობდნენ, ალ-ჯარაჰი და მასთან მყოფნი მოწაჰებრივი სიკვდილით დაეცნენ არდებილის ველზე... გამხნევებული ხაზარები კი ქვეყანაში ისე ღრმად შეჭრნენ, რომ მოსულამდე მიაღწიეს⁶⁸.

ზემოხსენებული ლაშქრობები რომ ჰიშამის ხალიფობის დასაწყისში კი არა, უფრო გვიან, 111—112 წლებში ყოფილა, ეს ჩანს ატ-ტაბარის თანამედროვე ალ-იაკუბის ცნობიდანაც, რომელშიც ნათქვამია: „112 წელს თურქები არდებილის მიწა-წყალში შეიჭრნენ, მათ

⁶⁷ В. Dorn, დასახ. ნაშრომი, გვ. 468—471 და 516—520; Дорн, Известия о хазарах восточного историка Табари с отрывками из Гафис-Абру, Ибн ал-Азем-эл-Куфи и др. (Журнал министерства народного просвещения СПб., август 1844, с. 67—69). ვინაიდან ცნობა ვრცელია და აქ დიდ ადგილს დაიკავებდა, მის ზუსტ თარგმანს, მოკლე შინაარსის გადმოცემა ვაძოგობნეთ.

⁶⁸ ი ბ ნ ა ლ - ა ს ი რ ი, დასახ. თხზულება, V, გვ. 73—74.

თავს დაესხა ალ-ჯარაჰ იბნ აბდ ალლაჰ ალ-ჰაქამი და თურქთა მეფესთან შეტაკებისას დაიღუპა⁶⁹. მართალია, აქ საუბარია მხოლოდ 112 წლის ლაშქრობაზე, რომლის დროს ალ-ჯარაჰი მოკლეს, მაგრამ თუ გავითვალისწინებთ იბნ ალ-ასირისა და თვით ატ-ტაბარის ცნობებს იმის შესახებ, რომ ეს შემოსევა ამიერკავკასიაში იყო პასუხი არაბთა მიერ საქართველოდან, დარიალის გზით, ხაზართა ქვეყანაზე განხორციელებული ამას წინანდელი თავდასხმისა, მაშინ, ეჭვი არაა, ეს უკანასკნელი 111 წელს მოხდებოდა.

ჰიჯრის, ანუ მუსლიმური წელთაღრიცხვის 111 წელი ევროპული კალენდრით 729 წლის 5 აპრილს დაიწყო და 730 წლის 25 მარტს დამთავრდა, ხოლო 112 წელი — 730 წლის 26 მარტიდან 731 წლის 14 მარტამდე გაგრძელდა. გამორიცხულია, რომ ზამთარში, და ისიც დარიალის გზით, რომელიმე მეტროპოლი მხარე სალაშქროდ წასულიყო. ამიტომ ხაზარებზე არაბთა თავდასხმის თარიღად უნდა მივიჩნიოთ 729 წელი, ხოლო ხაზართა ლაშქრობის დროდ 730 წელი. ასეთი დასკვნის საფუძველს გვაძლევს მ. კალანკატვაცის თხზულებების ადგილიც, სადაც აღნიშნულია: „სომხური წელთაღრიცხვის 178 (729) წელს ჯარაჰი აფხაზიიდან (საქართველოდან) მეორედ შეიჭრა ხაზარეთში, ხოლო მომდევნო წელს ხაზართა მბრძანებლის ვაჟი გამოვიდა და იგი მოკლაო“⁷⁰.

არსებობს ვერსია, რომ ალ-ჯარაჰი ბალანჯარში მოკლეს⁷¹, მაგრამ ეს არ არის სწორი. იგი დაიღუპა არღებილის ახლოს⁷² მდებარე საილანის ველზე, სოფელ „შაპარანთან“ (შაპარავარანთან)⁷³.

⁶⁹ Я 'К у б и, დასახ. თხზულება, ტექსტი, გვ. 5. სინამდვილეში ჯარაჰი მეფესთან კი არა, მის ვაჟთან ბრძოლაში დაიღუპა. იხ. А л - К у ф и, დასახ. თხზულება, გვ. 22—23 და შმდ.

⁷⁰ История Алван Моисея Каланкатвацци писателя X века. Перевод с древнеармянского К. Патканова, СПб., 1861, с. 261; მ ო ვ ს ე ს კ ა ლ ა ნ კ ა ტ ვ ა ც ი, აღვანთა ქვეყნის ისტორია, გვ. 155; Г е в о и д, დასახ. ნაშრომი, გვ. 151.

⁷¹ ი ბ ნ ა ლ - ა ს ი რ ი, დასახ. ნაშრომი, ტ. V, გვ. 74.

⁷² იქვე; Я 'К у б и, დასახ. ნაშრომი, გვ. ტექსტისა 5, თარგმანის—7.

⁷³ Д о р и, Известия о хазарах, с. 66—69; М. К а л а н к а т в а ц и, დასახ. ნაშრომი, გვ. 210, 261; А л - К у ф и, დასახ. თხზულება, გვ. 22 — 23; З. Б у н и я т о в, Азербайджан в VII—IX вв., Баку, 1965, с. 111.

ხაკანის ბრძანებით⁷⁴ აზერბაიჯანისაკენ წამოსულ ხაზართა ლაშქარს ამიერკავკასიაში შემოსვლა შეეძლო ორი გზით. ერთი იყო ბაბუ ლ-აბვაბის (დარუბანდის) გზა, მეორე — ალანთა (დარიალის), რომელიც გვიან შემოდგომიდან გაზაფხულამდე ჩაკეტილი იყო (თოვლით) და არ მოქმედებდა.

მ. არტამონოვს მიაჩნია, რომ ხაზართა ეს ლაშქრობა დარუბანდის გზით განხორციელებულა⁷⁵ და იმოწმებს ლევონდის ცნობას, სადაც, მართლაც ნათქვამია: „ტარმაჩმა ურიცხვი ჯარით განვლო ჰუნთა ქვეყანა, ჩორის გასასვლელი⁷⁶, მასკუტთა მიწები⁷⁷ და ფაიტარაკანი დაარბიაო“⁷⁸. მაგრამ არსებობენ ისეთი, ჩვენი რწმენით არანაკლებ სანდო, წყაროებიც, სადაც ვითარება რამდენადმე სხვანაირადაა წარმოდგენილი. აბუ ალი მუჰამმად ალ-ბალ'ამის თანახმად, ხაზარები დარიალიდანაც მოსულან⁷⁹. ხოლო იბნ ალ-ასირის ცნობაში, ზემოთ რომ მოვიტანეთ სრულად, პირდაპირაა მითითებული, „ხაზარები და თურქები ალანთა მხრიდან გამოჩნდნენო“⁸⁰, ე. ი. ალბანეთიდან დარიალის გზით შემოვიდნენო. ისინი რომ დარიალიდანაც უნდა მოსულიყვნენ ამას ისიც გვაფიქრებინებს, რომ ხაზარები, როგორც უკვე აღვნიშნეთ, საქართველოს „მალიქს“ მოუწვევია⁸¹.

არაბული სიტყვა „მალიქუნ“ (ملك) ჩვეულებრივ მეფეს, იმპერატორს, მფლობელს (იშვითად ერისმთავარსაც) ნიშნავს. მაშინ

⁷⁴ ლევონდის ცნობით, ხაკანი მაშინ ცოცხალი აღარ ყოფილა და ჯარი დედამის „პარსბიტს“ გამოუგზავნია (Гевонд, с. 71).

⁷⁵ М. А р т а м о н о в, დასახ. ნაშრომი, გვ. 212.

⁷⁶ იგივე დარუბანდის (დერბენდის) გასასვლელი.

⁷⁷ მასკუტა (მასაგეტთა) მიწები დარუბანდის სამხრეთით იყო გაშლილი.

⁷⁸ Гевонд, დასახ. ნაშრომი, გვ. 72.

⁷⁹ В. Д о р н. დასახ. ნაშრომი, გვ. 517; З. Б у н и я т о в. დასახ. ნაშრომი, გვ. 110—111.

⁸⁰ ი ბ ნ ა ლ - ა ს ი რ ი, დასახ. ნაშრომი, ტ. V, გვ. 74.

⁸¹ و ملك جزر بخاقان كسر فرستاد و بهمه اصناو (كفره) و ايشانرا (بحر) مسلمانان) (خوان و) اجابت کردند و بيايند (و خاقانسر) (خاقان پسر) خويسر... საქართველოს მალიქმა ხაკანს კაცი გაუგზავნა და ურჯულოთა სახელით მუსლიმთა წინააღმდეგ საომრად მოუწოდა. ხაზარები დამარცხდნენ და მოვიდნენ. ხაკასარ ხაკანმა თავისი ვაჟი უფროსად განაწესა და გაისტუმრა...“ (В. Д о р н, დასახ. ნაშრომი, გვ. 516). სპარსული ტექსტის თარგმანი კეუთენის კ. ტაბატაძეს.

ვინ იყო ის ქართველი მეფე თუ ერისმთავარი (იმპერატორები ხომ საქართველოს არ ჰყვოლია), ვინც VIII ს. 20—30-იანი წლების მიჯნაზე არაბების წინააღმდეგ ამიერკავკასიაში ზაზარები იხმო? არაბი მემატიანე მის სახელს არ ასახელებს. ქართულ ისტორიოგრაფიაში კი ამ საკითხის შესახებ, ერთმანეთის გამომრიცხველი და ბუნდოვანი ცნობების გამო, ერთიანი, საბოლოოდ დადგენილი და მიღებული მოსაზრება ჯერ არ გაგვაჩნია.

1977 წელს გამოქვეყნებულ ნაშრომში ატენის სიონის ფრესკული წარწერისა და სხვა მონაცემების საფუძველზე გ. აბრამიშვილი ამტკიცებს, რომ 719—745 წლებში აღმოსავლეთ საქართველოს მართავდა არჩილ II⁸², რომელიც ლეონტი მროველთან მეფედაა მოხსენიებული⁸³. რთული წიაღსვლების შედეგად მიღებულ ამ დასკვნას რამდენადმე მხარს უჭერს კიდევ ერთი ცნობა. „ქართლის ცხოვრების“ მოსე ჭანაშვილისეული ნუსხის მიხედვითაც არჩილი „ქს აქეთ ღ. ი. 3 (718) წელს“ გამეფებულა⁸⁴. მართალია, როგორც ს. ყაუხჩიშვილი აღნიშნავს, ეს შემდეგაა ტექსტში ჩამატებული „სხვა ხელითა და მელნით“, მაგრამ ამას, ვფიქრობთ, არსებითი მნიშვნელობა არ აქვს. მთავარი აქ ისაა, რომ ჩამატება შემთხვევით არაა. ჩამატებელს უსათუოდ ხელთ ჰქონია რომელიღაც წყარო, რომელშიც ზუსტად ყოფილა მითითებული არჩილის აღზევების თარიღი. თუ არჩილი II ნამდვილად 718—719 წლებში გამეფდა⁸⁵ და 745 წლამდე⁸⁶ იყო ტახტზე, მაშინ, ცხადია, ჩვენთვის საინტერესო პერიოდში (ე. ი. 729—730 წლებში) არაბი მწერლის მიერ მოხსენიებული ქართველი „მალიქი“ მხოლოდ ის უნდა იყოს⁸⁷. მის მიერ გადამთიელ ზა-

82 გ. აბრამიშვილი, სტეფანოზ მამფალის ფრესკული წარწერა ატენის სიონში, თბ., 1979, გვ. 35, 53.

83 ქართლის ცხოვრება, ტექსტი დადგენილი ყველა ძირითადი ხელნაწერის მიხედვით ს. ყაუხჩიშვილის მიერ. თბ., 1955, ტ. I, გვ. 245.

84 ქართლის ცხოვრება, გვ. 245.

85 დ. მუსხელიშვილის ვარაუდით, არჩილი უფრო ადრეც, კერძოდ 705 წ. უნდა გამეფებულიყო (დ. მუსხელიშვილი, ციხე-ქალაქი უჯარმა, ივერია-ალბანეთის ურთიერთობის ისტორიიდან, თბ., 1966, გვ. 95).

86 დ. მუსხელიშვილის მიხედვითაც ამ წელს აწამეს არჩილი (დ. მუსხელიშვილი, დასახ. ნაშრომი, გვ. 95).

87 თუმცა არსებობს საწინააღმდეგო მოსაზრებაც. 1979 წ. დაიბეჭდა ა. ბოგვერაძის წიგნი: „ქართლის პოლიტიკური და სოციალურ-ეკონომიკური განვითარება IV—VIII საუკუნეებში“, რომელშიც ავტორი აღნიშნავს, რომ არჩილის მოღვაწეობა მურვან ყრუს საქართველოში ლაშქრობას (735 წ.) არ უნდა უსწრებდეს

ზართა მოწვევა კი, უეჭველად, მძიმე მდგომარეობით იქნებოდა ნაკარნახევი.

აჯანყებები და მათი მიზანმიმართულობა

ზემოთ ითქვა, რომ არაბები პირველ ხანებში დაპყრობილ ქვეყნებში, მათ შორის საქართველო-სომხეთ-აზერბაიჯანშიც, უცვლელად ტოვებდნენ იმ პოლიტიკურ-ადმინისტრაციულსა და საგადასახადო სისტემას, რაც ირანელთა და ბიზანტიელთა ბატონობის დროს მოქმედებდა. ისინი მათ ახდევინებდნენ „ხარაჯს“, ანუ ხარკს, საადგილმამულო გადასახადს, რომლითაც იბეგრებოდა ქვეყანა, მიწა. საამისო მაგალითად შეიძლება გამოვსვათ ხალიფა ალის (656—661) წერილი, რომელიც 658 წელს გაეგზავნა ეგვიპტის არაბ გამგებელს ალი-იბტახს. ხალიფა თავის ამირს აფრთხილებს: „უდიდესი ყურადღებით მოეკიდოს არა ხარაჯის აკრეფას, არამედ მიწის დამუშავებას, რადგან ხარაჯი მხოლოდ დამუშავებული მიწიდან აიღება. ვინც ამ წესს არღვევს და ხარაჯს ითხოვს მიწის დამუშავების გაუთვალისწინებლად, ის ქვეყანას აქცევს, ხალხს ანადგურებს და ასეთი კაცის მოღვაწეობა ხანმოკლე იქნება. თუ სტიქიური უბედურების, რწყვის შეწყვეტის, ნიადაგის დაჭობების ან გამოფიტვის გამო გადასახადი დაძვირდება და ხალხმა უკმაყოფილება გამოთქვას, შეამსუბუქე მათი მდგომარეობა ისე, როგორც საჭიროდ მიიჩნევ. იცოდე, ეს არ არის ისეთი ტვირთი, რომელსაც არ შემოეველება“⁸⁸. ამ წერილის შინაარსიდან ვგებულობთ არა მარტო იმას, თუ რას ედებოდა გადასახადი, არამედ იმასაც თუ რაოდენ ლმობიერნი იყვნენ დამპყრობლები გადასახადებით დაბეგრული დაპყრობილი მოსახლეობის მიმართ პირველ ხანებში. ამ მხრივ კიდევ უფრო საყურადღებოა ხალიფა აბუ

(გვ. 101). იგი „მურვან ყრუს ლაშქრობის შემდეგდროინდელი მოღვაწეა“ (გვ. 102), მანამდე კი ქვეყანას განაგებდა არჩილის მამა სტეფანოზ II, რომელიც 739 წელს გარდაიცვალა (გვ. 98, 101). ჩვენ ამ მოსაზრებას, უსათუოდ, მივიღებდით, რომ მას არ ელოდებოდეს არჩილის ვაჟის ჭუნაშერის ვრცელი ცნობა, საიდანაც აშკარად ჩანს, ჭერ ერთი, რომ სტეფანოზი დასავლეთ საქართველოში მურვანს ლაშქრობამდე დიდი ხნის წასულია; მეორე რომ მის შემდეგ აღმოსავლეთ საქართველოს მართავდა არჩილი; მესამე, სტეფანოზი გარდაცვლილა მურვანის საქართველოში მოსვლამდე; და მეოთხე, მურვანს მხოლოდ სტეფანოზის ვაჟმა მიპრი და არჩილი ებრძვიან (ქართლის ცხოვრება, 1, თბ., 1955, გვ. 232—239).

⁸⁸ علي ابن ابو طالب، نهج البلاغة، بيروت، ج ٢، ص ٢٢—٢٥

ბაქრის (632—634) მიმართვა თავისი სარდლებისადმი. ხალიფა მათ აფროთხილებდა: არ დაესახიჩრებიათ მტერი; არ გაეწყვიტათ ახალგაზრდები, ქალები და ღრმა მოხუცები; არ მოესპოთ პალმები და ნაყოფის მომცემი სხვა მცენარეული; არ დაეკლათ იმაზე მეტი ცხვარი, ძროხა და აქლემი, ვიდრე მათ საკვებად სჭირდებოდათ; მორიდებოდნენ სენაკებში მყოფ მოდღესასწაულენთ, ნუ შეუშლით მათ ხელს საქმიანობაში⁸⁹, ყველა ქალაქსა და ხალხს, ვინც თქვენ მიგიღებთ, დაუდეთ ხელშეკრულება და იყავით ნაკისრი ვალდებულებანის ერთგული. დაე, იცხოვრონ მათ თავიანთი ძველი წეს-კანონების მიხედვით. დაუდგინეთ ხარკი როგორც ზღვარი თქვენს შორის, რათა შეინარჩუნონ თავიანთი რელიგიური მრწამსი და ტერიტორია (მიწა). ომი გამოუცხადეთ მხოლოდ იმათ, ვინც უარს გეტყვიან მიღებაზე (მორჩილებაზე)⁹⁰.

ზარაჭით იბეგრებოდა მიწის ნაყოფი: სასოფლო-სამეურნეო პროდუქტები, რის აწონაც შეიძლებოდა. ხალიფა უმარ იბნ ალ-ხატაბის (634—644) დროს ჯარიბი ვენახიდან აღებოდა 10 დირჰემი (დირჰემი 15 კაბ.), პალმიდან — 8, ლერწმიდან — 6, ინდისხურმიდან — 5, ხორბლიდან — 4, ქერიდან — 2 დირჰემი⁹¹.

ზარაჯასთან ერთად სახალიფოში მოქმედებას განაგრძობდა ჯიზიაც, ოღონდ მუსლიმური სამართლის ჩამოყალიბების შემდეგ მან გარკვეული შინაარსობრივი მოდიფიკაცია განიცადა. მას უკვე იმდენად ფისკალური მნიშვნელობა აღარ ჰქონდა, რამდენადაც იდეურ-პოლიტიკური და აურიდიული. სასანურისაგან განსხვავებით, მუსლიმური, ანუ ყურანული ჯიზია სუფთა სულადობრივ გამოსაღებად იქცა და ისლამის სწრაფად გავრცელების მიზნით, ეწერებოდა ყველა არამუსლიმს თანაბრად მინიმალური ოდენობით ნიშნად მუსლიმთა წინაშე მორჩილება-დამპირების აღიარებისა. მაგრამ ეს შინაარსობრივი დატვირთვა მას დიდხანს არ შერჩენია. დაახლოებით VII ს.

⁸⁹ Та ба г и, I, 1850; ი ბ ნ ა ლ - ა ს ი რ ი, II, 310; Н. А. Медников, Палестина от завоевания ее арабами до крестовых походов, СПб., 1902, II (I) გვ. 139—140; З. Буннятов, დასახ. ნაშრომი, გვ. 79.

⁹⁰ Из анонимной сирийской хроники 1234 г. Перевод Н. В. Пугулевской, в книге «Византия и Иран на рубеже VI—VII веков», М.—Л., 1945, с. 270—274.

⁹¹ ე. ს. ი. ხ. ა. რ. ლ. ი. ძ. ე, არაბთა სახალიფოს სოციალურ-ეკონომიური ვითარება VIII—IX საუკუნეებში (ნარკვევები მახლობელი აღმოსავლეთის ისტორიიდან, თბ., 1957, გვ. 88).

60-იან წლებში, როცა არაბთა დაპყრობითი ომები და დამორჩილებული ქვეყნების მოსახლეობის ისლამიზაციის პროცესი თითქმის დასრულდა, რის შედეგადაც ნადავლი შეწყდა, ხოლო სულადი გამოსაღების შემოსავალი არამუსლიმი მოსახლეობის მნიშვნელოვნად შემცირების გამო საგრძნობლად დაეცა და სახელმწიფოში მძიმე ფინანსური მდგომარეობა შეიქმნა, აუცილებელი გახდა მორიგი საგადასახადო რეფორმის გატარება, რაც ჯიზიასაც შეეხო. მან სასა-ნური ჯიზიას მნიშვნელობა აღიდგინა, სულადი გადასახადის გარდა ის ქონებრივ-კომლობრივ გადასახადდაც იქცა, თანდათანობით ხარაჯას შეერწყა, მის სინონიმად იქცა⁹² და ბოლოს ხარკის მნიშვნელობა მიიღო. ამის დასტურად სხვა რომ არა, ქართული წყაროს „მატიანე ქართლისაის“ ის ადგილიც გამოდგება, სადაც საუბარია სელჩუკთურქთა სულთნის, ალფარსლანის (1063—1072) მიერ საქართველოში ლაშქრობაზე და ბაგრატ IV-თან 1068 წელს გამართული საზავო მოლაპარაკების შესახებ⁹³.

ფისკალური ცვლილებების გამო საგრძნობლად გაიზარდა გადასახადები, თანაც უკვე იბეგრებოდა ყველაფერი, ხელოსნური ნაწარმიც კი. სამუელ ანეცის ცნობით, უმაიელი გამგებლები ამიერკავკასიაში თითოეული კომლიდან იღებდნენ 4 დირჰემს, 3 მუდ (9,792 კგ.) ვაცხრილულ-გასუფთავებულ ხორბალს, თითო თოკს და ხელთათმანს. ამ საყოველთაო გადასახადიდან თავისუფლდებოდნენ მხოლოდ სასულიერო პირნი, აზატები და მხედრები⁹⁴.

კიდევ უფრო მკაცრი გამოდგა 90-იან წლებში გატარებული საგადასახადო რეფორმა. ხალიფა აბდ ალ-მალიქის (685—705) ბრძანებით ყველა უნდა დაბრუნებოდა დაბადების ადგილს, რათა დაეთარშა გატარებულიყო და გაეტარებინა თავისი შეურნეობა: ვენახი, ზეთისხილის ნარგავები, ქონება, შვილები და ყველაფერი, რასაც კი

⁹² J. Wellhausen, Das arabische Reich und sein sturz, Berlin, 1902, გვ. 151—153, 169—187, 297—300; D. C. Dennet, Conversion and the Poll-tax in Early Islam. Oxford. 1959; Л. И. Надирадзе, დასახ. ნაშრომი, გვ. 115.

⁹³ ქართლის ცხოვრება, 1, თბ., 1955, გვ. 309—314. იხ. აგრეთვე ი. ვ. ჯაფარიძის შვილი, ქართველი ერის ისტორია, II, გვ. 157; ნ. შენგელია, სელჩუკები და საქართველო XI საუკუნეში, თბ., 1968, გვ. 247; ე. სიხარულიძე, ხარაჯა (ქსე. თბ., 1987, ტ. 11); ლ. ნადირაძე, დასახ. ნაშრომი, გვ. 114—117.

⁹⁴ სამუელ ანეცი, რჩეული ადგილები ისტორიკოსთა თხზულებებიდან (სომხურ ენაზე), ვლადარშაბატი, 1893, გვ. 82.

ფლობდა. ამ აღწერას, რომელიც დიონისე ტელ-მაპრის შიხედვით 691—692⁹⁵, ხოლო მიხეილ სირიელს თქმით, ერთი წლით გვიან ჩაუტარებიათ⁹⁶ შედეგად მოჰყვა „ურჯულოთა“, მათ შორის ამიერ-კავკასიის ქრისტიანი მოსახლეობის მდგომარეობის გაუარესება. ამიერიდან მდიდრებს წელიწადში უნდა გაეღოთ 48 ღირჰემა, საშუალოებს — 24, ხოლო ღარიბებს 12 ღირჰემი⁹⁷. მუსლიმებს შეწერალი ჰქონდათ „უშრი“ (მეათედი), რომელიც ქრისტიანებსაც უნდა გადაეხადათ, იმ შემთხვევაში თუ საქონელს სავაჭროდ გაიტანდნენ ბაზარზე. 200 ღირჰემის ან 20 მისკალის ღირებულების საქონელზე ქრისტიანთათვის გადაკვეთილი იყო ნახევარი უშრი ან 10 ღირჰემი, მუსლიმებზე — 1/4 უშრი ან 5 ღირჰემი⁹⁸. ატ-ტაბარის ცნობით, ამ გადასახადების აკრეფა ხდებოდა ძალდაუტანებლად, დადებული შეთანხმების საფუძველზე⁹⁹, ე. ი. მისი გადაუხდელობა გამორიცხული იყო.

აბდ ალ-მალქის მიერ გატარებული ეს ღონისძიება ხელს უწყობდა ცენტრალური ხელისუფლების ეკონომიკური (უმთავრესად ფინანსური) მდგომარეობის გაუმჯობესებას. მაგრამ აუარესებდა მოსახლეობის საარსებო პირობებს, აჩქარებდა გამუსლიმების პროცესს და იწვევდა სახალიფოს მშრომელი მასების, უფრო მეტად მისი არამუსლიმი ნაწილის მზარდ უკმაყოფილებას. მდგომარეობა რომ ნაწილობრივ მაინც გაუმჯობესებულყო, VIII ს. 10-იან წლებში ხალიფა უმარ იბნ აბდ ალ-აზიზმა (717—720) გააუქმა ძველი სასანური გადასახადები, „ნოვრუზისა და მაჰრაჯანის“ შეწირულობას რომ

⁹⁵ Chronique de Dénus de Tell—Mahre, 4-e parte. Publ. par I. B. Chabot, Paris, 1895, გვ. 10.

⁹⁶ La Chronique de Michel le Sirien. Trad. par Chabot, Paris, 1895, t. II, გვ. 473.

⁹⁷ Адам Мец, Мусульманский ренессанс. Перевод с немецкого предисловие, библиография и указатель Д. Е. Бертельса, М., 1966, с. 49; З. Буниятов, დასახ. ნაშრომი, გვ. 118.

⁹⁸ ე. სიხარულიძე, დასახ. ნაშრომი, არაბთა სახალიფოს სოციალურ-ეკონომიკური ვითარება VIII—IX საუკუნეებში (ნარკვევები მახლობელი აღმოსავლეთის ისტორიიდან, თბ., 1957, გვ. 95).

⁹⁹ الطبري، تاريخ الرسل و الملوك، اثناء عشر جزعا، القاهرة، المطبعة الحسينية، ج—٢، ص—١٣٦٦—١٣٦٧

ეხებოდა¹⁰⁰, და ამით ერთგვარი შეღავათი მიეცათ ამიერკავკასიის ქრისტიანებს, მაგრამ ეს „წყალობა“ ხანმოკლე გამოდგა. იაზიდ II-ის ხალიფობისას (720—724) მათი მდგომარეობა კვლავ გაუარესდა. ლევონდის, სტეფანოს ტარონაცის (ასოლიკის) და ვარდან დიდის დახასიათებით, ამ ბოროტმა, ვერაგმა და მძვინვარე ხალიფამ სახალიფოში ღორის სინსილის ამოწყვეტა¹⁰¹ და ქრისტიანთა ჯვრისა და ხატის მოსპობა იგანიზრახა¹⁰². მისი განკარგულებით, სახელმწიფოს სახარაჯო საქმეთა გამგებელმა (საპიბ ალ-ხარაჯ) უსამა იბნ იაზიდ ატ-ტანუჰიმ 103(721/2) წელს „ქრისტიანებს გაუზარდა ხარაჯა, გადაახდევინა დიდძალი თანხა და ბერებს ხელები დაუდალა“¹⁰³.

იანსაკუთრებით ძნელბედობის ხანა იყო ქრისტიანებისათვის ჰიშამის ხალიფობის (724—743) წლები. აღმაკრიზის ცნობით, მის დროს ამიერკავკასიაში მკვეთრად „გაიზარდა ქრისტიანთა ჩაგვრა და გადიდდა ხარაჯა“¹⁰⁴, რასაც ადასტურებს სტეფანოს ტარონეცი¹⁰⁵.

ბოროტი ზრახვებით შეპყრობილმა ხალიფამ, თავისი ზეობის პირველ წლებში, სომხეთს სარდალი ჰარის იბნ ამირი¹⁰⁶ მიავლინა საყოველთაო აღწერის მოსახდენად და „მოსახლეობის კიდევ უფრო დასამონებლად“¹⁰⁷. ამავე მიზნით, ჰიშამის მიერ (არმინია-აზერბაიჯანის გამგებელად დამტკიცებულმა ალ-ჯარრაჰმა ზოგიერთი ცვლილება შეიტანა საგადასახადო სისტემაში. ალ-ბალახურის თანახმად, მას არრანში შემოეღო ახალი საწონ-საზომი ერთეულები, რომლებ-

100 В. В. Бартольд, Халиф Омар II и противоречивые известия о его личности. Христианский Восток, 1920, VI, с. 228.

101 ამ მიზნით შემოღებულ იქნა გადასახადი თითო ღორზე 4 დინარი (А дам - Мец, დასახ. ნაშრომი, გვ. 49).

102 Гевонд, დასახ. ნაშრომი, გვ. 70 — 71; Степанос Таронский, Асохик по прозванию, Всеобщая история. Перев. с арм. Н. Эмша, М., 1864, с. 96; Всеобщая история Вардана Великого, Перев. с арм. Н. Эмша, М., 1851, с. 94.

103 المقریزی، المواعظ و الاعتبار بذكر الخطط والائمار، القاهرة، ٣٩١—ص ٤٤ ج 3. Бунятов, დასახ. ნაშრომი, გვ. 118. მოსახლეობის დადლების ფაქტს ადასტურებს დონისე ტელემაქრელიც (იხ. მისი დასახ. ნაშრომი, გვ. 148).

104 აღ-მაკრიზი, დასახ. ნაშრომი, გვ. 395.

105 Степанос Таронский, დასახ. ნაშრომი, გვ. 96.

106 ლევონდთან: „გერტი“ (Гевонд, დასახ. ნაშრომი, გვ. 71).

107 იქვე.

საც თურმე „ალ-ჯარრაჰული ეწოდებოდა“¹⁰⁸. ცხადია, ეს ერთეულები ძველზე ნაკლები არ იქნებოდნენ.

პიშამის დროს მოწყობილი საყოველთაო აღწერის შემდეგ დაწესებული საგადასახადო სისტემა ითვალისწინებდა საქორწინო გადასახადის შემოღებას, ხალიფა უმარ II-ის მიერ გაუქმებული სასანური გადასახადების აღდგენას¹⁰⁹ და ბერების დაბეგვრას ჟიზიით¹¹⁰.

მოსახლეობის, მიწის, პირუტყვისა და ყოველგვარი ქონების ამ საყოველთაო აღრიცხვამ, რომელიც მ. კალანკატვაცის თქმით 174 (725.V.29—726.V.28) წელს მოეწყო, „ხალხი და მთელი ქვეყანა მონობის უღელქვეშ მოაქცია“¹¹¹. სწრაფად იკლო პირუტყვის სულადობამ, მოსავლიანობამ, დაიწყო ხანგრძლივი შიმშილიანობა. ამასთან, ამიერკავკასიის ქრისტიან მოსახლეობას სარწმუნოებისა და ეროვნული გაქრობა-გადაშენების აშკარა საფრთხეც დაემუქრა. დიდი და პატარა, ერი და მთაყარნი განსაცდელში იყვნენ. ერისმთავრებს ყველაზე მეტად ის აღონებდათ, რომ არაბები აღარ სჯერდებოდნენ დაპყრობილ ხალხებთან დადებული ხელშეკრულებით გათვალისწინებული პირობების (გადასახადის გადახდისა და მამველი ჯარის გამოყვანის) შესრულებას და უხეშად ერეოდნენ ქვეყნის უზენაეს მართვა-გამგეობაშიც. ისინი თავიანთი შეხედულებისამებრ ნიშნავდნენ, ხსნიდნენ, სახალიფოს დედაქალაქში იბარებდნენ და სჯიდნენ კიდევაც ქართველ მთავრებს¹¹². პოლიტიკურმა დევნამ, სარწმუნოებრივმა და ეკონომიკურმა შევიწროებამ იმ ზომამდე მიაღწია, რომ, ლევონდის ცნობით, მეტის ატანა აღარ შეიძლებოდა, „ყველა კვნესოდა“¹¹³.

¹⁰⁸ Баладзори, Книга завоевания стран. Текст и перевод. Перевод с арабского П. К. Жузе, Баку, 1927, с. 16.

¹⁰⁹ ა ტ-ტ ა ბ ა რ ი, დასახ. ნაშრომი, ტ. II, გვ. 1366—1667, ტ. VIII, გვ. 129,

¹¹⁰ ა ლ-მ ა რ კ ი ზ ი, დასახ. ნაშრომი, გვ. 394.

¹¹¹ История Алван Мѣйсея Қаланкатвацц, с. 261; Гевонд, დასახ. ნაშრომი, გვ. 71; Хронологическая история, составленная отцом Мехитаром Вардапетом. Перев. с древнеармянского К. Патканова. Труды Восточного отдела Российского археологического общества, СПб., 1869, т. XIV, с. 399.

ქართველა ხალხის გაქირვებულ მდგომარეობის შესახებ ქართულ წყაროებშიც არს ცნობები, მაგრამ ისინი მურვან ყრუს ლაშქრობის შემდეგ შექმნილ ვითარებას ასახავენ.

¹¹² ი ვ. ჯ ა ვ ა ხ ი შ ვ ი ლ ი, ქართველი ერის ისტორია, თბ., 1965, ტ. II, გვ. 87.

¹¹³ Гевонд, დასახ. ნაშრომი, გვ. 71. არაბები მოხერხებულად იყენებდნენ აგრეთვე ამიერკავკასიის დიოფიზიტ და მონოფიზიტ ქრისტიანთა შორის არსებულ

ასეთ ვითარებაში მოსახლეობა ან იყრებოდა და სხვაგან იხიზნებოდა, ანდა დამპყრობთა ძალადობას აჯანყებით პასუხობდა. ცნობილია, რომ ერთ-ერთ ასეთ მძლავრ აჯანყებას არაბ მოძალადეთა წინააღმდეგ ამიერკავკასიაში ადგილი ჰქონია ხალიფა აბდ ალ-მალიქის ზეობის მეორე, ე. ი. 686 წელს. ეტყობა, მსგავსი გამოსვლები გრძელდებოდა VIII ს. 20-იანი წლების დასასრულსაც. ამაზე უნდა მიგვითითებდეს ატ-ტაბარის ჩვენ მიერ ზემოთ მოტანილი ვრცელი ცნობის ის ადგილი, სადაც აღნიშნულია: ალ-ჯარრაჰმა „ჯარები მულანსა და ჯილანს დაგზავნა ყველას გასაწყვეტ-დასატყვევებლად“. მულანსა და ჯილანში, ანუ გილანში კი იმ დროს ადგილობრივი მოსახლეობის მეტი სხვა არავინ იყო.

ამბოხებული ამიერკავკასიის მოსახლეობა ხშირად საკუთარი ძალით ცდილობდა არაბთა მძიმე უღლიდან თავის დაღწევას და, როგორც ფაქტები მეტყველებენ, ზოგჯერ ახერხებდნენ კიდევაც განთავისუფლებას, მაგ., 686—689 წლებში აჯანყების მოთავე ნერსე ქართლის ერისთავმა¹¹⁴, იოანე დრასხანაკერტლის გადმოცემით, დამარცხა არაბთა სარდალი „ბარაბა“ და გააძევა არმინიდან¹¹⁵.

მაგრამ ძლიერი მტრის წინააღმდეგ საბრძოლველად აღმდგარ ამიერკავკასიის ქვეყნების მოსახლეობას საკუთარი ძალა ყოველთვის არ ჰყოფნიდა გამარჯვების მისაღწევად და მაშინ ის დამხმარეს ეძებდა. სწორედ ასეთ შემთხვევასთან გვაქვს საქმე VIII ს. 20-იანი წლების ბოლოს. თანამედროვის გადმოცემით, ამ დროს „არავითარი შესაძლებლობა აღარ არსებობდა აუტანელი ტანჯვისაგან თავის დახს-

უთანხმობას. ერთმანეთს უსისინებდნენ, მაგ., ალბანელებსა და სომხებს, რათა ისინი დასუსტებულიყვნენ (История Алван Мойсея Каланкатваши. Перевод с древнеармянских К. Патканова. СПб., 1861, с. 238—239; А. Н. Туг-Гевондян, დასახ. ნაშრომი, გვ. 81; З. Буниятов, დასახ. ნაშრომი, გვ. 92—93).

114 ს. ჯანაშია, არაბთა საქართველოში, შრომები, II, თბ., 1952, გვ. 366—368; ნ. ბერძენიშვილი, ვ. დონდუა..., საქართველოს ისტორია, 1, თბ., 1958, გვ. 115—116; ივ. ჯავახიშვილი, დასახ. ნაშრომი, გვ. 77; საქართველოს ისტორიის ნარკვევები, თბ., 1973, II, გვ. 287; გ. აბრამიშვილი, დასახ. ნაშრომი, გვ. 25.

115 იოანე დრასხანაკერტელი, თარგმანი შენიშვნებითა და საძიებლო-თურთ ილია აბულაძისა, თბ., 1937, გვ. 14; ივ. ჯავახიშვილი, დასახ. ნაშრომი, გვ. 77; Тер-Гевондян, დასახ. ნაშრომი, გვ. 51; ა. ბოგვერაძე, დასახ. ნაშრომი, გვ. 96.

ნისა¹¹⁶. ამიტომ გასაკვირი არაფერია, თუ ქართლის ხელისუფალმა (შესაძლოა ბიზანტიის წაქეზებითაც) არაბთმობულე ხაზარებს უხმო და მათ მიუსია.

ალ-ბალაამის ცნობით, ქართველი მეფე ხაკანის სარდალს აღევდა სასარგებლო რჩევა-დარიგებას, უჩვენებდა არაბი რაზმების ადგილსამყოფელს¹¹⁷, რითაც მნიშვნელოვან დახმარებას უწევდა ხაზართა ლაშქარს, რომელმაც იოლად სძლია მოწინააღმდეგეს და გააძევა ის ამიერკავკასიის გარეთ¹¹⁸.

მართალია, ეს წარმატება ხანმოკლე გამოდგა, არაბებმა სულ მალე შეძლეს ამიერკავკასიაში თავიანთი ბატონობის აღდგენა და, ვინ იცის, ეგებ ის ამათ აიძულა არჩილი დასავლეთ საქართველოში გადახვეწილიყო, მაგრამ შიუხედავად ამისა 730 წლის გამარჯვებას მთლად უქმად მაინც არ ჩაუვლია. მან არაბებს ერთხელ კიდევ აგრძნობინა, რომ მათი მდგომარეობა ამიერკავკასიაში მყარი ვერ იყო, ხოლო დაპყრობილი ადგილობრივი მოსახლეობა კი დაარწმუნა, რომ ერთიანი, ორგანიზებული და თავდადებული ბრძოლით შეიძლება და დაპყრობთა უღლიდან თავის დახსნა.

დასასრულ, ყოველივე ზემოთქმულის საფუძველზე შეიძლება დავასკვნათ: 1. ხაზართა ლაშქრობა, რომლის დროსაც დაიღუპა არმინია-აზერბაიჯანის არაბი გამგებელი ალ-ჯარაჰი, მოეწყო 730 წელს; 2. ლაშქრობის ინიციატორი იყო ქართველთა მეფე-მთავარი არჩილ II, ხოლო ჯარის სარდალი ხაზართა ხაკანის ვაჟი ბარჯიქი¹¹⁹; 3. ნაწილი ბარჯიქის ლაშქრისა ამიერკავკასიაში შემოვიდა დერბენდიდან, ნაწილი — დარიალიდან და გაემართნენ აზერბაიჯანისაკენ. მამასადამე, დარიალის გზით მოსულ ხაზართა რაზმებს აღმოსავლეთ საქართველოს ტერიტორიაზე უნდა გაეგლოთ და გაეთავისუფლებიათ იგი მუსლიმებისაგან; 4. ლაშქრობაში უშუალოდ მონაწილეობდა საქართველოს გამგებელი, რომლის დახმარებით ბარჯიქმა იოლად დაამარცხა არაბები და განდევნა ისინი ამიერკავკასიიდან, თუმცა მცირე ხნით.

¹¹⁶ Гевонд, დასახ. ნაშრომი გვ. 71.

¹¹⁷ М. И. Артамонов, დასახ. ნაშრომი, გვ. 213; 3. Буннятов, დასახ. ნაშრომი, გვ. III.

¹¹⁸ كتاب الدول الاسلام للحافظ الذهبي، حيدرآباد، ۱۳۳۷، ص ۵۶—
Amer Ali, A Short History of the Saracens, London, 1834, გვ. 140.

¹¹⁹ ალ-ქუფის მიხედვით, „ნარსთიკ“ (ალ-ქუფი, დასახ. თხზულება, გვ. 22).

ხაზარების ბაქმეზა ამიერკავკასიიდან, არჩილ მეფის ბახიზენა ებრისს, სამთა კავშირი არაბთა წინააღმდეგ და მუროვან ყრუს ლაშქრობა

შეიტყო თუ არა ალ-ჯარაჰის დამარცხება-დაღუპვის სმბავი, ხალიფა ჰიშამმა (724—743) მაშინვე ჯარი შეკრიბა და სა'იდ ბენ 'ამრ ალ-ჰარაშის სარდლობით კავკასიისაკენ გამოგზავნა. ატ-ტაბარი-სა და იბნ ალ-ასირის ცნობებით, ალ-ჰარაშიმ დაამარცხა თავიანთი ქვეყნიდან შორს მყოფი, რიგებზეთხელებული, სურსათ-სანოვავეს მოკლებული ხაზართა ლაშქარი და ერთმანეთზე მიყოლებით დაიკავა ზღათი, არდებილი, მულანი, კარსანი, ბაჯარავანი (ბალრავანი), ბარ-ზანდი, ბაილკანი, ბარდავი და შარვანი, ხოლო მასლამა იბნ აბდა-ლაჰმა, რომელმაც 732 წელს¹²⁰ ალ-ჰარაში შესცვალა, დაასრულა ამიერკავკასიის დაპყრობა და საომარი მოქმედება დერბენდის მიღმა, ხაზართა ტერიტორიაზე გადაიტანა¹²¹.

არაბთა გამარჯვება ხაზარებზე, ამავე დროს ნიშნავდა ანტიარაბული მოძრაობის მარცხს ამიერკავკასიის აღმოსავლეთ ნაწილში და რეაქციის გაძლიერებას, რაც მთელი ძალით უნდა დასტეხოდა თავს ამ მოძრაობის ინციტორებს, პირველ რიგში ქართლის ქართველ გაჰგებელს (არჩილს?). ცხადია, მას თავის სახელოში აღარ ედგომებოდა და როგორც ჯუნშერი იუწყება „დაჰფლა საგანძური უფრო-სი გევსა კახეთისასა; ხოლო სამსახურებელნი ოქროსა და ვერცხლისა-ნი გევსა უჯარმისასა, და საგანძურნი ქართლისა და ჯავახეთისანი დაჰხნა გორს... რომელ არს ტონთიო... თარგმანებით „მთა ოქრო-სა“... ხოლო საგანძურნი ყოველთა ქართლისა ეკლესიათანი დაფლნა აჩრდილსა დიდისა სიონისასა მცხეთას. და შემდგომად მცირედთა ჟამთა შევიდა... ეგრადვე“¹²².

მიუხედავად რეაქციის თარეშისა, ანტიარაბული მოძრაობა ამიერკავკასიის ქვეყნებში, კერძოდ კი საქართველოში ოდნავაც არ შესუსტებულა, რაშიც, როგორც ყოველთვის, ახლაც მნიშვნელოვან როლს ასრულებდა ბიზანტია, რომელიც მაშინ სერიოზული საფრთ-

¹²⁰ Гевонд, დასახ. თხზულება, გვ. 74 და 155, შენიშვნა 169.

¹²¹ Б. А. Дорн, Известия о хазарах восточного историка Табарн, с отрывками из Гафис-Абру, Ибн Аазем Эль-Куфи и др. (Журнал министерства народного просвещения, СПб., 1844, август, часть XIII, отд. I, с. 70—86); იბნ ალ-ასირი, გვ. 74—82.

¹²² ქართლის ცხოვრება, ტომი 1, თბ., 1955, გვ. 233.

ხის წინაშე იღვწა მის წინააღმდეგ ახალ იმის მიხედვითა სხვადასხვა. პიმპის ბრძანებით 731 წელს დაიწყო არაბთა სარდლობის ხელისუფლების დაღებულ თავმოყრა ხელისაშუა ზღვაში და სირიაში, კავკასიონის სი-
ომარი აზღვების რაიონში ვაიწყეს მსაღამა იბნ აბდ ალ-მალეჟი თავისა ჭარის ნაწილებით.

ბიზანტიის იმპერატორი ლეონ ისაყრისელი, რომელიც იყოლა ხალიფას ვერაველი განზრახვის შესახებ, თავის მხრივ ყოველ ზომას ხმარობდა არაბთა მუქარის მოსაგერიებლად. იგი ჭარბის თავმოყრა მოზადეების გარდა ცდილობდა გაეაქტიურებინა სარდლობის მოქ-
მედება ჩრდილოეთში, სადაც ის იმედებს ამყარებდა სირიკავკასიის მოსახლეობაზე და მათ მეზობელ ხაზარებზე. ხაზარებთან კავშირის განამტკიცებლად 732 წელს იმპერატორმა თავისი ვაჟი კონსტანტინე ხაენანს დაზე თუ ქალიშვილზე ჩიჩაყზე (ყვაილი) დააქორწინა, ხო-
ლო აღმოსავლეთ საქართველოს გამგებელი თავისი კალთის ქვეშ შე-
იფარა ეგრისში და ასეთი პოლიტიკის შედეგად დაახლოებული ხა-
კანიც და ქართლის მეფეც არაბთა წინააღმდეგ ამოქმედა¹²³. ხაზა-
რებმა თავდაპირველი განაახლეს და არაბები ჩრდილო კავკასიიდან გა-
ძევეს. ქართლმა კი მისი ემიგრანტი გამგებლის თანამზრახველ
ავენტთა საქმიანობის წყალობით, განდგომა იწყო. ასეთივე ვითარება
სუფევდა მეზობელ სომხეთშიც. ასე რომ, თუ მდგომარეობა არ შე-
იცვლებოდა, არაბები ამიერკავკასიაში დიდხანს ვერ იბოგინებდნენ.
მაგრამ მოვლენები შემდეგში ისეთნაირად წარიმართნენ, რომ ამ რე-
გიონის მოსახლეობას სულ მალე თავს დაატყდა ახალი უბედურე-
ბა, ქართულ ისტორიოგრაფიაში ერთობ განმარტებული მურვან
ყრუს ლაშქრობის სახელით რომაა ცნობილი.

732 წელს ბიზანტიის შესამუსრად გამგზავრებული არაბთა სა-
ზღვაო გემების უზარმაზარი არმადა უეცრად ამოვარდნილმა ქარი-
შხალმა კონსტანტინეპოლის კარიბჭესთან მთლიანად მოსპო. შემ-
თხვევით გადარჩენილი მთავარსარდალი მასლამა იბნ აბდ ალ-მალე-
ჟი, რომელმაც ლაშქრობის დაწყების წინ ხალიფას შეფიცა, რომ
სურვილს აღუსრულებდა — ბიზანტიას დააბრობდა, მის დედაქალაქს
გააკმტვერებდა და აია სოფიის ტაძარს თავლად აქცევდა, შერცხვე-
ნილი დაბრუნდა დამასკოში, და თავის დღეში (გარდაიცვალა დაახლ.
735 თუ 738 წელს) ფარხმალისათვის ხელი აღარ მოუკიდია¹²⁴.

¹²³ არაბთა წინააღმდეგ ბრძოლის ერთ-ერთი ორგანიზატორი რომ არჩილი იყო ეს აღნიშნული აქვს ა. ბოგვერაძესაც იხ. მისი დასახ. ნაშრომი, გვ. 104.

¹²⁴ Гевонд, დასახ. ნაშრომი, გვ. 74, 79.

ეს მარცხი და ამის გამო სახალიფოს მბრძანებლის მიერ მასლამას მისამართით გამოთქმული გულისწყრომა თავის სასარგებლოდ გამოიყენა ხალიფას ბიძაშვილმა მურვან იბნ მუჰამად იბნ მურვანმა. ის ამ დროს უკვე სახელმწიფოებრივი სარდალი იყო. ხაზართა წინააღმდეგ წარმოებულ ბრძოლებში იგი მასლამას ლაშქრის ერთ-ერთ ფრთას ხელმძღვანელობდა, ხოლო დამასკოში მასლამას გაწვევის შემდეგ მას სცვლიდა¹²⁵. როდესაც მურვანმა მასლამას გადაყენების ამბავი შეიტყო, კავკასია დატოვა, სასწრაფოდ სირიას მიმავლა, ხალიფასთან მასლამა დააბეზლა და არმინია-აზერბაიჯანის გამგებლად დანიშნა სთხოვა. თანაც აღუთქვა, რომ თუ თხოვნას დაუკმაყოფილებდა კავკასიასაც დაიმორჩილებდა და ხაზართა სახელმწიფოსაც მოსპობდა. სახალიფოს მბრძანებელმა მურვანის წინადადება მიიღო, იგი აზერბაიჯან-არან-ჯურზან-სომხეთის ამირად დაამტკიცა და 120-ათასი მხედრით ჩრდილოეთისაკენ გამოისტუმრა¹²⁶.

იბნ ალ-ასირის ცნობით, მურვანი არმინია-აზერბაიჯანისაკენ გამოემართა 114(732/3) წელს¹²⁷. იგი პირველად თავს დაესხა ალანებს. ხაზართა მეფეს კი (კაცები) გაუგზავნა და ზავი შესთავაზა. ხაკანმა თანხმობა განაცხადა და მას თავისი ელჩი აახლა ზავის დასადებად, მაგრამ მურვანმა ხაკანის წარმომადგენელი დააკავა და თავისთან ჰყავდა, სანამ საომარ მზადებასა და სხვა რამეს, რაც სურდა, არ მორჩა. შემდეგ იგი შეურაცხყო და ხაზარებს ომი გამოუცხადა, რის შესახებაც მათ მეფეს აცნობა ამავე ელჩის მეშვეობით, რომელიც გამცილებლებმა შორი გზით გაგზავნეს. მურვანი კი იმ დროს მოკლე გზით მიდიოდა. ამიტომ მოხდა ისე რომ, როცა ელჩი თავის ბატონთან

¹²⁵ Б. А. Дорн, *დასახ. ნაშრომი*, გვ. 86. სხვაგან მასლამის შემცვლელად მოხსენიებულია სა'იდ იბნ 'ამრ ალ-ჰარაში (Гевонд, с. 79), რომელიც 2 წლ-ს შემდეგ შეეცალა მურვანმა.

¹²⁶ იბნ ალ-ასირი, V, გვ. 83. მან ამ თანამდებობაზე ალ-ჰარაში (733—734 წწ. მეორედ) შესცვალა (ალ-ქუფი, *დასახ. თხზულება*, გვ. 49).

¹²⁷ იბნ ალ-ასირი, V, გვ. 83; ამასვე იტყობინებიან აბ-ტაბარი, *ალ-იენენი*, ა. მიულერი (Tabari, II, 1562; Кутіб ал-Иунунӣ, გვ. 90. მითითებულია ზ. ბუნიატოვის მიხედვით. გვ. 112; Мюллер, *История ислама*, т. II. СПб., 1895, с. 135). საბჭოთა ისტორიოგრაფიაში კი ალბათ ალ-იაკუბის ცნობის გავლენით (Я'Кубин, „История“, Баку, 1927, გვ. 7) დომინირებს მოსაზრება, რომ ეს ლაშქრობა მოეწყო 735 წელს (М. И. Артамонов, *დასახ. ნაშრომი*, გვ. 218; ა. ბოგვერაძე, *არაბთა დაპყრობები და ბრძოლა მათ წინააღმდეგ VII—VIII საუკუნეებში*, საქართველოს ისტორიის ნარკვევები, II, თბ., 1973, გვ. 289).

მივიდა, მურვანი უკვე იქ იყო. ელჩმა მბრძანებელს აუწყა მის წინა-
აღმდეგ წამოსული მურვანის ურდოს შესახებ, ხოლო ხაზართა მეფემ
რჩევინათვის მიმართა თავისიანებს, რომლებმაც განუცხადეს: „მურ-
ვანმა მოგატყუათ და თქვენს სამფლობელოში შემოიჭრა. თუ თქვენ
ლაშქრის შეგროვებამდე აქ დარჩებით, იგი მოვა და მიიღებს იმას,
რაც სწადია. ხოლო თუ შეებმებით იმ ძალით, რაც ამჟამად გაგაჩნიათ,
იგი დაგამარცხებთ. ჩვენი რჩევაა: „უკუიქცეთ სამეფოს უკიდურეს
(ჩრდილოეთ) საზღვრამდე და მან აკეთოს რაც სურს“.

მეფემ რჩევა მოიწონა, იქაურობა დატოვა და ის იქით წავიდა,
საითყენაც მიუთითეს. მურვანი კი ქვეყნის სიღრმემდე შევიდა და
სულ ააოხრა იგი, კილიდან კიდემდე გავიდა და აურაცხელ ტყვესა
და ნადავლს დაეუფლა.

მან იქ რამდენიმე დღე დაჰყო, დაამარცხა მტერი, შურაც იძია
და შემდეგ პირი ას-სარირის (ტანტის მფლობელის) ქვეყნისაკენ იბ-
რუნა, აკლო მისი მოსახლეობა და დაიკავა ციხესიმაგრენი. მეფემ
თავი დაიარცხებულად სცნო. მურვანს დაუზავდა და აღუთქვა, რომ
მიართმევდა 1500 კაბუქს, 500 შავთმიან ასულს და აღ-ბაბში მიუ-
ტანდა 100 მუღ¹²⁸ ხორბალს. მურვანი დაუზავდა თემანის მოსახლე-
ობასაც იმ პირობით, რომ მიართმევდნენ მას 100 კაბუქსა და ქა-
ლიშვილს და 20 ათასს მუღ ხორბალს¹²⁹. თემანიდან მურვანი გადა-
ვიდა ზარიქირინის ქვეყანაში, დაუზავდა მის მეფეს¹³⁰ და შემდეგ
გაემართა ჰამზინისაკენ, რომელმაც უარი თქვა დაზავებაზე. მურ-
ვანმა დალაშქრა ეს ქვეყანა და დაიპყრო მისი ციხესიმაგრე¹³¹, უომ-
რად დაიკავა სულდანი¹³² და აიძულა ტირმანშაჰი აღ-ბაბში მიეტანა

128 შა-ფხვიერ სხეულთა საწონი ერთეული. იგი ერთნაირი არ იყო. ერაცში
ერთი მუღი უდრიდა 2 რიტლს (896, 56 გრ).

129 ბალახურის უნობით, თემან შაჰს მურვანისათვის უნდა მიეცა 150 ქა-
ლიშვილი, 50 ტანმაღალი, შავთმიანი, შავთვალწარბა კაბუქი და 100 ათასი მუღი
მარცვალი (Б а л а д з о р и, დასახ. ნაშრომი. გვ. 12).

130 მეფემ ივალდებულა წელიწადში 50 კაბუქისა და 10 ათასი მუღი მარ-
ცლეულის გადახდა (Б а л а д з о р и, დასახ. თხზულება, გვ. 18).

131 ბალახურის ჩვენებით, ხამზინმა იქისრა ერთდროულად 500 კაბუქისა
და ქალიშვილის მიყვანა და 30 ათასი (მუღი) მარცლეულის მიტანა ყოველ წელს
(Б а л а д з о р и, დასახ. თხზულება, გვ. 18).

132 ბალახურთანაა „სულან“ (سلطان), რომლის გამგებელს ერთბაშად უნდა
გადაეხდა 100 კაბუქი და ქალიშვილი, აგრეთვე, 5000 მუღი მარცვალი ყოველ
წელს (Б а л а д з о р и, დასახ. თხზულება, გვ. 19).

ყოველწლიურად 10 ათასი მუდი ხორბალი. იქიდან მურვანმა ილაშქრა ალ-ლაქზის მფლობელის წინააღმდეგ და აიღო მისი ციხე-ქალაქი. მიზეზი ამისა ის იყო, რომ მან უარი თქვა ნაკისრი ვალდებულების შესრულებაზე. (ალ-ლაქზის) გამგებელი მეფე (მალიქი) ხაზართა ხაკანთან წავიდა დანმარების სათხოვნელად, მაგრამ გზაში დაიღუპა მწყემსების ხელით. ალ-ლაქზის მოსახლეობას ისლა დარჩენოდა, რომ დაზავებოდა მურვანს, რომელმაც მათ ახალი გამგებელი დაუნიშნათ¹³³. ალ-ლაქზის ქვეყნიდან არაბი სარდალი (კასპიის) ზღვის პირას მდებარე შირვანსაცენ დაიძრა, მშვიდობიანად დაიკავა იგი¹³⁴ და ეწვია დუდანას, რომელიც საშინლად დაარბია და (ალ-ბაბს) დაუბრუნდა¹³⁵.

არაბი მემატიანის ცნობით, ამით მთავრდება მურვანის პირველი ლაშქრობა. მეორე ლაშქრობა კი იწყება 118(736) წელს. ამ დროს მან დალაშქრა ალ-ლანისა და თუმანშაპის ქვეყნები და აიძულა მოსახლეობა მიეღოთ ზავის პირობები¹³⁶.

118(736) წელსვე მურვანმა არმინიდან ილაშქრა ვარნისზე¹³⁷. იგი წინ მიიწევდა სამივე კარიდან, მაგრამ ვარნისის შეპყრობა ვერ მოახერხა. იგი ხაზარეთში გაიქცა. მაშინ მურვანმა ალყაში მოაქცია ციხე. მიზიდა იქ ქვის სატყორცნი მანქანები და მისი დაქცევა დააპირა, მაგრამ ვერ მოასწრო. ვარნისი ვიღაც გამვლელმა გზაში მოკლა და მისი თავი მურვანს მიართვა, ხოლო მურვანმა იგი ხალხის დასაწახად ციხის წინ გამოჰკიდა. ამან მოსახლეობის წინააღმდეგობა გატეხა. მათ შეწყვიტეს ბრძოლა და მიიღეს მის მიერ შემოთავაზებული საზავო პირობები. მურვანმა მეციხოვნეები ამოწყვიტა, ხოლო მათი ოჯახები დაატყვევა¹³⁸ და 119(737) წელს ალანთა ქვეყანას მიაშურა,

133 ბალაზურის გაღმოცემით, ეს ახალი გამგებელი იყო ხაზრამა ას-სულამა, რომელმაც მურვანს აღუთქვა, რომ გადაუხდიდა წელიწადში 20 ათასს მუდ მარცვალს (Б а л а д з о р и, დასახ. თხზულება, გვ. 19).

134 ბალაზურის მიხედვით, მურვანმა შარვანს შეაწვრა 10 ათასი მუდი მარცვლელი წლიურად (Б а л а д з о р и, დასახ. თხზულება, გვ. 19).

135 ი ბ ნ ა ლ - ა ს ი რ ი, დასახ. თხზულება, ტ. V, გვ. 83—84. ატ-ტაბარის ცნობით, ალ-ბაბიდან (დერბენდიდან) მურვანი ქისალს სწყვეცია და იქ გამოუშამორებია, ხოლო გაზაფხულზე სარმარს დასხმია, შაქი აუღია და მოსახლეობა გაუწყვიტა (იქვე, გვ. 88—89).

136 ი ბ ნ ა ლ - ა ს ი რ ი, დასახ. თხზულება, ტ. V, გვ. 87.

137 ატ-ტაბარის ცნობით მას უბასი ერქვა (Б. А. Д о р и, დასახ. ნაშრომი, გვ. 92).

138 ი ბ ნ ა ლ - ა ს ი რ ი, დასახ. თხზულება, ტ. V, გვ. 93.

გაიარა იგი, ფეხი დადგა ხაზართა მიწა-წყალზე, გვერდი აუარა ბა-
ლანჯარს, სამანდარს და მიაღწია ალ-ბაიდას. ეს იყო ხაქანის ადგილ-
სამყოფელი, მაგრამ ხაქანმა გაქცევა მოასწრო¹³⁹.

„121(739) წელს არმინის გამგებელმა, მურვანმა ისევ მოაწყობა
ლაშქრობა. მან ალყაში მოაქცია ას-სარირის (ტახტის მფლობელის)
ციხე, ამოწყვიტა და დაატყვევა (მრავალი). შემდეგ მიაშურა მეორე
ციხეს, სადაც ასევე გაწყვიტა და დაატყვევა მრავალი, აიღო მეფის
ტახტისა და ქალიშვილის ადგილსამყოფელი, ღუმისის ციხესიმაგრე.
მეფემ გაქცევა მოასწრო, თავი შეაფარა ხაიზანის ციხეს, რომელშიც
ინახება ოქროს ტახტი. მურვანი დაედევნა ლტოლვილ მეფეს და მთე-
ლი ზამთარ-ზაფხული მას ებრძოდა. შემდეგ ას-სარირის მეფემ ზავი
შეკრა მასთან და ვალდებულება იკისრა, რომ ყოველ წლიურად გა-
დაუზღვდა 1000 სულ პირუტყვს და 100 ათას მუდ (ხორბალს). ას-
სარირიდან მურვანმა ილაშქრა აზრუბატრანის ქვეყნისაკენ და დაუზა-
ვდა მის მეფეს. იქიდან გასწია თუმანისაკენ და მის მეფესთან დაზა-
ვების შემდეგ ააოხრა ჰამზინის ქვეყანა. ერთთვიანი ალყის შემდეგ
აიღო მისი ციხე და აიძულა ჰამზინი დაედო ზავი. მას დაუზავდნენ
აგრეთვე ქირანი, ტაბარ-სარანი და ფილანი. ყველა ეს ოლქი გან-
ლაგებულაა ზღვის ნაპირას არმინიდან ტაბარისთანამდე.

126(743/4) წელს მურვან იბნ მუჰამმად იბნ მურვან იბნ ალ-ჰაქა-
მი ხალიფა იაზიდ იბნ ალ-ვალიდს (743—744) განუდგა... და ალ-
ჯაზირის სარდალს ალ-ამრ იბნ იაზიდ იბნ აბდ ალ-მალიქსაც შეუთვა-
ლა, რომ აღმდგარიყო თავისი ძმის ალ-ვალოდის სისხლის ასაღე-
ბად... იმავე წელს მურვანი სირიისაკენ გაემართა... ხოლო 127(744/5)
წელს დაეთფლა სახალიფოს ტახტსა¹⁴⁰.

ასეთია XII ს. არაბი ისტორიკოსის იბნ ალ-ასირის ცნობები
მურვან იბნ მუჰამმად იბნ მურვანის ლაშქრობებისა და საერთოდ
არმინია-აზერბაიჯანის გამგებლად ყოფნისას კავკასიაში მისი საქმი-
ანობის შესახებ. ეს ცნობები წარმოადგენენ IX ს. არაბი მწერლების
ალ-ბალაზურის, ატ-ტაბარის და ალ-ქუფის ვრცელ ცნობათა მოკლე
რეზიუმეს, რომელიც იმითაც გამოირჩევა, რომ მასში თითოეულ
ლაშქრობას, ბრძოლასა თუ სხვა მოვლენას უზის თავისი თარიღი.
სწორედ ამიტომ ვამჯობინეთ ამ ცნობის სრულად მოტანა. მაგ-
რამ აქვე ისიც უნდა აღვნიშოთ, რომ, ვინაიდან იბნ ალ-ასირის ცნო-
ბები წარმოადგენენ ბალაზურისა და ატ-ტაბარის ცნობათა რეზიუმეს,

¹³⁹ იქვე, გვ. 101.

¹⁴⁰ იბნ ალ-ასირი, V, გვ. 113, 145, 152—153.

შასში აუსახველი დარჩა ზოგიერთი დეტალი, რასაც გარკვეული მნიშვნელობა აქვს მურვან მუჰამადის ძის ამიერკავკასიაში მოქმედების სრული სურათის შესაქმნელად.

ატ-ტაბარის მიხედვით, სირიიდან 120 ათასი კაცით გამოსული მურვანი არმინიაში, ბარდავის ახლოს მდებარე დასახლებულ პუნქტში, ქისალში შეჩერებულა და მოკლე დროში მთელ არმინიას დაუფლებია. შემდეგ დარიალის გზით ხაზარეთისაკენ დაძრულა და გზაში ყველაფერი მოუსპია¹⁴¹. მურვანის ცბიერება და სიმკაცრე სხვაგანაც არა ერთგან აქვს ხაზგასმით აღნიშნული ატ-ტაბარის. მისი თქმით, ამ არაბი სარდლის ხანგრძლივი, გამანადგურებელი საბრძოლო მოქმედების ბოლო აკორდი იყო ლაშქრობა აზერბაიჯანსა და არმინიაში, სადაც მან დაამარცხა მულანისა და გილანის მოსახლეობა, ამოწყვიტა მრავალი, დაატყვევა 10 ათასამდე კაცი და დაურიგა მუსლიმებს¹⁴². „მთელი აზერბაიჯანი და არმინია გაიწმინდა, ყველა მოწინააღმდეგე დაეცა. ყველა მურვანს დაემორჩილა“¹⁴³.

ისე როგორც ატ-ტაბარი, ალ-ბალაზურიც აღნიშნავს, რომ არმინიის გამგებლად დანიშნული მურვანი ქისალში დაბანაკდა და ააშენა იქ ქალაქი, რომელიც ბარდავიდან 40, თბილისიდან კი 20 ფარსახით¹⁴⁴ იყო დაშორებული. შემდეგ მან დარიალის კარის გავლით ხაზარეთში ილაშქრა, ხოლო უსაიდ იბნ ზაფირ ას-სულამის, აბუ იაზიდსა და მათთან მყოფ მთიელთა მეფეებს უბრძანა (ხაზარეთში) ბაბუღ-აბუბაბის მხრიდან შეჭრილიყვნენ. მურვანი თავს დაესხა ხაზართა ტერიტორიაზე მყოფ სლავებს და 20 ათასი ოჯახი მან ჯერ კახეთში (طخاخ) გადმოასახლა¹⁴⁵, ხოლო შემდეგ, როცა მათ თა-

¹⁴¹ Б. А. Дорн, დასახ. ნაშრომი, გვ. 86—87.

¹⁴² ალ-აქუბის ცნობით მურვანს ეს ლაშქრობა 122—123 (740—741) წლებში მოუწევია (Я. К у б и, История, Баку, 1927, с. 8).

¹⁴³ Б. А. Дорн, დასახ. ნაშრომი, გვ. 93.

¹⁴⁴ ფარსახი (فرساح) —სიგრძის საზომი ერთეული, სხვადასხვა დროს სხვადასხვანაირი იყო. არაბობის დროს ფარსახი უდრიდა დაახლოებით 6—7 კილომეტრს. ვრცლად მის შესახებ იხ. გ. ჯაფარიძე, ნარკვევი ქართული მეტროლოგიის ისტორიიდან, თბ., 1973, გვ. 143—145.

¹⁴⁵ ცნობა სლავებზე თავდასხმის შესახებ ატ-ტაბარისთანაცაა (Б. А. Дорн, დასახ. ნაშრომი, გვ. 87), მაგრამ იგი არაფერს ამბობს კახეთში მათ გადასახლებაზე. ალ-ქუფის თქმით, მურვანს ისინი მდ. მტკვრის ნაპირას დაუსახლებია (ალ-ქუფი, დასახ. თხზულება, გვ. 50).

ვიანთი ბელადი მოკლეს და უკან დაბრუნება სცადეს, ისინი მთლიანად მოსპო¹⁴⁶.

თუ ამას დავუმატებთ ლევონდის ცნობას იმის შესახებ, რომ სირიიდან გამოსული მურვანი პირველად დეინში შეჩერდა, სომხეთი დაიმორჩილა და მისი გამგებლის აშოტ ვასაკის ძე ბაგრატიუნის თანხლებით შემდეგ ჰუნთა მიწა-წყლისაკენ გაემართა¹⁴⁷, მაშინ კავკასიაში მისი მოქმედების მარშრუტი ზოგადად ასეთი იქნება: დამასკო, დვინი, ქისალი, ალანეთი, ხაზარეთი, სარირის ქვეყანა, თუმანი, ზარქირინის ქვეყანა, ჰამზინი, სულდანი (სულდანი) ალ-ლაქზი, შირვანი, დუდანი, ალ-ბაბი: შემდეგ ისევ ალანეთი, თუმანშაჰის სამფლობელო. ვარნისი, ალანეთი (მესამედ), ხაზარეთი, ას-სარირის სამეფო, იზრუბატრანის ქვეყანა, თუმანი, ჰამზინის მიწა-წყალი, ქირანი, ტაბარსარანი, ფილანი, მულანი, გილანი, ბარდავი და სირია.

არაბ მწერალთა აღწერილ მურვანის ამ ლაშქრობებში არსად საქართველო ნახსენები არ არის და ამდენად მათზე არც უნდა შევჩერებულყოფით. რომ ქართულ წყაროებში იგივე ამბები სულ სხვანაირად არ იყოს წარმოდგენილი. ჯუანშერის თანახმად, ხალიფა ჰიშამის (724—743) მიერ მოვლენილმა მურვანმა მოსრა მთელი ქვეყანა, მოვლო კავკასია, დაანგრია ყოველი ქალაქი და ციხე საზღვართა ქართლისათა. იგი ეწვია აგრეთვე არგვეთსა და ეგრისს, დაეუფლა ციხე გოჯს, გარშემოადგა კლისურს და აფშილეთის ქალაქ ცხუმს, მათაც დაეპატრონა და ქართველი მეფეების, მირისა და არჩილის თავშესაფარ ანაკოფის ციხეს მიადგა; იქიდან კი ჩაიარა ყრუმან ზღვის პირი და ოხერ ჰყო ყოველი ქვეყანა ვიდრე კონსტანტინეპოლამდე. ასე რომ, „იქმნა მას ეამსა გარყუნილ ქვეყანა ქართლისა, სომხრთისა და რანისა და არღარა იპოვებოდა ნაშენები, არცა საქამადი კაცთა და პირუტყვთა ყოვლადე“¹⁴⁸. სუმბატ დავითის ძეც ხაზს უსვამს, რომ ყრუმან ბაღდადისამან შემუსრა ყოველი ციხენი, მოვლო შავშეთი და ლადონი; იავარ ჰყო შავშეთი, კლარჯეთი და მოსპო მათ მოსახლეობა¹⁴⁹.

¹⁴⁶ Баладзорн, დასახ. თხზულება, გვ. 17—18.

¹⁴⁷ Гевонд. დასახ. თხზულება, გვ. 79—80.

¹⁴⁸ ჯუანშერი, ცხოვრება ვახტანგ გორგასლისა (ქართლის ცხოვრება, დასახ. გამოცემა, ტ. 1, გვ. 233—235, 239).

¹⁴⁹ სუმბატ დავითის ძე, ცხოვრება და უწყება ბაგრატიონიანთა (ქართლის ცხოვრება, დასახ. გამოცემა, ტ. 1, გვ. 376).

როგორც ვხედავთ, განსხვავება არაბ და ქართველ მემატიანეთა ცნობებს შორის საქართველოში მურვანის ლაშქრობის შესახებ მეტად თვალსაჩინოა. ამიტომ ისმის კითხვა, რით შეიძლება აიხსნას ეს გარემოება? ასეთი კითხვა დიდი ხანია დასმულია ქართულ ისტორიოგრაფიაში ივ. ჯავახიშვილისა და სხვათა მიერ, მაგრამ პირდაპირი, მეცნიერულად დასაბუთებული პასუხის გაცემა მასზე ჯერჯერობით არ ხერხდება, სათანადო მასალების უქონლობის გამო. ივ. ჯავახიშვილი და მეტადრე ს. ჯანაშია ვარაუდობენ, რომ ქართულ წყაროთა ცნობები საქართველოში მურვან ყრუს ამ ლაშქრობის შესახებ სრულიად რეალურ ვითარებას ასახავენ და ამდენად ნდობის ღირსნი არიან¹⁵⁰. შეიძლება ეს მართლაც დადასტურდეს, როდესაც მიკვლეული იქნება ახალი წყაროები, მაგრამ ამჟამად არსებობენ ისეთი ანგარიშგასაწევი გარემოებანი, რომელთა გათვალისწინება საშუალებას მოგვცემდა მკირე კორექტივი მანც შეგვეტანა ზემოაღნიშნულ ვარაუდში.

მურვან მუჰამმადოს ძის აღნიშნული ლაშქრობა საქართველოში თავისი მასშტაბურობითა და დამაქცეველი შედეგებით რომ ნამდვილად ისეთი ყოფილიყო როგორადაც მას ქართული წყაროები წარმოგვიდგენენ, შეუძლებელია იგი აღუნუსხველი დარჩენოდათ არაბ მწერლებს, რომლებიც ასე ვრცლად აღწერენ მის მოქმედებას კავკასიის სხვა ქვეყნებსა და ადგილებში. გასათვალისწინებელია ისიც, რომ სრულიად საქართველოს მოსრვა რამდენადმე მაინც უნდა ასახულიყო სომეხ და ბიზანტიელ მწერალთა თხზულებებში, მაგრამ, როგორც ივ. ჯავახიშვილი აღნიშნავს, მათში ამის შესახებ ერთი სიტყვაც კი არსადაა ნათქვამი¹⁵¹. ამდენად, არსებობს ერთგვარი საფუძველი ეჭვის თვლით შევხედოთ ქართველ მემატიანეთა ნაამბობს. ამ ეჭვს ისიც აძლიერებს, რომ ნაამბობში ზოგი რამ აშკარად გაზვიადებული ჩანს, ზოგიც—მცდარი. გაზვიადებულია, მაგალითად, ცნობის ბოლო ნაწილი, სადაც ჩართულია ღვთის მიერ მოვლენილი სასწაულებრივი შემთხვევები, რაზეც ივ. ჯავახიშვილიც მიუთითებს¹⁵², ხოლო მცდა-

¹⁵⁰ ივ. ჯავახიშვილი, დასახ. ნაშრომი, გვ. 79—80; ს. ჯანაშია, შრომები, II, გვ. 373, 375.

¹⁵¹ ივ. ჯავახიშვილი, დასახ. ნაშრომი, გვ. 80. მართალია იოანე კათალიკოსი, ისე როგორც ჭუანჭერი, მურვანს კი წარმოგვიდგენს მკაცრ მეომრად და მმართველად (იქვე, გვ. 79), მაგრამ მისი ნაამბობიდან არ ჩანს, რომ ამ არაბ სარდალს საქართველო მოესრას.

¹⁵² ივ. ჯავახიშვილი, ქართველი ერის ისტორია, II, გვ. 80.

რია ის, რომ ჯუანშერის მიხედვით, მურვან ყრუს ლაშქრობა იყო არაბთა პირველი შემოსევა საქართველოში¹⁵³ და რომ საქართველოს მოთარეშების შემდეგ იგი კონსტანტინოპოლისაკენ გაემართა და იქვე გარდაიცვალა. მიუხედავად ყოველივე ამისა, ქართულ წყაროთა მონაცემები მოგონილი არ უნდა იყოს. ისინი უდავოდ რეალურად მომხდარ ვითარებას ასახავენ ოღონდ რამდენადმე არაზუსტად. უზუსტობა იმაში მდგომარეობს, რომ მათში სხვადასხვა დროს მომხდარი ამბები ჩანს გაერთიანებული. გ. აბრამიშვილის ვარაუდით, „ჯუანშერის წყაროში მოთხრობილი ეს ექსპედიცია მუჰამმად იბნ მურვანს უნდა შეეხებოდეს... და არა მის ძეს — მურვან იბნ მუჰამმადს“¹⁵⁴. საყურადღებო მოსახრებაა ბიზანტიური წყაროებიდანაც დასტურდება, რომ არაბები დასავლეთ საქართველოს (ეგრისს) ფლობდნენ 705—711 წლებში¹⁵⁵, მაგრამ მას ერთგვარად წინ ეღობება ის ვარაუდობა, რომ ქართველი შემატიანის გადმოცემით, მის მიერ აღწერილი ამბავი მომხდარა ხალიფა „ეშიმის“ (-ჰიშამის) დროს¹⁵⁶, ჰიშამი კი სახალიფოს განაგებდა 724—743 წლებში. ამიტომ, საუბრებელია, რომ ქართული წყარო მურვან ყრუს მამამისს ნამოჭმედარს კი არ მიაწერს, არამედ მასლამა იბნ აბდ ალ-მალიქის 731 (113) წლის ლაშქრობას, რომლის მიზანი, როგორც ზემოთ აღინიშნა, იყო ამიერკავკასიიდან ხაზართა განდევნა და ამ რეგიონის ქვეყნების, კერძოდ ქართლის მოსახლეობის და მისი მეთაურის, ხაზართა მომხმობი მეფის დასჯა, რაშიც აქტიურ მონაწილეობას ღებულობდა თვით მურვან მუჰამადის ძე, როგორც მასლამას ლაშქრის ერთ-ერთი სარდალი. ჩვენ ვარაუდს მხარს უჭერს ისიც, რომ სრულიად კავკასიის მორბევის შემდეგ კონსტანტინეპოლისაკენ მუჰამად იბნ მურვანი ან მისი ვაჟი მურვან იბნ მუჰამადი კი არ წასულა, როგორც ეს ქართულ წყაროებშია აღნიშნული, არამედ მასლამა¹⁵⁷ იბნ აბდ ალ-

153 იქვე, გვ. 79, 86.

154 გ. აბრამიშვილი, დასახ. ნაშრომი, გვ. 31.

155 ს. ჯანაშია, დასახ. ნაშრომი, გვ. 368. ა. მიულერის მიხედვით, აფხაზეთს, ლაზეთსა და იბერიას არაბები ფლობდნენ 716—717 წელსაც (A. Müller, დასახ. ნაშრომი, გვ. 95—96). ხოლო თეოფანე ეპითაღმწერელის ჩვენებით, ბიზანტიის წინააღმდეგ აჯანყებულ ლაზიკის პატრიკიოს სერგი ბარხუჯის ძეს თავისი ქვეყანა არაბებისათვის ჩაუბარებია 697 წელს (ს. ჯანაშია, შრომები, II, გვ. 368; ა. ბოგვერაძე, დასახ. ნაშრომი, გვ. 96).

156 ქართლის ცხოვრება, 1, გვ. 233.

157 მატთანე ქართლისა (ქართლის ცხოვრება, 1, გვ. 252).

შალიქი. რომელიც 731 წელს გიიწვია ხალიფამ კავკასიიდან და ბიზანტიის დედამთავრის ასაკლებად გამზადებულ ლაშქარს ჩაუყენა სათავეში. რაც შეეხება მურვანს, იგი 126(743/4) წლამდე კავკასიაში იყო, შემდეგ კი დამასკოს წავიდა, 127(744) წელს დაეუფლა ხალიფას ტახტს და ექვსწლიანი ზეობის შემდეგ, კერძოდ 132 წლის ზულ-ჰიჯას თვის გასვლამდე 3 დღით ადრე (ე. ი. 750 წლის 5 ივლისს) გარდაიცვალა ეგვიპტის ერთ-ერთ პროვინციაში — ბუსირში¹⁵⁸.

¹⁵⁸ იბნ ალ-ასირი, V, გვ. 152—153, 202.

მ ე ხ უ თ ე თ ა ვ ი

საქართველო VIII ს. II ნახევარში

არაბთა ბატონობის გააღწერება

ა) თ ბ ი ლ ის ის ს ა ა მ ი რ ო ს წ ა რ მ ო ქ მ ნ ა

მურვანის ლაშქრობით დასრულდა ჩვენში არაბობის პირველი პერიოდი, რომლის დროსაც საქართველოსა და ხალიფას შორის არსებული პოლიტიკური ურთიერთობის (დამოკიდებულების) სტატუსი ზუსტადაა განსაზღვრული ჰაბიბ იბნ მასლამას „დაცვის სიგელით“: საქართველო სცნობს თავს სახალიფოს მორჩილად და უხდის მას ყოველწლიურ ხარკს ძირითადად გადასახადების სახით. სხვა მხრივ არაბობა საქართველოს არ შეეხებია.

მურვანის ლაშქრობის შემდეგ კი ამ ურთიერთობაში საგრძნობი ცვლილება მოხდა: საქართველო გამოცხადდა ცალკე სამიროდ, რომელსაც განაგებდა ამირა. იგი იჯდა თბილისში და ჰყავდა მოხელეთა მთელი შტატი, კერძოდ, შურტა — ქალაქში წესრიგისა და უშიშროების პასუხისმგებელი; მუჰთასიბი — ბაზრების, ქუჩებისა და საზომ-საწონი ერთეულების ზედამხედველი; ამიდი — მდივან-მწიგნობარი; ამირას კანცელარიის ხელმძღვანელი, რომელსაც ცენტრალური ხელისუფლებისათვის გასაგზავნი ქალაქების შედგენა ევალებოდა; რა'ისი — მაჰმადიანი მოსახლეობის ზედა ფენის წარმომადგენელი ამირას კარზე; მუშრიბი — საბაჟო-საეაჭრო გადასახადების საკითხთა მომწესრიგებელი, ზედამხედველი და სხვა მოხელენი.

სამიროს ჩამოყალიბებასთან ერთად აღმოსავლეთ საქართველოში ჩაყენებული იქნენ ამ სანაპირო ზოლის დამცველი შეირაღებული რაზმები (რუსთავში, დმანისში, თბილისში და სხვ.), რომელთა შევსება-გაძლიერების მიზნით დაიწყო არაბთა ინტენსიური ჩამოსახლება.

ცხადია, ამ რაზმებისა და სამოხელეო შტატის შენახვა ადგილობრივ მოსახლეობას ეკისრებოდა, რამაც გამოიწვია საგადასახადო სისტემის კვლავ გადასინჯვის აუცილებლობა. თუ ჰაბიბ იბნ მასლამას დაცვის სიგელის თანახმად აღმოსავლეთ საქართველოს მოსახლეობა იხდიდა ორი სახის გამოსაღებს: ხარაჯას და ჯიზიას, VIII ს-ში, თბილისის საამიროს შექმნის დღიდან, გადასახადების ოდენობაც და რიცხვიც გაიზარდა, რამაც კიდევ უფრო გააუარესა ადგილობრივი მოსახლეობის ეკონომიური მდგომარეობა.

ახალი ცვლილებები შეეხო მთავრის ხელისუფლებასაც. იგი დამცრობილი იქნა, სუვერენული გამგებლობიდან იქცა ამირას მოადგილედ. ამირას იგი ადგილობრივი მოსახლეობის დასამორჩილებლად სჭირდებოდა და ამიტომ ერისმთავრობას ხელუხლებლად ტოვებდა.

სიახლეს წარმოადგენდა ისიც, რომ, თუ ადრე არსებული წესის თანახმად არც ერთ არაბს უფლება არ ჰქონდა არაბეთის ფარგლებს გარეთ შეეძინა მიწა და ხელი მოეკიდა სოფლის მეურნეობისათვის, VIII ს-ში ეს ძველი წესი მივიწყებულ იქნა და, როგორც წყაროები ადასტურებენ, ამიერკავკასიაში მათ ხელი მიჰყვეს მამულების შექმნას. მუსლიმთა მომრავლებამ განაპირობა მათი საკულტო დაწესებულებებისა და ფაკუფების გაჩენა. ფაკუფის მიწები კი, ისე როგორც არაბთა მამულების დამუშავება, ადგილობრივ მოსახლეობას მართებდა. მათვე ეკისრებოდა საბეგარო სამუშაოებიც.

ასე რომ, VIII ს-ში განსაკუთრებით კი მურვან ყრუს ლაშქრობის შემდეგ არაბთა მოძალების შედეგად აღმოსავლეთ საქართველოს პოლიტიკური და სოციალურ-ეკონომიკური მდგომარეობა წინანდელთან შედარებით საგრძნობლად გაუარესდა.

აღმოსავლეთ საქართველოს ცალკე საამიროდ ჩამოყალიბებაზე რომ ფიქრობდნენ, სახალიფოს პოლიტიკური მესვეურნი ვარაუდობდნენ, რომ ამით ისინი შეძლებდნენ ამიერკავკასიიდან ბიზანტიელებისა და ხაზარების ფეხის ამოკვეთას, ადგილობრივი მოსახლეობის დამორჩილებას და ამ რეგიონში თავიანთი ბატონობის შენარჩუნება-განმტკიცებას. თუ ქართული წყაროს ჩვენებს ვენდობით, მათ მიზნისათვის მიუღწევიათ, მურვანის ლაშქრობის შემდეგ „ქართლში სტაბილური პოლიტიკური მდგომარეობა დამყარებულა არაბთა მფლობელობის ქვეშ“¹. მაგრამ გვაქვს საფუძველი ვიფიქროთ, რომ

¹ ს. ჯ ა ნ ა შ ი ა, დასახ. ნაშრომი, გვ. 376.

მურვანის დესპოტურ პოლიტიკას ამიერკავკასიის ხალხების დამონებისა და არაბთა განუყოფელი ბატონობის თვალსაზრისით მაინცდამაინც დიდი შედეგი არ მოჰყოლია. ეს რომ ასე არ ყოფილიყო და არაბებს თავიანთი სანუკვარი ოცნება აღესრულებინათ, ცხადია, თბილისში მულმივი მოხელის (ამირას) დასმა აღარ დასჭირდებოდათ. ამ ღონისძიებას მათ სწორედ იმიტომაც მიმართეს, რომ ადგილობრივი მოსახლეობის წინააღმდეგობის ალაგმვა ვერ შეძლეს, ანტიარაბული მოძრაობა დღითიდღე იზრდებოდა და ხაზარებიც არ ცხრებოდნენ. როგორც ა. ტერ-გევონდიანი აღნიშნავს, ხალიფა, „ჰიშამის გარდაცვალებიდან უმაიელთა ბატონობის დამხობამდე დარჩენილი ექვსი წლის განმავლობაში მთელი არმინია შფოთითა და მღელვარებით იყო მოცული“². ეტყობა, ასე გრძელდებოდა შემდეგაც, და თანაც არა მარტო არმინიაში, მეზობელ აზერბაიჯანშიც. ისიც ირკვევა, რომ სახლხო მღელვარებაში აქტიურ მონაწილეობას ადგილობრივი ძირეული მოსახლეობის გარდა მოსული ელემენტიც ღებულობდა. აღიაკუბის ცნობით, ერთ-ერთ ასეთ მძლავრ აჯანყებას საბით იბნ ნუაიმ ალ-ჯაზამის მეთაურობით ადგილი ჰქონია მურვანის დროსვე³. ხოლო სირიაში მისი წასვლისა და ხალიფად განდომის შემდეგ ასეთივე მღელვარებას აზერბაიჯანში სათავეში ჩაუდგა მუსაფირ იბნ ქაირ ალ-კასაბი, რომელმაც დაამარცხა მურვანის შემცველი ასიმ იბნ იაზიდი და დაიკავა არდებილი და ბარდავი⁴.

ქართლის ამირას, რომლის რეზიდენცია თბილისში იმყოფებოდა, სწორედ ასეთი საქმეებისათვის უნდა მოეველო, მაგრამ როგორც სანდო მონაცემებიდან დასტურდება, მან არათუ ვერ გაართვა თავი დაკისრებულ მისიას, თავადაც ცენტრალური ხელისუფლებისაგან განდგომაზე ფიქრობდა ადგილობრივი მოსახლეობის მხარდაჭერის იმედით.

უმაიელთა ბატონობის ბოლო პერიოდში წარმოქმნილმა სეპარატისტულმა ტენდენციამ განსაკუთრებით ფართო ხასიათი მიიღო აბასელი ხალიფების დროს, როცა სამ კონტინენტზე (აზია-აფრიკა-ევროპა) გადაჭიმული არაბების უზარმაზარი სახელმწიფო საყოველთაო კრიზისმა მოიცვა.

² А. Н. Тер-Гевондян, *დასახ. ნაშრომი*, გვ. 92.

³ Я. Куби, *დასახ. თხზულება*, გვ. 6.

⁴ ალ-ქუფი, *დასახ. თხზულება*, გვ. 60.

ამიერკავკასიაში დაწყებული სახალხო მღელვარება დიდხანს გრძელდებოდა. მის წინააღმდეგ ბრძოლაში დაიღუპნენ ამირები ანიმ იბნ იაზიდი და მისი შემცვლელი აბდ ალ-მალიქ იბნ მუსლიმ ალ-‘უჯალი. მდგომარეობა იმდენად გართულდა, რომ პირველი აბასელი ხალიფა აბუ აბბას ას-საფაჰი (749—754) იძულებული გახდა საგანგებო ზომები მიეღო. მან თანამდებობიდან გადააყენა დაღუპული ‘უჯალიის ვაჟი ისაკ იბნ მუსლიმი, რომელიც მამის შემდეგ ამბოხებულთა წინააღმდეგ მოქმედ არაბთა რაზმებს სარდლობდა და მის ნაცვლად ამიერკავკასიაში დიდი ლაშქრით მუჰამმად იბნ სულა გამოგზავნა. წყაროს თანახმად, ამ არაბ სარდალს ხალიფას ბრძანება შეუსრულებია. მუსაფირ იბნ ქასირი დაუმარცხებია და მოუკლავს, არმინია დაუპყრია და დაუშოშმინებია, მაგრამ ეტყობა იქ დიდხანს არ დარჩენილა. 134(751—752) წელს აბუ ლ-აბბასს ალ-ჯაზირის (მესოპოტამიის) სპაზღერო ზონის (ას-სულურის), არმინიისა და აზერბაიჯანის გამგებლობა თავისი ძმის აბუ ჯა‘ფარ ალ-მანსურისათვის უბოძებია⁵, ხოლო ამ უკანასკნელს თავის მხრივ არმინია სამარჯავად იაზიდ იბნ უსაიდ ას-სულამისათვის გადაუცია. მის დროს, არმინიაში ადგილი ჰქონდა ხაზართა დიდ თავდასხმას რას ტარხანის სარდლობით.

ბ) რას ტარხანის ლაშქრობა

ალ-ია‘კუბი იუწყება: „ხაზარები არმინიისაკენ დაიძრნენ და თავს დაესხნენ ნაზრდ იბნ ‘უსაიდ ას-სულამის, რომელმაც ამის შესახებ აბუ ჯა‘ფარს მისწერა და შეატყობინა, რომ ხაზართა მალიქი რას ტარხანი მას დიდი ლაშქრით უტევდა და, რომ (ნაზრდის) მოადგილე გაიქცა. აბუ ჯა‘ფარმა მას უმაღ მიაშველა ჯიბრაილ იბნ ნაჰია ალ-ბაჯალნ სირიელთა, ჯაზირელთა და მოსულელთა ოციათასიანი მეომრით. ისინი შეებძოლნენ ხაზარებს, მაგრამ იძლივნენ. მრავალი მუსლიმი დაიღუპა, ხოლო ჯიბრაილ და ნაზრდ იბნ ‘უსაიდი გაიქცნენ და ხირასს⁶ მივიდნენ“⁷.

⁵ ალ-ქუფი, დასახ. თხზულება, გვ. 60—62. |

⁶ ალ-ბალაზური წერს خرس („ხირს“-გოში? — ბ. ს.) — ზღვისპირა ციხესიმაგრე შირვანში (Б а л а з о р и, დასახ. თხზულება, გვ. 19).

⁷ Я·Куртн, დასახ. თხზულება, გვ. 6.

შედარებით ვრცლად აქვს აღწერილი იგივე ამბავი ატ-ტაბარის, მისი თქმით, „... ასორმოცდა შვიდ წელს... ასთარხან ხვარაზმი თურქთა ურდოთი თავს დაესხა მუსლიმებს არმინიაში, შეიპყრო, მრავალი მუსლიმი, ზიმია და შევიდა თაფლისში. მათ შეება ჰარბ იბნ აბდ ალლაჰ არ-რავანდრ, რომელმაც ბაღდადიდან მიიღო მიწერილობა (მტერთან) შებრძოლების შესახებ. ჰარბი მაშინ ორიათასი მეომრით მოსულში იდგა და ალ-ჯაზირის ხარიჯიტებს უთვალთვალებდა. აბუ ჯა'ფარმა როგორც კი შეიტყო თურქთა თავდასხმა, მაშინვე გაგზავნა მათთან ბრძოლის გასამართლად ჯიბრაილ იბნ ნაჰრა და ჰარბისაც წერილობით უბრძანა, გაჰყოლოდა ჯიბრა'ილს თურქთა წინააღმდეგ სალაშქროდ. იგი ჯიბრა'ილთან ერთად წავიდა და დაიღუპა, ხოლო ჯიბრა'ილი უკუიქცა“⁸.

თითქმის მთლიანად იმეორებს ამ ცნობას იბნ ალ-ასირი. ისიც მოგვითხრობს, რომ „... ასორმოცდაშვიდ წელს... ასთარხან ხვარაზმი თურქთა ურდოთი თავს დაესხა მუსლიმებს არმინიაში, წაასხა მუსლიმები, ზიმიები და შევიდა თაფლისში. ჰარბი მაშინ თავისი ორიათასიანი რაზმით მოსულში იდგა ალ-ჯაზირის ხარიჯიტების სათვალთვალოდ. თურქებთან შესაბრძოლებლად ალ-მანსურმა გაგზავნა ჯიბრა'ილ იბნ ნაჰრა და ჰარბ იბნ აბდ ალლაჰი. ისინი შეებნენ მტერს, მაგრამ ჯიბრა'ილი უკუიქცა, ხოლო ჰარბი დაიღუპა. დაიღუპა აგრეთვე ჯიბრა'ილის მრავალი მუსლიმი“⁹.

იბნ ალ-ასირი ხშირად სარგებლობს ალ-ია'კუბისა და ატ-ტაბარის შრომებით. ამიტომ ექვი არაა, რომ მას ეს ცნობაც იმათგან აქვს ნასესხები, მაგრამ ამას ვერ ვიტყვი ია'კუბისა და ატ-ტაბარის ცნობათა ურთიერთ დამოკიდებულებაზე. მართალია, ატ-ტაბარიმ ია'კუბის გარდაცვალების შემდეგ კიდევ 31 წელი იცოცხლა. და მას შეეძლო მისი ნაშრომით სარგებლობა, მაგრამ, დაკვირვება გვიჩვენებს, რომ ასეთი რამ გამორიცხულა, რადგან, ჯერ ერთი, ისინი ცხოვრობდნენ ერთმანეთისაგან საკმაოდ დიდი მანძილთ დაშორებულ ქვეყნებში (ერთი ეგვიპტეში, მეორე — ერაყში) და, მეორე, მათი ცნობები რა'ს ტარხანის (იგივე ასთარხანის) ლაშქრობას რომ ეხება საქართველოში, დეტალებითა და მოცულობითაც ერთმანეთისაგან საკმაოდ განსხვავდებიან. ალ-ია'კუბი არ ასახელებს ლაშქრობის თარიღს და თბილი-

⁸ ა ტ-ტ ა ბ ა რ ი, დასახ. თხზულება, ტ. III, გვ. 328.

⁹ ი ბ ნ ა ლ-ა ს ი რ ი, დასახ. თხზულება, ტ. V, გვ. 273.

სის აღებას, არაფერს ამბობს მუსლიმთა ქვეშევრდომი ქრისტიანი და ებრაელი მოსახლეობის („აჰლუ ზ-ზიმშიი“-ს) დატყვევება-წაყვანაზე, პარბ იბნ აბდ ალ-ლაჰ არ-რაჟანდის რაზმის ოდენობაზე და თვით პარბის დაღუპვაზე. ხოლო ატ-ტაბარისთან ყველაფერი ეს მოცემულია, მაგრამ არ ჩანს ვინ იყო მაშინ არმინიის (სომხეთის, აღმოსავლეთ საქართველოსა და ალბანეთის) გამგებელი, მის მოსაშველებლად ხალიფა აბუ ჯა'ფარ ალ-მანსურის (754—775) მიერ გაგზავნილი ჯიბრა'ილ იბნ ნაჰი ალ-ბაჯალის რაზმის ოდენობა, ვისგან შედგებოდა იგი და რომელ ადგილს შეაფარეს თავი რას ტარხანის მიერ უქუქვეულმა იაზიდმა და ჯიბრაილმა.

ალ-ია'კუბისა და ატ-ტაბარის ცნობათა ამგვარი სხვაობა რას ტარხანის ლაშქრობის შესახებ საქართველოში, უთუოდ იმას მოწმობს. რომ მათ საფუძველად უნდა ედოთ ადრე არსებული და ჩვენამდე მოუღწეველი, თუ ჯერ მიუკვლეველი წყარო ან წყაროები. ეს გარეშობა კი ზრდის ამ ცნობათა სანდოობასა და მნიშვნელობას. მათი უტყუარობის დადასტურებაა აგრეთვე ისიც, რომ საქართველოში რას ტარხანის ლაშქრობის შესახებ დაახლოებით ასეთსავე ცნობას იძლევა VIII ს. სომეხი მწერალი ლევონდი, რომელიც ამბობს: „ხაკანმა შეკრიბა ჯარი, ჩააბარა თავის სარდალს რაჟტარხანს, რომელიც ხატირლიტბერის ჩამომავლობას ეკუთვნოდა და ეზიდის გამგებლობაში მყოფ ჩვენს ქვეყანაში გამოგზავნა, დიდი მდინარის, მტკვრის ჩრდილოეთ მხარეს გაფანტულმა ხაზარებმა დაიპყრეს ბევრი ოლქი: ხეჯარი¹⁰, კაგა¹¹, ოსტანი¹², მარზპანიანი¹³, ჰაბანდი¹⁴, ჰეგავი¹⁵, შაკე¹⁶, ბიესი¹⁷, ზენი¹⁸, კამბეხჩანი¹⁹, ხოზმასი²⁰ — ესენი ყველა აღვანთა

10 ხეჯარი (ჰეჯერი) — თემის სახელწოდება შირვანში.

11 კაგა (ქალაქი) — მოიცავდა თანამედროვე აღღაშ-შინგეჩაურის რაიონებს.

12 ოსტანი — ალბანეთის დედაქალაქის კაპალაცის ცენტრალური ნაწილი.

13 მარზპანიანი (მარზპანი) — თემი ქ. კაპალაციის სამხრეთ აღმოსავლეთით.

14 ჰაბანდი — ქალაქი და თემი შამახაში.

15 ჰეგავი (ჰელავი, ჰეგავე) — თემი დღევანდელი აღსუს რაიონში. დაღესტანის სამხრეთით.

16 შაკე (შაკაშენი) — თემი მტკვრის ხეობაში მდინარეებს ზეგამსა და ქუ-რაქჩაის შორის.

17 ბიესი, ბეხი, ბელი) — თემი მდ. მურღალსა და მდ. ყარაჩაის შორის, კახის რაიონში.

18 ზენი (ღენი, ეხნი, ეხნიბული) — ადგილი ზაქათალის რაიონში.

19 კამბეხჩანი (კამბეჟანი) — შირაქს ეწოდებოდა.

20 ხოზმანი (ხოლმასი) — ხაჩმაზი ვარდაშენის რაიონში.

თემა. დაიკავეს ბალასანის შესანიშნავი ველიც²¹ და წაასხეს აურაცხელი ჭოგი, ცხენის რემები. დაიპყრეს აგრეთვე საქართველოს შვილი თემი: შუჩქი²², კვეგ-გაპორი²³, ჩელტი²⁴, წუქეთი²⁵, ველის ციხე, თიანეთი, ერკი²⁶ და შეაგროვეს რა დიდძალი ნადავლი და ტყვეები, თავიანთ საცხოვრის ადგილებს დაუბრუნდნენ. არმინის მამინდელმა სნეულმა და ტრაბახა მმართველმა გამოჩინაც კი ვერ გაბედა, საკუთარ ნაჭუქში გამოხვეულიყო და გულგრილად უცქერდა ჩვენი ქვეყნის დაქცევას²⁷.

როგორც ვრწმუნდებით არაბი და სომეხი მწერლების ცნობები საქართველოში რას ტარხანის ლაშქრობის შესახებ ავსებენ და მთლიანად ეთანხმებიან ერთმანეთს, ისინი, უეჭველად, გადმოგვცემენ ნამდვილად მომხდარ ამბავს — ერთ-ერთ ლაშქრობას იმ ლაშქრობათაგან, რასაც ადგილი ჰქონდა არაბებსა და თურქ-ხაზარებს შორის კავკასიაში VIII საუკუნეში.



ცნობილია, რომ ამ დროს არაბები განაგრძობდნენ დაპყრობით ომებს დასავლეთის, აღმოსავლეთისა და ჩრდილოეთის მიმართულებით. დასავლეთში იმპყრობდნენ პირინეის ნახევარკუნძულს და ემუქრებოდნენ საფრანგეთს; აღმოსავლეთში შეიჭრნენ ირანში, ზვარაზმში, დაიკავეს მავარანაპრი და ფეხი შედგეს ინდოეთში; ხოლო ჩრდილოეთში უტყვენ ბიზანტიასა და ხაზართა სამეფოს. მაგრამ მათ ყველგან მდგარ წინააღმდეგობას უწყევდნენ. ამ მხრივ ყველაზე მეტად გამოირჩეოდნენ ბიზანტიელები და მათი მოკავშირე ხაზარები, რომლებსაც ხშირად შუა აზიის თურქები და კარლუკი თურქებიც ეხმარებოდნენ.

21 ბალასანის (ბალსაკანის) ველი — დღევანდელი მილის ველი მტკვარ-არაქსის შესაყართან.

22 შუჩქი (შურჩქი, შალაქი) — შემდეგდროინდელი სუჯეთი ივრის ხეობაში.

23 კეგ — გაპორი (ქველდაბა) — თემი თიანეთის აღმოსავლეთით, თანამედროვე ძველდაბა.

24 ჩელტი (ჩელეთი) — დღევანდელი ერწო.

25 თემი ივრის ხეობაში, ერწოსა და კუხეთს შორის.

26 ერკი (ხერკი, ერკა) — თემი თემის ხეობაში. ჩამოთვლილ გეოგრაფიულ სახელთა განმარტება მოცემულია ს. ერემიანის ნაშრომის სომხეთი „აშხარაკუიციის“ მიხედვით (ერევანი, 1963). სომხურიდან თარგმნისას გაწეული დახმარებასათვის მადლობას მოვასხენებ ა. აბდალაძეს.

27 Г е в о н д, დასახ. თხზულება, გვ. 92—93.

რებოდნენ. სწორედ მათმა შეუბოვარმა ბრძოლამ და ამასთანავე სახალიფოში დაწყებულმა საშინაო აშლილობამ დაასუსტეს არაბები და VIII ს. 40-იან წლებში მდგომარეობა არსებითად შეიცვალა. ხაზარები თანდათან აქტიურდებიან და თავს ესხმიან არაბებს ამიერ-კავკასიაში. ერთ-ერთ ასეთ ძლიერ თავდასხმას, რომელმაც სერიოზულად ჩააფიქრა სახელმწიფოს მბრძანებელი, ატ-ტაბარის მიხედვით, ადგილი ჰქონდა ჰიჯრით 145 წელს, რაც ქრისტიანული კალენდრით მოიცავს დროს 762 წლის პირველი აპრილიდან 763 წლის 20 თებერვლამდე. ატ-ტაბარი იუწყება, რომ ამ (145) წელს თურქებმა და ხაზარებმა ბაბულ-აბუაბიდან (დაარუბანდიდან) მოახდინეს თავდასხმა „არმინიაზე“ და მრავალი მუსლიმი ამოწყვიტეს²⁸. თურქებისა და ხაზარების თავდასხმა, რომ წამდვილად 145 წელს მომხდარა, ამას ადასტურებს იბნ ალ-ასირის ცნობაც, რომელშიც აღნიშნულია, რომ ამ დროს (145 წ.) ბაბულ-აბუაბში აღსდგნენ თურქები და ხაზარები და ამოწყვიტეს ბევრი მუსლიმი არმინიაში²⁹. არაბ მწერალთა მონაცემებს მთლიანად უჭერენ მხარს მიხეილ სირიელი და ალაჰი მენბიჯი. მიხეილი ხაზართა ამ ლაშქრობის თარიღად ასახელებს 1074 წელს, ზოლო ალაჰი — ალ-მანსურის (754—775) ხალიფობის მე-9 წელს³⁰, ე. ი. 145 წელს (136+9=145). 145 წელი კი, როგორც ზემოთ ვთქვით, ქრ. წელთაღრიცხვით შეესაბამება პერიოდს 762 წ. აპრილიდან 763 წლის თებერვლამდე. ამიტომ უნდა ვიფიქროთ, რომ ხსენებულ ლაშქრობას ადგილი ექნებოდა არა 763 წლის ზამთარში (იანვარ-თებერვალში ხაზარები ალბათ ომს არ დაიწყებდნენ), არამედ 762 წელს, რაშიც კიდევ უფრო დავრწმუნდებით ქვემოთ.

არსებული ცნობების თანახმად, 762(145) წელს მოწყობილი ლაშქრობისას ხაზარებს დაუბრუნებიათ ჰამზინის, ლაკზისა და ალანთა ქვეყნები, რომლებიც „მურვან ყრუს“ ლაშქრობის დროს (733—742) არაბებმა დაიპყრეს.

ხაზართა ისტორიის მკვლევრის მ. ნ. არტამონოვის აზრით, ეს უნდა იყოს თურქ-ხაზართა ის ლაშქრობა, რომელიც, არაბულ და სომხურ წყაროთა მიხედვით, რას ტარხანის (იგივე ასთარხანი და რაყ-

²⁸ ატ-ტაბარი, დასახ. ნაშრომი, ტ. II, გვ. 318.

²⁹ იბნ ალ-ასირი, დასახ. ნაშრომი, ტ. V, გვ. 271. !

³⁰ Michele sirien Chronique, t. II; Histoire Universelle par Agapius de Menbidji, trad. par A. Vasiliev, გვ. 543.

ტარხანი) მეთათურობით მოეწყო³¹, მაგრამ, ვფიქრობთ, ეს აშკარა შეცდომაა. ამ დასკვნამდე მივყევართ არა მარტო თარიღს, რომელიც პირდაპირაა მითითებული არაბი მწერლების მიერ, არამედ სულ სხვა გარემოებასაც.

ხაზართაგან ძლეული არაბები უკვე თავდაცვაზე გადადიან და დერბენდ-დარიალის გასასვლელებს ამაგრებენ. ამავე დროს ხალიფა აბუ ჯა'ფარ ალ-მანსური ჩრდილოეთიდან მოსალოდნელი საფრთხის თავიდან აცდენის სხვა საშუალებაზეც ფიქრობს. არმინიის გამგებლად 725/3 (135) წელს დანიშნულ იაზიდ იბნ უსაიდ ას-სულამისადმი გაგზავნილ ერთ-ერთ წერილში, რომელსაც ატ-ტაბარის თანამედროვე აბუ მუჰამად იბნ ასამ ალ-ქუფი იხსენიებს, ხალიფა წერს: სანამ არსებობს ამიერკავკასიაზე ხაზართა თავდასხმის საშიშროება, მათ კი ყოველთვის შეუძლიათ შემოიჭრან ამ მხარეში, მანამდე არმინიის აყვავება გამორიცხულია. ამიტომ საჭიროდ მიმაჩნია მათთან დაზავება, ხოლო ამის მისაღწევად კი ხაკანის ქალიშვილზე შენი დაქორწინება და მასთან დანათესაება³².

ლევონდის ცნობით, იაზიდმა ხალიფას რჩევა მიიღო, ჩრდილოეთის მეფეს დეპუტაცია აახლა და ასულის ხელი სთხოვა³³, ხოლო ხაკანმა, რომელსაც, ალ-ქუფის თქმით, სახელად ბალათური ერქვა, დააკმაყოფილა იაზიდის თხოვნა და მას თავისი ქალიშვილი ხათუნი მიათხოვა. ქალიშვილის მამამ თან გააყოლა წარჩინებულ ხაზართა ათასკაციანი რაზმი და გაატანა მდიდრული მზითვი: 100 ათასი დირჰამი, 4 ათასი კვიცი, ათასი ჯორი, ათასი მსახური, 10 ათასი ხაზარული ჯიშის პატარა ტანის აქლემი, ათასი ბაქტრიული ჯიშის თურქული ორკუზიანი აქლემი და 20 ათასი ცხვარი. გარდა ამისა საპატარძლოს ბარგში შედიოდა აგრეთვე ოქროსა და ვერცხლის ფურცლებით შეჭედული 10 დახურული ძვირფასი ოთხთვალა (რომლებიც შიგნით მოფარდაგებულ-მოჩითული იყო ბეწვეულითა

³¹ М. Н. Артамонов, История хазар, с. 242.

³² A k d e s N i m e t K u r a t, Abū Muhammed Ahmed b. A'tham al-Kufi's kitab al-Futuh and its Importance Concerning the Arab [Conquest in Central Asia and the Khazzars. Ankara Universitesi Die ve Tarih—Coğrafia Fakültesi Dergisi, 1949, t VII, № 2 გვ. 271; Я·Куртн, с. 8; Баладзори, с. 20; Гсвонд, с. 92; D'ohsson, Les Peuples du Caucase, გვ. 70—71.

³³ Гсвонд, с. 92.

და შავი ფარჩით) და 20 სხვა ოთხთვალა დატვირთული ოქრო-ვერცხლის ჭურჭლითა და სხვა ძვირფასი საოჯახო ნივთებით³⁴.

ხაზართა ხაჯანის, ბალათურის ასული თავისი ბარგითა და ამალით ბარდავს მივიდა, ქალაქის კარიბჭესთან კარვები გააშლევინა და იქ დარჩა სანამ იაზიდის მიერ გამოგზავნილი პირები მას არაბთა წეს-ჩვეულებებს, სარწმუნოებასა და ყურანს გააცნობდნენ. შემდეგ მან ფარ-ხმალს აიყარა³⁵ და იაზიდს მასთან ცხოვრების ნება დართო³⁶. მ. არტამონოვს მიაჩნია, რომ ეს ამბავი 759—760 წლებში მომხდარა³⁷, მაგრამ ირკვევა, მას სხვა დროს ჰქონია ადგილი. აჰმად იბნ ასამ აღქუფის გადმოკვებით, ხათუნს იაზიდთან სულ ორი წელი და 4 თვე დაუყვია, მისგან ორი შვილი ჰყოლია, მაგრამ ორივე დახოცია და თვითონაც მომკვდარა. მიუხედავად იმისა, რომ ამ ამბავს იაზიდი ძლიერ შეუწუხებია, ხაზარებს ხაჯანის ასულის სიკვდილი არაბთა ვერაგობით აუხსნიათ და მშვიდობა დაურღვევიათ. „ხაჯანმა ჯარი შეჰყარა, თავის სარდალს რაჟ-ტარხანს ჩააბარა და ეზიდის საგამგებლო არმიას მიუსიაო“ — გვამცნობს ლევონდი³⁸. ხოლო ატ-ტაბარი და იბნ ალ-ასირი კი ზუსტ დროსაც ასახელებენ და ირწმუნებიან, რომ ეს შემოსევა 764/5 (147) წელს მოხდაო. რაკი ცნობილია ლაშქრობის ზუსტი თარიღი, მისი მიზეზი და იაზიდთან ხაჯანის ასულის ცხოვრების ხანგრძლივობა, ძნელი არაა დავრწმუნდეთ, რომ არაბი სარდალისა და ხაჯანის ასულის ქორწინება 762 წელს შემდგარა და არა 759 ან 760 წელს, როგორც ამას მ. არტამონოვი ვარაუდობს.



რას ტარხანის ვინაობა საიდუმლოებითაა მოცული. ატ-ტაბარი და იბნ ალ-ასირი მას „ასთარხან“-ად მოიხსენიებენ, ლევონდი კი „რაჟ-თარხანს“ წერს, რაც ახლოსაა იაკუბის „რას ტარხან“-თან. აღიკუბი მას უწოდებს „მალიქუ ლ-ხაზარ“-ს, რასაც პ. უუხე თა-

³⁴ Akdes Nimet Kurat, დასახ. ნაშრომი, გვ. 272; М. А. Артамонов, დასახ. ნაშრომი, გვ. 241—242; აღ-ქუფი, დასახ. თხზულება, გვ. 63.

³⁵ ფარ-ხმალს ხაზარი ასულები უმანკოებას დასაცავად ატარებდნენ (М. А. Артамонов, დასახ. ნაშრომი, გვ. 242).

³⁶ იქვე, გვ. 244.

³⁷ М. Артамонов, დასახ. ნაშრომი, გვ. 244—245.

³⁸ Гевонд, დასახ. თხზულება, გვ. 93; აღ-ქუფი, დასახ. თხზულება, გვ. 63.

რუმინის „ხაზართა მეფედ“ („Царь Хазар“)³⁹. მაგრამ ლევონდის ცნობიდან ჩანს, რომ ის ხაზართა მეფე კი არა, სარდალია. ხაზართა მეფედ მაშინ აჰმად იბნ ასამ ალ-ქუფის მიხედვით, ბალათური (ტა-ატური) არის.

ატ-ტაბარისა და იბნ ალ-ასირის მიხედვით, ასთარხანი ხვარაზმელია. ლევონდი კი იმის ხვარაზმელობაზე არაფერს ამბობს. სამავიეროდ საგანგებოდ აღნიშნავს, რომ „რაყ-ტარხანი ხატირლიტბერის ჩამომავლობისაა“. ის 764 წლის ლაშქრობისას გამოჩნდა და მის დამთავრებისთანავე გაუჩინარდა⁴⁰. კ. ცეგლელი, რომელიც ლევონდის ცნობას იმოწმებს, ამ გარემოებას იმით ხსნის, რომ რაყ-ტარხანს შემდეგ ხაზართათვის უღალატნია. თავისი ვაჟი არაბებთან გაუგზავნია მძევლად, ხოლო თვითონ ალბანთა კარებთან, ანუ დერბენდში ხვლით დაღუპულა⁴¹. მაგრამ მის მიერ დამოწმებული სომეხი მწერლის ცნობა ასეთი დასკვნის უფლებას არ იძლევა. ლევონდი რომ იუწყება „რამდენიმე ხნის შემდეგ იგივე ბოროტმოქმედი, რომელმაც აღვანთა მიწა (ქვეყანა. — ბ. ს.) ჩრდილით დაფარა, ისმაილტიანთა მბრძანებელს შეუერთდა, ვაჟი მძევლად სირიაში გაგზავნა, ხოლო თვითონ აღვანთა კარებთან ხვლით მოიკლა თავიო“⁴², ეს როგორც მ. არტამონოვი შენიშნავს, რაყ-ტარხანს კი არ ეხება, არამედ არმიინის მაშინდელ გამგებელს, იაზიდ იბნ 'უსაიდ ას-სულამის, რომელმაც, მემატიანის თქმით, სულმოკლეობა გამოიჩინა, მტერს ჯეროვანი წინააღმდეგობა ვერ გაუწია და ქვეყანა ააოხრებინა⁴³.

ვ. ბარტოლდის ვარაუდით, ხატირლიტბერი უნდა იყოს ძველი თურქული ტიტული „ილტივარი“, რომლითაც იწოდებოდნენ ვასალი მთავრები (Князья)⁴⁴. ს. მალოვისა და ა. კოვალევსკის მიხედვით, იგივე ტიტული „ბალტავარის“ ფორმით ცნობილი იყო ვოლგის

³⁹ Я. К у б и, დასახ. თხზულება, გვ. 38.

⁴⁰ ჩვენთვის ცნობილი მწერლებიდან არავინ რაყ-ტარხანის შესახებ არაფერს არ იტყობინებო ამბობს ქ. პატკანიანი (Гевонд, დასახ. თხზულება გვ. 158. შენ. 190).

⁴¹ K. G. Z e g l e d, Khazar Reidsin Transcaucasia in A. D. 762 — 764: Acla Orientalia, 1960, t. XI. გვ. 75—88.

⁴² Гевонд, დასახ. თხზულება, გვ. 93.

⁴³ იქვე, გვ. 93.

⁴⁴ В. В. Бартольд, Киргузы. Фрунзе, 1928, с. 11.

ბულგარეთშიც⁴⁵. კ. ცეგლენდი, რომელიც აგრეთვე იმ საკითხს იხილავს, „ხიტირლიტბერთა“, ანუ „ალტებერთა“ გვარის არსებობას აღნიშნავს დაღესტნის ჰუნებში⁴⁶. ხოლო მ. არტამონოვი „ხიტირს, რომელიც „ხაზირს“ და „ხაზარს“ უნდა უკავშირდებოდეს, სამეფო გვარად მიიჩნევს ხაზარეთში⁴⁷. მამსადამე, გამოდის, რომ რას ტარხანი უნდა ყოფილიყო ხაზარი ან ხაზართა ხაკანისადმი ვასალურ დამოკიდებულებაში მყოფი რომელიმე ტომის (ჰუნის, ბულგარის) წარმომადგენელი, რომელსაც სამეფო კარზე ეკავა ერთ-ერთი დიდი თანამდებობა. მაგრამ არაბულ წყაროებში შემონახული პირდაპირი ცნობა იმის შესახებ, რომ იგი იყო ხვარაზმელი (ხვარაზმი) ფამორიციხავს ასეთი დასკვნის გაკეთების შესაძლებლობას. ამიტომ მ. არტამონოვი შეეცადა საკითხის სხვანაირად ახსნას. მან ასთარხანი მიიჩნია „ასთა“, „არსთა“ თუ „აორსთა“ თარხნად, ანუ უფროსად, ბელადად, ხოლო „ასები“, „არსები“ დაუკავშირა „ლარსის“ („ალ-არსის“) ტომს, რომელიც ხვარაზმიდან იყო მისული ხაზარეთში და წარმოადგენდა ხაკანის დაქირავებულ რჩეულ რაზმს.

საკითხის ამგვარი ახსნა შესაძლოა დამაჯერებელი ყოფილიყო, რომ მას ხელს არ უშლიდეს ორი რამ: პირველი, ის, რომ ხაზართა ლაშქრის სარდალს ლევონდი ხატირლიტბერთა გვარის ჩამომავლად მოიხსენიებს. და, მეორე, ხაკანსა და მის სამსახურში მყოფ ლარსის მუხლიმ ტომს შორის დადებული იყო გარიგება, რომლის თანახმად ხაკანს არ შეეძლო მისი გაგზავნა ერთმორწმუნეთა წინააღმდეგ საომრად: ამ უხერხულობათა გამო ავტორი გვერდს უვლის ასთარხანის თუ რას-ტარხანის ხვარაზმელობას და საბოლოოდ იმის მომხრეა, რომ იგი იყო თარხანი კონსტანტინეპოლელი ებრაელის წერილში მოხსენიებული იმ „ასებისა“, რომლებიც რუსული მატრიანის მიხედვით, მდინარე დონეცთან ცხოვრობდნენ⁴⁸. მაგრამ ხაზართა ლაშქრის სარდალს ვინაობა-სადაურობის ამგვარ ახსნასაც ხელოვნურობის ელფერი დაჰკრავს. თუ მას ზაინცდამაინც ტომის ბელადად მივიჩნევთ, მაშინ ვფიქრობთ, უფრო მისაღები იქნებოდა თუ ვიტყვოდით, რომ

⁴⁵ С. Е. Малов, Памятники древнетюркской письменности, М. — Л., 1951, с. 31, 42; А. П. Ковалевский, Книга Ахмеда Ибн Фадлана его путешествия на Волгу в 921—922 гг. Статьи переводы и комментарии. Харьков, 1956, с. 122.

⁴⁶ К. G. Zegled, დასახ. ნაშრომი, გვ. 80--88.

⁴⁷ М. А. Артамонов, с. 246.

⁴⁸ იქვე, გვ. 244—246.

ის იყო იმ „ასების“ („ას“) უფროსი, რომლებიც ალ-ბირუნის (XI ს.) ცნობით, ოდითგანვე არალისა და კასპიის ზღვებს შორის მოქცეულ ტერიტორიაზე (ე. ი. შუა აზიაში — ხვარაზმში) ცხოვრობდნენ⁴⁹, იქიდან ჩრდილოეთ კავკასიაში გადავიდნენ⁵⁰ და ხაზართა მბრძანებელს მორჩილებდნენ. თუ ეს ასეა (ამას კი ჭერ დამატებითი კვლევა სჭირდება). მაშინ შეიძლება დავასკვნათ, რომ ასთარხანი (რას-ტარხანი) იყო წარმოშობით ხვარაზმელი, ხატირლიტბერთა⁵¹ ჩამომავალი, სამშობლო დაუდებული არამუსლიმი⁵², რომელიც ხაზართა ხაკანს მსახურებდა და თარხანთ უფროსის, ანუ რა'ს⁵³-თარხნის ტიტულს ფლობდა. მაგრამ სრულიად შესაძლებელია ისიც, რომ რა'ს ტარხანი (ასთარხანი) იყო ამ სარდლის არა ტიტული, არამედ საკუთარი სახელი ან სახელი იმ ტომისა, რომელსაც იგი მეთაურობდა. ამას გვაფიქრებინებს თვით თარხნის ბუნება, მისი შინაარსი.

• • •

თარხანი ჩვენთვის გაურკვეველი ძველი წარმოშობის ტერმინია, გვხვდება თურქული მოდემის ხალხებში, მონღოლებში, ხაზარებში, ვოლგისა და კამის ბულგარეთში, ამიერკავკასიაში, ირანსა და სხვა ქვეყნებში სხვადასხვა დროს და სხვადასხვა მნიშვნელობით.

⁴⁹ В. В. Бартольд, Киргизы (Сочинения, т. II, ч. I, М., 1963. с. 550).

⁵⁰ ი. მარქვარტის მტკიცებით „ასი“ („ას“) ალანის ძველი სახელწოდება უნდა იყოს (J. Marguart, Osteuropäische und Ostasiatische Streifzüge, Leipzig, 1909, გვ. 114—115; В. В. Бартольд, დასახ. ნაშრომი, გვ. 550), ხოლო ალანები IV ს. ძვ. წ. ხვარაზმის ახლოს ცხოვრობდნენ (А. П. Новосельцев, К вопросу о македонском владычестве в древней Грузии, ივ. ჭავჭავაძის დაბადების 100 წლისთავისადმი მიძღვნილი საიუბილეო კრებული, თბ., 1976, გვ. 105).

⁵¹ რაკი ხატირლიტბერი იგივეა, რაც ძველი თურქული ტერმინი ილტივარი (რომლითაც ვასალი მთავრები, მეფეები იწოდებოდნენ), ხოლო თურქები ძველთაგანვე შუა აზიაში — ხვარაზმში ცხოვრობდნენ, გამორიცხული არაა, რომ ასეთი წარჩინებული გვარი იქაც არსებულიყო.

⁵² არამუსლიმი, რადგან მუსლიმი მუსლიმთა წინააღმდეგ არ იომებდა.

⁵³ რა'ს (არაბ. راس) ნიშნავს თავს, მეთაურს. რა'ს თარხანი იქნება თარხანთა თავი, წინამძღოლი, რომელიც (ე. ი. „რა'ს“ თარხანი) მ. არტამონოვის (იხ. მისი დასახ. ნაშრომი, გვ. 26) აზრით, ხაზარეთში შეიძლებოდა ყოფილიყო ხაზარცი და არა ხაზარცი, ანუ უცხო. ყოველ შემთხვევაში, წყაროებიდან დასტურდება, რომ ხაკანს ჰყავდა თარხანთა სპეციალური რაზმი, გვარდია.

სულხან საბა ორბელიანის, დ. ჩუბინაშვილისა და ი. იაგელის განმარტებით თარხანი „სხვათა ენა“ და თავისუფალს ნიშნავს⁵⁴. ასეა იგი ახსნილი თანამედროვე ქართული ენის განმარტებით ლექსიკონშიც⁵⁵ შედგენილი საკუთარი სახელის სახით თარხანი გავრცელებული იყო ხაზარებში. ერთ-ერთ მათ წინამძღოლს VII ს-ში ჩორბან-თარხანი ერქვა⁵⁶. თარხანი, რომ ხაზარებში ნამდვილად გავრცელებული სახელი იყო ჩანს ქართული და არაბული წყაროებიდანაც. ჭუანშერი, როცა ეხება ვახტანგ გორგასლის ბრძოლას ოსთა წინააღმდეგ აღნიშნავს: „ბრძოლა იყო ბუმბერაზთა მდინარესა მას ზედა. მაშინ ოვსთა რომელ ჰყვეს ნიჯადნი ხაზართანი, მათ თანა ერთო კაცი ერთიგოლიათი, სახელით თარჯან. გამოვიდა ეს თარჯან ხაზარი... და თქუა... ვინც არს თქვენ შორის უძლიერესი გამოვიდეს ბრძოლად ჩემდა“⁵⁷. ხოლო ხალიფა ალ-ვასიკის (842—847) ელჩი ხაზარეთში ასსალაში იუწყება, რომ ხაკანს, როცა მე მასთან ვიყავი, სახელად თარხანი ერქვაო⁵⁸. ამავე დროს საკუთარი სახელის სახით თარხანი დამოწმებულია ირანის აზერბაიჯანში⁵⁹.

გარდა ზემო აღნიშნულისა თარხანი იყო აგრეთვე ტიტული და თავისუფლების მაუწყებელი სპეციალური სიგელი⁶⁰. ტიტულს მნიშვნელობით იგი იგავრცელებული იყო ვოლგისა და კამის ბულგარებში, არაბი მწერლები და მოგზაურები მას თარგმნიან როგორც „მალაქ“

⁵⁴ სულხან საბა ორბელიანი, ქართულ ლექსიკონი, ტფ., 1928; დ. ჩუბინაშვილი, ქართულ-რუსულ ლექსიკონი, СПб., 1887; И. Ягелло, Полный персидско-арабско-русский словарь. თავისუფალს უწოდებს თარხანს „დასტურდამალი მეფე ვახტანგ მეექვსისა“ (ტფ., 1886, გვ. 34, პ. უმიკაშვილის გამოცემა) და ბ. ვლადიმირცოვი (Б. Я. Владимирцов, Общественный строй Монголов. Л., 1934, с. 50). ქართულ ენის განმარტებით ლექსიკონი, ტ. IV. თბ., 1955, გვ. 343.

⁵⁵ იქვე.

⁵⁶ К Патканян, Опыт истории династии Сасанидов по сведениям, сообщаемым армянскими писателями. «Труды Восточного отделения Русского археологического общества», СПб., 1889, т. XIV, с. 79.

⁵⁷ ჭუანშერი, ცხოვრება ვახტანგ გორგასლისა, ქართლის ცხოვრება, თბ., 1955, ტ. 1, გვ. 151—152.

⁵⁸ С. М. Шалшал, К вопросу о тарханных ярлыках (Академику Владимиру Александровичу Гордлевскому к его семидесятипятилетию. Сборник статей, М., 1953, с. 303).

⁵⁹ Cl. Huart. Babek Encyclopedie de Islam, t. V, გვ. 557.

⁶⁰ ბ. იოსელიანი, დიდი მოურავი გიორგი სააკაძის ცხოვრება, თბ., 1973, გვ. 14.

(კლ.) ანუ „მეფე“, რომელიც, ვ. გრიგორიევის ვარაუდით, უნდა იყოს არასრულუფლებიანი ვასალი მასზე დიდი ხელმწიფისა⁶¹. ამ გაგებით ხმარობს სიტყვა მულქს, მაგალითად, ალ-ია'კუბი ზემოთ მოტანილ მის ცნობაში, როცა რას-ტარხანის ტიტულს ეხება⁶². ვ. გრიგორიევის ვარაუდის სასარგებლოდ მეტყველებს ისიც, რომ XI ს. მწერალ მუჰამმად ყაშლარისთან თარხანი გვხვდება „ამირის“ (امير) ანუ მთავრის, გამგებლის, სარდლის მნიშვნელობით⁶³.

თარხანი როგორც თავისუფლების დამადასტურებელი საბუთი, სიგელი ეძლეოდა მაღალი თანამდებობის სასულიერო და საერო პირებს. იგათარხნება ხდებოდა როგორც ცალკეული პირების, ასევე მთელი ოჯახის⁶⁴, გვარის⁶⁵, სოფლისა და ტომის⁶⁶. იბნ ბატუტას (XIV ს.) ცნობით, ასე უნდა იყოს წარმოშობილი ასტრახანი (ქალაქის სახელი ვოლგაზე). თარხანთან უშუალო კავშირში უნდა იყოს ტმუტარაკანის⁶⁷.

თარხნობა რომ მიეღო კაცს, ამისათვის აუცილებლად საჭირო იყო თავი გამოეჩინა ბრძოლაში⁶⁸, სპორტულ შეჯიბრებებში და სხვ. ვინც ამას შეძლებდა ის სამხედრო არისტოკრატიაში შედიოდა, თარხნად იწოდებოდა⁶⁹ და განსაკუთრებული პრივილეგიებით სარგებლობდა. XIII ს. სპარსელი ისტორიკოსის, ჯუვეინის მიხედვით, ეს პრეროგატივა იმაში მდგომარეობდა, რომ თარხანი თავისუფლდებ-

61 В. В. Григорьев, Волжские булгары, Сб. «Россия и Азия», СПб., 1876, с. 91.

62 Я. Кубы, დასახ. ნაშრომი, გვ. 6. თარგმანი, გვ. 3.

63 С. М. Шапшап., დასახ. ნაშრომი, გვ. 304.

64 В. В. Бартольд, Сочинения, т. III, М., 1965, с. 441.

65 ვ. იოსელიანი, დასახ. ნაშრომი, გვ. 14; Тарханские Ярлык-Тохтамыша, Тимур-Кутлука и Саадеть-Гирея, с введением, переписью, переводами и примечаниями, изданные И. Березиным, Казань, 1851, с. 2.

66 ვ. ველიამინოვ ზერნოვის ცნობით, ქალაქელთა ულუსის ერთ-ერთ ტომს სახელად თარხანი ეწოდებოდა (Distiomnaire djaghataiture publie par V. Veliamiof-Zernof. S. P. 1869, გვ. 167). თარხანი რომ ტომს სახელი იყო, ამას ი. იაგელიც აღნიშნავს (И. Ягелло, დასახ. ნაშრომი).

67 С. М. Шапшап., დასახ. ნაშრომი, გვ. 306—307.

68 ბრძოლაში თავის გამოჩენისათვის მეფე გიორგი X-მ აზნაურ გიორგი სააკაძეს თარხნის წოდება უბოძა (ვ. იოსელიანი, დასახ. ნაშრომი, გვ. 14).

69 В. В. Радлов, Опыт словаря тюркских наречий, СПб., 1900, т. III, с. 854.

ბოდა გადასახადისაგან⁷⁰, მთელი სიმდიდრე, რომელსაც ომისა და ნადრობის დროს ჩაიგდებდა ხელში, მის საკუთრებაში რჩებოდა; მას შეეძლო სასახლეში უნებართვოდ შესვლა; მეცხრე დანაშაულამდე ვერავინ დასჯიდა; ნადიმის დროს ეკავა საპატიო ადგილი და უმასპინძლდებოდნენ ღვინით სავსე ფიალით⁷¹.

თარხანი, როგორც სამხედრო არისტოკრატია, რომ ნამდვილად დიდი უფლებებით სარგებლობდა და ხელმწიფის გვერდით იჯდა, ეს აღნიშნული აქვს ჯუჯეინის თანამედროვე მეორე სპარსელ მწერალს რაშიდ ალ-დინსაც⁷², ხოლო აბუ ლ-ლაზი ალ-ბალათური (XIII—XIV სს.), რომელიც ჯუჯეინის ცნობას იმეორებს, ბოლოს უმატებს; მეცხრე დანაშაულამდე დაუსჯელობის უფლებით სარგებლობდა არა მარტო თვითონ თარხანი, არამედ მისი ჩამომავლებიც პირველიდან მეცხრე თაობამდე⁷³.

თარხნის პრივილეგიებს შესახებ ყველაზე სრულად მოგვითხრობს XVIII ს. თურქი მწერალი სა'იდ მუჰამმად რიზა. მისი განმარტებით „თარხნის მნიშვნელობა იმაში მდგომარეობდა, რომ თუ ვინმე სრული ძალის პატრონი, ასპარეზობაში გამოავლენდა ვაჟკაცობას: გულადობას, მოხერხებულობას, ენერგიას, კუნთების ძალას, სიმამაცეს ჩოგანში⁷⁴, აგრეთვე თავს გამოიჩენდა ძნელად მისალწვევ რაიმე საქმეში და ამით აჯობებდა თავის ტოლებს და მეთვის ჯილდოს დაიმსახურებდა, — მაშინ ასეთი კაცი, ჯერ ერთი, ჩადენილი ცხრა დიდი დანაშაულისათვის პასუხისგებაში არ მიეცემოდა და ვერც საყვედურს ეტყოდა ვინმე; მეორე, მისი შთამომავლობა მეცხრე თაობამდე თავისუფლდებოდა სახელმწიფო გადასახადებისაგან; მესამე, ნამდვილად არ გადაიხდიდა მეთედს, რომელსაც ეწოდებოდა საუგ⁷⁵; მეოთხე,

70 თარხნის მთლიანად ან ნაწილობრივ განთავისუფლება გადასახადებისაგან და მისი შეუვალობა აღნიშნული აქვთ ს. კაკაბაძეს (ს. კაკაბაძე, იმერეთის საბუთები თარხნობის შესახებ, საისტორიო მოამბე, 1950, № 5, გვ. 165—166) და ვ. გაბაშვილს (ვ. გაბაშვილი, ქართული ფეოდალური წყობილება XVI—XVII საუკუნეებში, თბ., 1958, გვ. 290, 297).

71 В. В. Бартольд, Туркестан в эпоху монгольского нашествия. СПб., 1898, ч. I, с. 104.

72 Сборник летописей История монголов. Сочинение Рашид Эддина. Перевод с персидского И. Н. Березина, СПб., 1858, с. 198; Б. Я. Владимирцев, Общественный строй монголов, Л., 1934, с. 50.

73 «Родословное древо тюрков». Сочинения Абуль-Газии, Хивийского хана, Перевод и предисловие Г. С. Саблукова, Казань, 1906, с. 50.

74 იგულისხმება მხედრული სპორტის ერთ-ერთი სახეობა — ჩოგბურთი.

75 საუგ იგივეა, რაც საური (ს. კაკაბაძე, დასახ. ნაშრომი, გვ. 166).

შეეძლო უნებართვოდ შესულიყო ხანის სასახლეში; მეხუთე, ჰკონდა პატივი დასწრებოდა ხანის დივანს; მეექვსე, შეეძლო შეესვა ხანის ხელთ მიწოდებული გამამხნეველი ღვინით სავსე ცხრა ფიალა და გაექარებინა ამქვეყნიური ჭირ-ვარაში; მეშვიდე, ლაშქრობისას ხანთან ერთად მდგარიყო ავანგარდში; მერვე, შეეძლო ჰარემში შეეყვანა და შეერთო, რომელიც ვნებავთ, ასული მისი მშობლების უკითხავად, გარდა ხანის ქალიშვილისა; მეცხრე, შეეძლო ამაღლებულიყო სახელისა და დიდების მეცხრე უამდე, მიეღო ჯილდოდ ცხენები, ხალიჩები და კიდევ სხვა დასახელების ცხრა საგანი თითო ცხრა-ცხრა ცალის ოდენობით⁷⁶. ამას უნდა დაემატოს ისიც, რომ თარხანს ეძლეოდა მამული („პომესტიე“) მასში მსხდომი მოსახლეობითურთ, რომელსაც იგი ბევრადედა თავის სასარგებლოდ⁷⁷.

როგორც ირკვევა, თარხანი სხვადასხვა მნიშვნელობის სიტყვა იყო. იგი აღნიშნავდა თავისუფალს, უფროსს, ტიტულს, წოდებას, მოწმობას, პიროვნების, ადგილისა და ტომის სახელებს. ამიტომ ჩვენთვის ხელმისაწვდომი მასალებით არ ზერჯდება იმის დადგენა თუ რა მნიშვნელობითაა ნახმარი ზემოთ მოტანილ ტექსტში რას თარხანი და ასთარხანი. გამორიცხული არაა, რომ იაკუბისთან, ატ-ტაბარისთან, იბნ ალ-ასირთან და ლევონდისთან ის პიროვნებებს საკუთარი სახელი ან „თარხანთა რაზმის უფროსი“ იყოს.

764 წელს ხაკანის ბრძანებით მას ხაზართა დიდი ლაშქრით დაუპყრია ალბანეთი, ქართლი და თბილისი, მაგრამ სულ მალე დაუტოვებია დაკავებული ადგილები. როგორც ატ-ტაბარი იუწყება, შემდეგ წელს მის წინააღმდეგ საბრძოლველად მოსულ არაბთა სარდალს ჰუმაიდ იბნ კაჰტაბს იგი ადგილზე აღარ დახვედრია⁷⁸. უამრავი ტყვიითა და სხვა ნალაფარით ხაზარეთში დაბრუნებულა⁷⁹.

⁷⁶ С. М. Шапшап, დასახ. ნაშრომი, გვ. 310. როცხვი ცხრა, თურქებში ბედნიერებისა და სიმრავლის სიმბოლოა. მიუთითებს აგრეთვე სიმრავლე-სიუხვესა და სიმორჩეზე. ამ გაგებით ის ქართულმაც შეითვისა.

⁷⁷ იქვე, გვ. 311.

⁷⁸ ტაბარი, დასახ. თხზულება, გვ. 328; М. А. Артамонов, დასახ. ნაშრომი, გვ. 244; З. Буниятов, დასახ. ნაშრომი, გვ. 115. უფრო ვრცლად ამ ლაშქრობის შესახებ იხ. კ. ცეგელის, დასახ. ნაშრომი, გვ. 83—88.

⁷⁹ ა. ტეგეევილიანი „Очерки истории ССР. III-IX вв“-ის (გვ. 508) საფუძველზე აღნიშნავს, რომ ხაზარებს ამ ლაშქრობისას დაუტყვევებიათ ქართლის ერისმთავარი (А. Н. Тер-Гевондян, დასახ. ნაშრომი, გვ. 113), რაც საეჭვო ჩაბს.

ქართველი ისტორიკოსები ხაზართა ამ ლაშქრობას უკავშირებენ ბლუჩანის სარდლობით მოწყობილ თავდასხმას⁸⁰, რომლის მიზეზისა და შედეგის შესახებ „მატიანე ქართლისა“ გვამცნობს: მიესმა სიმუენიერე ქართლის ერის მთავრების იოანესა და ჯუანშერის დის შუშანისა ხაზართა ხაყანს: მოუგზავნა მოციქული და ითხოვა შუშან ცოლად... რა ეამს მოიწია მოციქული ხაყანისა მიუძეცნო ჯუანშერ ძმასა თვსსა და დედასა. ხოლო მათ არა ინებეს და უთხრეს: „უკეთუ უღონო იქმნეს ყოფა ჩუენი, უმჯობეს არს, რათა შევიდეთ საბერძნეთად და მივმართოთ ქრისტიანეთა, ვიდრეღარა შევიგინოს შვილი ჩუენი წარმართთა მიერ“. და შუშანცა აგინა ხაზართა მეფესა (მეფემან იწყინა ესე და) შემდგომად სამისა წლისა მოგზავნა... სპასალარი თვსი ბლუჩან: გამოვლო გზა ლეკეთისა და შემოვიდა კახეთად; მოაღვა ცხებსა, რომელსა შინა იყვნეს ჯუანშერ და დაჲ მისი შუშან, და მკირედთა დღეთა წარიღო და ტყუე ყვნა იგინი; შემუსრა ქალაქი ტფილისი, წარტყუენა ქართლი და ყოველი ესე ქუეყანა. და ვითარ წარემართა გზასა დარიალანისასა... შუშან,, მოწოა,, წამალი სასიკუდინე და... მოკულა.

წარვიდა ბლუჩან ხაყანსა, მიჰგუარა ჯუანშერ და მიუთხრა სიკუდილი დისა მისისა შუშანისა. ხოლო განუწყრა იგი არამიტანებისათვის გუამისა მისისა... და მოსწყვდეს თავი მისი ბოროტად“...⁸¹

ქართული წყარო ბლუჩანის ლაშქრობის თარიღს არ ასახელებს, არც სხვა წყაროები იძლევიან ამისათვის საჭირო ცნობას. მიუხედავად ამისა ივ. ჯავახიშვილი ხაზართა ხაყანის შუამავლის მოსვლისა და შუშანის უარის თქმის თარიღად 761 წელს დებს, ხოლო ბლუჩანის ლაშქრობის თარიღად 764 წელს. ამოსავალს მეცნიერისათვის როგორც თვითონ ამბობს, წარმოადგენს არაბი მწერლების (ატ-ტაბარის, იბნ ალ-ასირის) ცნობები 147(764) წელს ხაზართა მიერ არმინიის დალაშქვრისა და თბილისის აღების შესახებ. მაგრამ არა გვგონია ეს საბუთად გამოდგეს, რადგან იგივე ავტორების ცნობები ეხებინ ასთარხანის და არა ბლუჩანის ლაშქრობას. რაც შეეხება ბლუჩანის ლაშქრობას, თუკი ასეთი რამ საერთოდ არსებობდა და ფაქტი ადრეული არაა ან იგი ასთარხანის ლაშქრობის გვიანდელ გამოძახილს არ წარმოადგენს, მაშინ სხვა დროს მომხდარ მოვლენად უნდა მივიჩნიოთ.

⁸⁰ ივ. ჯავახიშვილი, ქართველი ერის ისტორია, II, 1965, გვ. 80—81; ა. ბ. გვერამიძე, ადრეფეოდალური ქართული სახელმწიფოები VI—VIII საუკუნეებში (საქართველოს ისტორიის ნარკვევები, II, თბ., 1973, გვ. 292—293).

⁸¹ მატიანე ქათლისა, ქართლის ცხოვრება, I, გვ. 249—250.

ზაზართა ლაშქრობებს ამიერკავკასიაში შემდეგაც ჰქონდა ადგილი. ერთ-ერთი ასეთი შემთხვევა 176(792/3) წელს აღინიშნა⁸². მეორე — VIII ს. დასასრულს, 796, თუ 799 წელს⁸³. ალ-ია'კუბის ჩვენებით, ამ თავდასხმის მიზეზი ის იყო, რომ 796(7/180) წელს ხალიფა ჰარუნ არ-რაშიდის (786—809) მიერ არმინიის გამგებლად გაგზავნილმა სა'იდ იბნ სალმა იბნ კუთაიბ ალ-ბაჰილიმ თავისი უხეირო მოქმედებით აიძვდრა პატრიკიოსნი, ბაბუ ლ-აბუბაბის მოსახლეობა და მისივე ბრძანებით მოკლული ამ ციხესიმაგრის მაშინდელი პატრონის ან-ნაჯიმ ალ-იბნ ჰაშიმის ვაჟი ჰაიუნ იბნ ან-ნაჯიმი. მამის დასჯით უკმაყოფილო ჰაიუნმა დახმარება სთხოვა ხაზართა ხაკანს, რომელიც დიდი ლაშქრით მოვიდა, მუსლიმებს დაედევნა და მტკვრის ნაპირამდე მოსვენებას არ აძლევდა. შემათიანის თქმით, ხაზარებმა ამ ლაშქრობისას უამრავი ხალხი გაწყვიტეს, ბევრი დაატყვევეს, ქვეყანა დააქციეს და 70 დღიანი თარეშის შემდეგ თავიანთ მხარეს მიაშურეს⁸⁴. აზ-ზაჰაბის გადმოცემით, ასეთი უბედურება მოსახლეობას მანამდე არ უნახავს. ხაზარებმა მარტო ტყვეთა სახით 100000 კაცი წაიყვანესო დასძენს ას-სუიუტი. მაგრამ თავისი მასშტაბურობით რას-ტარხანის ლაშქრობა მაინც ყველაზე დიდი და შთამბეჭდავი იყო. მართალია, ხაზარებმა ამიერკავკასიაში დამკვიდრება ვერ შეძლეს, მაგრამ მათ თავდასხმებს უკვალოდ არ ჩაუვლია. ამ საშინელმა საომარმა მოქმედებამ, ერთი მხრივ, სერაოზული ზიანი მიაყენა „არმინიის“ მოსახლეობას, ხოლო მეორე მხრივ, დაასუსტა არაბი დამპყრობლები და ამით ერთგვარი ხელსაყრელი პირობა შეუშადა ადგილობრივ ხალხთა დამოუკიდებლობისათვის ბრძოლას, მურვან ყრუს დამაქციველი თარეშის დროს რომ დაიწყო და თითქმის მთელი საუკუნის მანძილზე არ შენელებულა. ნიშანდობლივი ისაა, რომ ამ ბრძოლებში სახალიფოს ცენტრალური ხელისუფლების წინააღმდეგ ერთად გამოდიოდა ერთმანეთისადმი დაპირისპირებული ორი ძირითადი ძალა: ადგილობრივი მოსახლეობა საკუთარი ფეოდალების წინამძღოლო-

⁸² იბნ ალ-ასირი, დასახ. თხზულება, VI, გვ. 65—66.

⁸³ ა ზ - ზ ა ჰ ა ბ ი. დასახ. თხზულება, გვ. 285; History of the Caliphs, by Jalaladdin as-Suyuti, გვ. 216.

⁸⁴ Я ' К у н и, დასახ. თხზულება, ტექსტი გვ. 8, თარგმანი, გვ. II; ა ტ - ტ ა ბ ა რ ი, III, გვ. 648; ღერბენდ ნაშე, გვ. 129—130; V. Minorsky, A history of Sharvan, გვ. 69, 105.

ბით და არაბი ამირები, რომლებიც ცნობილნი არიან „შუთაღალიბე-ბის“⁸⁵ სახელწოდებით⁸⁶.

ამ ამირებს სეპარატისტული ტენდენცია ამოძრავებდათ. მათი მიზანი იყო სახალიფოსაგან გამოყოფა და დამოუკიდებელი სუვერენული სახელმწიფოს შექმნით სრულუფლებიან მეფეებად გახდომა.

რაც შეეხება ადგილობრივ მოსახლეობას, მათ არაბთა წინააღმდეგ ბრძოლისაგან უბიძგებდა „არაბობის“ ისედაც მძიმე უღლის კიდევ უფრო დაძვივება, რაც უმთავრესად ბეგარა-გადასახადების გაზრდაში, ისლამიზაციისა და არაბთა მასობრივი ჩამოსახლების გამო არაბიზაციის დაჩქარებაში მდგომარეობდა.

ეტყობა, „არაბობის“ გამო ყველაზე მეტად შევიწროებულ-შეწუხებულნი მაშინ, აღმოსავლეთ საქართველოში მტკიცედ დამკვიდრებული წანარები (السناري) ყოფილან.

2. მართველი ხალხის ბრძოლა არაბოების წინააღმდეგ.

ა) წანარების აჯანყება

წანართა ვინაობა-სადაურობის შესახებ ერთიანი, მეცნიერულად დასაბუთებული აზრი ჯერ არ არსებობს. ა. გენკოს ვარაუდით, წანარები ჩეჩნურ-ინგუშური წარმოშობისა და შემდეგ გაქართველებული ხალხია⁸⁷. ამ თეორიის ზეგავლენით ვ. მინორსკისაც მიაჩნია, რომ წანარები ჩერქეზული წარმოშობისანი არიან და თავიდან კავკასიონის ზეკარს ხეობაში ცხოვრობდნენ⁸⁸. მათი პირველსაცხოვრი-

⁸⁵ متغاب ამბოხი, მოძალადე, ძლევაშოსილა.

⁸⁶ მათ შესახებ იხ. П. К. Жузе, Мутагалибы в Закавказье в XIX-X вв. (მასალები საქართველოს და კავკასიის ისტორიისათვის, ნაკვ. III, თბ., 1937).

⁸⁷ А. Генко, Из культурного прошлого Ингушей (Зал. Ком. Востоковедцев, т. V, с. 710); В. Дондуа, А. Генко. Из культурного прошлого Ингушей (Язык и мышление, II, Ч., 1934, с. 146, რეცენზია). წანარებს ვინაობაზედ აცხადებს ა. მკრტუმიანიც (А. Г. Мкртумян, К вопросу об разовании феодального княжества Кахети. Историко-филологический журнал. Ереван, 1972, № 1, с. 231).

⁸⁸ V. F. Minorsky, Caucasia IV (BSOAS) Vol. XV. parte 3, 1935. с. 505—512; В. Ф. Минорский, История Ширвана и Дербенда X—XI веков, М., 1963, с. 211., прим. 100.

სის შესახებ ასეთივე აზრის არიან მ. ლორთქიფანიძე და თ. პაპუაშვილი. მათი დაკვირვებითაც წანარები დარიალის ხეობაში მოსახლეობდნენ, მაგრამ ა. გენკოსა და ვ. მინორსკისაგან განსხვავებით მათ ჩრდილოეთ კავკასიურ ხალხად კი არა, „ერთ-ერთ კახურ ტომად“ მიიჩნევენ⁸⁹.

სულ სხვა აზრისაა ნ. მარი. მისთვის წანარები სვანები არიან⁹⁰. მათ ეთნიკური ნიშნის მიხედვით სვანებად თვლის ს. კაკაბაძეც, ოღონდ მათ ადგილსამყოფელად ის აცხადებს არა დარიალს, არამედ არაგვის ხეობას⁹¹. ამ ვარაუდის საპირისპიროდ წანართა პირველსაკბორიანად დარიალის ხეობას, დაახლოებით დღევანდელი ყაზბეგის რაიონს უთითებენ ივ. ჯავახიშვილი, ს. ჯანაშია, დ. მუსხელიშვილი, თ. პაპუაშვილი, შ. ბადრიძე, ჯ. გვასალია და სხვ.⁹²

ზოგადად წანართა მთიელობას მხარს უჭერს ზ. ბუნიათოვიც, რომლის თანახმად ისინი არაგვის ხეობის აღმოსავლეთით, „მდინარე ალაზნის ჩრდილოეთით და შაქიდან ჩრდილო-დასავლეთით, ილისუს

⁸⁹ მ. ლორთქიფანიძე, ფეოდალური საქართველოს პოლიტიკური გაერთიანების ისტორიიდან („მასალები“..., ნაკვ. 31, თბ., 1954, გვ. 12—32); საქართველოს ისტორიის ნარკვევები, II, თბ., 1973, გვ. 390—391; თ. პაპუაშვილი, წანარები (ქართული საბჭოთა ენციკლოპედია, II, 1987).

⁹⁰ Н. Я. Марр, Из поездок в Сванетию (Христианский Восток, СПб., 1913, т. II, вып. I, с. 32).

⁹¹ С. Н. Какабадзе, О племенн Цанар (Исторический сборник, III, 1928, გვ. 111—113). წანარების სვანურ წარმოშობას მხარს უჭერს ჯ. გვასალიაც (ჯ. გვასალია, წინარების ეთნიკური კეთვნილების საკითხისათვის. საქართველოს მეცნ. აკადემიის „მოამბე“, 59, № 3, თბ., 1970, გვ. 753; მისივე. „Историческая география Восточной Грузии (автореферат). Тбилиси, 1986, с. 44. ნ. მარი — ს. კაკაბაძის შეხედულების საწინააღმდეგოდ ნ. ბერძენიშვილი აღნიშნავს, რომ წანარების იგივეობა სვანებთან „ყოვლად საეჭვოა“ (ნ. ბერძენიშვილი. საქართველოს ისტორიის საკითხები, ტ. VIII, თბ., 1975, გვ. 623).

⁹² ი. ვ. ჯავახიშვილი, თხუზღუბანი, II, თბ., 1983, გვ. 43; С. Н. Джанашия, К. критике Моисея Хоренского („მასალები“..., VI, თბ., 1937, გვ. 500); С. Т. Еремян, Расселение горских народов Кавказа по Птолемею и «Армянской географии» VII в. (Труды VII Международного конгресса антропологических и этнографических наук, т. 8, М., 1970, с. 406; დ. მუსხელიშვილი, ციხე ქალაქი უჯარმა, თბ., 1966, გვ. 202—207; თ. პაპუაშვილი, დასახ. ნაშრომი, გვ. 290; მისივე რანთა და კახთა სამეფო (VIII—IX სს), თბ., 1982, გვ. 33; შ. ბადრიძე, მმართველი ქორეპისკოპოსის ინს-

ოლქში“ ცხოვრობდნენ⁹³. ბუნიათოვის ამ მოსახრებს არ იზიარებს და წანარებს ქართლში მცხოვრებ ქრისტიანებად თვლის ო. ცქიტიშვილი⁹⁴.

ო. ცქიტიშვილის ეს დაკვირვება მთლიანად ემყარება არაბი მწერლის აბუ მუჰამად აჰმად იბნ ა'სამ ალ-ქუფის ცნობას, რომელშიც ნათქვამია: წანარები „ჯურზანის“ ურწმუნო (არა მუსლიმ. — ბ. ს.). ტომთა ერთ-ერთი ტომია⁹⁵. მართალია, „ჯურზანი“ არაბულ ლიტერატურაში ვიწრო გაგებით კი არის ქართლი, მაგრამ ფართო გაგებით იგი საქართველას ან მთელ აღმოსავლეთ საქართველოს აღნიშნავს. ამიტომ აჰმად იბნ ა'სამ ალ-ქუფის ცნობიდან გარკვევით არ ჩანს, რომ თავიდანვე წანარები მაინცდამაინც ქართლში ცხოვრობდნენ ან ქართლელები იყვნენ. ამ ეჭვს კიდევ უფრო საფუძვლიანს ხდის ალ-ქუფის თანამედროვე მეორე არაბი მოგზაურის, გეოგრაფისა და ისტორიკოსის აბუ ლ-ჰასან 'ალი ალ-მას'უდის (გარდაიცვალა 956 წ.) ჩვენება იმის შესახებ, რომ წანართა სამეფო მდებარეობდა ალანთა კარის ციხესიმაგრესა და თბილისის სასაზღვრო ოლქს შორის, შაქის სამეფოს მეზობლად⁹⁶. შაქი კი ჰერეთს აღნიშნავდა⁹⁷.

ტრეტის საციხისათვის კახეთის სამთავროში („მაცნე“, ისტორიის... სერია, თბ., 1964, № 5, გვ. 100); ჯ. გვასალია, დასახ. ნაშრომი, გვ. 753.

⁹³ Ахмад ибн А. Самал-Куфн. Книга завоеваний (извлечения по истории Азербайджана VII—IX вв.). Перевод с арабского языка З. М. Буннятова, Баку, 1981, с. 83.

ბ. ემინის განმარტებითაც „წანართა ქვეყანა იყოფებოდა ივერიის აღმოსავლეთით, დერბენის მეზობლად“ Вардан, დასახ. თხზულება, გვ. 145, შენიშვნა 492).

⁹⁴ ო. ცქიტიშვილი, რაბთა მფლობელობის წინააღმდეგ ქართველი ხალხის განმათავისუფლებელი ბრძოლის ისტორიიდან („მაცნე“, ისტორიის..., სერია, თბ., 1986, 1, გვ. 73).

⁹⁵ ალ-ქუფი, დასახ. თხზულება, გვ. 65. ალ-ქუფის ცნობის არაბული ტექსტი ქართულ თარგმანთან ერთად დაბეჭდა ო. ცქიტიშვილმა (იხ. „მაცნე“, ისტორიის..., სერია, თბ., 1986, 1, გვ. 79—81).

⁹⁶ المسعودی، مروج الذهب و معادن الجواهر، المجلد الأول، المطبعة الثالثة؛ يروت' 1978—م، يوسزاسعاد داغر، ج—1، ص. Proiries d'or. Texte et traduction par. C. Barbier de Meynard, I—IX, Paris, 1861—1877, II, с. 67—68; Н. А. Караулов. Сведения арабских географов IX—X веков... (СМОМПК, вып. 38, с. 57); Ф. Минорский, История Ширвана... с. 210—211. ეტყობა ბუნიათოვი ალ-მასუდის ამ ცნობის საფუძველზე ახდენს წანართა საცხოვრისის ლოკალიზაციას

⁹⁷ დ. მუსხელიშვილი, ციხე-ქალაქი უჯარმა, გვ. 85, 106/7; მ. ლორთქიფანიძე, ჰერეთი (საქართველოს ისტორიის ნარკვევები, II, თბ., 1973, გვ. 404, შენ. 1).

როგორც ამ ცნობიდან ირკვევა, წანართა განფენილობის არიალი სცილდებოდა საკუთრივ ისტორიული ქართლის ტერიტორიას⁹⁸. ვერ ვიტყვით, რომ წანარების საცხოვრისი VIII ს-ში ნამდვილად ამოდენა ტერიტორიაზე ყოფილიყო გადაჭიმული, თუმცა, არც ამის უარყოფა შეიძლება, რადგან არაერთი სანდო ცნობით დასტურდება, რომ წანარების სახით არაბთა სახალიფოს ცენტრალურ ხელისუფლებას საქართველოში საქმე ჰქონდა ისეთ ძალასთან, რომლის დათრგუნვა ვერა და ვერ მოხერხდა. თქმა არ უნდა, რომ მცირერიცხოვანი დამცირესამფლობელოიანი ხალხი სახალიფოს ესოდენ მედგარ წინააღმდეგობას ვერ გაუწევდა. ვერც მეზობლებს გაიყოლიებდა მტერთან ბრძოლაში. წანარები კი ამას თავისუფლად ახერხებდნენ. როგორც მემატეიანენი იუწყებიან, ისინი თავიანთ სამეფოში ბატონობდნენ მრავალ ადგილობრივ ხალხზე⁹⁹ და არაბების წინააღმდეგ ბრძოლაში გამოდიოდნენ თანამორწმუნე (ქრისტიან) ხალხებთან ერთად¹⁰⁰.

თუ ალ-ქუფის ეს ცნობა არაბთა ბატონობის წინააღმდეგ ბრძოლაში წანარ-კახელთა მოკავშირეობის შესახებ სწორია და ამ „კავშირის“ ინიციატორები წანარები იყვნენ, მაშინ სწორი უნდა იყოს ალ-მას' უღის ზემოთ დამოწმებული ცნობაც, რომ წანარები ბევრ ადგილობრივ ქართულ ტომზე ბატონობდნენ და მათი სამეფო შაქის ან ჰერეთის სამეფოს ებჯინებოდა. ხოლო თუ ეს ასეა, მაშინ დასაზუსტებელი რჩება კახეთის პოლიტიკური სტატუსი. დამოუკიდებლობის მოპოვების წინ (VIII ს. დასასრულს)¹⁰¹ იგი თბილისის საამიროში შედიოდა და ამირას მორჩილებდა, თუ არაბთა ბატონობის დასამხოზად აღმდგარ წანართა მეფის, რომელსაც მემატეიანის ვადმოცემით „კურისკუსი“ ეწოდებოდა, ხელქვეითი იყო? !

ვფიქრობთ, უფრო სწორი იქნება თუ ვიტყვით, რომ VIII ს. II ნახევარში კახეთი უკვე გამოსულია თბილისის ამირას და მამსახადამე, სახალიფოს ცენტრალური ხელისუფლების მორჩილებიდან და წანარებთან გაერთიანებული მისი მოსახლეობა ქმნის ერთიან პოლიტიკურ

⁹⁸ ქ. გვასალიას ვარაუდით, არაბობის დროს „წანართი ფარავდა არაგვის ხეობაში მცხოვრებ ტომებსა და გარდაბნელებს“ (ქ. გვასალია, არაგვის კარი. კრებ. „ძიებანი საქართველოსა და კავკასიის ისტორიიდან“, თბ., 1976, გვ. 146)).

⁹⁹ A I - M a s o u d i, (ბარბო ლე მენარის გამოცემა), ტ. II, გვ. 67; B. ფ. М и н о р с к и н, დასახ. ნაშრომი, გვ. 211.

¹⁰⁰ ალ-ქუფი, დასახ. თხზულება, გვ. 234; ი. ცქიტიშვილი, დასახ. ნაშრომი, არაბული ტექსტი, გვ. 80, თარგმანი, გვ. 81.

¹⁰¹ მ. ლორთქიფანიძე, ახალი ფეოდალური სამთავროების წარმოქმნა (საქართველოს ისტორიის ნარკვევები, ტ. II, გვ. 373).

ერთეულს — წანართა სამეფოს, რომლის ცენტრი ამ დროს თვით კახეთი უნდა ყოფილიყო. ყოველ შემთხვევაში, ამ დასკვნამდე მიყვართ არა მარტო ალ-მას'უდის, არამედ ალ-ბალაზურისა და იბნ ალ-ფაკიჰ ალ-ჰამადანის ცნობებსაც. მათი ჩვენებანი იმის შესახებ, რომ ხალიფა ალ-მანსურის დროს (754—775), იაზიდ იბნ უსაიდმა კახეთისაკენ ილაშქრა, წანარები დაამარცხა და ხარაჯით დაბეგრა¹⁰², ერთნაირად უჭერს მხარს ალ-მას'უდის ცნობასაც და ამ ცნობაზე დაფუძნებულ ჩვენ დასკვნასაც¹⁰³.

თუ ალ-მას'უდის ნაამბობი იმის თაობაზე, რომ წანარები ბევრ ადგილობრივ ხალხზე ბატონობენ, ერთი მხრივ, იმას ნიშნავს, რომ ისინი მრავალნი, ძლიერნი იყვნენ და დიდ ტერიტორიასაც ფლობდნენ, მეორე მხრივ, იმაზეც აშკარად მიგვანიშნებს, რომ თვითონ ამ ადგილის მკვიდრნი კი არა, მოსული ყოფილან. მემატიაანის თქმით, ქრისტიანი წანარები იყვნენ ნიზარიან არაბთა ტომის 'უკაილის განშტოების ჩამომავალნი, დიდი ხნის წინათ აქ მოსულნი და დამკვიდრებული¹⁰⁴. ვ. მინორსკის ამ ვერსიისა არ სჭერა და, როგორც უკვე აღვნიშნეთ, წანართა სამშობლოდ ჩეჩნეთი მიაჩნია, რადგან თვით მას'უდის მიხედვითაც კი მათი პირველსაცხოვრისი სწორედ ეს რეგიონი, კერძოდ, დარიალანის (ალანთა კარის, ანუ დარიალის) ციხესიმაგრის მიდამოები ყოფილა.

შველევართა ხელთ დღეს არსებული მასალები არ არის საკმარისი ამის დასადგენად წანარები ნამდვილად ჩეჩნური მოლგმის ხალხი იყო

¹⁰² П. К. Жузе, Из соч. Баладзори, «Книга завоеваний стран», Баку, 1927, გვ. 20; Compendium libri Kitāib al-Buldān auctore Ibn al-Fakih al-Hamadani ed. M. J. de Goeje, Lugd.—Batavor., 1885, t. V, გვ. 294; А. Н. Караулов, Сведения арабских писателей о Кавказе... (СМОМПК. XXXI, Тифлис, 1902, გვ. 31).

¹⁰³ ქართულ ისტორიოგრაფიაში მიღებული მოსაზრებით კი VIII ს-ში წანარეთი კახეთის სამთავროში შედიოდა (თ. პაპუაშვილი, წანარეთი, ქსე, 11; მისივე, რანთა და კახთა სამეფო, თბ., 1982). მაგრამ ეს შედარებით გვიან, VIII ს. დასასრულს შექმნილ ვითარებას უნდა ასახავდეს, როცა არაბებთან უთანასწორო და ხანგრძლივ ბრძოლაში დასუსტებულ-დამარცხებული წანარების შემდეგ ჰეგემონობას კახელები ეუფლებიან და წანარების ბაზაზე თავიანთ დამოუკიდებელ სამთავროს ქმნიან.

¹⁰⁴ В. Ф. Мипорскии, დასახ. ნაშრომი, გვ. 210; СМОМПК, XXXVIII, გვ. 57. ნ. გ. ვოლკოვას თქმით, არ შეიძლება ეს ხალხი დაეუკავშიროთ „ეინახებს, დლისტნელები ან ქართველებს წანარებს“ (Н. Г. Волкова, Этнические и племенные названия Северного Кавказа. М., 1973, გვ. 126—127).

თუ არა¹⁰⁵. ამიტომ იმის მთლიანად უგულებელყოფა, რასაც არაბი მემკვიდრე იწინააღმდეგებდა პირველსა ცხოვრებისა და ვინაობა-სადაურობის შესახებ იუწყება, სწორი არ იქნება. თუმცა ისიც უნდა ითქვას, რომ ყველაფერი, რასაც იგი იტყობინება, ცხადია, მართალი არ არის. საეკვოა, წინარებს რაიმე ნათესაური კავშირი ჰქონოდათ იემენიდან წამოსულ და სირიაში დაბინავებულ ნიზარის არაბთა უყაილის ტომის განშტოებასთან. მაგრამ მიუხედავად ამისა, ეს ცნობა ყურადღებას იმით იმსახურებს, რომ მის მიხედვით, წინარები ცენტრალური კავკასიონის რაიონში, კერძოდ არაგვ-დარიალის ხეობაში, მცირე აზიიდან მოსულნი ჩანან. ამ თვალსაზრისით აღნიშნულ ცნობას როგორც ეხმარება და უფრო ფასეულს ხდის სომეხი ავტორის, ვარდანის ჩვენება, რომლის თანახმადაც ბაღდადის ამირას შიშით, თავიანთი პირველსა ცხოვრისიდან აყრილი დიდი ჯგუფი აღმდინებულსა კავკასიონის მთის ძირას იღებენ ბინას, ქრისტიანდებიან და ვრცელ სამფლობელოს ქმნიან. მისივე თქმით, სამშობლოდან ძალით აყრილი ეს ადამიანები იყვნენ „ხალტები“, რომლებმაც თავიანთ ახალ ადგილსამყოფელს პირველსა ცხოვრისის მიხედვით „წინარქ“-ი უწოდეს¹⁰⁶. დღეს უკვე კარგადაა ცნობილი, რომ სომხური წყაროს „ხალტ“ სატომო სახელია და აღნიშნავს „ხალდს“. ხალდები კი ერთ-ერთ დასავლურ ქართულ ტომს წარმოადგენდნენ შავი ზღვის სამხრეთ-აღმოსავლეთით, თანამედროვე ანატოლიის ტერიტორიაზე. სტრაბონის, პლინიუსის, ფლავიუს უფროსისა და სხვათა მიხედვით, იქვე ედო ბინა აგრეთვე იმავე ეთნიკური ჯგუფის ხალხს, ქართულ-ბერძნულ სამყაროში „სანები“-ს (//ზანების, //ქანების), ხოლო სომხურში „წანები“-ს სახელით რომაა ცნობილი¹⁰⁷.

მაშასადამე, როდესაც მემკვიდრე იუწყება კავკასიონის მთის ძირას მოსულმა ხალტებმა (ხალდებმა) ახალ სადგომს მათი ძველი საცხოვრისის მიხედვით „წინარქ“, ანუ წინარეთი (წინართა ქვეყანა) უწოდესო, ამ ძველ საცხოვრისში, ანუ პირველ საცხოვრისში, უეჭვე-

¹⁰⁵ В. Дондуа, А. Генко. Из культурного прошлого ингушей (Язык и мышление, II, Л., 1954, с. 146 და შპდ).

¹⁰⁶ Всеобщая история Вардана Великого, М., 1851, с. 126.

¹⁰⁷ Г. А. Меликишвили, К истории Древней Грузии, Тбилиси, 1959, გვ. 252; თ. ვაუხჩიშვილი, სტრაბონის გეოგრაფია, XII, 3, 18, თბ., 1957, გვ. 203; მ. ინაძე, სანები. ქართული საბჭოთა ენციკლოპედია თბ., 1985, ტ. 9, გვ. 79; მისივე, ხალდები, ქსე, ტ. II, თბ., 1987, გვ. 417.

ლად, შავი ზღვის სამხრეთ-აღმოსავლეთით (ტრაპიზონის მახლობლად) მდებარე ტერიტორია იგულისხმება¹⁰⁸.

სანები I საუკუნიდან რომის იმპერიაში შედიოდნენ და აუტანელ მდგომარეობაში იმყოფებოდნენ. ამიტომ აიყარნენ და მიუვალ მთებში გაიხიზნენ. როგორც პროკოპი კესარიელის (VI ს.) ცნობიდან ჩანს, ნაწილს სანებსას ჭოროხის ხეობაში შეუფარებია თავი¹⁰⁹, ნაწილს კი ეტყობა, უფრო შორს კავკასიონის მთებამდე მიულწევია, იქ დაუდევს ბინა და ამ ადგილისათვის უწოდებია წანარეთი¹¹⁰. უდავოდ ეს ეპიზოდი უნდა ედოს საფუძვლად სომეხი და არაბი ავტორების გადასხვაფერებულ ვერსიებს წანართა ვინაობა-სადაურობისა და ა/კავკასიაში მათი მოსვლის მიზეზის შესახებ. ამავე დროს ისიც ცხადი ხდება, რომ ქართულსა და არაბულში დამკვიდრებული ფორმები „წანარი“, „წანარეთი“, „სანარი“ (صاناري) „სანარეთი“ (صاناريت) უნდა მომდინარეობდნენ არა უშუალოდ „სანი“-დან, არამედ მისი შესატყვისი სომხური „წანარ“ და „წანარქ“-იდან. წინააღმდეგ შემთხვევაში ქართულში უნდა ყოფილიყო „სანი“ (მრ. „სანები“) ან „სონი“, ხოლო არაბულში — „სანი“ და „სანიათუნ“ ანუ „სანები“ და „სანეთი“, ე. ი. „წ“ და „რ“ თანხმოვნების გარეშე.

ეს გარემოება, რომ ქართული ეთნიკური სახელი ქართულ ისტორიულ-გეოგრაფიულ წყაროებსა და ლიტერატურაში სომხური ფორმითაა დამკვიდრებული, იგმორიცხავს, წანართა პირველსაცხოვრებად კავკასიონის რომელიმე რაიონის მიჩნევის შესაძლებლობას და კიდევ უფრო სარწმუნოს ხდის ვარაუდს, მცირე აზიიდან, კერძოდ, შავი ზღვის სამხრეთ-აღმოსავლეთით, სომხური თემების მეზობლად მდებარე ტერიტორიიდან მათი აქ (კავკასიაში) მოსვლის შესახებ.

ამრიგად, თუ სანლო წყაროების მიხედვით გაკეთებული ეს მოკლე ისტორიული ექსკურსი საფუძვლიანია, მაშინ ექვი არაა, რომ წანარები (უფრო სწორად „სანები“) არც ჩეჩნურ-ინგუშური მოდემის

¹⁰⁸ თ. პაპუაშვილის ვარაუდით, იქ წანარები კი არა, მხოლოდ მათი „წინარები“ ცხოვრებულან (თ. პაპუაშვილი, რანთა და კახთა სამეფო, გვ. 43).

¹⁰⁹ მ. ინაძე, სანები, ქსე, 9, გვ. 79.

¹¹⁰ წანარები ა/კავკასიაში ჩანან II ს-ში, პტოლემეიოსის დროს (ნ. ლომოური, კლავდიოს პტოლემეიოსის, „გეოგრაფიული სახელმძღვანელო“. ცნობები საქართველოს შესახებ“, მასალები საქართველოსა და კავკასიის შესახებ, ნაკვ. 32, თბ., 1955, გვ. 44.

ხალხია, არც სევანები, არც კახელები და არც არაბები, არამედ განეკუთვნებიან დასავლეთ-ქართულ ტომთა ოჯახს და მოსული არიან სამხრეთიდან¹¹¹ რომაელთა ბატონობის დროს და არა არაბობის ხანაში, ბაღდადის ამირას შიშით, როგორც ამას ვარდანი იუწყება. ქ. ბაღდადის ამირა რომ აქ შეეცდომითაა მოხსენიებული ეს აშკარაა. წინარები ჰაბიბ იბნ მასლამა ალ ფიჰრის აღმოსავლეთ საქართველოში დახვდნენ 644/5 წელს, როცა ეს არაბი სარდალი ქვეყნის დასალაშქრავად მოვიდა, ხოლო ბაღდადი როგორც სახალიფოს ადმინისტრაციული ცენტრი თავის არსებობის ისტორიას ითვლის მხოლოდ 762 წლიდან. სწორედ ამ დროს, ე. ი. VIII ს. 60-იან წლებში ხდება არაბი ამირების: იუსუფ იბნ რაშიდ ას-სულამის, იაზიდ იბნ მაზიად აშ-შაიბანისა და ალ-ჰარამის მიერ ნიზარელების, „რაბი'ა“-ს არაბული ტომებისა და ხვარასნელთა ჩამოსახლება არმინიაში (ამის შესახებ ქვემოთ). მაგრამ ისინი არც ხალდები იყვნენ და არც სხვა ქართული ტომები.

აჭაჩყე ბის დასაწყისი: ალ-იაკუბის თქმით, წინართა აჯანყება, ხაზართა 764 წლის ლაშქრობიდან ცოტა ხანი რომ გავიდა, მაშინ დაწყებულა¹¹² და მას იმდენად ფართო ხასიათი მიუღია, რომ ხალიფა აბუ ჯა'ფარ ალ-მანსურს (754—775) მის ჩასაქრობად ალ-ჰასან იბნ კაჰტაბა ატ-ტა'ი მოუვლენია 50000-იანი ჯარით¹¹³. მიუხედა-

111 წინარები რომ სამხრეთიდან არიან მოსული კავკასიაში ეს თანამედროვე თურქული ისტორიოგრაფიიდანაც დასტურდება. ფ. ჯიზნიოლდუსა და ქ. ქემალის მიხედვით, წინარები ლაზების წინამორბედები იყვნენ, ხოლო ორივენი ჩაღატაურ-ყოჩალურ მოღვმას მიეკუთვნებოდნენ და ანატოლიაში ცხოვრობდნენ (F. Kirzioğlu, Osmanlı-larin Kafkas-Ellerin fethi., გვ. 55—86; მსილე, Lazlar/Canarlar, — VIII Türk Tarih Kongresi — 1970 Ankara, 1972. გვ. 421—445; K. Ke in a l, Anadolu llun Dođ u ve Cenapdođ us u. Ankara. 1933. გვ. 8. დამოწმებულა ლ. ურუშაძის საკანდიდატო დისერტაციიდან „საქართველოს XV—XVIII საუკუნის პოლიტიკური ისტორიის საკითხები XX საუკუნის თურქულ ისტორიოგრაფიაში“, თბ., 1989, გვ. 99 და შმდ.). თურქული ავტორების მოსაზრებების მცდარობა ლაზებისა და წინების თურქული ჩამომავლობის შესახებ აშკარაა. მაგრამ ამ მოსაზრებებიდან საყურადღებო ის არის, რომ მისი მიხედვითაც წინარები და ლაზები ერთი მოღვმის ხალხები იყვნენ და ანატოლიაში ცხოვრობდნენ.

112 Я'К у н и I, დასახ. თხზულება, გვ. 9.

113 ო. ცქიტიშვილი, არაბთა მფლობელობის წინააღმდეგ ქართველი ხალხის განმანთავისუფლებელი ბრძოლის ისტორიიდან („მაცნე“, ისტ. ...სერია, თბ., 1986, I, გვ. 75, 79, 81). კაჰტაბა ორჯერ მართავდა არმინიას: 754—759 და 771—775 წლებში. ა. ტერ-გევონდიანის მიხედვით აღნიშნული აჯანყება დაწყებულა კაჰტაბა ატ-ტარს ამირობის პირველ პერიოდში (A. H. Тер-Гевондян, დასახ. ნა-

ვად ასეთი დიდი სამხედრო ძალისა, არმინიის გამგებელს წანარებისათვის ვერაფერი მოუხერხებია მათი მრავალრიცხოვნების გამო და ხალიფასათვის შველა უთხოვია.

ამ იგარემოებით შეწუხებული ალ-მანსური იძულებული გამხდარა მისთვის მიეშველებია, ალ-იაკუბის ცნობით, 20000 მეომარი 'ამრ იბნ ისმა'ილ ალ-ჰარისის მეთაურობით¹¹⁴, ხოლო აჰმად იბნ ასამ ალ-ქუფის მიხედვით, 30000-კაციანი რაზმი ოთხი არაბი სარდლის: 'ამრ იბნ ისმა'ილ ალ-ჯურჯანის, ისა იბნ მუსა ალ-ხურასანის, ალ-ფადლ იბნ დინარისა და მუკათილ იბნ სალიჰის თანხლებით¹¹⁵.

სირიელ და ერაყელ მეომრებისაგან შემდგარი ეს ლაშქარი, რომლის ჰაერთო ხელმძღვანელობა, წყაროს თანახმად, 'ამრ იბნ ისმა'ილ' ევალეზოდა, საქართველოში მისვლისთანავე წანარებს შეხვდა. ალ-იაკუბის ცნობით, „გააფთრებული ბრძოლა რამდენიმე დღეს გაგრძელდა და აჯანყებულთა მარცხით დასრულდა“. ორივე მხარემ სერიოზული ზარალი განიცადა, მაგრამ განსაკუთრებით დიდი იყო აჯანყებულთა დანაკლისი. მარტო ერთ დღეს მათ 16 ათასი კაცი დაკარგეს მოკლულთა სახით¹¹⁶, მათგან 10 ათასი — ბრძოლაში¹¹⁷. თქმა არ უნდა, რომ ეს ციფრები რამდენადმე გაზვიადებულია გარკვეული მოსაზრებით, მაგრამ თვით ის ფაქტი, რომ ომმა ხანგრძლივი ხასიათი მიიღო და მარტო ამბოხებულებმა ერთ დღეში ამოდენა ზარალი ნახეს მხოლოდ დახოცილთა სახით, — თავისთავად მეტყველებს როგორც აჯანყების მასშტაბურობაზე, ისე იმ მდგარ წინააღმდეგობაზე, რასაც თავისუფლებასმონატრებული წანარები, კახელები და ალბათ სხვებაც უწევდნენ მათზე უკეთ შეირაღებულ არაბთა მრავალათასიან ლაშქარს.

წყაროს თანახმად, გამარჯვებულმა ამირამ ყველა ტყვე გზაში გაწყვიტა თავისი ლაშქარი დამარცხებულ წანარებს დაადევნა და შემდეგ ვზა თბილისისაკენ განაგრძო¹¹⁸.

აჯანყების მიზეზებზე გვქონდა საუბარი, მაგრამ მაინც უნდა ითქვას, რომ მღელვარება კარგი ცხოვრებით არ იყო გამოწვეული. ლე-

შრომი, გვ. 101), მაგრამ ეს წყაროები არ დასტურდება. მის სავარაუდო თარიღად 771 წელი უნდა მივიჩნიოთ.

114 Я'К у н и, დასახ. თხზულება, ტექსტი, გვ. 6, თარგმანი გვ. 9, ანალოგიურ ცნობებს იძლევიან აგრეთვე ბალაზური და იბნ ფაკიი.

115 თ. ცქიტიშვილი, დასახ. ნაშრომი, გვ. 75, 80—81.

116 Я'К у н и, დასახ. თხზულება, ტექსტი, გვ. 6, თარგმანი გვ. 9.

117 თ. ცქიტიშვილი, დასახ. ნაშრომი, გვ. 78, 80—81.

118 Я'К у н и, დასახ. თხზულება, ტექსტი, გვ. 6, თარგმანი გვ. 9.

ვინდის ცნობით, არაბ ამირებს უზომო გადასახადი დაუდევთ მოსახლეობაზე. დაუბეგრავთ არა მარტო ცოცხლები, არამედ მიცვალებულებიც, რომელთა წილი ცოცხლებს უნდა ეზღოთ. ამავე დროს, აბუ ჯა'ფარის განკარგულებით, ყველა გლახს უნდა ჰქონოდა ჩამოკიდებული ბექლიანი ტყვიის ფირფიტა. გადასახადებით უკიდურესობამდე შეწუხებული გლახები გარბოდნენ, ხევებსა და გამოქვამულებს აფარებდნენ თავს, მაგრამ იქაც აგნებდნენ და არა მარტო ძარცვავდნენ, არამედ აწამებდნენ და ხოცავდნენ¹¹⁹. მეგრე, განა მარტო გლახებს ექვეოდნენ ასე? არა, ამგვარად უსწორდებოდნენ სხვებსაც. დასცინოდნენ ეპისკოპოსებს, ამთარახებდნენ მღვდლებს, არ ერიდებოდნენ დიდებულთა შევიწროება-წამებასაც¹²⁰. ამასთან, ჰასანის დროს მთელ არმინიაში გავრცელდა კალია, გახშირდა გადაუღებელი კოკისპირული წვიმები და სეტყვა, ქვეყანა შიმშილმა მოიცვა¹²¹.

მიუხედავად იმისა, რომ აჯანყებული წინარები არაბთა დამსჯელმა რაზმებმა დაამარცხეს და დასაჯეს, აჯანყების საბოლოოდ ჩაქრობა და წინართა დამორჩილება მაინც ვერ მოახერხეს; აჯანყება შემდეგშიც გრძელდებოდა, რადგან არსებობას განაგრძობდნენ ის პირობები, რომლებმაც მოსახლეობა მოძალადეთა წინააღმდეგ საბრძოლველად დარაზმა. მემათიანის ცნობით, 785—786 წლებში აჯანყებას მთელი არმინია მოუტყავს. ამბოხებულთა დასასჯელად გამოგზავნილ სარდალს ხუზაიმა იბნ ხაზიმ ათ-თამიმის მთელი წელი დასჭირვებია არაბთა ძალუფლების აღსადგენად, ხოლო მის შემცველს იუსუფ იბნ რაშიდ ას-სულამის არმინიაში ნიზარელები დაუსახლებია. არაბთა ჩამოსახლების პოლიტიკა განუგრძენია ას-სულამის შემცველ იაზიდ იბნ მაზიად იბნ ზაიდ აშ-შაიბანისაც, მას აქ ჩამოუსახლებია რაბი'ას ტომი. ხოლო მანამდე ამირა ალ-ჰარაშიმ არმინიაში დასახლა აგრეთვე ხვარასნელების დიდი რაზმი¹²².

არაბ მოხელეთა ასეთი პოლიტიკის მიზანი გააგებია: მკვიდრი მოსახლეობის კომპაქტურობის დარღვევა, გამუსლიმების პროცესის

¹¹⁹ Г е в о н д დასახ. თხზულება, გვ. 115—116; А. Н. Тер-Гевонд я н, დასახ. ნაშრომი, გვ. 101—103.

¹²⁰ ამის დასტურია ისიც, რომ დაახლოებით ამავე ხანებში (772—773) ხალიფამ ბაღდადში დაიბარა ქართლის ერისთავი ნერსე და სამი წელი ტყვეობაში ჰყავდა (ს. ჯ ა ნ ა შ ი ა, შრომები, II, გვ. 402). !

¹²¹ Г е в о н д, დასახ. თხზულება, გვ. 95.

¹²² Я.Курни, დასახ. თხზულება, ტექსტი, გვ. 8, თარგმანი გვ. 9—11.

დაჩქარება და საპირობების შემთხვევაში თავიანთი ლაშქროს შევსება თუ ეს პროცესი შეუფერხებელივ გაგრძელდებოდა, ქართველობა გარდუვალი განადგურება მოელოდა. ამას აშკარად გრძნობდა ყველა ისიც იგრძნობოდა, რომ ამირების თვითნებობას საზღვარი აღარ ჰქონდა. ამ მხრივ განსაკუთრებით თავი გამოუჩინია საიდ იბნ სალამა იბნ კუტაიბ ალ-ბაჰილისა და მის შემცვლელ, ზემოთ უკვე ხსენებულ ამირა ხუზაიმ იბნ ხაზიმ ათ-თამიმის, რომელიც ხელმეორედ მოავლინა არმინიაში ხალიფა არ-რაშიდმა (786—809).

ალ-ია'კუბის თქმით, ალ-ბაჰილი პატრიკოსებს იმდენად უხეშიდ ეპყრობოდა, რომ ისინი იძულებული გახდნენ ხაზარები ეხმოთ თავი გადასარჩენად¹²³.

პატრიკოსთა ასეთი საქციელი ხუზაიმა იბნ ხაზიმ ათ-თამიმში მიუტევებლად მიიჩნია და ისინი, ხაზართა წასვლის შემდეგ, სიკვდილით დასაჯა. ასეთივე განაჩენი გამოუტანა მან მეფე-მთავართა ვაჟიშვილებსაც¹²⁴.

ამ ღონისძიებით არაბები ადგილობრივ მოსახლეობის დაშინება დამორჩილებას ცდილობდნენ, მაგრამ მოხდა პირიქით, მათ წინააღმდეგ აღსდგა ქართლ-კახეთი და მთელი წანარეთი. მემატიანის გადმოცემით, აჯანყებულთ დაუმარცხებიანთ მოწინააღმდეგე და თბილისი დაუკავებიათ¹²⁵. მდგომარეობის გამოსწორების მიზნით ხუზაიმა იბნ ხაზიმი იძულებული გამხდარა ხაზიმ ათ-თამიმი გადაეყენებია და მი! მავიერ აჯანყებულთა დათრგუნვა საიდ იბნ ალ-ჰაისამ იბნ შუ'ბა იბნ ზაფირ ათ-თამიმისათვის დაუვალებია. მას დიდი ვაი ვაგლანით ქართლი და კახეთი დაულაშქრავს, თბილისიც აულია, მაგრამ აჯანყები! მთლიანად ჩახშობა, ეტყობა, მაინც ვერ მოუხერხებია. ყოველ შემთხვევაში არსებობს ცნობა, რომ წანარები ამის შემდეგაც დიდხანს განაგრძობდნენ ბრძოლას¹²⁶.

ხალიფა ალ-მამუნის დროს (813—833) ამირა ხალიდ იბნ იაზიდ იბნ მაზიადმა წანარების მოსპობა გადაწყვიტა და ამ მიზნით დიდი ლაშქრობა წამოიწყო. ხანგრძლივი ბრძოლის შემდეგ დასუსტებულმა აჯანყებულებმა იმ განზრახვით, რომ დაესვენათ, ძალები მოეკრიბათ და მოკავშირეების შექმნაზე ეზრუნათ, ხალიდს ზავი შესთავაზეს ისინი პირობას დებდნენ, რომ იქნებოდნენ მორჩილნი, გადაიხდიდნენ!

123 Я'К у н II, დასახ. თხზულება, გვ. 11. ;

124 იქვე, გვ. 12.

125 იქვე.

126 იქვე. გვ. 15. 18.

300 ულაცს (შკა) და 20 ათას სულ ცხვარს. ამირა მათ დაუზავდა, მაგრამ, როგორც შემდეგ ვახდა ნათელი, მოტყუებული დარჩა. აჯანყებულებმა, მოაგვარეს თუ არა თავიანთი საქმეები, ბრძოლა გაანახლეს და სხვებიც ააჯანყეს. კერძოდ, ამირას წინააღმდეგ აღსდგნენ „კაისინები“ (القائسين)¹²⁷. ამავე დროს მიმდინარეობდა აჯანყებები სომხეთსა და აზერბაიჯანში, განსაკუთრებით საშიშ ხასიათსღებულობდა ზურამელთა მოძრაობა, რომლის ორგანიზატორები ფართო აგიტაციას ეწეოდნენ მასებში არაბობის წინააღმდეგ. ასე რომ, ქართლისა და კახეთის მოსახლეობა ახლა მარტონი აღარ იყვნენ. მათ მხარს უბამდა ამიერკავკასიის თითქმის მთელი მოსახლეობა, არაბებს მძიმე დღეები დაუდგათ, მათ ფეხქვეშ ყველგან, ყველა დაპყრობილ ქვეყანაში მიწა იწვოდა. ქართლის (თბილისის) საამიროს ჩამოყალიბებამ თავისი დანიშნულება ვერ გაამართლა. მემატიანის ცნობით, ამირას ხელისუფლება იმდენად სუსტი იყო, რომ არც ერთი მისი ბრძანება არ სრულდებოდა, ქვეყანა განდგომისაკენ მიექანებოდა¹²⁸. რაც უფრო მეტი დრო გადიოდა ეს პროცესი მით უფრო ძლიერდებოდა, და ბოლოს შედეგად მივიღეთ ის, რომ საამიროს, რომელიც ჩამოყალიბებისთანავე მთელ აღმოსავლეთ საქართველოს მოიცავდა, VIII—IX სს-ში ჩამოშორდა ჯერ კახეთი¹²⁹ მერე სამცხე-ჯავახეთი და, ალბათ, ჩრდილო მთიანეთიც. თბილისის ამირას საბრძანებელი ამიერიდან მხოლოდ ქართლის ტერიტორიით შემოიფარგლებოდა და „თავისი პოლიტიკური მნიშვნელობით ადგილობრივი მთავრების დონეზე“ იდგა¹³⁰. მაგრამ არაბობის, როგორც პოლიტიკური და სოციალურ-ეკონომიკური სისტემის კრიზისი მარტო ამაში არ გამოიხატებოდა. სახალიფოში ფართოდ გავრცელებული პარტიკულარიზმის საშინი სენი თბილისის ამირებსაც დასჩემდათ.

127 Я'К у н и, დასახ. თხზულება, ტექსტი გვ. 10, თარგმანი — 15—16.

128 იქვე, გვ. 12.

129 ს. ჯ ა ნ ა შ ი ა კახეთის გამოყოფის დროდ VIII ს. ასახელებს (ს. ჯ ა ნ ა შ ი ა, „შრომები, II, გვ. 391).

130 ს. ჯ ა ნ ა შ ი ა, შრომები, II, გვ. 404—405.

საქართველოს კოლიტიკური მდგომარეობა IX ს.
II ნახევარში

I. თბილისის ამირაგის ბრძოლა დამოუკიდებლობისათვის

ალ-ამინის ხალიფობის (809—813) დასაწყისში ცენტრალური ხელისუფლებისადმი მორჩილებაზე უარი თქვა ისმა'ილ იბნ შუაიბმა. ცხადია, მას ასეთ თვითნებობას არავინ აპატიებდა და ხალიფა ალ-მანსურმა (813—833) ტახტზე ასვლისთანავე იგი მუჰამმად იბნ ათაბით შეეცვალა. ერთხანს ახალი ამირა მტკიცედ იცავდა სახალიფოს ინტერესებს, მერე ისიც მისი წინამორბედის გზას დაადგა. დაახლოებით 829—830 წელს, როცა წანართა აჯანყებამ კვლავ იფეთქა და არაბებისათვის მძიმე ვითარება შეიქმნა. მუჰამმად იბნ ათაბმა დრო იხელთა და ცენტრალურ ხელისუფლებას განუდგა.

ალ-ია'კუბის ცნობით, ალ-მამუნს ურჩი ამირას დასასჯელად და მისი ადგილის დასაკავებლად აბდ ალ-ალი იბნ აჰმად იბნ იაზრდ იბნ უსაიდ ას-სულამი გამოუგზავნია, მაგრამ ამბოხ ამირას იგი სასტიკად დაუმარცხებია. მაშინ მუჰამმად იბნ ათაბის წინააღმდეგ დაუძრავთ ჩალიდ იბნ იაზრდ იბნ მაზიადი. ის დიდი ლაშქრით ქისალს¹ დაბანაკებულა, იქიდან მუჰამმად იბნ ათაბს დაკავშირებია და უთხოვია, მის ბანაკში გამოცხადებულიყო. მუჰამმადს თხოვნა შეუსრულებია, ის ხალიდს ხლებია და დანებებია, რისთვისაც „ამანი“ დაუმსახურებია².

¹ როგორც უკვე ითქვა, ზოგიერთის განმარტებით, ქისალი ქსანია. ვ. მინორსკი და დ. მუსხელიშვილი კი მას „ყაზახად“ (Khazah) მოიხსენიებენ (V. Minor s k y, Kasal. Revue des Etudes Armeniennes, t. X, გვ. 120 — 123; დ. მუსხელიშვილი, საქართველოს ისტორიული გეოგრაფიის ძირითადი საკითხები, II, გვ. 28—29).

² Я'К у н II, დასახ. თხზულება, ტექსტი, გვ. 10, თარგმანი, გვ. 15.

ამავე დროს, ხალიდს უკითხავს: „წანარები შენ გემორჩილებიან თუ არაო“. ამაზე მუჰამადს მიუგია: „არა, ისინი ჩემი მორჩილი არ არიანო“³. საინტერესო ცნობაა. იგი იმით იპყრობს ყურადღებას, რომ კახეთი, რომელიც მაშინ წანარების მოქმედების ძირითადი რეგიონი და წანარეთის ცენტრი იყო, უკვე არაბთა ბატონობისაგან თავისუფალ, დამოუკიდებელ, პოლიტიკურ-ადმინისტრაციულ ერთეულს წარმოადგენდა.

ს. ჭანაშია მარქვარტის გაანგარიშების საფუძველზე ვარაუდობს, რომ წანართა აჯანყება და ამირ მუჰამად იბნ 'თაბის განდგომა 829 წელზე აღრე არ შეიძლებოდა მომხდარიყო⁴, რაც მთლიანად დასტურდება არაბულ წყაროთა მონაცემებითაც.

ამ ეპიზოდში, გარდა სახალიფოსაგან თბილისის ამირას განდგომისა, ყურადღებას იქცევს ისიც, რომ განდგომილი უშუალო კავშირშია ადგილობრივ მოსახლეობასთან, ამ შემთხვევაში ასევე მემამობზე წანარებთან და მათი იმედით მოქმედებს. თუმცა, როგორც სარწმუნო ცნობები მოწმობს, ეს შემთხვევა გამონაკლისი არ ყოფილა მაშინდელ პრაქტიკაში.

მუჰამად იბნ ათაბის დანებება-დამარცხების შემდეგ ამირა ხალიდმა ქართლი დაიკავა და ერთი წელი რომ გავიდა, თბილისის ამირას პოსტი (830 წ.) ისპაკ იბნ ისმაილ იბნ შუაიბს გადაულოცა⁵ იმ იმედით, რომ ის მუდამ მორჩილებაში იყოლიებდა ქართლის მოსახლეობას და მტკიცედ დაიცავდა სახალიფოს ინტერესებს. მაგრამ იმედი არც ამჯერად გამართლდა. სეპარატისტული ტენდენცია იმდენად ძლიერი იყო, რომ რამდენიმე ხნის შემდეგ ისპაკმაც გატეხა ფიცი. ზურგი შეაქცია ხალიფას და ადგილობრივი მოსახლეობის დახმარების იმედით ცენტრალურ ხელისუფლებას გადასახადი შეუწყვიტა.

გადასახადის შეწყვეტა განდგომას ნიშნავდა, ხოლო ერთიკა და მეორეც უარყოფითად მოქმედებდა სახალიფოს საერთო მდგომარეობაზე. ამიტომ ბაღდადში კვლავ დაისვა საკითხი თბილისის ამირას შესაცვლელად. ალ-მამუნმა საქმის მოგვარება არმინის ვალის ალ-პასან იბნ 'ალი ალ-ბაზლისის დაავალა. ამ უკანასკნელმა ურჩ ამირას დვინიდან თავისი წარმომადგენლები გაუგზავნა და მისგან ის საგადასახადო თანხა ითხოვა, რომელსაც იგი საამიროში კრებდა და სახა-

3 Я·К·У·н, დასახ. თხზულება, ტექსტი გვ. 10, თარგმანი, გვ. 15.

4 ს. ჭანაშია, შრომები, II, გვ. 405.

5 ასეთივე ცნობა ოდნავი ქრონოლოგიური სხვაობით შემონახულია ქართულ წყაროებშიც (მატიანე ქართლისა, ქართლის ცხოვრება, I, თბ., 1955, გვ. 254).

ლიფოს ხაზინაში შეტანის ნაცვლად თვითონვე ითვისებდა. ისპაკი თავიდან უარს ამბობდა არმინიის გამგებლის წინადადების შესრულებაზე. მაგრამ, როცა მან შეიტყო, რომ ალ-ჰასან იბნ ალ-ბაზლისი დვინიდან გამოსულიყო დიდი ლაშქრით მის დასასჯელად, თავის გადაწყვეტილებაზე უარი თქვა, ჰასანს საზეიმო შეხვედრა მოუწყო, ქალაქგარეთ შეეგება და სახალიფოს ვალიც მიართვა⁶.

სხვა ცნობით, რომელიც ალ-ბალაზურის ეკუთვნის, ეს ამბავი ალ-მამუნის დროს კი არა, მისი შემცვლელი მუთასიმ ბილლაჰის ხალიფობის (833—843) პერიოდში ჩანს. ალ-ჰასან იბნ 'ალი ალ-ბაზლისი ამირად მუთასიმმა დანიშნაო, — იუწყება მემატიანე⁷. ასეთი სხვაობა იაკუბისა და ბალაზურის ჩვენებებს შორის იმის მაუწყებელი უნდა იყოს, რომ ბაზლისის თბილისისაკენ გაგზავნა ალ-მამუნის ხალიფობის დასასრულსა და მუთასიმის ზეობის დასაწყისში (833) მომხდარა.

ბალაზური ჰასან იბნ 'ალი ალ-ბაზლისის ლმობიერ გამგებლად წარმოგვიდგენს. მან ისე გაანებვირა ქვეყნის პატრიკოსები და თავისუფალი ადამიანები (აზნაურნი?) და ისე რბილად ეპყრობოდა მათ, რომ ხალიფას ხელისუფლება აღარაფრად მიაჩნდათო. ისეთებს შორის, ვინც ცენტრალურ ხელისუფლებას აღარ სცნობდა, მემატიანე ასახელებს ისპაკ იბნ ისმა'ილ იბნ შუ'აიბსა და საჰლ იბნ სუნბატ ალ-პატრიკიოსს. ისპაკს ქართლი მიუტაცნია, სუმბატი კი ჰაიდარ იბნ ქნუუს ალ-აფშინს დასხმია თავს და არ-რანიდან გაუძევებია⁸. სხვა ცნობით კი ბალაზურის მიერ აღნიშნულ ამ ამბებს ადგილი ჰქონია არა ჰასან იბნ 'ალის დროს, არამედ ცოტა უფრო გვიან, როცა არმინიას მართავდა მუჰამმად იბნ სულაიმან ალ-'აზდრ ას-სამარკანდრ. ალ-იაკუბის ცნობით, იგი მაშინ მოვიდა არმინიაში, როცა საჰლ იბნ სუნბატმა არ-რანში აჯანყება მოაწყო და მას დაეპატრონა. მუჰამმადმა დაიკავა თუ არა თანამდებობა, არ-რანისაკენ დაიძრა, მაგრამ საჰლი თავს დაესხა მას ღამით და გააქცია. ეს რომ მუჰამმად იბნ აბდ ალლაჰ ალ-ვარსანიმ შეიტყო თვითონაც აჯანყდა და მის წინააღმდეგ ალ-აფშინმა მინქიჯავრი გაგზავნა. მუჰამმადს დამცველად მოევლინა ა'ლი იბნ იაჰია ალ-'არმანრ, რომელმაც პატიება სთხოვა ხალიფა ალ-მუთასიმს და მანაც აპატია, ხოლო მის ადგილზე აფშინმა მუჰამმად იბნ ხალიდ ბუნარახუზი დანიშნა.

6 Я'К у б и,, დასახ. თხზულება, ტექსტი გვ. 11, თარგმანი, გვ. 16.

7 Б а л а д з о р и,, დასახ. თხზულება, ტექსტი გვ. 15, თარგმანი, გვ. 21.

8 იქვე.

ამ დროს ისევ ბობოქრობდნენ წანარები. მუჰამმადმა ისინი და-
ამარცხა და პირი თბილისისაკენ (ქართლისაკენ) იბრუნა, მას იქ გუ-
ლითადი შეხვედრა მოუწყო და უხვი საჩუქრებიც უბოძა ისჰჲ იბნ
იბრაჰიმმა.

ბალაზურისა და იაკუბის ცნობები რამდენადმე განსხვავდებიან
ერთმანეთისაგან. იაკუბი არაფერს ამბობს, ჰასან იბნ ალი ალ-ბაზლი-
სის ლმობიერებასა და თბილისის ამირას განდგომაზე. თავის მხრივ,
ბალაზური სდუმს წანარების აჯანყების შესახებ. მიაჩნია, რომ მის
მიერ აღწერილი ამბები მოხდა ჰასან იბნ ალი ალ-ბაზლისის დროს.
ხოლო იაკუბის თანახმად ყოველივე ამას ადგილი ჰქონდა ჰასან იბნ
ალის შემდეგ, კერძოდ მუჰამმად იბნ სულაიმან ალ-აზღრ ას-სამარ-
კანდისა და მუჰამმად იბნ ხალიდ ბუხარაჰუზის მმართველობის ხანაში,
დაახლოებით 222—223 (837—838) წლებში. მაგრამ ამ განახვავე-
ბებთან ერთად არ შეიძლება არ დავინახოთ მთავარი, რაც ამ ცნო-
ბებს აერთიანებს — ესაა სახალიფოს წინააღმდეგ მიმართული ამიერ-
კავკასიის ხალხთა ბრძოლა, რომელშიც თვით არაბი მოხელეებიც, მათ
შორის თბილისის (ქართლის) ამირებიც მონაწილეობენ, რათა დამო-
უკიდებლობა მოეპოვებინათ. ბალაზურის ცნობის სისწორე საჰაკის
განდგომის შესახებ იაკუბის ცნობითაც დასტურდება. მუჰამმად იბნ
ხალიდ ბუხარაჰუზი წანარების დამარცხების შემდეგ თბილისისაკენ
ისე არ წავიდოდა და საჰაკიც მას ისეთ შეხვედრას არ მოუწყობდა,
რომ დანაშაული არ ჰქონდა ჩადენილი ცენტრალური ხელისუფლების
წინაშე. ეს დანაშაული კი, როგორც ბალაზური ამბობს, ხარკის გა-
დახდაზე უარის თქმა და განდგომა იყო.

ცენტრალური ხელისუფლებიდან განდგომას ხშირად მართო იმი-
ტომ კი არ მიმართავდა ესა თუ ის ვალი, რომ აუცილებლად დამო-
უკიდებლობის მოპოვება სურდა, არამედ მას აიძულებდა და აქეთკენ
უბიძგებდა შექმნილი გარემოება. კერძოდ, სანამ სახალიფო დაპყრო-
ბით ომებს დაასრულებდა, ნადავლი იმდენად დიდი იყო, რომ ცენტრა-
ლურ ხაზინას თავისუფლად შეეძლო იმ კონტიგენტის დაკმაყოფილე-
ბა ფინანსებით, რომელიც დაპყრობილ ქვეყნებში იდგა არაბთა ბა-
ტონობის შენარჩუნება-განმტკიცებისათვის. ამ დროს თვით დაპყრო-
ბილი ქვეყნების მოსახლეობაც კი შედარებით მსუბუქად გრძნობდა
თავს, ის მხოლოდ ხარკს უხდიდა დამპყრობელს ჯიზიისა და ხარაჯის
სახით. მაგრამ როგორც კი დაპყრობითი ომების ციკლი დასრულდა,

იმდროიდან შემოსავალმა იკლო, ხაზინამ თანდათანობით დაცლა იწყო და სახალიფო მწვავე ფინანსურმა კრიზისმა მოიცვა. ქრონოლოგიურად ეს პროცესი უმაიელთა ბატონობის დასრულების შემდეგ, VIII ს. 50-იანი წლებიდან დაიწყო და, რაც დრო გადიოდა მით უფრო მწვავედებოდა. ასეთ ვითარებაში ხალიფები იძულებული ხდებოდნენ დანაკლისის ასანზღაურებლად დაპყრობილი ქვეყნების მოსახლეობაზე გაეზარდათ გადასახდელი თანხის ოდენობა, რაც ბუნებრივად იწვევდა არაბთა უღლის დამძიმებას და საყოველთაო უკმაყოფილებას. უკმაყოფილების ზრდა იწვევდა დაპყრობილ ქვეყნებში არაბთა ბატონობის დამცველი შეირაღებული რაზმების რაოდენობის გადიდებას (ამის შედეგად შეიქმნა თბილისის საამირო), ხოლო ამას თან ახლდა მათთვის საჭირო ხარკების გადიდებაც. მძიმე მდგომარეობიდან თავის დაღწევა ცენტრალურმა ხელისუფლებამ იმით სცადა, რომ შეუწყვიტა გასამრჩელოს მიცემა ცალკეული ამირების განკარგულებაში მყოფ ჯარისკაცებს და მათი უზრუნველყოფა უნდა მოენდინათ თვით ამირებს მათი სახელოს მოსახლეობიდან მიღებული ხარკის ნაწილის გაცემის გზით. მაგრამ ხარკს აღარავინ იხდის და ჯარისკაცებიც გასამრჩელოს აღარ იღებენ, რის გამო უკმაყოფილონი არიან და ამირისაგან თავისას მოითხოვენ. აი რას მოგვითხრობს ერთერთი ასეთი შემთხვევის შესახებ ალ-ია'კუბი: მუჰამმად იბნ ხალიდ ბუხარაჰუზის შემდეგ არმინიის გამგებლად ალი იბნ ალ-ჰუსაინ იბნ სიბა' ალ-კაისრ გაიგზავნა. ის იმდენად სუსტი იყო, რომ მოსახლეობა მას ამის გამო ობოლს ეძახდა. „მას ბარდავში ჯარისკაცები აუჯანყდნენ და გასამრჩელო მოსთხოვეს, მაგრამ მან უპასუხა, რომ არაფერი არ გააჩნია, ყველაფერი ქვეყნის მოსახლეობის ხელთაა“¹⁰. ჯარისკაცთა დამოშმინების მიზნით „ალი იბნ ჰუსაინმა მოსახლეობას გადასახადების გადახდა მოსთხოვა. ისინი კი თავიანთ ციხესიმაგრეებში ჩაკეტნენ. მერე ერთმანეთს დაუკავშირდნენ, შეგროვდნენ და ბარდავს გარს შემოადგნენ“¹¹.

ასეთი რთული მიზეზ-შედეგობრივი წასკვის გახსნა იოლი საქმე არ იყო. ამირები რთულ მდგომარეობაში იმყოფებოდნენ. თუ მათ იმის საშუალება არ ჰქონდათ, რომ ჯარისკაცთა მოთხოვნა დაეკმაყოფილებინათ, ცენტრალურ ხელისუფალთ რას გაუგზავნიდნენ. არადა ამას ურჩობად ჩაუთვლიდნენ და დაუსჯელს არ დატოვებდნენ. ეს კარ-

¹⁰ Я' К у б и, დასახ. თხზულება, ტექსტი, გვ. 12, თარგმანი, გვ. 18.

¹¹ იქვე, ტექსტი, გვ. 13, თარგმანი, გვ. 18.

გაღ ესმოდათ ამირებს და ამიტომ იძულებული ხდებოდნენ გამდგარიყვნენ (რადგან თანამდებობის დაკარგვა არ სურდათ) და თავდაცვის საქმეში მოკავშირედ არაბობის მოწინააღმდეგე ძალა, ადგილობრივი მოსახლეობა გამოეყენებინათ. ასე რომ, განდგომა ყოველთვის ამიტოა თვითმიზანი კი არ იყო, არამედ იძულებითი ღონისძიებაც თანამდებობრივი და ქონებრივი მდგომარეობის შესანარჩუნებლად.



მშვიდობა, მუჰამად იბნ ხალიდ ბუხარაჰუსა და თბილისის ამირა საჰაკს შორის ხალიფა ალ-მუთაჰიმის ზეობის (833—842) მეორე ნახევარში რომ იქნა მიღწეული, ხანმოკლე გამოდგა მუჰამად იბნ ხალიდის შემცვლელმა, ალი იბნ ალ-ჰუსაინ იბნ სიბა' ალ-კაისიმ გასამრჩელოთი ჯარისკაცების დაკმაყოფილების მიზნით, მოსახლეობას გადასახადები მოსთხოვა. მათ კი ამაზე უარი განაცხადეს და, როგორც უკვე ითქვა, საყოველთაო აჯანყება მოაწყვეს. ქართული წყაროს ჩვენებით, მღელვარება აღმოსავლეთ საქართველოსაც მოსდებია. აჯანყებულან „გარდაბანელნი“¹² და თბილისის ამირა¹³. აჯანყებულთა დასასჯელად და არაბთა ბატონობის აღსადგენად ხალიფამ არმინიის გამგებლობა კვლავ ხალიდ იბნ იაზიდს შიანდო, მაგრამ, ეტყობა, მას ამჯერად წარმატება არ ჰქონია. თბილისის ამირას, გარდაბნელთა აქტიური დახმარების წყალობით, იგი სასტიკად დაუმარცხებია: „შეებნეს გარდაბანელნი, გავანს; და გააქციენ ხალიდი, და მოსწყდა სიმრავლე ფრიადი. კუალად დაჭდა ამირად ტფილისის საჰაე ისმაილის ძეო“, გვაუწყებს „მატიანე ქართლისა“¹⁴. ამას, როგორც მოსალოდნელი იყო, მოჰყვა ხალიდის ახალი, რიგით მესამე, ლაშქრობა. იგი ამჯერად დიდი ლაშქრით მოვიდა. შეიტყვეს თუ არა ამის შესახებ. არმინია-აზერბაიჯანის განდგომილნი შეკრთნენ და უმეტესობამ მაშინვე აცნობა, რომ ხალიფას ერთგულნი იქნებოდნენ. ამავე დროს საჩუქრებიც გაუგზავნეს, მაგრამ მან განაცხადა, რომ საჩუქრებს მიიღებდა მხოლოდ იმთვან, ვინც პირადად გამოცხადდებოდა მასთან. ხალიდმა ასეთივე ბრძანება გაუგზავნა ისპაე იბნ ისმაილსაც და აუწყა, ისიც დაუყოვნებლივ გამო-

¹² გარდაბანი არს „ბელუჯის მდინარითგან ვიდრე ტფილისამდე და გაჩიანამდე“, „ალაზნის ვალმართი ჩაყოლება“ (ქართლის ცხოვრება, 1, გვ. 24 და 254).

¹³ იქვე. გვ. 254—255.

¹⁴ იქვე.

ცხადებულყო. აჯანყებულნი მიხვდნენ რისთვისაც იბარებდა ხალიდ-ი. თბილისის ამირამ კი პირდაპირ შეუთვალა, რომ ის მასთან არ გამოცხადდებოდა, რაც იმის მაუწყებელი იყო, რომ ვალის განზრახვა, ამბოხი მეთაურების შეპყრობასა და დასჯას რომ გულისხმობდა, ჩაიფუშა. ახლა ეს საკითხი ძალას უნდა გადაეწყვიტა და ხალიდ-მაკ აღარ დააყოვნა. ალ-ია'კუბის ცნობით, მან თავისი ლაშქარი ისპაყ იბნ ისმაილისაყენ დასძრა და კინალამ ხელთ იგდო იგი, მაგრამ ხალიდის ავად გახდომამ და სიკვდილმა თბილისის ამირა გადააჩრჩინა¹⁵. ცნობა ხალიდ იბნ იაზიდის საქართველოში მესამედ მოსვლის შესახებ ქართულ წყაროშიც მოიპოვება, მაგრამ ამ ცნობის თანახმად, არაბი სარდალი ავადმყოფობით კი არ გარდაცვლილა, ჯავახეთს მოუკლავთ¹⁶, რაც არ უნდა იყოს სინამდვილეს მოკლებული.

აღნიშნული ლაშქრობის თარიღში წყაროები ერთმანეთს არ ეთანხმებიან. „მატიანე ქართლისას“ ავტორი ამის შემდეგ მომხდარ ამბავს, როცა, ერთი მხრივ, მუჰამადი და ბაგრატ აშოტის ძე კურაპალატი, ხოლო მეორე მხრივ, თბილისის ამირა საპაყი თავისი მოკავშირე „კახნი — გარდაბანელი“ — ერთმანეთს შეებნენ რეხს (გორს), ათარიღებს 841(219) წლით¹⁷. ეს კი იმას ნიშნავს, რომ ხალიდის მესამე ლაშქრობა უნდა მომხდარიყო 841 წლამდე. იაკუბის თანახმად კი იგივე ლაშქრობა 842 წელზე ადრე არ შეიძლებოდა მომხდარიყო, რადგან ხალიდ იბნ იაზიდი არმინიაში ხალიფა ალ-ვასიკს (842—847) გამოუგზავნია¹⁸. არაბი მწერლის ცნობას მხარს უჭერს სომეხი ისტორიკოსის სტეფანოს ტარონეცის (ასოლიკის) ცნობა. სტეფანოსის მიხედვით ხალიდის მესამე ლაშქრობა 842 წელს გამართულა¹⁹.

ხალიდ იბნ იაზიდის სიკვდილის შემდეგ მისი ლაშქარი დაიფანტა და ამით არაბთა მდგომარეობა საქართველოში და საერთოდ ამიერკავკასიაში კიდევ უფრო გაართულდა. მოსახლეობის ბრძოლამ დამპყრობთა წინააღმდეგ საგრძნობლად იმატა და ისეთ დონეს მიაღწია, რომ, თუ სახალიფოს ცენტრალური ხელისუფლება მის ჩახშობას დროზე ვერ მოახერხებდა, ამიერკავკასიას სამუდამოდ დაჰკარგავდა. ამას გრძნობდა ალ-ვასიკი. ამიტომ მან არმინია სამართავად ხალიდ

15 Я' Куби, დასახ. თხზულება, ტექსტი, გვ. 13, თარგმანი, გვ. 19.

16 ქართლის ცხოვრება, I, გვ. 255.

17 იქვე.

18 Я' Куби, დასახ. თხზულება, ტექსტი, გვ. 13, თარგმანი, გვ. II.

19 Степанос Таронский (Аюглик), Всеобщая история, с. 77; საქართველოს ისტორიის ნარკვევები, ტ. II, თბ., 1973, გვ. 498.

იბნ იაზიდის ვაჟს მუჰამმად იბნ ხალიდს ჩააბარა, მას აჰმად იბნ ბინ-ტამი მიაშველა და კავკასიისაკენ გზა დაულოცა. ეტყობა, აჯანყებამ ყველაზე საშიში ხასიათი საქართველოში მიიღო და მუჰამმადმაც სწორედ აქეთკენ მოაშურა. ალ-იაკუბის ცნობით, მან იერიში მიიტანა წანარებზე, თბილისის ამირა ისპაკზე და მანამდე ებრძოდა, სანამ (ისპაკი) ქვეყნიდან არ გააძევა და წანარები არ უკუაქცია. თვითონ კი ვანაგრძობდა ქვეყნის მტკიცედ მართვას²⁰. იგივე ამბავი სულ სხვანაირადაა მოთხრობილი ქართულ წყაროში. „მატიანე ქართლისაში“ აღნიშნულია, რომ ხალიდ იბნ იაზიდის ძე „მოჰამედ მოვიდა ქართლს. მოერთო მას ბაგრატ ძე აშოტ კურაპალატისა, და მისცა მას ქართლი... მაშინ გამოვიდა საპაკ, ამირა ტფილელი, ლაშქრითა და დაღვა რევს, ხოლო მოჰამედ და ბაგრატ წარიღეს უფლისციხე. და მოვიდეს კახნი გარდაბნელნი შუელად საპაკისა; შეიბნეს რევს და იყო ბრძოლა მათ შორის: არცა იგინი გაიქცეს და არცა იგინი, ვიდრემდის გაიყარნეს. აიყარა მოჰამედ და წარვიდა ბარდავს“²¹. როგორც ჩანს, ჯერ კიდევ მუჰამმადის მოსვლამდე მტრული დამოკიდებულება ყოფილა ბაგრატ კურაპალატსა და თბილისის ამირას შორის. როდესაც მუჰამმად იბნ ხალიდი მოსულა ბაგრატს მისთვის უმხრია, რისთვისაც ქართლი მიუღია და ორივეს ერთად დაუკავებია უფლისციხე. ამირა ისპაკი თავისი ლაშქრით და დამხმარე წანარებით რეხს (ანუ გორს) მისულა. იქ გამართულ ბრძოლაში „არმინის“ ვალის თბილისის ამირა ვერ დაუმარცხებია და გაწბილებულს საქართველო დაუტოვებია. |

ივ. ჯავახიშვილი უპირატესობას ქართული წყაროს ჩვენებას ანიჭებს და სრულიად მართებულად დაასკვნის, რომ თბილისის ამირას დამარცხების შემთხვევაში ბუღა თურქის საგანგებო ლაშქრობი საჭირო აღარ იქნებოდა²². მაგრამ ქართულ წყაროში დაშვებულია მცირე ქრონოლოგიური უზუსტობა. ეს ლაშქრობა მოწყობილი უნდა იყოს 842—843 წლებში და არა „მუჰამმადის გამოჩინებითან... ორას ცხრამეტ“²³, ანუ 841 წელს.

მუჰამმად იბნ ხალიდის ბარდავს წასვლა, უდავოდ, მის დამარცხებას ნიშნავდა. ამას კი, როგორც სანდო ცნობებიდან ვგებულობთ,

20 Я. К у б и а, დასახ. თხზულება, ტექსტი, გვ. 14, თარგმანი გვ. 19.

21 ქართლის ცხოვრება, 1, თბ., 1955, გვ. 255.

22 ივ. ჯავახიშვილი, ქართველი ერის ისტორია, II, 1965, გვ. 97.

23 ქართლის ცხოვრება, 1, გვ. 255.

სათანადო რეაქცია გამოუწვევია, ერთი მხრივ, „არმინის“ მოსახლეობაში, ხოლო, მეორე მხრივ, ხალიფას კარზე. არმინიაში იმატა აჯანყებულ პატრიკიოსთა რიცხვმა, საქართველოში გრძელდებოდა წანართა ანტიარაბული ბრძოლები, კვლავ დამოუკიდებლობას იჩემებდა: თბილისის ამირა.

ყოველივე ეს მოსვენებას არ აძლევდა ჯერ ხალიფა ალ-ვასიკს, შემდეგ მის შემცველ მუთავაქილს (847—861). მდგომარეობის გამოსწორების მიზნით, მუთავაქილმა დაიკავა თუ არა ხალიფას პოსტი, არმინიდან გაიწვია მუჰამმადი და მის ნაცვლად აქ მოავლინა აბუ საიდ მუჰამმად იბნ იუსუფი, მაგრამ იგი სანამ სამზადისს შორჩებოდა მოულოდნელად გარდაიცვალა²⁴. მის მიერ გამზადებულ ლაშქარს ხალიფამ სათავეში აბუ საიდის ვაჟი იუსუფი ჩაუყენა²⁵.

იუსუფი არმინიაში დიდი ლაშქრით გამოცხადდა და პატრიკოსებს შეუთვალა, ყველაფერს აპატიებდა თუ მასთან გამოცხადდებოდნენ ერთგულების შესაფიცად. ალ-ია'კუბის ცნობით, ზოგიერთი-საგან თანხმობა მიუღია, ხოლო ბაგრატ ამოტის ძე ხლებია კიდევ, მაგრამ ვალის დაპირება არ შეუსრულებია, ბაგრატი შეუჰყრია და დასასჯელად მუთავაქელისათვის გაუგზავნია²⁶. ამავე დროს მის ერთ-ერთ სარდალს ალ-'ალა' (علاء) იბნ აჰმადს სისაჯანის ყველაზე პატივდებული მონასტერი „დირ ალ-აყდაჰი“ (دير الاقداح), სადაც უამრავი შეწირული სიმდიდრე ყოფილა თავმოყრილი, მთლიანად გაუძარცვავს და ამით ყველა გაუნაწყენებია²⁷.

იუსუფე იბნ აბუ სა'იდ მუჰამმად იბნ იუსუფე ალ-მარვაზის მუხანათობამ მოსახლეობის ახალი მძლავრი მღელვარება გამოიწვია ალ-ბალაზურის ცნობით, მოთმინებადაკარგული პატრიკიოსნი ერთმანეთს ამბოხებისაკენ შოუწოდებდნენ. ისინი აგულიანებდნენ ხუეანისიანელ²⁸ (არაბეთიდან ჩამოსახლებული ტომის) „არტანებსა“ (გაჰირვებულთ) და ყველა „მუთალაღიბს“, რომ მონაწილეობა მიეღოთ

24 იბნ ალ-ასირის მიხედვით ეს 236 (850/1) წელს მომხდარა (იბნ ალ-ასირი, დასახ. თხზულება, ტ. VII, გვ. 22).

25 Я' К у н и, დასახ. თხზულება, ტექსტი, გვ. 14, თარგმანი, გვ. 20.

26 იქვე,

27 Б а л а д з о р и, დასახ. თხზულება, ტექსტი, გვ. 15, თარგმანი, გვ. 21.

28 ე. ცაგარეიშვილი ვარაუდობს, რომ ისინი უნდა იყვნენ ატ-ტაბარისთან მოხსენიებული „ხუთლები“, შემდეგ თბილისის ამირას დამცველთა რიგებში რომ ჩანან თბილისში (ე. ცაგარეიშვილი, საქართველოში ბულა თურქის ლაშქრობის საკითხისათვის. „მაცნე“, 1968, № 4/43, გვ. 108).

საერთო ბრძოლაში; მათ მოაწყვეს თავდასხმა იუსუფზე ტარუნში, მოკლეს იგი და დაეპატრონენ მის მიერ მიტაცებულ მთელ სიმიდ-რეს²⁹.

2. ბულა თურქის ლაშქრობა

რაკი იუსუფის ლაშქრობაც მარცხით დასრულდა, თავიანთი წარმატებით ფრთაშესხმული აჯანყებულნი კიდევ უფრო გააქტიურდნენ და საქმე იქამდე მივიდა, რომ არმინიაში არაბთა ცენტრალურ ხელისუფლებას თითქმის აღარავინ სცნობდა. ასეთ ვითარებაში მუთავაქილმა თავი მოუყარა დიდ ლაშქარს, მას სათავეში ჩაუყენა ბულა უფროსი, საისტორიო ლიტერატურაში უფრო ხშირად ბულა თურქის სახელით რომაა ცნობილი, და არმინიისაკენ გამოისტუმრა.

ხალიფას არჩევანის შეჩერება ბულაზე შემთხვევითი არ იყო. იგი სხვა დროსაც ყოფილა ამიერკავკასიაში, 835—836 (221) წელს წარმოტებით იბრძოდა ბაბეკის წინააღმდეგ, ჰქონდა მდიდარი საბრძოლო გამოცდილება და კარგადაც იცნობდა ადგილს.

როგორც ბალახური იუწყება, არმინიის შესაძესრად წასულმა ბულამ განვლო მოსული, შიადგა ბიდლისს, შეიპყრო ბაგრატ აშოტის ძის სიძე მუსა იბნ ზურარი, რომელიც სიმაპრთან ერთად მონაწილეობდა იუსუფის მკვლელობაში, დასაჯა ხუვაისელნი, შემდეგ ალყაში მოაქცია ალ-ბაკი, შეიპყრო ციხესიმაგრეში თავშეფარებული ბუსფურაჯანის პატრიკიოსი აშოტ იბნ ჰამზა იბნ ჯაჯიკი და გაგზავნა „სარ მან რას“ (სამარას) ხალიფასთან, ხოლო თვითონ ქართლში საქმეების მოსაგვარებლად გაემართა³⁰. უფრო ადრე ვიდრე თბილისს მივიდოდა, ბულამ ისჰან იბნ ისმა'ილს შეუთვალა მასთან გამოცხადებულიყო³¹, მაგრამ თბილისის ამირა მისვლას შიშობდა და არცთუ უსაფუძვლოდ.

²⁹ Б а л а д з о р и, დასახ. თხზულება, არაბული ტექსტი, გვ. 15, თარგმანი, გვ. 21—22. ბალახურის ჩვენების სისწორეს ადასტურებს თომა არწრუნი, ხოლო რაც შეეხება იოანე დრასხანაკერტცის, სტეფანოს ტარონაცისა და ვარდანს ისინი, შეცდომით, დაღუპული იუსუფის ნაცვლად მჰამისის, აბუ საიდ მუჰამმად იბნ იუსუფს ასახელებენ (ე. ცაგარეიშვილი, დასახ. ნაშრომი, გვ. 106; К. Н. Ю з б а ш я н, Армянские государства эпохи Багратидов и Византия IX—XI вв., М., 1988, გვ. 97).

³⁰ Б а л а д з о р и, დასახ. თხზულება, ტექსტი, გვ. 15—16, თარგმანი, გვ. 22. ანალოგიურ ცნობებს ვხვდებით იაკუბთან და იბნ ალ-ასირთანაც.

³¹ Я ' К у б и, დასახ. თხზულება, ტექსტი, გვ. 14, თარგმანი, გვ. 20.

მან ხომ უკვე იცოდა, რომ არმინიის ვალიმ დანაშაულის პატივების პირობით თავისთან მიიტყუა ჯერ მუსა იბნ ზურარი, მერე აშოტ იბნ ჰაჰზაც (ბაგრატ ბაგრატუნი), შეიპყრო ორთავე და დასასჯელად ხალიფას გაუგზავნა. ამიტომ ბულას წერილი აახლა და აუწყა: „არასდროს ფიქრად არ მომსვლია ხალიფას მორჩილებიდან გამოსვლა. თუ ფულ³² გნებავს ინებეთ, ხალხითა³³ დაგეხმარებით, მოსვლით კი ვერ მოვალ³⁴.

ბულას ნაცადმა ხერხმა ამჯერად არ გაქრა. ისპაყის მოტყუება ვერ შეძლო და გადაწყვიტა თბილისი დაელაშქრა.

არაბ, სომეხ და ქართველ მწერლებს დაწვრილებით აქვთ აღწერილი ბულა თურქის ბრძოლა თბილისის ამირა ისპაყთან და ამ ბრძოლის შედეგები. ატ-ტაბარი აღნიშნავს, რომ იუსუფ იბნ მუჰამადის მკვლელთა დასასჯელად არმინიაში მისულმა ბულამ დაბილს (დვინს) ერთი თვე დაჰყო და თბილისისაკენ გაემართა. 238 წლის რაბიუ'ლ-ავევალის თვის 10 რიცხვს, 852 წ. 31 აგვისტოს, შაბათს, მან ზირრაქ ათ-თურქი გაგზავნა რომ გადაელახა მტკვარი, რომელიც ისეთივე დიდი და კიდევ უფრო დიდი მდინარეა ვიდრე ას-სარრა ბაღდადში. იგი არის ქალაქის შუა: თაფლისი დასავლეთ ნაპირზეა, სულდუბილი — აღმოსავლეთ ნაპირზე. ბულას ბანაკი აღმოსავლეთ ნაპირზე იყო. ზირრაქი მტკვარზე თაფლისის მაიდანთან გადავიდა. თაფლისს ხუთი კარი აქვს: მაიდნის კარი, კარის კარი, პატარა კარი, რაბადის კარი და სულდუბილის კარი. მტკვარი მაინასთანაა³⁵. ბულამ აგრეთვე გაგზავნა აბუ ლ-აბბას ალ-ყასი ან-ნასრანი არმინიის არაბი და არაარაბი მოსახლეობისაკენ და მიიყვანა ისინი ზირრაქმა მაიდანთან, ხოლო აბუ ლ-აბბასმა რაბადის კართან. გამოვიდა ისპაყ ისმაილი ზირრაქის წინააღმდეგ და შეებრძოლა. იმის დასაწახავად თუ რას იქმდნენ ზირრაქი და აბუ ლ-აბბასი, ბულა იდგა სულდუბილის ახლოს ბორცვზე, რომელიც ქალაქს დაჰყურებს. მან ცეცხლის წამკიდებლები გაგზავნა და მათ ფიქვის ხის ქალაქს ცეცხლი დაუშინეს. ფიქვები ქარმა ააგიზგიზა. ისპაყი ქალაქისაკენ მიბრუნდა იმის გასაგებად თუ რა ხდებოდა და დაინახა, რომ ხანძარს უკვე მოეცვა მისი სასახლე, მნეკლები და თითონაც ალყაში მოექცია. თურქებმა და მალრიბლებმა შეიპყრეს იგი

32 საუბარია ყოველწლიურ ხარკზე, რომელიც ამირას მართებდა.

33 იგულისხმება ლაშქარი.

34 Я · К у н, დასახ. თხზულება, ტექსტი, გვ. 14, თარგმანი, გვ. 21.

35 ჩანს, რომ აქ დაშვებულია შეცდომა. კონტექსტის მიხედვით უნდა იყოს „მაიდანი“.

მის ვაჟ უმართან ერთად და ორთავე ბუღას მიჰგვარეს, რომლის ბრძანებით ისპაკი ალ-ჰასაჰის³⁶ კართან დააბრუნეს, ხელ-ფეხი შეუკრეს, მოკლეს და თავი ბუღას მიართვეს, ხოლო სხეული ჯვარს აცვეს მტკვარზე. ისპაკ იბნ ისმა'ილი იყო ზორბა, მოხუცი, ტყლიპით შეღებილი დიდი თავით, მელოტი და ელამი. მისი თავი ალ-ჰასაჰის კარზე ჩამოაგეს; დასჯას თვით ხალიფას მოხელე, ბუღა ხელმძღვანელობდა. ქალაქში დაახლოებით 50 ათასი კაცი დაიწვა. ხანძარი ერთდღე-ღამეში ჩაქრა, რადგან ფიჰკის ცეცხლი დიდხანს არ სძლებს. დილით მოვიდნენ შალრიბელნი და ცოცხლები დაატყვევეს, დახოცილები კი გაძარცვეს. ისპაკის მეუღლე თბილისის პირდაპირ, აღმოსავლეთით მდებარე სულდუბილში იმყოფებოდა. იგი (სულდუბილი) მადინაა³⁷, ქისრი³⁸ ანუ-შირვანმა ააგო და ისპაკმა გაამაგრა: შემოავლო თხრილი, მოათავსა მასში ალ-ხუვანის მეომრები და სხვანი. ბუღამ ისინი შეიბრალა იმ პირობით, რომ იარაღს დაჰყრიდნენ და საითაც უნდოდათ იქით წავიდოდნენ³⁹.

ატ-ტაბარის ეს ვრცელი ცნობა ძირითადად სანდო და მნიშვნელოვანია არა მარტო იმის გასაგებად თუ რა შედეგით დასრულდა ბუღას ლაშქრობა თბილისზე, არამედ ამ ქალაქის ისტორიისა და ტოპოგრაფიის რიგი საკითხების გასარკვევად.

როგორც მოტანილ ცნობაშია მითითებული, არაბთა ლაშქარი თბილისს აღმოსავლეთიდან მოადგა, მტკვარზე გადავიდა და ორად გაიყო. ერთი რაზმი, რომელსაც ზირაჟი სარდლობდა, ქალაქს შიდად მხრიდან უტევდა; მეორე — აბუ ლ-აბბასის მეთაურობით რაბათის კარიდან. თვით ბუღა სულდუბილის მახლობლად მდებარე ბორცვზე იდგა და იქიდან ადევნებდა თვალს ბრძოლის მიმდინარეობას. მათ წინააღმდეგ გამოსული ამირა საჰაკი, ეტყობა, თავს შედგარად იცავდა და მოწინააღმდეგეს ქალაქში შესვლის საშუალებას არ აძლევდა,

36 حاك — ეკალი, ნემსი, კბილი. თბილისის ერთ-ერთი კარის ასეთი სახელით მოხსენიება, შესაძლოა, იმით იყოს გამოწვეული, რომ ის წვეტიანი იყო. ამას ის გვაფიქრებინებს, რომ ისპაკის თავი ამ კარებზე ჩამოაგეს.

37 مدينة — ქალაქის გარდა სიმაგრესაც ნიშნავს, რაზეც ქვემოთ იქნება საუბარი.

38 كسرى — ასე უწოდებდნენ არაბები ხოსროს.

39 ატ-ტაბარის ეს ცნობა მოთავსებულია გ. წერეთლის არაბულ ქრესტომათიკში, თბ., 1949, 83. 64—66.

რამაც აიძულა ხალიფას მიერ მოვლენილი მთავარსარდალი მიეღო საგანგებო ზომა. მისი განკარგულებით ცეცხლმტყორცნელთა სპეციალურმა რაზმმა ქალაქს ნავთში ამოვლებული სპეციალური ისრები დაუშინა. გაჩნდა ხანძარი, რომელიც ქარმა სწრაფად გაავრცელა. უნუგეშო მდგომარეობაში ჩავარდნილი ურჩი საპაქი შეიპყრეს და სიკვდილით დასაჯეს, თბილისს ბუღა დაეუფლა.

ატ-ტაბარის მიხედვით, ბუღას თბილისი დაუწვავს და ისე აულია „238 წლის რაბი“ ალ-ავვალის თვის 10 რიცხვს, შაბათ დღეს“, ე. ი. ქრისტიანული წელთაღრიცხვით 852 წლის 30 აგვისტოს. ბუღას ლაშქრობა საქართველოში და მის მიერ თბილისის აღება რომ 852 წ. მომხდარა ამას იბნ ალ-ასირიც აღნიშნავს⁴⁰.

გარდა არაბული წყაროებისა, ცნობები ამიერკავკასიაში, კერძოდ საქართველოში, ბუღა უფროსის ლაშქრობის შესახებ ქართულ და სომხურ საისტორიო ძეგლებშიც იძებნება.

სომეხ ავტორთა (თომა არწრუნის, იოანე დრასხანაკერტცის, მოსე კალანკატავის, სტეფანოს ტარონაცის, ვარდან დიდის, ანუ აღმოსავლეთელის) თხზულებებში, მართალია, პირდაპირი თარიღი თბილისში ბუღას მოსვლის შესახებ მითითებული არ არის, მაგრამ იქ მოკეული სხვა თარიღიანი ამბების ერთმანეთთან მიმართებით განხილვის შედეგად ე. ცაგარეიშვილი ბუღა თურქის მიერ თბილისის აღებას 853 წლით განსაზღვრავს⁴¹, ხოლო ა. ტერ-გევონდიანი მას იგივე თომა არწრუნისა და იოანე დრასხანაკერტცის მონაცემთა მიხედვით 852 წელს მომხდარ ფაქტად მიიჩნევს⁴².

ქართულ წყაროთაგან მხოლოდ „მატიანე ქართლისაშია“ შედარებით ვრცლად მოთხრობილი საქართველოში ბუღას ლაშქრობა. მემატიანე თბილისზე მსჯელობისას აღნიშნავს, რომ ბუღა თურქი „მოადგა ქალაქსა.. რამეთუ არა მორჩილებდა ამირა სააკ: მოკლა სააკ, შემუსრა ტფილისი, დაწუა ცეცხლითა და მოაოგრა ყოველნი არენი მისნი“⁴³. როგორც ვხედავთ, ქართული წყაროს მონაცემები ძირითადად ემთხვევა არაბი მწერლების ცნობებს და ადასტურებს მათ სისწორეს.

40 იბნ ალ-ასირი, დასახ. თხზულება, VII, გვ. 22—24. არაბ მწერალთა ამ თარიღს უჭერს მხარს ო. ციტიშვილი (იხ. მისი „ძველი თბილისის ისტორიიდან“. საქ. სსრ მეცნ. აკად. „მომბე“, № 5, თბ., 1963, გვ. 149).

41 ე. ცაგარეიშვილი, საქართველოში ბუღა თურქის ლაშქრობის საკითხისათვის. „მაცნე“, № 4, თბ., 1968, გვ. 108.

42 А. Н. Тер-Гевондян. დასახ. ნაშრომი, გვ. 143.

43 ქართლის ცხოვრება, I, გვ. 256.

მაგრამ მათგან განსხვავებით ქართველი მემკვიდრე ამ ისტორიულ ფაქტის თარიღს არ ასახელებს.

ივ. ჯავახიშვილი თბილისში ბუღას მოსვლის თარიღად, ერთ ხანს მიიჩნევდა წყაროს იმ ადგილს, სადაც წერია: „აქა ეჰამდის გარდასულ იყვნეს წელიწადნი მოჰამედის გამოჩინებითგან... ორას ცხრამეტნი“⁴⁴. ოღონდ „ორას ცხრამეტნი“ მისი აზრით გადამწერლის შეცდომაა და, ამიტომ მის ნაცვლად უნდა წაეიკითხოთ „ორას ოცდაცხრამეტნი“⁴⁵. ამ შესწორებით გამოდის, რომ ბუღა თურქს თბილისი 861 წელს დაუღწევრავს და დაუწვავს. მაგრამ დაკვირვება გვიჩვენებს, რომ ეს ასე არ არის. ქართულ წყაროში ყველაფერი სწორადაა და გადამწერათ ბრალი არაფერში მიუძღვით. შეცდომა ტექსტის გაგებაშია დაშვებული. ზემოთ მოტანილი ცნობა: „აქა ეჰამდის გარდასულ იყვნეს წელიწადნი მოჰამედის გამოჩინებითგან... ორას ცხრამეტნი“ — თბილისში ბუღას მოსვლას კი არ გულისხმობს, არამედ გაცილებით უფრო ადრე მომხდარ ისტორიულ ფაქტს, კერძოდ, სახალიფოსაგან გამდგარ თბილისის ამირა საჰაკესა და მის დასაჯულად გამოგზავნილ მუჰამად იბნ ხალიდ ბუხარაჰუზს შორის „რეჟს“ (გორს) გამართულ ბრძოლას, რომელიც, როგორც უკვე ითქვა, მართლაც 841—842 წელს მოხდა.

თავისი მოსაზრება რომ სხვა ცნობებთან დაეკავშირებინა და დაეცვა, ივ. ჯავახიშვილმა ატ-ტაბარისეული თარიღი — 238(852) წელი ამიერკავკასიაში ბუღას ლაშქრობის მხოლოდ დასაწყისად ჩათვალა და ამდენად მივიღეთ, რომ არაბ სარდალს აქ 10 წელი დაუყვია. ნამდვილად კი ბუღა ამიერკავკასიაში სამი წელი იყო. 241 (855/6) წელს ის აქედან გაიწვიეს⁴⁶ და აღარასდროს დაბრუნებულა, რაც გამორიცხავს იმის შესაძლებლობას, რომ მას 861 წელს თბილისი აეღო. ამაში თვითონვე დარწმუნდა სახელოვანი მეცნიერი როგორც კი გაეცნო ატენის სიონის სამხრეთ-დასავლეთის შიგნითი კედლის წარწერას, რომელიც საქართველოში, კერძოდ, თბილისში ბუღას საქმიანობას ეხება და მოგვითხრობს: „თთოვესა აგოვსტოსსა ეჟსა: დღესა შაბათსა ქორონიკოსა ოგესა; ისმაიტელთა წელსა სლტსა: ქალაქი ტფი-

⁴⁴ ქართლის ცხოვრება, II, გვ. 255.

⁴⁵ И. Д ж а в а х о в, К вопросу о времени построения грузинского храма в Атене по вновь обследованным эпиграфическим памятникам, «Христианский Восток», т. I, вып. III, СПб., 1912, с. 280.

⁴⁶ Б а л а д з о р и, დასახ. თხზულება, ტექსტი, გვ. 16, თარგმანი გვ. 22.

ლისი დაწოვა ბოვლა და შეიპყრა ამირაჲ საპაჲ და მოკლა“⁴⁷. ეს წარწერა ძვირფასია არა მარტო იმიტ, რომ იგი გადმოგვცემს იმას, რაც ბულამ მოიმოქმედა თბილისში, არამედ იმიტაც, რომ მის თანახმად ყოველივე ეს მომხდარა 853 წლის 5 აგვისტოს, შაბათს.

ამრიგად, წყაროები ბულა თურქის თბილისში მოსვლისა და მისი აღება-გადაწვის შესახებ ერთმანეთთან დაახლოებულ ორ თარიღს იძლევიან: 852 წლის 30 აგვისტოს და 853 წლის 5 აგვისტოს. ქართველი ისტორიკოსები (დ. ბაქრაძე, ივ. ჯავახიშვილი, ს. ჯანაშია, ნ. ბერძენიშვილი, მ. ლორთქიფანიძე, ე. ცაგარეიშვილი) ატენის სიონის კედლის წარწერის ქრონოლოგიას ანიჭებენ უპირატესობას⁴⁸. გამონაკლისს წარმოადგენს ო. ცქიტიშვილი, რომელიც, როგორც ადრე ვთქვით, ატ-ტაბარის თარიღს უჭერს მხარს⁴⁹.

ბულა თურქის ლაშქრობა საქართველოში თბილისის აღება-დაქცევით არ დამთავრებულა. იგი შემდეგაც განაგრძობდა ბრძოლებს, მაგრამ ვინემ მათზე ვისაუბრებდეთ, გვინდა ისევ თბილისთან დაკავშირებულ ზოგიერთ სადავო საკითხს შევეხოთ.



ატ-ტაბარის ცნობა, რომელიც ზემოთ სრულად მოვიტანეთ, დიდი ხანია ისტორიკოს მკვლევართა ყურადღებას იქცევს. იგი თარგმნილი და კომენტირებული აქვთ ვ. მინორსკის (ფრანგულად) და ო. ცქიტიშვილს (ქართულად) ძველი თბილისის ისტორიის საკითხთა შესწავლასთან დაკავშირებით. ნაწყვეტები ამ ცნობიდან ქართულ თარგმანთან ერთად კი მოტანილი აქვს მ. ლორთქიფანიძეს. როგორც ესმით მათ არაბი ავტორის ამ ცნობის შინაარსი? .

⁴⁷ ივ. ჯავახიშვილი, ქართველი ერის ისტორია, II, თბ., 1965, გვ. 98.

⁴⁸ დ. ბაქრაძე, ისტორია საქართველოსი (უძველესი დროიდან X ს. დასასრულამდე), ტფ., 1889, გვ. 218—219; ივ. ჯავახიშვილი, დასახ. ნაშრომი, გვ. 99; მისივე, К вопросу о времени построения грузинского храма в Атене по вновь обследованным эпиграфическим памятникам. „Христианский Восток“, т. I, вып. III; გვ. 179; ს. ჯანაშია, შრომები, II, გვ. 406; ნ. ბერძენიშვილი, ვ. დონდუა და სხვ., საქართველოს ისტორია, I, თბ., 1958, გვ. 126; მ. ლორთქიფანიძე, არაბთა მფლობელობის ხასიათი საქართველოში (მასალები საქართველოსა და კავკასიის ისტორიისათვის, ნაკვ. 35. თბ., 1963, გვ. 93); ე. ცაგარეიშვილი, დასახ. ნაშრომი, გვ. 109.

⁴⁹ ო. ცქიტიშვილი, ძველი თბილისის ისტორიიდან (საქ. სსრ მეცნ. აკად. მოაზბე, 1965, № 5, გვ. 149.

ო. ცქიტიშვილს მიაჩნია, რომ ატ-ტაბარუს შინელებით, თბილისის ამირას სასახლე ბუღას ლაშქრობის დროს მდინარე მტკვრის მარცხენა ნაპირზე, „სულდუბილის მადინაში“ იყო⁵⁰. ჩვენ კი ვფიქრობთ, რომ არაბი მწერლის ცნობიდან ასეთი დასკვნის გაკეთება შეუძლებელია. მასში ის კი არ არის აღნიშნული, ამირას სასახლე „სულდუბილის მადინაში“ იმყოფებოდაო (სულდუბილი თვითონ წარმოადგენდა მადინას, ანუ საფორტიფიკაციო ნაგებობას), არამედ ის, რომ ისპაკის ცოლი, ას-საირის ტახტის მფლობელის ასული, მაშინ დაბანაკებული (ქვს) იყო სულდუბილში; რომელიც ხოსრო (ქუსრი) ანუ-შირვანს აუგია, ხოლო ისპაკს გაუმაგრებია, თხრილი შემოუვლია და შიგ „ხუეისი“ მეომრები ჩაუყენებია⁵¹. მაშასადამე, ამ ცნობის თანახმად, სულდუბილში არავითარი სასახლის არსებობა არ დასტურდება, ჩანს, რომ იგი თვითონ წარმოადგენდა გამაგრებულ თავდაცვით ნაგებობას, სადაც, იბნ ალ-ასირის ცნობით, ისპაკს ცოლთან ერთად მოუთავსებია მთელი თავისი ქონება⁵², ალბათ, მოახლოებული საფრთხის გამო. რაც შეეხება ამირას სასახლეს, იოანე საბანისძის თხზულების მონაცემებით, VIII ს-ში ის მტკვრის მარჯვენა მხარეს ყოფილა, კალას ტერიტორიაზე, იმ ადგილას, სადაც სომეხთა მთავარანგელოზის ეკლესია იყო ბოტანიკურ ბაღში გოგირდის აბანოებიდან ამყვან გზაზე⁵³ და იქვეა საგულისხმევი IX საუკუნეშიც. ყოველ შემთხვევაში სასახლე რომ მტკვრის მარცხენა მხარეს არ ყოფილა, ამაში ქვემოთაღ დავრწმუნდებით.

50 ო. ცქიტიშვილი, დასახ. ნაშრომი, გვ. 157. ასეთივე აზრისაა შ. ბაღრიძეც. მისი განცხადებით, რომელიც მან გააკეთა 1981 წ. 7 მაისს ილია ანთელავას წიგნის განხილვის დროს საქ. სსრ მეცნ. აკადემიის ისტორიის, არქეოლოგიისა და ეთნოგრაფიის ინსტიტუტის სხდომათა დარბაზში, ამირას სასახლე ისანში იყო.

51 وكانت امرأة اسحاق نازلة بصغدليل و هي . . مدينة بناها كسرى
انوشروان و كان اسحاق قد حصنها و حفر خندقها و جعل فيها مقاتلة من
الخويشنة

52 იბნ-ალ-ასირი, დასახ. თხზულება, ტ. VII, გვ. 26, ია'კუთი სულდუბილს „ციხესიმაგრეს“ (معقل) უწოდებს (ე. ს. იხარულიძე, აკუთის ცნობები... ტექსტი, გვ. 75). თარგმნილია „თავშესაფარად“ (იქვე, გვ. 71). იბნ ალ-ასირი — „პისნ“-ს (حصن) — ციხესიმაგრეს ამბობს (ტ. VII, გვ. 26).

53 იოანე საბანისძე, მარტვილობა აბო ტფილელისა, კ. კეკელიძის გამოცემა, ტფ., 1935, გვ. 29; შ. მესხია, დ. გვრიტიშვილი, მ. დუმბაძე, ა. სურგულაძე, თბილისის ისტორია, თბ., 1958, გვ. 31—32.

რაკი ო. ცქიტიშვილმა სულდუბილი ამირას ადგილსამყოფელად გამოაცხადა, ისპაკიც იქიდან დასძრა მტკვრის მარჯვენა ნაპირზე, მაინდნის კართან დაბანაკებული ზირაქის წინააღმდეგ: „თბილისის ამირა. — აღნიშნავს იგი, ზირაქს მტკვრის მარჯვენა ნაპირზე გადაჰყოლია და იქ გაუმართავს მისთვის ბრძოლა“⁵⁴. ცნობაში კი ვკითხულობთ: „გამოვიდა ისპაკ იბნ ისმა'ილი ზირაქისაკენ და შეებრძოლა მას“⁵⁵ საქმე რომ ნამდვილად ისე ყოფილიყო როგორც ეს ო. ცქიტიშვილს წარმოუდგენია, მაშინ ურჩი ამირას დასასჯელად მოსული და სულდუბილის მიდამოებში დაბანაკებული „არმინის“ ვალი თავის სარდალს, ზირაქს მტკვრის გადალახვას, ე. ი. მარჯვენა ნაპირზე გადასვლას და მაინდნის კართან დადგომას კი არ უბრძანებდა, პირდაპირ სულდუბილისაკენ გაგზავნიდა. მაგრამ რაკი ბულა ასე არ მოიქცა, ეს იმას ნიშნავს, რომ ის, ვინც მას უნდა დაესაჯა თბილისში იყო და ჯარიც იქითკენ დასძრა. წყაროშიც ამიტომაა აღნიშნული, ისპაკ იბნ ისმა'ილისძე მათ წინააღმდეგ საბრძოლველად „გამოვიდაო“ (خرج) და არა მდინარის მარჯვენა ნაპირზე გადაჰყვიაო.

ეტყობა, ბულას სარდლებს გაუქირდათ, ისპაკის მხრიდან გადაულახველ წინააღმდეგობას წააწყდნენ და ქალაქში ვერ შედიოდნენ. ამიტომ მან საგანგებო ღონისძიებას მიმართა, ცეცხლმტყორცნელთა რაზმი ქალაქისაკენ გაგზავნა ხანძრის გასაჩენად, რომ ამით ამირას წინააღმდეგობა გაეტეხა მიზანს მიაღწიეს. ხის ნაგებობიან ქალაქში, რომელსაც თომა არწრუნი და სხვა სომეხი ისტორიკოსები „ფაიტაკარანს“, ანუ „ხის ქალაქს უწოდებენ“⁵⁶, ხანძარი გაჩნდა, ქარმა იგი გააძლიერა, სწრაფად გავრცელდა და სულ მალე მთელ დასახლებას მოსდო, რის გამოც 50 ათასი კაცი დაიღუპა. როცა ისპაკმა ხანძრის გაჩენის შესახებ შეიტყო, „ქალაქისაკენ მიიხედა და დაინახა, რომ ცეცხლი უკვე მოსდებოდა მის დასახლეს, მხევლებს და თვითონ მასაც გარშემორტყმოდა“⁵⁷. ო. ცქიტიშვილი კი ვარაუდობს, რომ ხანძარი

⁵⁴ ო. ცქიტიშვილი, დასახ. ნაშრომი, გვ. 156.

⁵⁵ مخرج اسحاق بن اسماعيل الى زيرك فناوشه

⁵⁶ თბილისის ისტორია, გვ. 33.

⁵⁷ فاء قبل اسحاق... الى المدينة لينظر فإذا النار قد أخذت قصره و جواريه و احاطت به النار

გაჩნდა სულდუბილში და იქ შეიწირა მან 50 ათასი კაცის სიცოცხლე⁵⁸, რაც, რა თქმა უნდა, მოკლებულია სინამდვილეს.

ჯერ ერთი, 50 ათას კაცს მაშინდელი სულდუბილი, როგორც სიმაკრე, ვერავეითარ შემთხვევაში ვერ დაიტევდა; მეორე, ამირა რომ იქ ყოფილიყო ცეცხლის ალყაში, მაიდანის კარებთან მდგარ ზირაქს ვერ შეებრძოლებოდა; და მესამე, ხანძარი რომ სულდუბილს მოსდებოდა, მაშინ მემატთანე ისპაქს აღმოდებული სახალისა და მხეველების გვერდით მის ცოლსაც მოიხსენიებდა. მისი მოუხსენიებლობა კი ერთ-ერთი საბუთია იმისა, რომ საბრძოლო მოქმედება, ხანძრის გაჩენა და ამით ნირწამხდარი ამირას დატყვევება სულდუბილს გარეთ მოხდა. ამაზე მოგვითხრობს აგრეთვე ის ფაქტიც, რომ ისპაქის მეუღლემ, სარირის (ავართა) მფლობელის ულამაზესმა ასულმა, რომელიც, თვით ატ-ტაბარისავე ცნობით, ქალაქზე ბუღას თავდასხმის დროს სულდუბილში იმყოფებოდა, ქმარ-შვილის დატყვევება რომ შეიტყო, მათი დახსნა თავისი სილამაზითა და ძვირფასი საჩუქრებით განიზრახა⁵⁹.



როგორც ზემოთ დავინახეთ, ატ-ტაბარი თავის ცნობაში სხვათა შორის მოიხსენიებს მდინარე მტკვარსაც (نهري الکر) და აღნიშნავს, რომ
وهو ما بين المدينة وتفلس في الجانب الغربي و صغدييل في الجانب الشرقي
ვ. მინორსკის მიხედვით ეს ნიშნავს, რომ „იგი (მტკვარი) ქალაქს შუაში ჩაუდის, დასავლეთ ნაპირზე თბილისია, აღმოსავლეთ ნაპირზე კი სულდუბილი“⁶⁰.

ო. ცქიტიშვილი არ ეთანხმება ცნობის ამ ადგილის მინორსკი-სეულ გაგებას და თვითონ ასე თარგმნის: „ის (მტკვარი) არაა მდინას შუა. თბილისი დასავლეთის ნაპირზეა, სოლდებილი — აღმოსავლეთის ნაპირზე“⁶¹. როგორც ვხედავთ ამ ორ თარგმანს შორის არსებითი განსხვავებაა. ხოლო მიზეზი ამისა კი, უპირველეს ყოვლისა, მდგომარეობს არაბული „მა“-ს (ما) მნიშვნელობის თავისებურ გაგებაში, რაც თავის მხრივ დამოკიდებულია იქვე მოხსენიებულ „მადინა“-ს مدينة შინაარსის სწორ გააზრებაზე.

58 ო. ცქიტიშვილი, დასახ. ნაშრომი, გვ. 154, 157.

59 თბილისის ისტორია, გვ. 22.

60 V. Minor sky, Transcaucasica, Journal Asiatique, CCXVII, Juillet-Septembre, 1930, გვ. 61.

61 ო. ცქიტიშვილი, დასახ. ნაშრომი, გვ. 152.

ვ. მინორსკი „მადინა“-ს ქალაქად თარგმნის. ო. ცქიტიშვილს ეს შეცდომად მიაჩნია და ამასთან დაკავშირებით გამართული მსჯელობისას აღნიშნავს, რომ „IX—X სს. არაბულ წყაროებში არსებული ტერმინი „მედინა“ ყოველთვის როდი ნიშნავს „ქალაქს“ იმ გაგებით, როგორც ეს... დღეს გვესმის... „მედინა“ წარმოადგენდა რთულ საფორთიფიკაციო ნაგებობას, (რომელსაც) გაცილებით უფრო ვრცელი ტერიტორია ეკავა, ვიდრე ციხე-სიმაგრეს“⁶². მართალია, თავდაპირველი „მადინა“ (ისე როგორც კრემლი, რატუშა და სხვ.) მართლაც ფაშაგარებულ, თავდაცვითი ხასიათის ნაგებობას ან ნაგებობათა კომპლექსს წარმოადგენდა, მაგრამ ამირა ისჰაკ იბნ ისმაილის დროს ან უფრო მოგვიანებით (IX—X სს. მიჯნაზე) რომელი იყო „მადინა“ თბილისი, სულდუბილი თუ არც ერთი და არც მეორე? არაბი მწერლებისათვის (ბალაზური, ატ-ტაბარი, ხურდაზბიჰი, იბნ ალ-ასირი) მადინა სულდუბილია. სულდუბილს აცხადებს მადინად აგრეთვე თვით ო. ცქიტიშვილიც (თუმცა ეს მისი თარგმანიდან არ იგრძნობა), მაგრამ ატ-ტაბარის ზემოთ მოტანილ ცნობაში დამოწმებული „მადინა“ რომ სულდუბილს გულისხმობდეს, მაშინ ავტორი სულდუბილს აღარც კი ახსენებდა, პირდაპირ იტყოდა. „მადინა“ მდინარის აღმოსავლეთითაა, ხოლო თბილისი დასავლეთით. ალბათ, ასე მოიქცეოდა იგი მაშინაც, რომ ის მადინას ძველი თბილისის მნიშვნელობით ხმარობდეს. ამიტომ „მადინა“ ამ შემთხვევაში აღნიშნავს თანამედროვე ფეოდალურ ქალაქს, რომელიც ხელოსნობა-ვაჭრობის ზრდის წყალობით, დიდი ხანია გასცდა საკუთრივ „მადინის“, ანუ „წინაქალაქის“ ფარგლებს.

სწორედ ასეთი ქალაქი იყო მაშინ თბილისი. მოხერხებულ ადგილას ვახტანგ გორგასლისა და მისი მემკვიდრის მიერ დაფუძნებული ახალი ქალაქი სწრაფად იზრდებოდა. მისი მოსახლეობისა და ტერიტორიის ზრდა-გაფართოება გარკვეული დროით შეაფერხა ჯერ ჰერაკლე კეისრისა და შემდეგ არაბთა ლაშქრობებმა, მაგრამ განვითარება არასდროს არ შეწყვეტილა.

ისე როგორც თითქმის ყველა მნიშვნელოვან ფეოდალურ ქალაქს, თბილისსაც გააჩნია თავდაცვითი ნაგებობანი: გალავანი და ციხე-კოშკები. პირველი გალავანი, რომელიც, მემათიანის ჩვენებით, ვახტანგსა და მის ვაჟს დაჩის შემოუვლია ქალაქისათვის, ქვიტყირით იყო ნაშენები⁶³. VII ს. დამდეგს თბილისზე ჰერაკლესა და მის მო-

62 ო. ცქიტიშვილი, დასახ. ნაშრომი, გვ. 150,

63 ჯუანშერი, ცხოვრება ვახტანგ გორგასლისა (ქართლის ცხოვრება, 1, გვ. 205).

კავშირე ჯიბლუს თავდასხმისას ეს გალაგანი მტერმა დააქცია. სულ მალე თბილისისათვის ახალი ზღუდე შემოუვლიათ, ოღონდ არა ძვირად ღირებული და შრომატევადი ქვიტყირისა, არამედ ძელისა ანუ მესრისა, რომელიც გარდა იმისა, რომ იაფი და სწრაფი ასაგები იყო, იოლადაც გადაიტანებოდა. მაშასადამე, ქვის კედლის შეცვლა მესართ ქალაქის ზრდის ჩქარი ტემპითაც უნდა ყოფილიყო გამოწვეული. მისი ზრდა კი დააჩქარა სამეფო რეზიდენციის მცხეთიდან გადმოტანამ (VI ს.). ვაჭარ-ხელოსნებმა ახალ სატახტო ქალაქში იწყეს გადმოსვლა და დასახლება. აქვე იყრიდნენ თავს შავი მუშებიც.

თბილისი იზრდებოდა ყველა მიმართულებით, მაგრამ ყველაზე მეტად მდინარე მტკვრის აღმა და დაღმა. მტკვრის აღმა ქალაქის საზღვრებმა, ჯერ კიდევ VII ს. დამდეგს, დღევანდელი ბარათაშვილის სახელობის ქუჩამდე მიადწია. ქალაქური ცხოვრება ისახება მდინარის მარცხენა ნაპირზეც, სულდუბილში⁶⁴, რომელიც ხილით უკავშირდებოდა მარჯვენა ნაპირის თბილისს⁶⁵.

კიდევ უფრო გაიზარდა, განვითარდა და დაწინაურდა თბილისი IX—X სს-ში. არაბი მწერლების დახასიათებით, იგი ერთ-ერთი ყველაზე დიდი სავაჭრო-ეკონომიკური ცენტრია ამიერკავკასიაში. იბნ ჰაუკალის (X ს.) ცნობით, „არ არის არჩანში უფრო დიდი ქალაქი, ვიდრე ბარდავი, ალ-ბაბი და თბილისია“. თბილისი სიდიდით ალ-ბაბზე პატარაა⁶⁶. ალ-მუკადასი (X ს.) კი ქალაქების ჩამოთვლისას თბილისს ბარდავის შემდეგ ასახელებს⁶⁷. იბნ ჰაუკალიც და ალ-მუკადასიც თვითონ იყვნენ ამიერკავკასიაში და ამდენად მათი ცნობების სანდოობა ექვს არ უნდა იწვევდეს.

IX—X სს-ში თბილისი მარტო სიდიდით კი არ გამოირჩეოდა მსხვა ქალაქებიდან, არამედ ეკონომიკური სიძლიერითაც. ისტახრი (X ს.) იუწყება რომ თბილისი „სიმდიდრით სავსე აღგილია, მრავალ ხილიან-ნათესებიანი; მრავალნაირი საქონელი და თაფლი მტკვრით გააქვთ

64 ო. ც ქ ი ტ ი შ ე ი ლ ი, დასახ. ნაშრომი, გვ. 149.

65 თბილისის ისტორია, გვ. 30—31.

66 ე. ს ი ხ ა რ უ ლ ი ძ ე, იბნ. ჰაუკალი თბილისის შესახებ (საქართველოს ისტორიის აღმოსავლური მასალები, წიგნი 1, თბ., 1976, გვ. 35, 37). ანალოგიური ცნობა აქვს ისტახრისაც (იხ. Н. А. Караулов, Сведения арабских писателей... СМОМПК, вып. ХХІХ, Тифлис, 1901, с. 17).

67 Н. А. Караулов, Сведения арабских географов IX—X веков, „СМОМПК, 38, 1908, с. 6.

იქიდანო“⁶⁸. თბილისის ეკონომიკურ მდგომარეობას ეხება იბნ ჰაუკალიც. ისიც აღნიშნავს, რომ „ეს არის ქალაქი ნაყოფიერი, გამაგრებული, მდიდარი პროდუქტებით, რომლებიც იაფად ფასობენ. თავისი კეთილდღეობით იგი აღემატება სხვა დანარჩენ მდიდარ სახელმწიფოებსა და ქვეყნებს. ერთმა, რომელსაც იქ თავლი უყილია თქვა, რომ ერთ დირჰემად ოც რიტლზე მეტი შეუძენია.. თბილისში მცურავი წისქვილებია, სადაც ფქვავენ ხორბალსა“ და პურეულ კულტურებს⁶⁹.

• * ”

სასოფლო-სამეურნეო პროდუქტების სიუხვითა და მათი სიიადით განთქმული თბილისი, აუცილებლად, მსხვილი სავაჭრო ცენტრიც უნდა ყოფილიყო. ამის ერთ-ერთი მოწმობაა ის, რომ არაბი ისტორიკოსი და გეოგრაფი შწერლების ცნობებით, თინის ორმაგი კედლით გარშემოვლებულ ქალაქს⁷⁰ 5 კარი ჰქონია⁷¹, რომლებითაც ის მეზობელ ქალაქებსა და ქვეყნებს უკავშირდებოდა.

სპეციალისტთა აზრით, „მაიდნის კარი“ ციხის მოედანს (შემდეგდროინდელ „თათრის მოედანს“) აკავშირებდა ძველ თბილისთან (შემდეგდროინდელი აბანოების უბანთან); სამხრეთისა და აღმოსავლეთის ქვეყნებთან თბილისის დამაკავშირებელი კარიბჭე იყო სამხრეთიკედელში დატანებული „კარის კარი“, ანუ ყარსის კარი, ციხიდან რაბადში გასასვლელს „რაბადის“, ანუ ციხის კარი ეწოდებოდა; ხოლო თბილისიდან სულდუბილისაკენ (აწინდელი ავლაბარი) გასასვლელი კარი იყო „სულდუბილის ჭიშკარი“⁷², „მცირე კარის“ მდებარეობა გაურკვეველია.

ქალაქის ზრდაში გარკვეული როლი უნდა შეესრულებია სხვათა შორის ბუნებრივი თბილი წყლებს აბანოებს, რომლებიც გოგირდო-

68 Н. А. Караулов, Сведения..., СМОМПК, вып. XXIX, с. 11.
Н. А. Караулов, Сведения..., СМОМПК, вып. XXXVIII, с. 88.

69 Н. А. Караулов, Сведения..., СМОМПК, 38, с. 88—89.

70 Н. А. Караулов, Сведения..., СМОМПК, XXIX, с. 11; СМОМПК, вып. XXXVIII, с. 89. აღ-მუკადასი კი აღნიშნავს, რომ თბილისის კედლები ქვსაა ისინი შემოფიცრულია (Н. А. Караулов, Сведения... СМОМПК, 1908, вып. XXXVIII, с. 8).

71 აღ-ისტახრი ხუთის მაგერ 3 კარს აშობს (Н. А. Караулов, Сведения... СМОМПК, XXIX, с. 11).

72 შ. მესხია, დ. გვრიტიშვილი და სხვ., თბილისის ისტორია, გვ. 34.

ვანი სამკურნალო წყლების ბაზაზე შეიქმნა და ბევრი მომხმარებელი მუშტარიც ჰყავდა. ყოველ შემთხვევაში, არაბ მწერლებს მათთვის (აბანოებისათვის) „ქვეყნიერების საოცრებანი“ მართო სითბოსათვის არ უნდა ეწოდებინათ.

პოლიტიკურ-ადმინისტრაციულ და სავაჭრო-სახელოსნო ცენტრად გადაქცეულ თბილისში, სადაც სხვადასხვა რელიგიური რწმენის ხალხი ცხოვრობდა, შესაფერისი ადმინისტრაციული, სავაჭრო-საქარავენო და საკულტო. ნაგებობანიც არსებობდა მრავალრიცხოვანი მომსახურე პერსონალით, რომლებიც თავიანთი არსებობით ზელს უწყობდნენ აგრეთვე ქალაქის ზრდას.

ასე რომ, თბილისი დღითიდღე იზრდებოდა და IX—X სს. მიჯნაზე ქალაქი უკვე აერთიანებდა მტკვრის მარჯვენა და მარცხენა სანაპიროს დიდ ტერიტორიას. „თბილისი გადაჰიმულია მდინარე მტკვრის ორივე ნაპირზე და შეერთებულია ხიდიით“⁷³ — აღნიშნავს X ს. არაბი გეოგრაფი ალ-მუჯადასი, რომელმაც თვითონ მოიარა ამიერკავკასია და აღწერა, რაც საკუთარი თვალთ ნახა. თუ ალ-მუჯადასის ეს ცნობა სანდოა, მაშინ ატ-ტაბარის „მადინის“ ვ. მინორსკისეული გაგება სრულიად მისაღებია, „მადინა“ ამ კონკრეტულ შემთხვევაში „ქალაქს“ ნიშნავს და მისი გაიგივება სუდლუბილთან, როგორც საფორტიფიკაციო ნაგებობასთან, შეცდომაა. ამიტომ შეცდომა უნდა იყოს არაბული „მა“-ს (م) ო. ცქიტიშვილისეული გაგებაც. მართალია, ის უარყოფას კი გამოხატავს, მაგრამ არა ყოველთვის. მისი გავრცელებული მნიშვნელობაა აგრეთვე „რა“, „რაც“, „როცა“, „რომელიც“, „მაშინ“ და სხვ. ზოგჯერ კი „მა“ (م) საერთოდ არ ითარგმნება (მაგ. البحر بعد ما عالم „ომისშემდგომი მშვიდობა“). ასე რომ المدينة و هو ما بين المدينة და ქართულად იქნება: „ის ქალაქის შუაა“, ანუ ქალაქს შუაში ჩაუდის. თუ ეს ატ-ტაბარისთან ბუნდოვნადაა თქმული და მისი გაგება ჭირს, ალ-მუჯადასი და ალ-იაკუთი პირდაპირ აღნიშნავენ, რომ „თბილისი არის ქალაქი, რომელსაც შუაზე ჰკვეთს მდინარე მტკვარი“⁷⁴. ამის

⁷³ Н. А. Караулов. Сведения арабских географов..., СМОМПК, XXXVIII, с. 8.

⁷⁴ Н. А. Караулов, Сведения..., СМОМПК, XXXVIII, с. 8;

იაკუთან ეს ასეა: البحر يجرى في وسطها نهر يقال له الكر و هو مدينة... ე. ი. თბილისი „ესა ქალაქი, რომლის შუაში მიედინება მდინარე მტკვარი“ (ე. ს. ი.

შემდეგ საკითხი, მტკვარი ქალაქ თბილისს ჰყოფდა თუ არა, ვფიქრობთ, დავას აღარ უნდა იწვევდეს და ატ-ტაბარის ცნობის სათანადო ადგილის თარგმანი საბოლოოდ ასეთი იქნება: „და ის ქალაქს შუა ჩაუდის. თბილისი⁷⁵ მის დასავლეთ ნაპირზეა, სულდუბილი — აღმოსავლეთ ნაპირზე“⁷⁶. თუ ასეთი თარგმანი რაიმე მიზეზის გამო მიუღებელია და უპირატესობას მაინც ო. ცქიტიშვილისეულ თარგმანს მივანიჭებთ, მაშინ მცირედი კორექტივი უნდა შევიტანოთ „საქართველოს ისტორიის“ სათანადო ადგილას, სადაც საუბარია ბულა თურქის მიერ თბილისის გადაწვაზე⁷⁷. და ვირწმუნოთ, რომ ამ არაბ სარდალს თბილისი კი არა, მარტო სულდუბილი დაუქცევია. მაგრამ რა ვუყოთ მანამდე ქართული წყაროს ჩვენებას იმის შესახებ, რომ ბულა „მოადგა ქალაქს ტფილისსა... შემუსრა (იგი), დაწუა ცეცხლითა და მოაოჯრა“⁷⁸. ესეც ხომ არ შევასწოროთ ან უარყოთ?



თბილისის დაპყრობა-დაქცევისა და ამირა ისპაკის დასჯის შემდეგ, ბულა ქალაქში დიდხანს აღარ გაჩერებულა. აღ-ია'კუბის ჩვენებით, ის წანარებისაგენ წასულა⁷⁹. ქართული წყაროს მიხედვით კი წანარებამდე მას ბრძოლა გაუმართავს აფხაზთა მეფისათვის და გაუმარჯვნია: „თეოდოსი, მეფე აფხაზთა გამოვიდა წინააღმდეგად მისა, და დადგა კუერცხობს. ხოლო ბულა, ვითარცა ცნა, წარავლინა ზირაქ, სპასალარი თვისი და ბაგრატი, ძე აშოტ კურაპალატისა: შეიბნეს და გააქცივნეს აფხაზნი... მეფე წარვიდა მეოტი გზასა დვალეთისა-სა“⁸⁰.

ხ ა რ უ ლ ი ძ ე, იაკუთის ცნობები... ტექსტი, გვ. 43). იბნ ჰაუკალიც ამას გულისხმობს როცა ამბობს: ქალაქი მდინარე მტკვარზეაო“ (СМОНПР, XXXVII, с. 89).

75 ავტორი გულისხმობს საკუთრივ თბილისს, ანუ ძველ თბილისს.

76 ასე ესმის ეს ადგილი თ. გამსახურდიასაც (საქართველოს ისტორიის ნარკვევები, II, თბ., 1973, გვ. 352).

77 ნ. ბერძენიშვილი, ვ. დონდუა, მ. დუმბაძე და სხვ., საქართველოს ისტორია (დამხმარე სახელმძღვანელო), 1, თბ., 1958, გვ. 126; „საქართველოს ისტორიის ნარკვევები“ II, თბ., 1973, გვ. 499.

78 მატიანე ქართლისა, ქართლის ცხოვრება, 1, გვ. 256; შდრ. ატენის სიონის კედლის წარწერა (ივ. ჭავჭავაძის შვილი, ქართველი ერის ისტორია, II, გვ. 98).

79 Я' К у н я, დასახ. თხზულება, ტექსტი, გვ. 14, თარგმანი, გვ. 21.

80 მატიანე ქართლისა, ქართლის ცხოვრება, 1, გვ. 256. „მატიანე ქართლისას“ ავტორი აქ შეედომას უშვებს, რაც თავის დროზე შენიშნა ივ. ჭავჭავაძემ და

როდესაც ზირაქისა და ბაგრატის ძლევამოსილი ლაშქარი შინ ბრუნდებოდა, ჯუარის — გუერდს მას გარდაბანელნი (იგივე წანარნი) გადაუდგნენ და არაბებს დიდად აენეს. დამარცხებული ბულა ქართალს გაიქცა და იქიდან გვიან შემოდგომაზე ოსეთზე ილაშქრა, მაგრამ ზამთარმა მოუსწრო, დიდად დაზარალდა და მიზანს ვერ მიაღწია: „მოვიდა თოვლი.... და მოკუდა ურიცხვ ერი საჩკინოზთა; და ცხენმან მათმან ძოვა იელი, და დაიკოცა ფრიად.. შეიქცა (ბულა) გარე და დონამთრა ბარდავს“⁸¹.

ბარდავში ბულა თურქი გაზაფხულამდე დარჩა. შემდეგ გარდაბანი დალაშქრა და აიკლო. აღ-ია'კუბის თქმით, ის აპატიმრებდა და სჯიდა ყველას, მათ შორის იმასაც, ვისთვისაც ადრე „ამანი“ ჰქონდა ბოძებული⁸². მაგრამ ზოგიერთმა მიმალვა მოასწრო. ისინი დახმარებას სთხოვდნენ ბიზანტიელთა, ხაზართა და სლავიანთა სახელმწიფოებს, რომლებმაც თავი მოუყარეს დიდძალ ლაშქარს და სალაშქროდ მოამზადეს იგი⁸³.

ქართული წყაროს თანახმად, გარდაბანზე თავდასხმის შემდეგ, ბულამ განვლო კარი დარუბანდისა და გამოიყვანა ხაზარნი, სახლი სამასი, და დასხნა იგინი შანქორს. დარიალანით გამოიყვანა ოვსნი ვითარ სახლი ასი, და დასხნა იგინი დმანისს და ენება ზაფხულს შესვლა ოვსეთად. ხოლო ამირ-მუმნმან ვითარ სენა, ვითარმედ ხაზართა, ტომთა მისთა, ზრახავს, მოუვლინა ბულას, რათა დაუტეოს ქართლი მუშედს, ხალილის ძესა. და წარვიდა ბულა“⁸⁴.

გამოთქვა ვარაუდი, რომ ბაგრატ III-ის „მეფეთა დივანი“-ს თანახმად, ამ დროს აფხაზთა სამეფო ტახტზე დემეტრე II უნდა მჯდარიყო და არა თეოდოსი, რომელიც ამ წყაროს მიხედვით დიდი ხნის გარდაცვლილი იყო (ი ვ. ჯ ა ვ ა ხ ი შ ვ ი ლ ი, დასახ. ნაშრომი, გვ. 98). „მატიანე ქართლისას“, სუმბატ დავითის ძის ქრონიკისა და „გრიგოლ ხანძთელის ცხოვრების“ ცნობათა შესწავლის შედეგად ასეთივე დასკვნამდე მიდის ე. ცაგარეიშვილიც. მან დაასაბუთა, რომ 853 წელს ბულას წინააღმდეგ მებრძოლთა შორის ჩანს დემეტრე II, რომელიც აფხაზეთის ტახტს განაგებდა 825-იდან 861 წლამდე (ე. ც ა გ ა რ ე ი შ ვ ი ლ ი, დასახ. ნაშრომი, გვ. 95—96).

81 მათიანე ქართლისა, ქართლის ცხოვრება, 1, გვ. 256.

82 იბნ ალ-ასირთან ეს არის ბულას პირველი ბრძოლა თბილისის აღების შემდეგ და აღნიშნავს, რომ ამ დროს მან შეიპყრო პარზმანის (გარდაბნის) პატრიკიოსი; ბაილაყანში, ქაბიშის ციხესიმაგრეში თავშეფარებული ყაის იუსუფის ძე, სუმბატ აშოტის ძე, სუმბატის შვილიშვილი არ-რანის პატრიკიოსი მუ'ავია (და ისპაე ალ-ხატინის ვაჟი ადარნასე) (ი ბ ნ ა ლ-ა ს ი რ ი, VII, გვ. 26).

83 Я. К у р и и, დასახ. თხზულება, ტექსტი, გვ. 14, თარგმანი, გვ. 21.

84 მათიანე ქართლისა, ქართლის ცხოვრება, 1, გვ. 256.

ალ-იაკუბი ბულა თურქის გადაყენების მიზეზად იმას ასახელებს, რომ მან თავისი შკაცრი მოქმედებით ადგილობრივი მოსახლეობის თავკაცები დააფრთხო და ამით საბოლოოდ საქმე იქამდე მიიყვანა, რომ არაბთმობულე ბიზანტიელები, ხაზარები და სლავები სალაშქროდ მოემზადნენ, რის გამოც სახალიფო სერიოზული საფრთხის წინაშე აღმოჩნდა⁸⁵.

ალ-ბალაზურის თანახმად, ბულა უფროსი ამიერკავკასიიდან 241(855/6) წელს გაიწვიეს⁸⁶. არმინის ვალის თანამდებობაზე მან ხალიფა მუთავაქილის ბრძანებით მუჰამმად იბნ ხალიდ იბნ მათიად აშ-შაიბანი⁸⁷ დატოვა. ახალი გამგებელი შედარებით ღმობიერი ფამოდგაყველას პატიების პირობა დაუდო და აჯანყებულნიც უმაღლ დაწყნარდნენ⁸⁸.

ყოველივე ეს იმაზე მიგვანიშნებს, რომ ბულამ თავისი მისია ვერ შეასრულა. არმინის გამდგარი ოლქების, მათ შორის აღმოსავლეთ საქართველოს დამორჩილება და იქ სახალიფოს ხელისუფლების აღდგენა მთლიანად ვერ მოახერხა. თბილისში მოპოვებული წარმატება ისეთი მნიშვნელობისა არ იყო, რომ რაიმე სერიოზული გავლენა მოეხდინა მიმდინარე პროცესებზე. პირიქით, თბილისის საამირო, რომელიც IX ს-ში ფაქტობრივად ადგილობრივ ფეოდალურ სამთავროს წარმოადგენდა, თვითონ მოექცა ამ პროცესების ორბიტაში და იგი „ისეთსავე როლს ასრულებდა ქვეყნის პოლიტიკურ თუ ეკონომიკურ ცხოვრებაში, როგორც ამ ხანებში წარმოქმნილი სხვა პოლიტიკური ერთეულები“⁸⁹. საამიროს მაშინდელი მდგომარეობის შესახებ მასუდი აღნიშნავს, რომ ბულა თურქის ლაშქრობის შემდეგ „თბილისის მუსლიმები მოკლებული არიან ყოველგვარ პატივისცემას, მეზობელი სახელმწიფოები მათ აღარ ემორჩილებიან, მათ თბილისის მრავალი სოფელი ჩამოსცილდა და ურთიერთობა თბილისსა და ისლამის მიწებს შორის თბილისზე ყოველი მხრიდან გარშემორტყმული ურწმუნო ტომების ხელში გადავიდა... მოსახლეობა საშიში შეზობლების გარემოცვაში მოექცა“⁹⁰. თუ ამირას ადგილსამყოფელ ქალაქში ასეთი მდგომარეობა იყო, საამიროში, რომლის ტერიტორია საკუთრივ

85 Я. К у н и, დასახ. თხზულება, ტექსტი, გვ. 14, თარგმანი, გვ. 21.

86 Б а л а з о р и, დასახ. თხზულება, ტექსტი გვ. 16, თარგმანი, გვ. 22.

87 ქართული წყაროს „მუმედ ხალილს ძე“.

88 Я. К у н и, დასახ. თხზულება, ტექსტი, გვ. 14, თარგმანი, გვ. 21.

89 საქართველოს ისტორიის ნარკვევები, II, გვ. 350.

90 С.М.ОМПК, XXXVIII, 1908, с. 56—57.

თბილისითა და ქვემო ქართლით შემოიფარგლებოდა, ცხადია, უკეთესი ვერ იქნებოდა. ეს კი იმას ნიშნავდა, რომ ამიერიდან თბილისის საამირო ებმება იმ ხანგრძლივ ბრძოლაში, რომელიც „ფეოდალური საქართველოს გაერთიანებისათვის წარმოებს“⁹¹, თბილისის საამირო ამ ბრძოლაში თავს იცავს. ბაღდადის სახალიფოს, რომელიც მუთავაქილის შემდეგ თანდათან დაშლის გზას დაადგა, მისთვის საჭირო დახმარების გაწევა აღარ შეეძლო. ასეთ ვითარებაში ამირას ხელისუფლებას დამხობა და საამიროს შესვლა საქართველოს შემადგენლობაში გარდუვალი იყო⁹², მაგრამ როდის მოხდებოდა ეს? ყველაფერი დამოკიდებული იქნებოდა იმაზე თუ როგორ განვითარდებოდა მოვლენები შემდგომში.

3. არაბოების დასასრულის დასაწყისი

არაბთა მიერ დაპყრობილი ქვეყნების მოსახლეობის ეროვნული დამოუკიდებლობისათვის ბრძოლა და ადგილობრივ ამირათა სეპარატისტული მოძრაობა ერთმანეთის პარალელურად რომ მიმდინარეობდა, მარტო „არმინიაში“ (საქართველო-სომხეთ-ალბანეთში) არ ხდებოდა. ჰარუნ არ-რასიდის (786—809) დროიდან მოყოლებული ეს ტენდენცია საერთო „სენად“ დასჩემდა მთელ სახალიფოს. მის დასაველეთ ნაწილში ერთმანეთის მიყოლებით იქმნებიან ისეთი დამოუკიდებელი პოლიტიკური ერთეულები როგორიცაა. მაგალითად. თულუნნიანთა (788) და ალლაბიანთა (800) სახელმწიფოები, კორდოვის სახალიფო (929—1031), ფატიმელთა სახალიფო ეგვიპტეში (910—117); აღმოსავლეთ ნაწილში — სამანიანთა სამეფო (819—1005) შუა აზიაში, თაქერიანთა (821) — ხორასანში, საფარიანთა (867) — სისტანში და სხვ.

სეპარატისტულ მოძრაობას კიდევ უფრო მძლავრ ბიძგს აძლევდა სახალხო აჯანყებანი, რომელთა შორის გამორჩეული ადგილი უქი-

91 მ. ლორთქიფანიძე, არაბთა მფლობელობის ხასიათი საქართველოში, მასალები საქ. და კავკ. ისტორიისათვის, ნაკვ. 35, თბ., 1963, გვ. 93.

92 ააკუთის ცნობით. მუთავაქილის (827—861) შემდეგ ქართველებს შეუწყვეტია ხარაჯის მიცემა ამირასათვის (ე. სიხარულიძე, დასახ. ნაშრომი, გვ. 42). ამასვე იუწყება ალ-მას'უდი (ალ-მას'უდი, დასახ. თხზულება, ბეირუთი, 1978, ტ. 1, გვ. 226; ბარბიე დე მენარის გამოცემა, ტ. II, გვ. 65; С.М.ОМПК, XXXVIII, с. 56; В. Минорский, История Ширвана и Дербенда X—XI веков. с. 210).

რავთ აზერბაიჯანის გლენტა აჯანყებას ბაბეკის (ჰასანის) ხელმძღვანელობით 816—837 წლებში. 839 წლის აჯანყებას ტაბარისტანში, ზინჯების აჯანყებას ერაყში 869—883 წლებში და შემდეგ ჯარმატების მოძრაობას, რომელმაც IX ს. დასასრულს მოიცვა სახალიფოს დიდი ტერიტორია: ბაჰრეინი, ერაყი, სირია, იემენი და ეგვიპტე.

ასეთ ვითარებაში, როცა ცენტრალური ხელისუფლების სისუსტის გამო სახალიფო საყოველთაო აშლილობით იყო მოცული და სახელმწიფოს მისი დამთრგუნველი ძალა აღარ გააჩნდა, აბასელმა ხალიფებმა თავიანთი მდგომარეობის შენარჩუნების მიზნით, მორჩილებიდან გამოსული პროვინციების იჯარით გაცემის წესს მიმართეს. რომელიმე ურჩ პროვინციას თუ ქვეყანას გადასცემდნენ მეორე ადმინისტრაციული ერთეულის გამგებელს იმ პირობით, რომ ეს უკანასკნელი სახელმწიფო ხაზინას გადაუხდიდა დაგირავებულის სავალდებულო გადასახადს. რა თქმა უნდა, ეს არ იყო სახელმწიფოს საერთო მდგომარეობის რადიკალური გაუმჯობესების საშუალება, მაგრამ მაინც ჰქვიანურ ღონისძიებას წარმოადგენდა, მთავარი სიკეთე, რაც შექმნილ ვითარებაში ამ სიახლეს სახალიფოსათვის შეეძლო მოეტანა იმაში მდგომარეობდა, რომ, ჯერ ერთი, არ უარესდებოდა მისი ფინანსური მდგომარეობა. მეორე, იმისათვის, რომ მიერთებულზე თავისი ძალაუფლება გაეგრძელებია იმას, ვისაც გადაეცა, იგი უნდა დაემორჩილებია. ეს კი დასუსტებულ ცენტრალურ ხელისუფლებას სახელმწიფოს ტერიტორიული მთლიანობის შენარჩუნების ერთგვარ გარანტიას აძლევდა. მესამე, რაკი შემერთებელს თავისი ხელისუფლება შეერთებულზე ძალით უნდა დაემყარებინა, ეს თავისთავად გულისხმობდა ცალკეულ პროვინციებს (ვილაიეთებს) შორის ომებს, რაც გამოიწვევდა მეომარ მხარეთა დასუსტებას, მათი ცენტრიდანული სწრაფვის მნიშვნელოვნად შენელებას და ამის გამო სახალიფოს პოლიტიკური მდგომარეობის ერთგვარ სტაბილურობას. ამიტომ, რაკი „არმინიაში“ არაბთსაწინააღმდეგო მოძრაობამ ისეთი ხასიათი მიიღო, რომ მისი დათრგუნვა ვერც ბულა თურქისა და ვერც სხვათა ლაშქრობებმა ვერ შეძლო, ხალიფამ ის აზერბაიჯანს შეუერთა და ამ გაერთიანებული ადმინისტრაციული ერთეულის მმართველობა 898(285) წელს მუჰამმად იბნ აბუ საჯინ უბოძა⁹³ იმ პირობით, რომ ბოლოს მოუღებდა მღელვარებას და სახელმწიფო ხაზინაში ყოველწლიურად შეიტანდა დადგენილ თანხას.

⁹³ ა ტ-ტ ა ბ ა რ ი, III, გვ. 2185; ი ბ ნ ა ლ-ა ს ი რ ი, დასახ. თხზულება, V, გვ. 194.

ამ თანამდებობაზე ყოფნისას მუჰამმად იბნ აბუ საჯიმ, რომელიც „აფშინის“⁹⁴ ტიტულს ატარებდა, „არმინის“ საკითხის მოგვარებას დიდი დრო, შოანდომა. მას ხანგრძლივი ბრძოლა ჰქონდა სომეხთა ბაგრატიუნ მეფე სმბატ I-თან (890—914), რომელიც უკვე სომხურ თემებს მთლიანად დაუფლებოდა და პროვინციის ჩრდილოეთ ნაწილის დაპყრობასაც ცდილობდა.

894 წელს მან დალაშქრა სმბატ I-ის სამფლობელო, ორი წლის შემდეგ დაამარცხა იგი. შეიპყრო მისი მეუღლე, მთელი საგვარეულო, დაიკავა. სომხეთი და იქიდან საქართველოს ეწვია.

წყაროთა მონაცემები ცხადყოფენ, რომ ალ-აფშინ მუჰამმად იბნ აბუ ს-საჯის ლაშქარს დაურბევია თბილისი, აგრეთვე საქართველოს სხვა ქალაქები და კვლავ სომხეთისაკენ წასულა იქ დაწყებული მღელვარების ჩასაქრობად, მაგრამ სომხების დასჯა ველარ-მოუსწრია, შავი ქორით შეპყრობილი ალ-აფშინი 901 წელს გზაში გარდაცვლილა,

მისი გარდაცვალების შემდეგ აზერბაიჯანში დაიწყო ბრძოლა მუჰამმად იბნ აბუ ს-საჯის ვაჟს დივდადსა და ბიძამის იუსუფ იბნ აბუ ს-საჯის შორის იმის თაობაზე, თუ ვინ უნდა ყოფილიყო ალ-აფშინის შემცვლელი. 901 წლის ზაფხულში დივდადი დამარცხდა და ხალიფა ალ-მუთადიდმა (892—902) იუსუფი თავის მოადგილედ დაამტკიცა არმინია-აზერბაიჯანში.

ერთი წლის შემდეგ ხალიფა ალ-მუთადიდი გარდაიცვალა და სახალიფოს ტახტი ალ-მუქტადიმ (902—908) დაიკავა. ამ ცვლილებით

⁹⁴ ატ-ტაბარის, ხურდაზბიძის. იბნ რუსთეს, ალ-ისტაჰრის, ალ-მასუდისა და სხვათა ცნობით, აფშანი იყო უსრუშანის ოლქის უფროსის უძველესი ტიტული. 822 წელს, როცა ეს ოლქი არაბებმა საბოლოოდ შეიერთეს, მის გამგებელს ჰაიდარს ხალიფამ თავისი ტიტული დაუტოვა და სამართავად აზერბაიჯან-არმინია უბოძა (В. В. Бартольд, Туркестан в эпоху монгольского нашествия, ч. 2, 1900, с. 216—217; В. И. Абаев. Среднеазиатский политический термин «Афшини». Вестник Древней истории, 1959, № 2, с. 112—113; Н. Негматов. Усрушан в борьбе с арабским нашествием. «Изв. Отдел. общественных наук Таджикской А. Н. 5(1954), გვ. 117—125; W. Barthold—N. A. R. Gibb, The encyclopaedia of Islam. London. 1960).

⁹⁵ ატ-ტაბარი, III, გვ. 2202—2203; იბნ ალ-ასირი, VII, გვ. 201;

ابن تهرى بردى، النجوم الزاهرة فى ملوك مصر والقاهرة، ج—٢، ص—١٢٩
(შემდეგ: იბნ თალრიბირდი); كتاب العبر و ديوان عبد الرحمن ابن خلدون،
المبتداء فى الخبر فى أيام العرب و العجم و البربر، ج—٣، ص—٣٦٩
(შემდეგ: იბნ ხალდუნის).

ნარკვებლა იუსუფ იბნ აბუ ს-საჯიმ და ახალ მბრძანებელს მორჩილებაზე უარი განუცხადა. ხალიფა იძულებული გახდა შეეცვალა დამოკიდებულება როგორც იუსუფ იბნ აბუ ს-საჯის, ისე სომხეთის მეფე სმბატისადმი. იუსუფი თანამდებობიდან გადააყენა, ხოლო სმბატს აცნობა სალაშქროდ მომზადებულიყო და იუსუფი დაესაჯა.

სომეხთა მეფე ლაშქრის შეგროვებას შეუდგა. არც იუსუფი მდგარა უქმად. მან თავის მხარეზე გადაიბირა სმბატის უკმაყოფილო ძალები: ქართლის მეფე ადარნასე (881—923), ვასპურაკანის გამგებელი გაგიკ არწრუნის, შაჰუხ ბაგრატუნის და მათი დახმარებით 907(295) წელს დაამარცხა სმბატი⁹⁶. ამასობაში სახალიფოს ტახტზე კვლავ მოხდა ცვლილება. ხალიფა მუქტაფი შეეცვალა მუქთადირ ბილლაჰმა, რომელიც დარწმუნებული იმაში, რომ იუსუფის დამარცხება-დამორჩილებას ძალით ვერ შეძლებდა, შეურიგდა შექმნილ ვითარებას და საქმის მოწესრიგებას მშვიდობიანი გზით შეუდგა. მან ამბოხ ამირას აცნობა, რომ დაკავებულ თანამდებობაზე დაამტკიცებდა, თუ ყოველწლიურად სახელმწიფო ხაზინას 120 ათას დინარს გადაუხდოდა. იუსუფ იბნ აბუ ს-საჯიმ მიიღო შეთავაზებული წინადადება და ხალიფამაც თავისი სიტყვა შეასრულა. 908(296) წელს მას მარალა-აზერბაიჯან-არმინიის გამგებლად დამტკიცების ბრძანება გაუგზავნა⁹⁷.

როდესაც მუქთადირ ბილლაჰის ამ გადაწყვეტილების შესახებ სმბატ I-მა შეიტყო, პროტესტის ნიშნად ხალიფას თავისი წარმომადგენელი აახლა და აცნობა, თუ იუსუფს არმინიას ჩამოართმევ, მუდამ თქვენი ერთგული ვიქნებით. მაგრამ სანამ სომხეთის მფლობელი ბაღდადიდან რაიმე პასუხს მიიღებდა, მის წინააღმდეგ ბარდავიდან წამოსულმა იუსუფმა დალაშქრა თბილისი, ტაშირი, შირაქი და დეინს გარს შემოადგა.

რაკი სმბატმა თავის თხოვნაზე ხალიფას რეაგირების შესახებ ჯერ არაფერი იცოდა, იუსუფთან საქმის გართულებას დაზავება ამჯობინა და 908 წელს მიზანს მიაღწია; იუსუფ იბნ აბუ ს-საჯი თავისი ლაშქრით მარალს დაბრუნდა, თუმცა დროებით.

ზავის თანახმად, სმბატს იუსუფისათვის ყოველწლიურად უნდა მიეცა 60 ათასი დინარი. ამან გამოიწვია გადასახადების გადიდება

⁹⁶ К. Н. Ю з н а ш я н, დასახ. ნაშრომი. გვ. 107; შდრ. ივ. ჟ ა ე ა ხ ი შ ვ ი ლ ი, ქართველი ერის ისტორია, II, 1965, გვ. 104.

⁹⁷ ატ-ტაბარი, III, გვ. 2280—2284; ი ბ ნ ა ლ - ა ს ი რ ი, VIII, გვ. 21; ი ბ ნ - თ ი ლ რ ი ბ ი რ დ ი, დასახ. თხზულება, გვ. 171.

ხუთჯერ, მოსახლეობის უკმაყოფილება და ბოლოს საყოველთაო მღელვარება. ამასობაში ცნობილი გახდა ისიც, რომ სმბატ I-ს თხოვნაზე ხალიფამ უპირატესად უპასუხა და ყოველივე ამის გამო იუსუფ იბნ აბუ ს-საჯის საბაბი მიეცა განეახლებინა თავდასხმა არმინიაზე. 909 წელს ის დიდი ლაშქრით შეიჭრა სომხეთში, დაარბია შირაქის მხარე, დვინი და იქიდან საქართველოსაკენ გაემართა. საქართველოში მოარბია თბილისი, მთელი ქართლი, კახეთი, სამცხე და ჭავჭავეთი, სამცხეში დიდი ბრძოლა გაიმართა ყველის ციხესთან. მიუხედავად ქართველების მედგარი წინააღმდეგობისა ერთთვიანი ალყის შემდეგ იუსუფმა მაინც შეძლო ციხესიმაგრის აღება და იმათი მთელი სისასტყით დასჯა, ვინც ციხეში იმყოფებოდა.

ეს დამსჯელი ექსპედიცია ქართულ საისტორიო მწერლობაში აბუ ლ-კასიმის ლაშქრობის სახელითაა ცნობილი. „მატიანე ქართლისას“ ავტორი ვრცლად აღწერს საჯი ამირის თავდასხმას და აღასტურებს არაბ მწერალთა ნაამბობს იმის შესახებ, რომ სომხეთის დალაშქრის შემდეგ იგი ნამდვილად სწვევია თბილისს, რომელსაც მაშინ ჯაფარ ალის ძე მართავდა. ერთმანეთზე მიყოლებით დაუფლებია უჯარმას, ბოკორმას, ქართლს, სამცხე-ჭავჭავეთს და შეუპოვრობისათვის უწამებია ყველის ციხის მცველი ქართველები ქაბუკი გობრონის მეთაურობით⁹⁸. ქართველი მემკვიდრე არაფერს იუწყება აბუ ლ-კასიმის (იუსუფის) ლაშქრობის მიზნებსა და მიზანზე საქართველოში, რამაც შეიძლება დაგვაეჭვოს კიდევ არაბ ავტორთა მონათხრობის სისწორეში იმის შესახებ, რომ იუსუფ იბნ აბუ ს-საჯი „არმინიაში“ სომხეთ-საქართველოს მეფე-მთავართა საყოველთაო ურჩობამ მოიყვანაო. მაგრამ თვით ის ფაქტი, რომ ხალიფას ნაცვალმა დალაშქრა ქართლი, კახეთი, სამცხე-ჭავჭავეთი, მოსპო ხალხი და დააქცია ციხეები, რასაც საგანგებოდ აღნიშნავს ქართველი ანონიმი ავტორი, მხოლოდ იმის დადასტურებაა, რაზეც უცხოელი ისტორიკოსები წერენ, სხვაანაირად ეს ლაშქრობა არც შედგებოდა.

ყოველი თავდასხმა საქართველოსათვის დიდი უბედურება იყო და, რა თქმა უნდა, ამ მხრივ გამონაკლისს არც იუსუფ იბნ აბუ ს-საჯის ლაშქრობები წარმოადგენდა. მათ სერიოზული ზარალი მიაყენეს ქართლ-კახეთსა და სამცხე-ჭავჭავეთს. მოისპო მოსახლეობა, დაინგრა

98 მათიანე ქართლისა (ქართლის ცხოვრება, I, გვ. 262—264); ა. აბდლაძე, ამიერკავკასიის პოლიტიკურ ერთეულთა ურთიერთობა IX—XI საუკუნეებში, თბ., 1988, გვ. 48, 62.

ციხე-ქალაქები, განადგურდა სოფლის მეურნეობა, შეფერხდა ქვეყნის პოლიტიკური ცხოვრებაც, მაგრამ აღნიშნულმა საომარმა აქციებმა საბოლოო მიზანს მაინც ვერ მიაღწიეს. მათ ვერც ქვეყნის მოსპობა მოახერხეს და ვერც იმ ეროვნული მოძრაობის შეჩერება. დამოუკიდებლობისა და საქართველოს კონსოლიდაციის ნიშნით რომ მიმდინარეობდა. არაბობა თავის დასასრულს უახლოვდებოდა, ხოლო არაბთა ბატონობის ქვეშ მყოფი ქვეყნები, მათ შორის საქართველო, სახალიფოს დასუსტების შესაბამისად სულ უფრო ძლიერდებოდა და ტოკლარჯეთისა და ეგრის-აფხაზეთის პოლიტიკურ მესვეურთა თაოსნობით ერთიან სახელმწიფოდ ჩამოყალიბებას ცდილობდა. მართალია, ამ იდეას ბევრი მოწინააღმდეგე ჰყავდა თვით საქართველოში, მაგრამ განვითარება მაინც თავისი გზით მიდიოდა და მისი შეჩერება აღარავის შეეძლო.

დამატება I

პოლიტიკური მდგომარეობა საქართველოში არაგოვის დასასრულიდან სელჩუკობამდე

1. ურთიერთობა ბიზანტიასთან დავით III კურაპალატის დროს

თუ აქამდე ძირითადად მაინც აღმოსავლეთ საქართველოს შესახებ ვმსჯელობდით, არაბულ წყაროთა შემდეგ ცნობებს დასავლეთ, უფრო კი სამხრეთ-დასავლეთ საქართველოში გადავყავართ. ეს ცნობები ქართულ-სომხურ-ბერძნულ წყაროთა სათანადო მონაცემებთან ერთად გვეხმარებიან უკეთ გავერკვეთ იმ საკმაროდ რთულ პოლიტიკურ სიტუაციაში, რომელიც არაბთა ერთიანი სახელმწიფოს დაშლის შემს შეიქმნა და შემდეგაც დიდხანს ვაგრძელებდა. ამ ვითარებას ძირითადი მახასიათებელი იყო ბრძოლა დამოუკიდებლობა-პირველობისათვის, რისთვისაც ერთნაირი მონდომებით იღვწოდნენ ბიზანტია, სახალიფოს დასუსტების შედეგად წარმოქმნილი ცალკეული მუსლიმური პოლიტიკური გაერთიანებები, საქართველოსა და სომხეთის სამეფო-სამთავროები.

სარგებლობდა რა სახალიფოს საერთო კრიზისით, ბიზანტია ცდილობდა ხელიდან არ გაეშვა ხელსაყრელი მომენტი და მცირე აზიაში თავისი ოდინდელი დიდების აღსადგენად ჯვაროსნულ ომს უცხადებდა მაჰმადიანურ სასულთნო-საამიროებს, რომელთა წინააღმდეგ ბრძოლაში მთავარ იმედს ერთმორწმუნე საქართველოსა და სომხეთის სამეფო-სამთავროებზე ამყარებდა.

ქართველი და სომეხი მეფე-მთავრები კი უარს არ ამბობდნენ ანტიმუსლიმურ აქციებში მონაწილეობაზე, მაგრამ ამას აკეთებდნენ არა ბიზანტიის გასაძლიერებლად, არამედ ამ უკანასკნელის მოკავშირეობით თავიანთი მდგომარეობის გასაუმჯობესებლად, სრული სახელმწიფოებრივი დამოუკიდებლობის მისაღწევად. რაც შეეხება სახალიფოს და მის წიაღში წარმოქმნილ ცალკეულ მუსლიმურ პოლიტიკურ ერთეულებს, სასულთნო-საამიროებს, ისინი ყველაფერს დო-

წობდნენ იმისათვის, რომ თუ მეტი არა, „სტატუს ქვო“ მაინც შე-
ენარჩუნებინათ.

თავიანთი ზრახვების ხორცშესხმა ბიზანტიელებმა თეოდოსიო-
პოლზე იერიშით დაიწყეს. 895 წელს ალყაში მოაქციეს კარი (ყარსი),
არაბებს მიუვალ ციხესიმაგრედ რომ გაეხადათ. 901—902 წლებში
მიუხედავად არაბთა მედგარი წინააღმდეგობისა ბიზანტიის ლაშქარმა
მაინც მოახერხა გარკვეული წარმატებებს მიღწევა: დაიკავა ბასინი,
927 წელს დომესტიკოსმა იოვანე კურკუასმა განიზრახა დვინზე ლაშქ-
რობა, 934 წელს ბიზანტიელთა ხელში აღმოჩნდა მალატია და თეო-
დოსიოპოლი. 943—944 წლებში — ნისიბინი და ედესა. უფრო ადრე,
დაახლოებით 928—931 წლებში იმპერატორის ჯარები მოსვენებას არ
აძლევდნენ კაისიტებს ხლათში, ბალიშსა და ბერკრში.

ბიზანტიელთა მიერ თეოდოსიოპოლ-ბასიანის ანექსირების ერთ-
ერთი მიზანი მეზობელ ტაო-კლარჯეთში თავიანთი პოზიციების განმ-
ტკიცება იყო. ეს ქვეყანა მშინ ქართველ ბაგრატიონთა სამფლობე-
ლოს წარმოადგენდა და სამთავროებად იყოფოდა. სამთავროთა გამ-
გებლების შემეტესობა ბიზანტიის იმპერიის პოლიტიკურ ორბიტაში
იყო მოქცეული და თითოეული მათგანი იმპერატორის ზრუნვის ობი-
ექტს წარმოადგენდა, მისგან იღებდა პატრიკიოსის, მაგისტროსის,
კურაპალატისა თუ სხვა საპატიო-სამონღელიო ტიტულებს.

მათდამი ასეთი ზრუნვა და პატივი, რა თქმა უნდა, შემთხვევითი
არ ყოფილა. ჯერ ერთი, ისინი ამას თავიანთი საქმიანობით, ძირითა-
დად ბრძოლაში აქტიური მოქმედებით იმსახურებდნენ და, მეორე,
იმპერიის პოლიტიკურნი მესვეურნი შათ რომ ასე ექცეოდნენ და იმა-
დლიერებდნენ, ამით თავიანთ პოზიციას იმაგრებდნენ ტაო-კლარჯეთ-
ში, იმ ქვეყანაში, რომელიც მათ სამოქმედო გეგმაში წარმოადგენდა
ფორპოსტს ივერიაში (ქართლში), აფხაზეთსა და მესხეთში შესაღ-
წევად.

პირველი ნაბიჯი ამ გეგმის განსახორციელებლად აშოტ კისკასის
ღროს გადაიდგა. მისი აშკარა ხელშეწყობით, ბიზანტიამ არტანუჯი
დაიკავა, მაგრამ მეტის გაკეთება ვეღარ შეძლო. ქართველთა მეფის
დავით აღარნასეს ძე II-ისა (გარდაიცვალა 937 წ.) და მისი ძმის გურ-
გენ IV-ის (გარდაიცვალა 941 წ.) მუქარამ, რომ, თუ ბიზანტია უარს
არ იტყოდა განზრახვაზე და არტანუჯს არ დატოვებდა, ისინი არაბ
ამირებს უმხრობენ და მათთან ერთად იმპერიის წინააღმდეგ აღსდ-
გებოდნენ, იმპერატორი კონსტანტინე აიძულა უკან დაეხია. წარუმა-
ტებელი გამოდგა ტაოში შეღწევის ცდაც. უფრო მეტიც, ქართველი

ხელისუფალნი დაჟინებით მოითხოვდნენ იმასაც, რომ ბიზანტიელებს ზანაინიც დაეტოვებინათ. მათი ასეთი კატეგორიული მოთხოვნა ემყარებოდა იმპერატორების რომანოზ I-ისა (920—944) და კონსტანტინე VII პორფიროგენეტის (913—945) „ხრისოვულებს“ (სიგელებს), რომლებშიც ფიქსირებული იყო, რომ 1. ბიზანტია ხელს არ ახლებდა ქართველთა სამფლობელოს და 2. ქართველებს შეუძლიათ დაიკავონ ზანაინის მხარე თვითონ ან ბიზანტიელებთან ერთად¹.

მართალია, ქართველ ბაგრატიონთა წინააღმდეგობამ გარკვეული შედეგი გამოიღო, X ს. შუა ხანებში ტაო-კლარჯეთი შენარჩუნებული იქნა და საზღვარი არაქსზე გადიოდა², მაგრამ ბიზანტია თავისას მაინც არ იშლიდა, თვალი ქართველთა სათვისტომოსაყენ ეჭირა. მის მორიგ ცდას ტაოს ხელში ჩასაგდებად ადგილი ჰქონდა 980-იან წლებში, იმპერატორ ბასილ II-ის (976—1025) დროს, როცა ტაოს დავით III კურაპალატი მართავდა.

დავით აღარნასეს ძე ხელისუფლებას სათავეში მოექცა თავისი ძმის ბაგრატის გარდაცვალების (966) შემდეგ. მის სახელოს წარმოადგენდა ზემო, ანუ იმიერ ტაო, ჭავჭავთი, კოლა-არტანი, შავშეთი და ბასიანი. მოღვაწეობა დაიწყო მაგისტროსის ტიტულით და დაასრულა კურაპალატის პატივით. მის კარიერაზე და სამფლობელოს შემდგომ ბედზე მკვეთრი გავლენა იქონია იმ პოლიტიკურმა ცვლილებებმა, რომლებიც ბასილ II ბულგართშემმუსვრელის ზეობისას მოხდა ბიზანტიაში.

ცნობილია, რომ X ს. უკანასკნელ მეოთხედში ბასილ II-ის ხელისუფლებას სერიოზული საფრთხე შეექმნა. მცირე აზიის მეტისმეტად აღზევებულმა სამხედრო-ფეოდალურმა არისტოკრატებმა ახალგაზრდა იმპერატორს ზურგი შეაქცია და ბარდა სკლიაროსის მეთაურობით აჯანყება წამოიწყო.

ყედრენეს ცნობით, სკლიაროსი იოანე ციმისხის (969—976) დროს ხალიდიის დეუკა იყო³, მაგრამ, როგორც იაპია ანტიოქიელი და

¹ К. Н. Юзбашян, *დასახ. ნაშრომი*, გვ. 133. უფრო ვრცლად იხ. Constantine Porphyrogenitus. De administrando Imperio, English translation by R. J. H. Jenkins, 1967, Vol. I. გვ. 105—127.

² К. Н. Юзбашян, *დასახ. ნაშრომი*, გვ. 134.

³ Н. С. Кабаланович, *Византийское государство и церковь в XI веке*, 1884, с. 204.

იბნ ალ-ასირი იუწყებთან, ბასილ II-ს იგი დაუქვეითებია და სწორედ ეს გამხდარა მისი ამბოხების მიზეზი⁴. აჯანყება 976 წელს დაიწყო და ისეთი წარმატებით ვითარდებოდა, რომ ორი წლის შემდეგ მცირე აზიის უდიდესი ნაწილი აჯანყებულთა ხელთ იყო.

სკლიაროს შეუერთდნენ და აქტიურად ეხმარებოდნენ გრიგოლ და ბაგრატ ტარონიტები, ანტიოქიის დუკა მიხეილ ვურცი და ამიდ-მარტიროპოლის მუსლიმი ამირები. ასეთ ვითარებაში იმპერატორი იძულებული გახდა გადასახლებიდან გამოეთხოვა სკლიაროსის ძველი მეტოქე ბარდა ფოკა⁵ და იგი აჯანყების დასათარგუნავად გაიგზავნა, მაგრამ არც ამ ღონისძიებას მოჰყოლია სასურველი შედეგი. 978 წლის 19 ივნისის პანკალიის ბრძოლაში იმპერიის ჯარები კვლავ დამარცხდნენ და უკუიქცნენ. ამან ბასილ II-ის მდგომარეობა იმდენად უიმედო გახადა, რომ მასთან ურთიერთობა თითქმის აღარავის უნდოდა. მაგრამ, ღიუხედავად ამისა, მაინც აღმოჩნდნენ ისეთებიც, რომლებმაც მას ამ განსაცდელის ეპს დახმარების ხელი გაუწოდეს და ამით მოვლენების შემდგომ განვითარებას სულ სხვა მიმართულება მისცეს. გამონაკლისთა ამ მცირე ჯგუფში განსაკუთრებული ადგილი ეკავა ტაო-კლარჯეთის ქართველ ბაგრატიონთა სამეფო საგვარეულოს წარმომადგენელს დავით III-ს, რომელმაც თავი მოუყარა 12000 კაცს და იოანე თორნიკესა და ჯოჯიკ ერისთავთერისთავის მეთაურობით იმპერატორს მიაშველა მისივე მოწინებებითი თხოვნით⁶.

უხადია, ტაო-კლარჯეთის გამგებლის ასეთი გაბედული ნაბიჯის გადადგმა ბასილ II-ის ხათრითა და ბიზანტიის გაძლიერების სურვილით არ იყო დაკარნახევი. როგორც ცნობილია, ამბოხებული სკლიაროსი აშკარა საფრთხეს უქმნიდა არა მარტო იმპერიას, არამედ

4 Император Василий Болгаробойца (Извлечения из летописи Яхъи Антиохийского. Издал, перевел и объяснил барон В. Р. Розен), СПб., 1883 гв. 1, 80, შენიშვნა 12 (შემდეგ; В. Р. Розен); ვ. კ. კ. ა. ნ. საქართველოსა და ბიზანტიის პოლიტიკური ურთიერთობა 971—972 წლებში, თბ., 1969, გვ. 29.

5 971—972 წლებში ფოკა იმპერატორ იოანე ციმისხის ტახტიდან ჩამოგდებამს უპირებდა, მაგრამ მაშინ ის ბარდა სკლიაროსმა დაამარცხა, ხოლო იოანემ ბერად აღკვეცა და კუნძულ ქიოსზე გადაასახლა.

6 ძველი ქართული აგიოგრაფიული ლიტერატურის ძეგლები (IX—XV), თბ., 1967, წიგნი II, გვ. 48; ე. ც. ა. გ. ი. ვ. ი. ლ. ი., სომხური წყაროები საქართველობიზანტიის ურთიერთობის შესახებ X—XI საუკუნეებში („მრავალთავი“, თბ., 1973, II, გვ. 171); К. Н. Ю з б а ш я н, დასახ. ნაშრომი, გვ. 135.

„ქართველთა სამეფოსაც“⁷. ამიტომ დავითი გულგრილი ვერ იქნებოდა იმპერატორის თხოვნისადმი. ბასილ II მას ამ კონკრეტულ შემთხვევაში თვითონ სჭირდებოდა მოკავშირე საშიში ბარდა სკლიაროსის დასამარცხებლად და თავისი სამფლობელოს შესანარჩუნებლად. გარდა ამისა, როცა ის იმპერატორს ჯარს უგზავნიდა და ამით მის თხოვნას აკმაყოფილებდა იმასაც ითვალისწინებდა, რომ გამარჯვების შემთხვევაში მადლობის ნიშნად რაღაც კომპენსაციას მიიღებდა. ასე რომ, შექმნილ სიტუაციაში დავითის მიერ გადადგმული ნაბიჯი, სამეფო ხელისუფლებისადმი სამხედრო დახმარებას რომ ითვალისწინებდა, სრულიად გამართლებული იყო. სხვაგვარი გადაწყვეტილება საკუთარი ინტერესებისადმი ღალატის ტოლფასი მოქმედება იქნებოდა.

979 წელს ბასილ II-ის ჯარებმა, რომელსაც ბარდა ფოკა სარდლობდა, ზედიზედ დაამარცხეს აჯანყებულნი და გაათავისუფლეს მათ მიერ დაკავებული მთელი ტერიტორია. როგორც წყაროთა მონაცემები მოწმობენ, ამ გამარჯვებაში თავი უსახელებია დავითის ჯარს თორნიკესა და ჯოჯიკის სარდლობით. სტეფანოს ტარონაცს თუ დავუჯერებთ, მათ ტაოდან დაწყებული დაუნგრევიათ და აუოხრებიათ ბიზანტიელთა მთელი ქვეყანა, სკლიაროსის ხელთ რომ იყო⁸. დამარცხებული სკლიაროსი ბაღდადს გაიქცა და დიდხანს თავს მუსლიმურ სამყაროში აფარებდა.

აჯანყების ჩაქრობით ბასილ II-მაც და დავით III ტაოელმაც მიზანს მიაღწიეს. ბასილმა იმპერია და ტახტი შეინარჩუნა, დავითმა კი თავისი სამფლობელო იხსნა გარედან ხელყოფის საშიშროებისაგან და ამასთანავე იმპერატორისაგან მიიღო „ზემონი ქვეყანანი საბერძნეთისანი, რაიცა თავისა სიცოცხლესა ჰქონდინ“⁹; არიკი და მასთან

⁷ Н. Л о м о у р и. К истории восстания Барды Склира (თხ. „შრომები“, თბ., 1957, ტ. 67, გვ. 37 — 39); შ. ბ ა ლ რ ი ძ ე, საქართველოს ურთიერთობები ბიზანტიასა და დასავლეთ ევროპასთან (X—XIII სს.). თბ., 1954, გვ. 4.

⁸ Всеобщая история Степаноса Таронского, გვ. 135: ე. ც ა გ ა რ ე ი შ ვ ი ლ ი, დასახ. ნაშრომი, გვ. 171. სტეფანოსის თხზულების ნ. ემინისეულ რუსულ თარგმანში დაშვებულია უზუსტობა. ორიგინალისეული „ტაიკ“ თარგმნილია „ტარონად“. ეს უზუსტობა ქართულ თარგმანში აღარ მეორდება (იხ. ე. ც ა გ ა რ ე ი შ ვ ი ლ ი, დასახ. ნაშრომი, გვ. 171), რაზეც საგანგებოდ მიუთითებს შ. ბ ა ლ რ ი ძ ე, დასახ. ნაშრომი, გვ. 44.

⁹ ცხოვრება იოვანესი და ეფთჳმესი, გამოსაცემად გამზადებული ივ. ჭავჭავაძის მიერ და გამოცემული ა. შანიძის მიერ, თბ., 1946, გვ. 19; გ ი ო რ გ ი შ თ ა წ მ ი ნ დ ე ლ ი, ცხოვრება იოვანესი და ეფთჳმესი (ძველი ქართული აგიოგ-

მდებარე კლისური დასავლეთ ევფრატის ხეობაში; ჩორმაირის თემი მდინარე ჭოროხის სათავეებთან; კარინი (არზრუმში) თავისი თემით, ევფრატის ხეობაში რომ მდებარეობდა; სამხრეთ ბასიანი; მდინარე არაქსის სათავეში არსებული მარდალიის კანტონის ციხე სევექი და ჰარქ-აჰაჰუნჩის პროვინციები ვანის ტბის ჩრდილო-დასავლეთ მხარეში¹⁰.

ასეთმა პატივმა მნიშვნელოვნად გააუმჯობესა დავით III-ის მდგომარეობა. ერთი მხრივ, საერძნობლად გააფართოვა მისი სამფლობელო—ტაო-კლარჯეთის საზღვრები, ხოლო, მეორე მხრივ, გაზარდა ძალა და ავტორიტეტი. დავითი ამიერიდან თავს სრულუფლებიან დამოუკიდებელ მეფედ თვლიდა¹¹ და იმაზედა ფიქრობდა, ეს მდგომარეობა როგორმე შეენარჩუნებინა. სწორედ ამაზე მიგვანიშნებს ის პოლიტიკური კურსი, რასაც დავითი ატარებდა, ერთი მხრივ, მოსაზღვრე მუსლიმური ქვეყნების, ხოლო, მეორე მხრივ, ბიზანტიის საჰეფო ხელისუფლების მიმართ X ს. 80-იან წლებში, როცა იმპერიაში ვითარება კვლავ დაიძაბა ამჯერად უკვე ბარდა ფოკას აჯანყების გამო.

მაგრამ ბიზანტიის სამეფო ხელისუფლება თავის მხრივ კონტრლონისძიებებს ახორციელებდა. „ზემონი ქვეყანანი საბერძნეთისანი“ რომ მან დავითს გადასცა ამით მისი ამაგი მარტო კი არ დაუფასებია, თავისი მდგომარეობაც გაუმჯობესა და აი რატომ. ის ქვეყნები, რომლებიც კეისარმა ტაოს შეუერთა, ადრე მაჰმადიანთა მფლობელობაში იყო და ისინი ამ ტერიტორიის დაბრუნებას შეეცდებოდნენ. მასთან დამე, ბიზანტიამ მარტო უნდა დაეცვა ის გარეშე ხელყოფისაგან. ახლა კი როცა ეს ქვეყნები ბიზანტიამ ტაოს მფლობელს გადაულოცა, ამით დავითი აიძულა თვითონ ეზრუნა მათ უშიშროებაზე. ეს კი ფაქტობრივად იმას ნიშნავდა, რომ ტაო-კლარჯეთის გამგებელი უსათუოდ უნდა ყოფილიყო ბიზანტიის ერთგული მოკავშირე მცირე

რაფიული ლიტერატურის ძეგლები (XI—XV) ი. აბულაძის რედაქციით, თბ., 1967, II, გვ. 48).

¹⁰ Всеобщая история Степаноса Таронского, М., 1864. გვ. 135; ე. ც ა გ ა რ ე ი შ ვ ი ლ ი, დასახ. ნაშრომი, გვ. 172; პ. ი ნ გ ო რ ო ყ ვ ა, გიორგი მერჩულე, 1949, გვ. 152. თუ რაოდენ დიდმნიშვნელოვანი იყო ეს ტერიტორია დავითისათვის ამის შესახებ იხ. ვ. კ ო ჰ ა ლ ი ა ნ ი, დასახ. ნაშრომი, გვ. 43—45.

¹¹ ამის დასტურია საკუთარი სახელით ფულის მოჭრა (დ. კ ა ჰ ა ნ ა ძ ე, ქართული ნემიზმატიკა. თბ., 1950, გვ. 42). დავით III კურაპალატის ავტორიტეტს კიდევ უფრო ზრდიდა ის გარემოება, რომ 977 წლიდან მისი გავლენის ქვეშ მოექცნენ ანის — შირაკ — ვანანდის სომეხი მეფეები (ა. ა ბ დ ა ლ ა ძ ე. ამიერკავკასიის პოლიტიკურ ერთეულთა ურთიერთობა IX—XI საუკუნეებში, თბ., 1988, გვ. 246).

აზიანი მუსლიმთა წინააღმდეგ ბრძოლაში, რადგან მარტო დაეითს გაუქირდებოდა ბოძებული ქვეყნების დაცვა-შემომტკიცება. და მართლაც აღეპოელი არაბი მწერლის, ქემალ ად-დინის ცნობით, ქართველთა ლაშქარი ბარდა სკლიაროსოს დამარცხების შემდეგაც დიდხანს განაგრძობდა მცირე აზიაში ბრძოლას. მისი თქმით, X ს. 80-იანი წლების დასაწყისში ბარდა ფოკა სირიაში შეიჭრა და ალექოს მიმართულებით უტევდა. ბერძენთა ლაშქარს წინ მიუძღოდა ქართველთა რაზმი მათი მალიქის¹² მეთაურობით, როდესაც ბარდა ფოკა ალექოს გარემოცვას შეუდგა, მისმა გამგებელმა სად ად-დეალმა თავისი ლაშქარი საბრძოლველად მოამზადა და კონტრიერში წამოიწყო. ცხარე ბრძოლაში დაიღუპა ბერძენთა ჯარის მთავარი ბურჯი ქართველთა მალიქი¹³.

არაბი მემატიანის ეს ცნობა, რომელიც 983—984 (373) წლით თარიღდება, მრავალმხრივია საინტერესო, მასში გამოკვეთილად ჩანს არა მარტო ის, რომ ქართველთა ლაშქარი X ს. 80-იან წლებშიც იმყოფებოდა ბიზანტიის ჯარში და ამ უკანასკნელთან ერთად მონაწილეობდა მუსლიმური სამფლობელოების წინააღმდეგ ბრძოლებში, არამედ ისიც თუ რა შორს წაუწევიათ სამხრეთისაკენ¹⁴.

ალექოს ალყა თავისთავად იმის მაუწყებელიცაა, რომ მის ჩრდილოეთით მდებარე ტერიტორია უკვე თავისუფალი იყო მუსლიმი დამპყრობლებისაგან და დაეით III-ის მიზანი, კერძოს მიერ ნაბოძები ქვეყნების დაცვა-შემომტკიცებას რომ ითვალისწინებდა, მიღწეული იყო. ეს კი საშუალებას აძლევდა მას შემოერთებულ ადგილებში თავი-

¹² ის გარემოება, რომ „მალიქენ“ არაბულად მეფესაც აღნიშნავს. მთავარსაც და საერთოდ დიდებულსაც შეუძლებელს ხდის იმის ზუსტად დადგენას, თუ ვინ იყო დაღუპული ქართველი სარდალი. მაგრამ ის, რომ წარჩინებულთა გვარადან უნდა იყოს ეს ექვს არ იწვევს. ვ. როზენის ვარაუდით. იგი ჩორტვანელთა (ჩორჩანელთა) გვარადანაა (В. Р. Розен, დასახ. ნაშრომი. გვ. 156).

¹³ В. Р. Розен, დასახ. ნაშრომი. გვ. 163. წინიშნა 117. ქაჰალ ალ ჰან-ის ცნობის საწარმოებს ჩორტვანელის დაღუპვის თარიღის შესახებ საექვსო ხდის სტეფანოს ტარონაის ჩვენება. რომლის თანახმად, ფოკასთან ერთად მებრძოლი მაგისტროსი ჩორტვანელი გარდაიცვალა ფოკას შემდეგ (989), კერძოდ 990 წელს ტარონის ქვეყანაში, ბალარინჯის ველზე, ბასილ II-ის მიერ გაგზავნილ პატრიარქოს ეანის წინააღმდეგ ბრძოლაში (Всеобщая история Степаноса Таронского, გვ. 155) და მისივე ცნობით იყო თორნიკეს ძმისშვილი.

¹⁴ ბიზანტიელთა დიდ საბრძოლო წარმატებებს ხაზგასმით აღნიშნავს იბნ ალ-ასირი. მისი თქმით, მათი „ძლევამოსილება იმდენად გაიზარდა, რომ მუსლიმები ყველგან შიშით კრთოდნენ და ქვეყანა დაუეკელი იყო. ასე რომ, ისინი იქ შეიჭრებოდნენ, სადაც სურდათ (იბნ ალ-ასირი, დასახ. თხზულება, VIII, გვ. 233).

სი მდგომარეობის გაუმჯობესების შემდეგი საფეხურის განხორციელებას, კერძოდ, იქ ქართველებისა და სომხების ჩასახლებას შედგომოდა, რაც მან ასევე წარმატებით გადაწყვიტა.

იმ გამარჯვებების შემდეგ, რასაც დავით III-მ X ს. 80-იანი წლების I ნახევარში მიაღწია, მისი კავშირი ბიზანტიასთან აღარ იყო აუცილებელი. მისთვის ახლა ის უფრო მნიშვნელოვანი იყო, რომ მისგან სრულიად დამოუკიდებლობა მიეღო. ამისათვის კი კონსტანტინეპოლის სამეფო კარს დავითისათვის უნდა დაებრუნებინა მძევლები, რომლებიც, გიორგი მთაწმინდელის ცნობით, ბერძენთა მეფემ ტაოს გამგებელს გამოართვა მაშინ, როცა მას „ზემონი ქვეყანანი“ უბოძა¹⁵.

რა თქმა უნდა, ბასილ II ასეთ დათმობაზე არ წავიდოდა, რადგან იცოდა, რომ ამას მოჰყვებოდა ტაოს ჩამოცილება და ბიზანტიის პოზიციების შესუსტება. ამიტომ დავითმა უარი მიიღო და, როგორც ჩანს, ეს დაედო საფუძვლად განხეთქილებას, რამაც საბოლოოდ გამოიწვია დავითის გადასვლა ანტისამთავრობო შეთქმულების მონაწილეთა ბანაკში.

შეთქმულების მზადება-მიმდინარეობის ისტორიის გადმოცემა ჩვენს მიზანს არ წარმოადგენს და მასზე ზიტყვას აღარ გავაგრძელებთ, მით უმეტეს, რომ ეს საკითხი საკმაო სისრულითაა დამუშავებული ქართულ ისტორიოგრაფიაში¹⁶. აღვნიშნავთ მხოლოდ იმას, რომ ქამალ ად-დინის გადმოცემით, ბასილ II-ის საწინააღმდეგო შეთქმულებას საფუძველი ჩაეყარა ჯერ კიდევ X ს. 80-იანი წლების I ნახევარში და მისი ინიციატორი, როგორც იაჰია ანტიოქიელი იტყობინება, იყო კეისრის პარაკიმანოსი ბასილი¹⁷, ხოლო აქტიური მხარდამკერძი, ანტიოქიის მმართველად კეისრის მიერ დანიშნული მაგისტროსი ლეონ მგლისინი, იპპერიის აღმოსავლეთი ნაწილის დუკა, ყოფილი დონესტიკოსი ბარდა ფოკა და სხვ. მემატიანის თქმით, შეთქმულებისათვის მზადება მაშინ დაიწყო, როცა იბერთა რაზმი მათი მალიქის (ჩორდვანელის?) მეთაურობით ბარდა ფოკას ბანაკში იმყოფებოდა და ავანჯარდის როლს ასრულებდა. ამიტომ ვ. კოპალიანი აკეთებს დას-

15 ცხოვრება იოვანესი და ეფთჳმესი, გამოსაცემად გამზადებული ივ. ჯავახიშვილის მიერ და გამოცემული ა. შანიძის მიერ, თბ., 1946, გვ. 16.

16 ყველაზე ვრცლად და დასაბუთებულად ეს საკითხი წარმოდგენილია ვ. კოპალიანის ნაშრომში „საქართველოსა და ბიზანტიის პოლიტიკური ურთიერთობა 970—1070 წლებში“. თბ., 1969, გვ. 49—55.

17 В. Р. Розен, დასახ. ნაშრომი, გვ. 172.

კენას, რომ შეთქმულების გეგმა ქართველთა ლაშქრის მეთაურის-თვისაც უნდა ყოფილიყო ცნობილი¹⁸. ჩვენც ვეთანხმებით მკვლევრის დასკვნას და დავსძენთ, რომ ასეთი გეგმის არსებობა უნდა სცოდნოდა თვით დავით III-საც. ამის საფუძველს გვაძლევს იაპია ანტიოქიელის ცნობა დავითის მიერ გაწეული უყოყმანო დანხარების შესახებ ფოკასადმი, რომელსაც ქვემოთ გავეცნობით.

ბარდა ფოკა ბიზანტიის ისტორიაში კარგად ცნობილი სამხედრო პიროვნებაა. მას არა ერთხელ უსახელებია თავი როგორც გაბედულ და ნიჭიერ მხედართმთავარს. როგორც მცირე აზიის სამხედრო, ფეოდალური არისტოკრატის სხვა თვალსაჩინო წარმომადგენლებს, მასაც იმპერიის სამეფო ტახტის დაპატიმრება ეწადა. ამ მიზნით, მან ჯერ კიდევ იოანე ციმისხის (969—976) მოუწყო აჯანყება, მაგრამ, როგორც უკვე ითქვა, მაშინ (971/2) წელს) ის სკლიაროსმა დაამარცხა, ხოლო იმპერატორმა დასაჯა მთავარსარდლობა ჩამოართვა, ბერად აღკვეცა და კუნძულ ქიოსზე გადაასახლა. 978 წელს ბასილ II-მ მას დიდი სიკეთე უყო. გადასახლებიდან დააბრუნა და თავისი ლაშქრის მთავარსარდლობაც მიანიღო, მაგრამ მიუხედავად ამისა, თავის ძველ განზრახვაზე ხელი მაინც არ აუღია. იგი ამის განსახორციელებლად მხოლოდ ხელსაყრელ მომენტს ელოდა და დადგა თუ არა ასეთი დრო, მანაც აღარ დააყოვნა.

X ს. 80-იანი წლების II ნახევარში იმპერიის ცენტრალური ხელისუფლების მდგომარეობა კვლავ მკვეთრად გაუარესდა. 986 წელს ბასილ II ბულგარელებთან ბრძოლაში დამარცხდა. როგორც კი ეს ბაღდადში შეიტყვეს, იქ ტყვეობაში აყვანილი ბარდა სკლიაროსი ვაათავისუფლეს და ისიც ბედუნინ არაბთა რაზმის თანხლებით მაშინვე ბიზანტიისაკენ დაიძრა¹⁹. მემატიანის თქმით, 21 დღის სავალი გზა განვლო და მელიტინს მივიდა. იქ მას გვერდში ამოუდგა ქვეყნის მთელი შეირალებული ძალები, მათ შორის აპაჰუნციისა და ნეპერკერტის ამირა ბაღიცი²⁰.

ბასილ II-მ სასწრაფო ღონისძიება განახორციელა საშიშროების თავიდან ასაცილებლად. ბარდა ფოკას, რომელიც მაშინ აღმოსავლეთის დუკა და ანტიოქიის გამგებელი იყო, დომესტიკობა დაუბრუნა,

¹⁸ ვ. კოპალიანი, დასახ. ნაშრომი, გვ. 55.

¹⁹ სკლიაროსის განთავისუფლება ტყვეობიდან და პირობები აღწერილი აქვს იბნ ალ-ასირს (იბნ ალ-ასირი, დასახ. თხზულება, IX, გვ. 17—18).

²⁰ Всеобщая история Степаноса Таронского, с. 177.

ლაშქარი მისცა და სკლიაროსის წინააღმდეგ საომრად წასვლა უბრძანა. ფოკა მაშინვე სკლიაროსისაკენ დაიძრა, მაგრამ ბრძოლა არ გამართლდა, ტახტის მოცილე ორივე სარდალი ერთმანეთს შეხვდნენ და შეთანხმდნენ, რომ ერთად იბრძოლებდნენ იმპერიის მბრძანებელ მაკედონელთა დინასტიის წინააღმდეგ²¹.

იაპია ანტიოქიელის თანახმად, ამ შეხვედრისას, რომელიც ჯაიპანს გამართულა, მათ წინასწარ გაუნაწილებიათ იმპერია გავლენის სფეროებად. გამარჯვების შემთხვევაში „ფოკა იქნებოდა კონსტანტინეპოლში, ხოლო სკლიაროსი მის გარეთ“²². ამ პირობით, ერთმანეთის ერთგულებაზე დაფიცებული აჯანყების ეს ორი ლიდერი ერთმანეთს დაემშვიდობენ და დათქვენ, რომ აჯანყების სრული გეგმის შესამუშავებლად ისინი კვლავ შეხვდებოდნენ. იაპიას ჩვენებით, ასეთი შეხვედრა სულ მალე მომხდარა, მაგრამ არავითარ შეთანხმებას ადგილი არ ჰქონია. ფოკას სკლიაროსი დაუტყვევებია და იმ ციხესიმაგრეში გაუგზავნია ჩასაკეტად, სადაც თავისი მეუღლე ჰყავდა დაბანაკებული²³.

ციხესიმაგრის სახელწოდებას არაბი მწერალი არ ასახელებს. სტეპანოს ტარონატის მიხედვით კი ფოკას სკლიაროსი ყერავსის (ტიროპეა?) ციხეში გაუგზავნია²⁴. უნდა ვიფიქროთ, რომ იაპიაც, ალბათ, ამ სიმაგრეს გულისხმობს.

სტეფანოსი ფოკას ჰკიცხავს ასეთი საქციელისათვის. მას „ფიცის გამტეხს უწოდებს“²⁵. მაგრამ იაპიას ერთი ცნობიდან ჩანს, რომ ფოკას ჰქონდა სკლიაროსის შეპყრობის საფუძველი. საქმე ისაა, რომ შეთანხმების მიხედვით, შეთქმულების შესახებ არავის უნდა სცოდნოდა. სკლიაროსმა კი იგი თავის ვაჟს რომანოზს გაუჩხილა.

²¹ Всеобщая история Степаноса... с. 178.

²² В. Р. Розен, დასახ. ნაშრომი, ტექსტი, გვ. 21, თარგმანი, გვ. 23. იაპიას ეს ცნობა რამდენადმე ბუნდოვანია. მასში გარკვევით არაა მითითებული, რას პირდებოდა ფოკა სკლიაროსს. ამ საკითხში თითქოს ერთგვარი გარკვეულობა შეაქვს იბნ ალ-ასირს. მისი ცნობით, სკლიაროსი მისულა ფოკასთან და შეთანხმებულან, რომ სრუტის ჩრდილოეთით მდებარე ტერიტორია კონსტანტინეპოლითურთ დარჩებოდა ფოკას, ხოლო მის სამხრეთით მყოფი მთელი ტერიტორია გადავიდოდა სკლიაროსის გამგებლობაში (იბნ ალ-ასირი, დასახ. თხზულება, IX, გვ. 17—18).

²³ В. Р. Розен, დასახ. ნაშრომი, ტექსტი, გვ. 21—23, თარგმანი, გვ. 23—24.

²⁴ Степанос Таронечи, დასახ. თხზულება, გვ. 178.

²⁵ იქვე.

რომანოზი შეთანხმების წინააღმდეგ გამოვიდა. იგი აცხადებდა, რომ ყველაფერი ეს იყო ფოკას ოინები, მიმართული ბარდა სკლიაროსის საზიანოდ და მამას ურჩევდა, უარი ეთქვა ფოკასადმი მიცემულ თანხმობაზე. ხოლო როცა შეიტყო, რომ მამა ყურს არ უგდებდა, რომანოზი კეისარს ეახლა და ყველაფერი შეატყობინა. მაშინადამე, ბარდა სკლიაროსმა შეთქმულება გასცა და სასჯელიც დაიმსახურა. ფოკამ იგი კლიტულში გაგზავნა, მაგრამ აღუთქვა, რომ, როცა იმპერატორი განდებოდა, მას გაათავისუფლებდა და დანაპირებსაც პირნათლად შეასრულებდა²⁶.

რაკი შეთქმულება გაცემული იყო და ბასილ II-მ ყველაფერი იცოდა, ფოკამ აღარ დააყოვნა. თავი მეფედ გამოაცხადა და 377 წ. ჭუმბადა I თვის 17 რიცხვში, ანუ 1228 წ. 14 აილულს²⁷ (987 წ. საქტემბერს)²⁸, ოთხშაბათს, ჯვრის დღესასწაულის დღეს, აჯანყება დაიწყო²⁹.

აჯანყებულებმა, რომელთა მხარეზე სტეფანოსის ცნობით, ქართველთა რაზმიც მონაწილეობდა ჩორტვანელის მეთაურობით³⁰, შეტევა სწრაფად განავითარეს და, როგორც ლეონ დიაკონი გადმოგვცემს, ბიზანტიის იმპერიის აზიური ნაწილის თითქმის მთელი ტერიტორია დაიკავეს³¹. იაპიას ჩვენებით, ფოკას მიუღწევია დარვალემდე (دارول) ზღვის ნაპირამდე და ხრისუბილანჯე (خرسوبیلانج), რის გამოც ქმეშფოთებული კეისარი იძულებული გამხდარა შერიგებოდნ მის მოწინააღმდეგე ჩრდილოეთელ მეზობელს, რუსთა მთავარს (ვლადიმირს) და ეთხოვა სამხედრო დახმარება.

რუსთა ლაშქრის გამოცხადებამ კეისრის ბანაკში, აჯანყებულთა მდგომარეობა მკვეთრად გააუარესა. ისინი ზედიზედ სთმობენ დაპყრობილ ადგილებს: ხრისუბილს, ზღვისპირეთსა და ტრაპიზუნდს. დამარცხებული ფოკა ევფრატის ნაპირებისაკენ იხევს და იქიდან თავის ვაჟს ნიკიფორეს (მეტსახელად „კისერმოქცეულს“ — النوح الكسيري)

²⁶ В. Р. Розен, დასახ. ნაშრომი, ტექსტი, გვ. 21, თარგმანი, გვ. 23.

²⁷ იაპია ანტიოქელი თარიღს თითქმის ყველგან ასახელებს როგორც მუსლიმური (პიჯრით), ისე ე. წ. სელევკიანური წელთაღრიცხვით.

²⁸ სტეფანოსი აჯანყების დაწყების თარიღად დებს 435 (-986) წელს (Всеобщая история Степаноса Таронского).

²⁹ В. Р. Розен, დასახ. ნაშრომი, ტექსტი, გვ. 21, თარგმანი, გვ. 23.

³⁰ Всеобщая история Степаноса Таронского, გვ. 178, 180, 191.

³¹ История Льва Днакона, перевод Д. Попова, 1820, с. 28.

ალ-თაის (التى), ანუ ტაოს გამგებელ დავით კურაპალატთან გზავნის დამხმარე ლაშქრის სათხოვნელად³².

რაკი დავითი თავიდან უჭერდა მხარს აჯანყებას, უკან დასახვევი გზა აღარ ჰქონდა. გამარჯვების შემთხვევაში კეისარი მას დაუსჯელს არ დატოვებდა. ამიტომ ტაოს მფლობელს ბასილის გამარჯვება არ უნდა დაეშვა და, მიიღო თუ არა ცნობა ფოკას გასაჭირის შესახებ, დახმარებაზე უარი არ უთქვამს, მაშინვე ჯარი შეკრიბა და ნიკიფორეს იგაყოლა, რასაც იპია ასე გადმოგვცემს: „დავითმა ერთი თავისი მსახური (ს. ა. გ.) 1000 მხედრით გაგზვნა. მათ თან გაჰყვნენ აგრეთვე ტარუნის ერთ-ერთი თემის, ალ-ხალდიის პატრიკოსის, ბაგრატიის³³ ორი ვაჟი 1000 მხედრის თანხლებით. ისინი ატ-რარუნელს შეებრძოლნენ და დაამარცხეს, მაგრამ შეიტყვეს, რომ ბასილ მეფეს ხრისუბილში ფოკაზე გაუმარჯვნია და უკან გაბრუნდნენ. დავით ქართველის მსახური და ბაგრატიის ვაჟები თავს იმით იმართლებდნენ, რომ შეასრულეს ის, რასაც მათგან მოითხოვდნენ (ე. ი. ტარუნელი დაამარცხეს). ნიკიფორესთან მყოფი ჯარი გაიფანტა, თვით ნიკიფორე დედასთან წავიდა“³⁴.

საინტერესო ცნობაა. ვფიქრობთ, ის გარკვეულ პასუხს იძლევა ქართულ ისტორიოგრაფიაში დასმულ კითხვებზე: რატომ უნდა გაჯავრებოდა დავითი თავის გამარჯვებულ სარდლებს, რად უნდა დასჭირებოდა მათ თავის მართლება და რატომ არ შეუერთდნენ ისინი ჩორტვანელის რაზმს, რომელიც კიდევ დიდხანს იბრძოდა კეისრის ხელისუფლების წინააღმდეგ.

ფოკას დამარცხებისა და ნიკიფორეს ლაშქრის გაფანტვის შემდეგ ამ ლაშქარში მოქმედ ქართველთა 2000-კაციანი რაზმის ბრძოლის გაგრძელებას აზრი აღარ ჰქონდა და ისინი სამშობლოში დაბრუნდნენ ვალმოხდილნი. ჩორტვანელსაც რომ ასე გაეკეთებინა, აჯობებდა. რაც შეეხება დავითის საყვედურს სარდლებისადმი, გასაგებია. ჩანს, მან არ იცოდა, რაც აჯანყებულთ შეემთხვა და ეგონა, რომ მათ აჯანყებას

³² В. Р. Позен, დასახ. ნაშრომი, ტექსტი, გვ. 22, თარგმანი, გვ. 24.

³³ ეს უნდა იყოს თორნიკეს ვაჟი, ჩორტვანელის ძმა, რომელიც დავით კურაპალატთან ერთად მონაწილეობდა ხლათის განთავისუფლებისათვის წარმოებულ ბრძოლაში და იქვე დაიღუპა 998 წელს (ვ. კ. პ ა ლ ი ა ნ ი, დასახ. ნაშრომი, გვ. 63).

³⁴ В. Р. Позен, დასახ. ნაშრომი, ტექსტი, გვ. 22, თარგმანი გვ. 24.

ულაღატეს და უკუიქცნენ, რის გამოც საფრთხეში ვარდებოდა არა მარტო ფოკა, არამედ თვითონაც. მას კარგად ესმოდა, რომ აჯანყების დამარცხების შემთხვევაში ის ფოკასთან ერთად იმპერატორის რისხვას ვერ გადაურჩებოდა. ამიტომ, ბუნებრივია, სარდლების დაბრუნებას ბრძოლის ველიდან სამშობლოში კმაყოფილებით ვერ შეხვდებოდა. მაგრამ, როცა მათი ახსნა-განმარტება მოისმინა და მათი ნაამბობი სხვა ცნობითაც დადასტურდა, გუნება იცვალა.

989 (379 წლის მუჰარრამის 3 რიცხვში, ანუ 1300 წლის აზარის (მარტის) 8 რიცხვში, შაბათს) წლის 2 მარტს ბასილ II-მ რუსთა ლაშქრის დახმარებით, აჯანყებულთ მორიგი დამარცხება აგემა აბიდუსის (ადგილი კონსტანტინეპოლთან ახლოს) ბრძოლაში, სადაც ფოკა და ილუპა³⁵. ცოტა ხნის შემდეგ მისი ბედი გაიზიარა აგრეთვე დარჯანიისა და ტარონის ქვეყნებში მოქმედმა ქართველ მებრძოლთა რაზმის უფროსმა, თორნიკე ბერის ძმიშვილმა, მაგისტროსმა ჩორთვანელმა³⁶. იგი დარჯანიის ოლქში, ბალახინჯის ველზე დაეცა 990 წელს³⁷, ხოლო სკლიაროსი, რომელიც ფოკას დაღუპვის შემდეგ მისმა მეუღლემ ტყვეობიდან გაათავისუფლა და ამბოხებულთ მეთაურობდა, ბასილ II-ს დაუხავდა. ამრიგად, აჯანყება, რომელიც იაპიას გადმოცემით წელიწადსა და 7 თვეს, ხოლო სტეფანოსის თანახმად, 2 წელიწადს გაგრძელდა მარცხით დასრულდა³⁸.

ბასილს საშუალება მიეცა შური ეძია ფოკას მოკავშირეებზე. როგორც იაპია ანტიოქიელი გადმოგვცემს, იგი „განრისხებული იყო ტაოს მფლობელ დავით ქართველთა მეფეზე და აღ-ხალიდიის მფლობელ ბაგრატის ორ ვაჟზე, ბარდა ფოკასათვის გაწეული დახმარების გამო. ამიტომ მათ წინააღმდეგ საბრძოლველად გაგზავნა ჯარი პატრიკიოს³⁹

³⁵ В. Р. Розен, დასახ. ნაშრომი, ტექსტი გვ. 23. თარგმანი, გვ. 180; К. Н. Юзбашян, დასახ. ნაშრომი, გვ. 138.

³⁶ Всеобщая история Степаноса Таронского, с. 180; К. Н. Юзбашян, დასახ. ნაშრომი, გვ. 138. ქრონიკებში ის ითანე თორნიკეს შეილადაა მოხსენიებული (თ. ეორდანია, ქრონიკები, I, გვ. 109). მაგრამ როგორც ნ. აღონცი ვარაუდობს თორნიკეს ვაჟი არ ჰყოლია.

³⁷ სტეფანოსის სხვა ცნობით იგი ცოცხალია ეგვიპტის ფატიმელი ხალიფის ალ-ჰაქიმის (996—102) დროსაც (Всеобщая история, გვ. 190), რაც შეეძლოა. იქვე არაზუსტადაა მითითებული მცირე აზიაში ალ-ჰაქიმის ლაშქრობის თარიღიც 437 წელი ნაცვლად 447(998) წლისა.

³⁸ В. Р. Розен, დასახ. ნაშრომი, ტექსტი გვ. 23. თარგმანი გვ. 25; Всеобщая история Степаноса Таронского, с. 178.

ჯაქრუსის სარდლობით, რომელმაც დაამარცხა ისინი, მოკლა ბაგრა-ტის უფროსი ვაჟი და გადაასახლა უმცროსი“³⁹.

ბაგრატის ვაჟების დამარცხებისა და ალ-ხალიდიის დაპყრობა-დამორჩილების შემდეგ ჯერი ტაოზე მიდგა. ბასილი მისი დალაშქრი-სათვის ემზადებოდა, მაგრამ ყველაფერი უბრძოლველად დამთავრდა. მართალია, დავით კურაპალატს უძლიერესის სახელი ჰქონდა გავარდ-ნილი აღმოსავლეთში, მაგრამ ამ დროს მისი მდგომარეობა ვართუ-ლებული იყო. სამხრეთიდან და სამხრეთ-აღმოსავლეთიდან მისადმი მტრულად განწყობილი მუსლიმი პოლიტიკური ერთეულებით იყო გარემოცული, საქართველო და სომხეთი ფეოდალური შინაომებით იყვნენ დასუსტებული და მათგან ეფექტიანი დახმარების იმედი ტაოს გამგებელს არ ჰქონდა. ამიტომ დავითმა ძლიერ ბიზანტიასთან ომს თავი აარიდა და, როგორც იაპია აღნიშნავს, „ქართველთა მეფემ თავი დამნაშავედ სცნო. (ბასილს) პატიება სთხოვა და აღუთქვა, რომ ვი-ნაოდან არც შეილი ებადა, არც სხვა ვინმე მემკვიდრე გააჩნდა, ხოლო თვითონ კი უკვე ღრმა მოხუცი იყო, გარდაცვალების შემდეგ თავის სამფლობელოს მას დაუტოვებდა. ამავე დროს იმპერატორს სთხოვა ნებართვა, მის კარზე გაეგზავნა თავისი დიდებულები, რათა (კეისარს) შესაძლებლობა ჰქონოდა მიეღო მათგან ფიცი იმისა, რომ (დავითის) საკვდილის შემდეგ ქალაქებს⁴⁰ მას გადასცემდნენ. ბასილ მეფემ საქ-ციელი მოუწონა, იგი გააკურაპალატა და ძვირფასად შემკობილი მო-სასხამითაც დაასაჩუქრა. დავითმა მოსასხამი მოიხურა და თავის სამ-ფლობელოში გამოაცხადა, რომ ელოცნათ ბასილ მეფეზე. აგრეთვე მის კარზე მიავლინა ქართველთა კათალიკოსი⁴¹ და სამეფოს ბევრი

³⁹ B. P. P o z e n, დასახ. ნაშრომი, ტექსტი, გვ. 25. თარგმანი, გვ. 27.

⁴⁰ ვ. კობალიანი ქალაქების მაგიერ კითხულობს და წერს „ქალაქს“ და ვარა-უდობს, რომ უნდა იგულისხმებოდეს ტაოს დედაქალაქი ოლთისი, (ვ. კობალიანი, დასახ. ნაშრომი, გვ. 66), მაგრამ წყაროში „ქალაქებია და არა „ქალაქი“.

⁴¹ ტექსტშია: „ფალიყ“ (قاليق) რომელსაც ვ. როზენი ასწორებს „კასალიყ“-ად (قاساليق) და კითხულობს „კათალიკოსად“ (B. P. P o z e n, დასახ. ნაშრომი, გვ. 27). ჩვენ კი ვფიქრობთ, რომ იაპიასეულ ხელნაწერში იქნებოდა قاتليق (კათოლყ და არა „კასალიყ“ ფორმა.

სხვა დიდებული⁴², რომლებსაც მეფემ ტიტულები დაურიგა, სიკეთე უყო და დავითთან დააბრუნა⁴³.

ქართულ ისტორიოგრაფიაში დავითსა და ბასილ II-ს შორის მიღწეულ ამ შეთანხმებასთან დაკავშირებით ორი სხვადასხვა აზრია ფამოთქმული იმის შესახებ, თუ რომელი ტერიტორია უნდა გადასულიყო კურაპალატის გარდაცვალების შემდეგ ბიზანტიის საკუთრებაში.

იაპიას ამ ცნობის საფუძველზე ივ. ჯავახიშვილი დასძენს, რომ დავითი „სიკვდილის შემდგომ მთელ თავის სამფლობელოს... ბიზანტიის კეისარს უანდერძებდაო“⁴⁴. ს. ჯანაშია კი აღნიშნავს, რომ არაბი მწერლის ცნობაში სიტყვა „მთელი“ არ არის. ამიტომ ცნობის ჯავახიშვილისეულ გაგებას არ ეთანხმება და აღნიშნავს: „არის საფუძველი ვიფიქროთ, რომ დავითის ამ იძულებით „ნაანდერძევში“, ლაპარაკი იყო ამას წინათ (ე. ი. 979 წ.—ბ. ს.) ბიზანტიისაგან მიღებულ ოლქებზე“⁴⁵.

ამ ორი მოსაზრებიდან ვ. კოპალიანი, სრულად მართებულად, პირველს უჭერს მხარს⁴⁶. მართალია ტექსტში სიტყვა „მთელი“ (კ) არ გვხვდება, მაგრამ გარკვევით წერია „მელქიძი“ (კს) ე. ი. „სამეფო მიწი“ და არა სამეფოს ნაწილი. ს. ჯანაშიას აზრის უმართებულობაზე მოგვითითებს ის აუცილებლად ვასათვალისწინებელი გარემოებაც. რომ, როგორც ზემოთ აღვნიშნეთ, 979 წელს კეისარის მიერ დავითისადმი ბოძებული ტერიტორია პირობის თანახმად ბიზანტიასვე უბრუნდებოდა დავითის გარდაცვალების შემდეგ. ამიტომ მართალია ვ. კოპალიანი, როცა ამბობს, 989 წლის გარიგებაში ამ ტერიტორიის დაბრუნებაზე აღარ შეიძლებოდა ყოფილიყო საუბარი⁴⁷.

42 მათ შორის უნდა ყოფილიყვნენ ის ძმები, რომლებიც კედრენესთან თევდატედ, ფერსად და ბაკურიანად არიან მოხსენებული (გეორგიკა, ბიზანტიელი მწერლობის ცნობები საქართველოს შესახებ, V, გვ. 45—46).

43 В. Р. Розен, დასახ. ნაშრომი, ტექსტი, გვ. 25, თარგმანი, გვ. 27.

44 ივ. ჯავახიშვილი, ქართველი ერის ისტორია, II, თბ., 1965, გვ. 128.

45 С. Джанашия, Об одном примере искажения исторической правды. По поводу книги Н. Токарского «Архитектура древней Армении», თბ., 1947, გვ. 29; ს. ჯანაშიას ამ მოსაზრებას იცავს (შ. ბაღრიძე, დასახ. ნაშრომი, გვ. 71).

46 ვ. კოპალიანი, დასახ. ნაშრომი, გვ. 67.

47 იქვე. ასეთივე მოსაზრებისა ა. ბოგვერაძე (ა. ბოგვერაძე, დავით III. ქსე,

როგორც ვრწმუნდებით, დავით III-ის პოლიტიკურმა კურსმა ბიზანტიის ცენტრალური ხელისუფლების მიმართ კრახი განიცადა. თავისი ქვეყნის აბსოლუტური დამოუკიდებლობის მოპოვების მაგიერ იგი იძულებული გახდა მთელი სამეფო უბრძოლველად დაეთმო კეისარისათვის, რომელიც აწი დღე-ღღეზე ელოდა ღრმა მოხუცი დავითის აღსასრულს, რათა მის სამფლობელოს დაპატრონებოდა. მაგრამ ტაოს ივამგებელი კეისართან მძიმე ვითარებით ნაკარნახევ ასეთ გარიგებას რომ დებდა, მის შესრულებაზე სრულიადაც არ ფიქრობდა. მას ეს აქტი მხოლოდ დროის მოგებისა და თავის გადარჩენისათვის სჭირდებოდა, გუნებაში კი სულ სხვა რამეს ფიქრობდა. მას იმედი ჰქონდა, რომ საკუთარ მამაპაპეულ სამფლობელოს მაინც თავის შვილობილს დაუტოვებდა და გარდაცვალებამდე „აზნაურთა წინაშე მან ბაგრატი ტაოს მემკვიდრედ გამოაცხადა“⁴⁸, ამავე დროს იგი კვლავ განაგრძობდა აქტიურ მოქმედებას თავისი სახელის გაფართოება-განმტკიცებისათვის, რისთვისაც უპირისპირდებოდა მაჰმადიანურ სამიროებს.

როგორც ცნობილია, არაბთა მძლავრობის ხანაში სამხრეთ სომხეთში, კერძოდ ვანის ტბის ჩრდილოეთით მდებარე ოლქებში თურქული მოდგმის ხალხი მომრავლდა. ქალაქები: ხლათი, არქეში, მანასკერტი, ბერკრი და სხვ. ამირთა ადგილსამყოფელ ცენტრებად იქცნენ და ეს ოლქები მთავარი პუნქტები გახდნენ სომხეთ-საქართველოს წინააღმდეგ საბრძოლველად.

ამიტომ მათი დამარცხება გადაუდებელი საქმე იყო და დავით კურაპალატმაც სწორედ ამით დაიწყო. 990 წელს, როცა აჰაპუნეჩისა და მაიაფარიკინის (ნეპერკერტის) ძლიერი ამირა ბადი გარდაიცვალა, ტაოს გამგებელმა მანასკერტი დალაშქრა და იგი სომხებითა და ქართველებით დაასახლა⁴⁹. მაჰმადიან ამირათა ცდამ, გაერთიანებული ძალით დაეშარცხებინათ დავითი სასურველი შედეგი ვერ გამოიღო. დავითმა თავისი მოკავშირეების: ქართველთა მეფე ბაგრატ II-ის, ანისის მეფე გაგიკ I-ისა და ვანანდის მეფე აბასის დახმარებით უკუაქცია მოწინააღმდეგე ბალრევანდში. მანვე იმავე მოკავშირეებს მხარდაჭერით

III, თბ., 1978. დავითმა რომ მთელი თავისი სამფლობელო ბიზანტიას უანდერძა, ეს აღნიშნული აქვს ა. აბდლაძესაც (ა. აბდლაძე, დასახ. ნაშრომი, გვ. 247, 251).

⁴⁸ ი. ვ. ჯ ა ვ ა ხ ი შ ვ ი ლ ი, ქართველი ერის ისტორია, II, გვ. 130. დასახ. ნაშრომი, გვ. 65—66.

⁴⁹ Всесбщая история Степаноса Таронского..., გვ. 191; ა. აბდლაძე, დასახ. ნაშრომი, გვ. 65—66.

998 წელს აპაჰუნის ველზე დაამარცხა ადარბადაგანის ამირა მამლანის თაოსნობით მოწყობილი მაჰმადიან გამგებელთა მეორე კოალიციური ლაშქრობაც და ბტერს არქეშამდე სდია⁵⁰. ამ გამარჯვებას პოლიტიკურის გარდა დიდი ეკონომიკური და ეროვნული მნიშვნელობაც ჰქონდა. დავითმა არა მარტო გააფართოვა თავისი სამფლობელოს საზღვრები, არამედ ხელთ იგდო მთავარი სავაჭრო გზები, ერთი სახალიფოდან არტანუჯზე გავლით ტრაპეზუნდისაკენ, ზოლო მეორე ჩრდ. სომხეთისაკენ რომ მიემართებოდა. აღნიშნულ გამარჯვებათა ეროვნული მნიშვნელობა იმაში მდგომარეობდა, რომ ყველა შემოერთებული ტერიტორია ქალკედონი სომხებითა და ქართველებით უნდა დასახლებულიყო და ერთიანი საქართველოს სახელმწიფო ფარგლებში შესულიყო, მაგრამ სიკვდილმა ამ ამოცანის მთლიანად განხორციელება აღარ დააცალა.

იპპია ანტიოქიელის ჩვენებით, დავითი 999 წლის დასასრულს გარდაიცვალა⁵¹. მაგრამ არსებობს სხვა თარიღებიც: ასოლიკი მისი გარდაცვალების თარიღად 449 წლის აღდგომას ასახელებს⁵². სომხური კალენდრის 449 წელი კი ევროპული კალენდრით 1000 წ. 21 მარტს დაიწყო და 1001 წ. 20 მარტს დასრულდა, აღდგომა 31 მარტი იყო. მაშასადამე, დავითი 1000 წ. 31 მარტს გარდაცვლილა. მისი გარდაცვალების თარიღად 1000 წელია დასახელებული აგრეთვე სამეულ ანეცისა და არისტაკეს ლასტივერტელის თხზულებებშიც⁵³. ქართული წყაროები, კერძოდ, „მატიანე ქართლისა“ და სუმბატ დავითის ძის „ცხოვრება და უწყება ბაგრატიონთა“ გვაუწყებენ, რომ დავით კურაპალატი გარდაიცვალა ქორონიკონსა „სკა“ (ე. ი. 1001) წელსა⁵⁴.

50 *Всеобщая история Степаноса Таронского...* с. 199, 192.

51 В. Р. Розен, დასახ. ნაშრომი, ტექსტი, გვ. 39, თარგმანი, გვ. 41.

52 *Всеобщая история Степаноса Таронского*, с. 199.

53 *Повествование вардапета Аристакеса Лативерти*. Перевод с Древнеармянского, вступительная статья, комментарий и приложения К. Н. Юзбашяна. М., 1968, с. 56, 143. (შემდეგში მოკლედ, *Аристакес Лативерტი*). თხზულების ქრონოლოგიური ჩარჩოებია 1000—1071 წლები და იწყება დავითის გარდაცვალებით.

54 ქართლის ცხოვრება, 1, 1955, გვ. 266, 382. სარწმუნო ცნობებით დასტურდება, რომ დავითის შეკვლელობა მოწყობილი იყო ბიზანტიის ხელისუფლების მიერ, (В. П. Степаненко, К датировке получения сана куропалата Давидом II, Багратидам Тао. თსუ „შრომები“, თბ., 1982, გვ. 76—77; ა. აბდალაძე, დასახ. ნაშრომი, გვ. 247). მიზეზი ამისა ისიც იყო, რომ დავითი აქტიურად ეუროდა

არაბი მწერლის თანახმად, ბასილ II-ს დავით კურაპალატის გარდაცვალება 999 წლის 17 დეკემბერს (390 წ. მუჰარრამის 5 რიცხვში, შაბათს) შეუტყვია მაშინ ის ანტიოქიაში ყოფილა და თავისი ლაშქრით ტაოსაკენ გამოუწევია. ბასილი ტაოში მოსულა ანტიოქიის გამგებლის (მაგისტროს ნიკიფორეს) თანხლებით, მიუთვლია დავითის ჟველა ქვეყანა და თითოეული სამართავად გადაუცია ბერძენი გამგებლებისათვის⁵⁵.

იგივე აზრად მოთხრობილია სუმბატ დავითის ძის და არისტაკეს ლისტევერტის თხზულებებშიც. სუმბატი თარიღს არ უთითებს⁵⁶. არისტაკესის მიხედვით კი ბასილი ტაოში მოსულა თავისი ზეობის (976—1025) „ოცდამეხუთე“ წელს კონსტანტინეპოლს დაბრუნებულა სომხური წელთაღრიცხვის 450(1001 წ. 21 მარტი — 1002 წ. 20 მარტი) წელს⁵⁷. ნამდვილად ერთი წელი დაჰყო თუ არა კეისარმა ტაოსა და მის მეზობელ სხვა სამეფო-სამთავროებში, ძნელი სათქმელია, მაგრამ ის კი ცხადია, რომ ტაოში მისი მოსვლის იაპიასეული და ლიასტივერტისეული თარიღები თითქმის ერთმანეთს ემთხვევიან. ამიტომ გვაქვს საფუძველი ეჭვი შევიტანოთ ქართული წყაროების ცნობათა სისწორეში დავითის გარდაცვალების თარიღთან დაკავშირებით.

2. გიორგი I-ის ბრძოლა ბიზანტიის მიერ მიტაცებული დავით III-ის სამფლობელოს დასაბრუნებლად

სუმბატ დავითის ძის ჩვენებით, როცა ბასილ II ტაოს მივიდა მას მიეგებნენ „ბაგრატ აფხაზთა მეფე და მამა მისი გურგენი იმ იმედით, რომ დავითის სამფლობელოს მიიღებდნენ. მაგრამ იმედი გაუმტყუნდათ. კეისარმა, რომლის მიზანს სრულიადაც არ წარმოადგენდა საქართველოს გაძლიერება, მათ მხოლოდ ის აკმარა, რომ მამა-შვილის ერთმანეთის სამტროდ გურგენს მაგისტროსობა, ხოლო ბაგრატ III-ს კურაპალატობა უბოძა. დავითის სამფლობელო კი თავის სამეფოს შეუერთა.

სომხეთის საკითხში და სომეხი მეფეები მის უზენაესობას აღაარებდნენ, რაც ძლიერ აღიზიანებდა ბიზანტიის საკეთმპყრობელს.

⁵⁵ В. Р. Позен. დასახ. ნაშრომი, ტექსტი, გვ. 39. თარგმანი, გვ. 41.

⁵⁶ ქართლის ცხოვრება, 1, გვ. 382.

⁵⁷ Аристакес Ластивертци, დასახ. თხზულება, გვ. 56—57.

ტაოს დაკარგვა ქართველთათვის სერიოზული დანაკლისი იყო. ამ ფაქტს, ცხადია, საქართველოს პოლიტიკური მესვეურნი კმაყოფილებით ვერ შეხვდებოდნენ და ადრე თუ გვიან წართმეულის დაბრუნებაზე იზრუნებდნენ.

პირველი, ვინც ამ პრობლემის გადაჭრა სცადა, იყო კეისრის მიერ გამაგისტროსებული და ამით განაწყენებული ჩრდილოეთ ტაოს მმართველი გურგენ ბაგრატიის ძე ბაგრატიონი. სტეფანოსის გადმოცემით, ბასილმა კონსტანტინეპოლში მისვლა ვერც კი მოასწრო, რომ გურგენ ივერთა მეფე თავისი ჭარით კეისრის მიერ წართმეულ დავითის ყოფილ სამფლობელოში შეიჭრა და იგი დაიკავა. ბასილმა, შეიტყო თუ არა ამის შესახებ, მაშინვე 450 (1001) წელს თავისი ლაშქარი მაგისტროს კანიკლის (ნიკიფორე ურანის) სარდლობით ტაოსაკენ გამოგზავნა გურგენის დასასჯელად, მაგრამ ვერაფერი დააკლო. კანიკლი ბასიანს მოვიდა და მთელი წლის განმავლობაში ისე იდგა მოწინააღმდეგის პირისპირ, რომ შებრძოლება ვერ გაბედა. შემდეგ მან დაზამთრების შიშით, ივერთა მეფესთან მოლაპარაკება გამართა და შეუთვალა, რომ იმპერატორი თანახმაა შეასრულოს საწადელი. ამ პირობით გურგენი დათმობაზე წავიდა და დაუზავდა⁵⁸. მემატინანე აღარაფერს იუწყება იმის შესახებ თუ რაში გამოიხატებოდა გურგენის საწადელის შესრულება, რას ითხოვდა იგი იმპერატორისაგან. მაგრამ ამ საკითხის გარკვევაში გვეხმარება არისტაკესის ერთი გვიანდელი ცნობა, რომელშიც აღნიშნულია, რომ იმპერატორმა ბასილმა (გურგენის შვილიშვილს ბაგრატის ძეს) გიორგის შეუთვალა: „დატოვე ყოველივე ის, რაც მამათქვენს ვუბოძე დავითის სამფლობელოდან“⁵⁹. როგორც ამ ცნობიდან ირკვევა, ბასილ II-ს ივერთა მეფის, გურგენის თხოვნის საფუძველზე ბაგრატ მესამისათვის მიუცია (ეტყობა დროებით, გარდაცვალებამდე) დავით III კურაპალატის სამფლობელოს ნაწილი⁶⁰. ეს კი იმას ნიშნავს, რომ ნაწილი დავითის სამფლობელოსა ისევ ბიზანტიის ხელში რჩებოდა. ალბათ, ასოლიკიც ამას გულისხმობს, როცა ამბობს: გურგენი დათმობაზე წავიდაო.

დათმობის მიზეზები კარგადაა ცნობილი ქართულ ისტორიოგრაფიაში. ვ. კოპალიანის აზრით, აქ მთავარი ის იყო, რომ საქართვე-

⁵⁸ Всеобщая история Степаноса Таронского, с. 101—102.

⁵⁹ Повествование вардапета Аристакэса Ластивертци, с. 58.

⁶⁰ ასეთივე აზრი აქვს გამოთქმული ვ. იუზბაშაიანს ნაშრომში „Аристакэс Ластивертци и его исторический труд“ (см. Повествование вардапета Аристакэса Ластивертци, с. 21).

ლოს გაერთიანების პროცესი ჯერ არ დასრულებულიყო; თბილისის-საამირო, ჰერეთ-კახეთი და არტანუჯი კვლავ მის გარეთ რჩებოდნენ და გაერთიანებას მხარს არ უჭერდნენ. ბაგრატ III, რომლის დახმარების იმედი გურგენს ჰქონდა, დამოუკიდებელი ქართული თემების დასამორჩილებლად წარმოებული ბრძოლებით იყო დასაქმებული და გურგენის მისაშველებლად არ ეცალა. დაუხმარებლად კი დავითის სამფლობელოს შენარჩუნებას ვერ შეძლებდა და ამიტომ მცირედით დაკმაყოფილდა⁶¹. ამდენად, იმიერ-ტაოს, ბასიანისა და სხვა ადგილების მთლიანად შემოერთება ამჯერად ვერ მოხერხდა.

1008 წელს გურგენი გარდაიცვალა. მეფეთ მეფედ დაჯდა ძე მისი ბაგრატ III, რომელმაც სუმბატ დავითის ძის ცნობით, შემოიერთა როგორც მამისეული სამფლობელო ჩრდილოეთ ტაო, ისე კახეთი, ჰერეთი, კლარჯეთი და მიიცვალა ფანასკერტს 1014 წლის 7 მაისს⁶². ტახტი დაუტოვა თავის 12 თუ 18 წლის ვაჟს გიორგი I-ს⁶³.

გიორგი I-მა მთელი თავისი მეფობა და ენერგია ბასილ II-ის წინააღმდეგ ბრძოლას შეაღია. ეს ბრძოლა კი სრულიად ტაოს შემოსაერთებლად წარმოებდა.

XI ს. II ათწლეულში ბასილ II-ის მდგომარეობა ჩრდილოეთში კვლავ გაართულდა. ბულგარელები თავიანთი გამანთავისუფლებელი მოძრაობის ბელადის სამუელის ხელმძღვანელობით ბრძოლას არ წყვეტდნენ და კეისარი იძულებული იყო მთელი თავისი ყურადღება იქეთკენ გადაეტანა. 1014 წელს, ხანგრძლივი ბრძოლების შემდეგ, მან შეძლო მოწინააღმდეგის მთავარი ძალების დამარცხება და სასტიკად დასჯა. ყოველი ასი კაციდან მხოლოდ ერთი დატოვა ცალთვალა, სხვები მთლიანად დააბრმავა. მიუხედავად ასეთი სისასტიკისა, აჯანყება ამით არ დამთავრებულა. იგი კიდევ 4 წელიწადს გაგრძელდა.

ბულგარელი ხალხის თავდადებულმა ბრძოლამ ერთგვარი ხელსაყრელი პირობა შექმნა ტაოდან ბიზანტიელების ფეხის ამოსაკვეთად

61 ვ. კოპალიანი, დასახ. ნაშრომი, გვ. 82.

62 ქართლის ცხოვრება, I, გვ. 382—383.

63 მატინანე „ქართლისას“ ავტორის ჩვენებით, გიორგი I გამეფების უამს „თორმეტი“ წლისა ყოფილა (ქართლის ცხოვრება, I, გვ. 284), სუმბატ დავითის ძის თანახმად — 18 (იწ) წლის (ქართლის ცხოვრება, I, გვ. 383). ხოლო ივ. ჯავახიშვილისა და ვ. კოპალიანის მიხედვით კი „თექვსმეტი წლისა“ (ი. ჯავახიშვილი, ქართველი ერის ისტორია, II, 1965, გვ. 133; ვ. კოპალიანი, დასახ. ნაშრომი, გვ. 89).

და გიორგი I თავისი მიზნის განხორციელებას შეუდგა. როგორც იაპია ანტიოქიელი გადმოგვცემს, „როცა კეისარი ბულგარეთში იბრძოდა, აფხაზთა მეფემ გიორგიმ მისთვის ზიანის მიყენება განიზრახა თავისი სამფლობელოს მოსაზღვრე მხარეებში და დაიკავა ის ოლქები და ციხეები, რომლებიც ბიძამისმა დავით კურაპალატმა ბასილის დაუთმო“⁶⁴. რომელი იყო ეს დათმობილი ტერიტორია? ის, რაც დავითს 979 წლამდე ჰქონდა, თუ მის შემდეგ? არაბი მემპტიანე ამაზე გარკვეულ პასუხს არ იძლევა. ვ. კოპალიანის ვარაუდით, დათმობილ ტერიტორიაში უნდა ვიგულისხმოთ მხოლოდ ის ადგილები, რომლებიც დავითს 979 წლამდე ეპყრა. ეს დასკვნა იქიდან გამომდინარეობს, რომ 979 წელს ბოძებული მიწები მისი გარდაცვალების შემდეგ ისედაც უნდა დაბრუნებოდა კეისარს. საწინააღმდეგო აზრს გამოთქვამს ო. ცქიტიშვილი. არისტაკესის ცნობის გათვალისწინებით იგი აღნიშნავს, რომ კეისარი გიორგის ედავება იმ მამულებს, რომ მან „ძღვნად მიართვა ბაგრატს“⁶⁵. ეს კი იყო დავითის განკარგულებაში 979 წლამდე მყოფი სამფლობელოს მხოლოდ ნაწილი.

მაშასადამე, გიორგი I-ს ჩრდილოეთ ტაო დაუკავებია⁶⁶.

იაპია ანტიოქიელი ქართველი მეფის მიერ ჩრდილოეთ ტაოს დაუფლების თარიღს არ ასახელებს. ივ. ჭავჭავიძევილი კი ვარაუდობს, რომ ეს 1014—1016 წლებში უნდა მომხდარიყო⁶⁷. ამ დროს ბასილ II ისევ

⁶⁴ В. Р. По з е н, დასახ. ნაშრომი, არაბ. ტექსტი, გვ. 58. თარგმანი გვ. 61.

⁶⁵ ო. ცქიტიშვილი, მასალები საქართველოს საგარეო პოლიტიკის ისტორიისათვის გიორგი I-ის ხანაში („მაცნე“, ისტორიის... სერია, თბ., 1968, № 4, გვ. 117).

⁶⁶ ო. ცქიტიშვილი ამის საწინააღმდეგოდ ამბობს: „გიორგი I-ის მიერ ტაოში დავით კურაპალატის მიწა-წყლის დაბრუნების... ფაქტს რომ წამდგინებდნენ, ჩვენ ადგილი“, ქართულ წყაროებს ეს აღენიშნავი არ დაჩვენებია (ო. ცქიტიშვილი, დასახ. ნაშრომი, გვ. 119), მაგრამ ქართულ წყაროებში განა ყველაფერი აღწერს? ანდა, თუ გიორგი მეფეს არაფერი „დაუბრუნებია“, მაშინ რაღა ჰქონდა მასთან სადავო ბასილ II-ს? თუ ასეთ დავას საერთოდ არ ჰქონია ადგილი?

⁶⁷ ივ. ჭავჭავიძევილი, დასახ. ნაშრომი, გვ. 134. ო. ცქიტიშვილს შესწორება შეაქვს ამ თარიღში და აღნიშნავს: თუ ქართულ ისტორიოგრაფიაში დამკვიდრებულ აზრს გიორგი I-ის მიერ ტაოს დაკავებას შესახებ გავიზიარებთ, მაშინ ასეთ თარიღად უნდა მივიღოთ... 1014—1018 წლები, რადგან ბასილმა ბულგარეთის დაპყრობა მხოლოდ 1018 წ. დაასრულა (ო. ცქიტიშვილი, დასახ. ნაშრომი, გვ. 119). ჩვენ კი ვფიქრობთ, რომ ჭავჭავიძევილის ვარიანტი უფრო სწორია. გიორგის მაშინ უნდა დაეკავებინა ტაო, როცა ბასილი ბულგარებთან ბრძოლით იყო ხელუფლები შეკრული და ტაოსათვის არ ეცალა.

ბულგარეთში იმყოფებოდა და აღმოსავლეთისათვის მას ჯერ არ ეცალა. ხოლო, როდესაც ბულგარელები საბოლოოდ დაამარცხა და 1018 წელს კონსტანტინეპოლს დაბრუნდა, მაშინვე ტაოს საკითხის მოგვარებას შეუდგა. მან გიორგი I-ს შეუთვალა, რომ დაუყოვნებლივ დაეტოვებინა ყოველივე ის, რაც მამამისს ბაგრატ III-ს უბოძა დავით კურაპალატის სამფლობელოდან და მხოლოდ საკუთარი მამული ეკმარა⁶⁸. მაგრამ ქართველმა მეფემ ამ წინადადების მიღებაზე უარი თქვა და კეისარს აუწყა: რასაც მამაჩემი ფლობდა იმისგან ერთ სახლსაც კი არ მოგცემო⁶⁹.

არისტაკესის ამ ცნობის საფუძველზე ქართულ ისტორიოგრაფიაში გამოთქმული აზრი, რომ „ბიზანტიის საიმპერიო ხელისუფლება ახლა იმაზე მეტს მოითხოვდა გიორგი ქართველთა მეფისაგან, რაც ბიზანტიამ 1001 წელს მიიტაცა“⁷⁰, ე. ი. მთელ ტაოს. ჩვენ კი გვგონია, რომ საქმე სულ სხვანაირად არის. კეისარი გიორგისაგან მოითხოვდა იმ ტერიტორიიდან წასვლას, რაც მან 1001 წლის შეთანხმებით გურგენს დაუთმო ბაგრატისათვის გადასაცემად იმ პირობით, რომ ბაგრატის გარდაცვალების შემდეგ ეს მიწები ბიზანტიას დაუბრუნდებოდა, მაგრამ გიორგი უარზე იდგა და პირობას არ ასრულებდა⁷¹. ვფიქრობთ, სწორედ ამ აზრს ეხმაურება იაპიას ის ცნობა, რომელშიც აღნიშნულია: როცა კეისარი „ბულგარეთში იბრძოდა, აფხაზთა მეფე გიორგიმ განიზრახა მისთვის ზიანის მიყენება თავისი სამფლობელოს მეზობელ მხარეებში და დაიკავა ის ოლქები და ციხეები, რომლებიც ბიძამისმა დავით კურაპალატმა ბასილს დაუთმო“⁷². თუ ეს ასეა, მაშინ არაბი და სომეხი ისტორიკოსის ცნობები ერთმანეთს ემთხვევიან.

იაპიას მიაჩნია, რომ გიორგი მეფის მიერ აღნიშნული ტერიტორიის დაკავება დანაშაული, ხოლო ბასილ II-ის წინადადების მიუღებლობა არასწორი გადაწყვეტილება იყო. მისი აზრით, იგი ისე უნდა მოქცეულიყო, როგორც თავის დროზე მოიქცნენ მამამისი და ბიძა, რომლებმაც თავი დამნაშავედ სცნეს და კეისარს მორჩილება აღუთ-

⁶⁸ Повествования вардапета Аристакеса Ластивертци, გვ. 58; ი ვ. ჯ ა ე ა ბ ხ ი შ ვ ი ლ ი, დასახ. ნაშრომი, გვ. 134.

⁶⁹ Повествования вардапета Аристакеса Ластивертци, с. 58.

⁷⁰ ვ. კოპალიანი, დასახ. ნაშრომი, გვ. 91.

⁷¹ ასეთივე აზრი აქვს გამოთქმული ო. ცქიტიშვილსაც (ო. ცქიტიშვილი, დასახ. ნაშრომი, გვ. 117).

⁷² В. Р. Розен, დასახ. ნაშრომი, ტექსტი, გვ. 58, თარგმანი, გვ. 61.

ქვეს⁷³. მართლაც, რაკი ბასილმა 1001 წელს მეფეთ მეფე გურგენის სურვილი ნაწილობრივ მაინც დააკმაყოფილა (როგორც ამას ასოლიკი აღნიშნავს)⁷⁴ და დავითის ყოფილი სამფლობელოს ნაწილი ბაგრატს გადასცა იმ პირობით, რომ შიშა ვაჟთა ცვალები შეტეგ იგი კვლავ ბიზანტიას დაუბრუნდებოდა, გიორგის მიერ ამ ტერიტორიის დაკავება პირობის დარღვევა იყო და ამ მხრივ არაბი მწერლის პოზიცია უდავოდ სწორია. მაგრამ მას მხედველობის მიღმა რჩება მთავარი. რომ ეს ტერიტორია საქართველოს ნაწილს წარმოადგენდა და ბიზანტიას მიტაცებული ჰქონდა.

გიორგი მეფემ აღნიშნული მიწა-წყლის შემოერთება მაშინ განიზრახა, როცა საქართველოს მთლიანობა უკვე დარღვეული იყო. პერთ-კახეთი მას აღარ ემორჩილებოდა (რომ აღარაფერი ვთქვათ თბილისის საამიროზე). ცენტრიდანული ძალების გააქტიურება სამეფოს სხვა მხარეებშიც შეიმჩნეოდა. ამის გამო მეფეს აღარ შეეძლებოდა იმ ძალის თავმოყრა, რაც უზრუნველყოფდა ბიზანტიაზე გამარჯვებას. ამდენად, კეისართან საქმის გართულება ნაადრევ, წინასწარ მოუფიქრებელ ნაბიჯად შეიძლებოდა მიგვეჩნია, რომ ერთი მნიშვნელოვანი გარემოება არა: ქვეყნის გათიშვით წარმოებული სიძნელეების დაძლევის იგი გარეშე ძალების დახმარებით იმედოვნებდა. გიორგი I ვარაუდობდა, რომ ბიზანტიის წინააღმდეგ მას ქმედით დახმარებას აღმოუჩენდნენ მეზობელი ქრისტიანული სომხეთის სამეფოსამთავროები და მუსლიმური საამიროები, რომლებსაც ბიზანტიის გაძლიერება ხელს არ აძლევდათ. ამ რწმენით ქართველთა მეფემ, ჯერ კიდევ ადრე, როცა კეისარი ბულგარეთის საქმის მოგვარებით იყო დაკავებული, კავშირი დაამყარა ეგვიპტის ხალიფა ალ-ჰაქიმთან (996—1020). როგორც იაჰია ანტიოქიელი იტყობინება, გიორგი I ალ-ჰაქიმს მოუწოდებდა, „გაერთიანებულიყვნენ იმპერიის წინააღმდეგ საბრძოლველად და თითოეულ მათგანს ერთდროულად განეხორციელებინა მასზე თავდასხმა საკუთარი ქვეყნის ტერიტორიიდან“⁷⁵.

ამ ცნობიდან აშკარად ჩანს, რომ გიორგი მეფის მიერ შეთავაზებული ასეთი საბრძოლო გეგმა ითვალისწინებდა კეისრის სამხედრო ძალების დაქსაქსვა-დასუსტებას და მათზე იოლ გამარჯვებას, რაც

⁷³ В. Р. Розен, დასახ. ნაშრომი, გვ. 58, 61.

⁷⁴ Всеобщая история Степаноса Таронского, с. 202.

⁷⁵ В. Р. Розен, დასახ. ნაშრომი, ტექსტი, გვ. 58, თარგმანი, გვ. 61; ო. ცქიტიშვილი, დასახ. ნაშრომი, ტექსტი, გვ. 125, თარგმანი, გვ. 127—128.

ერთნაირად ხელსაყრელი იყო როგორც ქართველი მეფისათვის, ისე ბერძენთმძულე ეგვიპტის ხალიფისათვის. ამიტომ ქართველი მეფის წინადადებაზე ალ-ჰაქიმს უარი არ უთქვამს და მოკავშირეები ლაშქრობისათვის სამზადის შეუდგნენ. მაგრამ ჩანაფიქრი ვერ განახორციელეს. სანამ ისინი ლაშქრობას დაიწყებდნენ ბასილ II-მ ბულგარები დაამარცხა და თავისი ჭარები სასწრაფოდ კონსტანტინეპოლში დააბრუნა, რათა ისინი გიორგი I-ის დასასჯელად გაეგზავნა. იაჰიას თქმით, ამ დროს კეისარმა უკვე იცოდა ალ-ჰაქიმთან გიორგის საიდუმლო შეთანხმების შესახებ და იგი დედაქალაქში დიდხანს აღარ გაჩერებულა. სურსათ-სანოვაგით დატვირთული ალალი სირიისაკენ გაისტუმრა და თვიფონაც თავისი ჭარით იქით გაემართა. მაგრამ, როცა ანტიოქიის მახლობლად მდებარე ქ. ფლიმილს (მერმინდელ აკ-შაჰრს) მივიდა, მიმართულება შეიცვალა და აფხაზეთისაკენ იბრუნა პირი.

აქედან გამომდინარე იაჰია ანტიოქიელი აკეთებს დასკვნას, რომ სირიაში ლაშქრობის გამოცხადებით კეისარს სურდა შეენიღბა თავისი წამდვილი ზრახვები, თვალი აეხვია ქართველებისათვის და დაერწმუნებინა ისინი იმაში, რომ მათ წინააღმდეგ არაფერს ფიქრობდა⁷⁶.

არაბი მწერლის ამ მოსაზრებას მთლიანად იზიარებენ ქართველი ისტორიკოსები⁷⁷. მაგრამ ბასილ II-ის მოქმედების ამგვარად გაგება სწორი არ უნდა იყოს. სირიაში ლაშქრობა რომ გამოაცხადა, ამით ქართველთა თვალის ახვევასე მეტად კეისარს ის ეწადა, რომ გიორგი I-ის მოკავშირე ალ-ჰაქიმი დაემარცხებინა, კოალიციური ლაშქრობის გეგმა ჩაეფუშა და შემდეგ უმოკავშარეოდ დარჩენილ ქართველ მეფეს იოლად გასწორებოდა. ამ მიზნის მისაღწევად მან მოხერხებულად გამოიყენა მტრული ურთიერთობა ეგვიპტის ხალიფა ალ-ჰაქიმისა მის ქვეშევრდომ სირიის მმართველ აზიზ ალ-დავლესთან, რომელიც დამოუკიდებლობისაკენ ილტვოდა და დააახლოებით 1029 წლის გაზაფხულზე, ალეპოს დათმობის პირობით, დახმარებას სთხოვდა ბიზანტიას. ცხადია, კეისარი ასეთი თხოვნის მიღებაზე უარს არ იტყოდა, მით უმეტეს მაშინდელ სიტუაციაში, და სწორედ ამიტომ გაემართა

⁷⁶ В. Р. Розен, დასახ. ნაშრომი, ტექსტი, გვ. 68, თარგმანი, გვ. 62.

⁷⁷ ივ. ჯავახიშვილი, დასახ. ნაშრომი, გვ. 134; ვ. კოპალიაძე, დასახ. ნაშრომი, გვ. 93.

სირიისაკენ⁷⁸. მას რომ სხვა განზრახვა ნამდვილად არ ჰქონია ამაში ადვილად დაერწმუნდებით თუ ყურადღებას მივაპყრობთ იაჰიას ერთ ცნობას, რომელშიც ნათქვამია: როდესაც ბასილმა ფილიმილს მიაღწია, ალ-ჰაქიმის გარდაცვალება (გაქრობა) შეიტყო და პირი აფხაზეთისაკენ იბრუნა⁷⁹. კეისარს რომ მართლა ქართველების სიფხიზლის მოღუწება და შეცდომაში შეყვანა ჰქონოდა გადაწყვეტილი, იგი არც ანტიოქიამდე მივიდოდა და არც ალ-ჰაქიმის გარდაცვალების შემდეგ შეიცვლიდა მიმართულებას, არამედ სირიაში ლაშქრობის გამოცხადებისთანავე დაესხმოდა თავს საქართველოს მიწა-წყალს.

ალ-ჰაქიმი 1021 (411) წლის⁸⁰ ზამთარში გარდაიცვალა. მამასადამე, ბიზანტიელთა ლაშქრობაც საქართველოში ამ დროს (1021 წელს) უნდა მომხდარიყო. ამას ადასტურებს ქართული წყაროებიც, კერძოდ, „მატიანე ქართლისა“ და სუმბატ დავითის ძის „ცხოვრება და უწყება ბაგრატიონიანთა“, რომლებშიც პირდაპირაა მითითებული: ბერძენთა მეფე ბასილი გიორგის მეფობის მეშვიდე წელს მოვიდა⁸¹. ბიზანტიელთა ამ ლაშქრობის თარიღად 470(1021) წელს დებს არისტაკესიც⁸². ბიზანტიელთა გამობრუნება საქართველოსაკენ დააჩქარა სირიის გამგებლის აზიზ ად-დავლას თავდაპირველი გადაწყვეტილების შეცვლამ, რაკი ალ-ჰაქიმი უგზოუკვლოდ დაიკარგა და მისგან თავდასხმის საშიშროება მოიხსნა, აზიზმა უარი უთხრა კეისარს მიცემული პირობის შესრულებაზე და გაათრახილა, ხელი აეღო ლაშქრობაზე, თორემ სირია მის წინააღმდეგ აღსდგებოდა⁸³. ბასილ II-ს სირიასთან საქმის გართულება, ამჯერად, ხელს არ აძლევდა და, ვინაიდან ეგვიპტეც მას აღარ ემუქრებოდა, საქართველოსაკენ გამობრუნება ამჯობინა.

გიორგი I ბასილის ლაშქრობას მომზადებული დახვედრია. იაჰიას ჩვენებით, როდესაც აფხაზთა მეფემ შეიტყო რომ კეისარი მის წი-

⁷⁸ В. Р. Розен, *დასახ. ნაშრომი*, გვ. 373; ვ. გაბაშვილი, საქართველო-ეგვიპტის ურთიერთობის ისტორიიდან. XII საუკუნის საქართველოს ისტორიის საკითხები, თბ., 1968, გვ. 65 — 66 (თსუ „შრომება“, ტ. 125, ისტორიული მეცნიერებათა სერია VI).

⁷⁹ В. Р. Розен, *დასახ. ნაშრომი*, ტექსტი, გვ. 58, თარგმანი, გვ. 62.

⁸⁰ К. Э. Босворт, *Мусульманские династии. Справочник по хронологии и генеалогии*. Перевод с английского и примечания П. А. Грязновича, М., 1971, с. 78.

⁸¹ ქართლის ცხოვრება, I, გვ. 284, 383.

⁸² Повествование Аристакеса Ластивертци, с. 60.

⁸³ ვ. გაბაშვილი, *დასახ. ნაშრომი*, გვ. 67.

წალმდეგ მიემართებოდა, მთელი თავისი ლაშქარი შეყარა. ამავე დროს, დახმარება სთხოვა ყველას, ვისაც შეეძლო მიშველებოდა და თავისი სამფლობელოს საზღვართან დადგა რომ მოწინააღმდეგეს შებრძოლებოდა. მაგრამ მალე ნათელი გახდა, რომ კარს მომღვარი მტრის ძალები მისას ბევრად სჭარბობდა და იგი უბრძოლველად უკუიქცა. ბასილმა მას იქამდე სდია, სანამ მდინარის იქით არ გადაძვია მდინარის გადალახვა კი ვეღარ შეძლო და დაპყრობილ ადგილებს მიუბრუნდა. გადაწვა და გააუქაცრიელა სოფლები, გაზიდა მთელი სურსათი, დაატყვევა, დახოცა და დააბრმავა 200 ათასზე მეტი კაცი. ამასობაში ზამთარმაც მოაღწია და ბასილი თავისი ჯარით ტრაპიზონს წავიდა რომ იქ გამოეზამთრა და გაზაფხულზე ლაშქრობა განეახლებინა⁸⁴.

არაბი მემატიანე არც მდინარის სახელწოდებას იძლევა და არც ბიზანტიელთა მიერ დაპყრობილ-გაპარტახებული ადგილების სახელებს გვამცნობს. მაგრამ ამ საკითხის გარკვევაში გვეხმარებიან ქართული და სომხური წყაროები, რომელთა მონაცემების თანახმად ბასილს აღნიშნული ლაშქრობისას დაუპყრია არტაანი (არტანუჯი), სამცხე, ჭავჭავთი და თრიალეთი⁸⁵ სულ 12 ივარი⁸⁶.

ბიზანტიელთა უკან გაბრუნების მიზეზად იაჰია იმას ასახელებს, რომ მდინარემდე მისულთ მისი გადალახვა ვეღარ მოუხერხებიათ. მაგრამ ეს არ შეიძლება მთავარ მიზეზად მივიჩნიოთ. ისეთი დიდი, წყალუბვი მდინარეები, რომელთა გადალახვა გვიან შემოდგომაზე (როცა წყლის დონე მათში ყველაზე დაბალია) ბიზანტიის ლაშქარისათვის შეუძლებელი ყოფილიყო სამხრეთ-დასავლეთ საქართველოში არ იძებნება. ამიტომ ძირითადი დაბრკოლება იქ მდინარე კი არა, ის იყო, რომ ქართულ წყაროთა ჩვენებით, თრიალეთს მოსულმა გიორგი მეფემ „მოირთო ძალი კახეთისა და ჰერეთისა“, გაიმრავლა ლაშქარი, გაძლიერდა და მტერთან მეორედ შებმა დააპირა „ხოლო იხილა რა ესე, ბასილი შეიქცა“ და დაპყრობილი ადგილების რბევას შეუდგა⁸⁷.

აქ ყურადღებას იპყრობს გიორგი მეფის ლაშქარში კახეთ-ჰერეთის ლაშქრის გამოცხადება. როგორც ცნობილია, ეს მხარეები გიორ-

⁸⁴ В. Р. Розен, დასახ. ნაშრომი, არაბ. ტექსტი, გვ. 58—59, თარგმანი გვ. 62; ი. ცქიტიანი, დასახ. ნაშრომი, გვ. 125—126, 128.

⁸⁵ ქართლის ცხოვრება, I, გვ. 285, 383.

⁸⁶ Повествование Аристакеса Ластивертци, с. 61.

⁸⁷ ქართლის ცხოვრება, I, გვ. 285, 383.

გის მისი გამეფებისთანავე განუდგნენ და, ცხადია, მასთან შეგობრული დამოკიდებულება ვერ ექნებოდათ. ამდენად, მათ ინტერესებს არც ის შეადგენდა, კეისრის წინააღმდეგ ბრძოლა სრული გამარჯვებით დამთავრებულიყო, რადგან ეს გიორგი მეფის გაძლიერებას გამოიწვევდა და მათ სერიოზულ საშიშროებას შეუქმნიდა, ამიტომ ვ. კოპალიანი ამ შემთხვევას იმით ხსნის, რომ „გიორგის ხელისუფლებამ, ალბათ, მათი დამოკიდებულება სენო“, თორემ ისე „შეუძლებელი იყო გიორგი მეფის ხელისუფლებისა და ჰერ-კახთა მმართველობას შორის საერთო ენის გამონახვა⁸⁸. მაგრამ ვინაიდან ეს არის ვარაუდი, რომელსაც დადასტურება არ ეძებნება, უფრო სწორი იქნება თუ დავუშვებთ, რომ გიორგის ბანაკში ჰერ-კახთა ლაშქრის გამოკახადება მოხდა სულ სხვა მიზეზით. კერძოდ, მათი შესვეურნი გრძნობდნენ, რომ გიორგი I-ის დამარცხების შემთხვევაში კეისარი არც მათ დაინდობდა და სწორედ ამ საფრთხემ აიძულა ისინი თანამეტომეს მიშველებოდნენ. ამ ვარაუდის სასარგებლოდ მიგვანიშნებს თუნდაც ის ფაქტი, რომ ჰერეთ-კახეთის ლაშქარი გიორგი მეფეს ბასილთან შებრძოლებამდე კი არა, მის შემდეგ მოუვიდა, როცა გამარჯვებული კეისარი ქვეყნის სიღრმისაკენ მიიწვევდა.

ბასილის ტრაპიზონს მისვლისთანავე მოწინააღმდეგე მხარეთა შორის მოლაპარაკება დაიწყო და როგორც „მატიანე ქართლისა“ გვამცნობს „ვიდოდეს მათ შორის მოციქულნი ზავისა და სიყუარულისათვის“⁸⁹. მაგრამ ბიზანტიის ხელისუფლება ამით არ დაკმაყოფილდა. მან აქტიური საქმიანობა გააჩაღა აგრეთვე იმისათვის, რომ საქართველოსაგან ჩამოეშორებინა მოკავშირეები — სომხეთის პოლიტიკური ერთეულები, რათა დაემართხლებინა გიორგი I და იძულებული გაეხადა მიეღო ბიზანტიელთა მოთხოვნა. და უნდა ითქვას, რომ ბასილმა ამ ამოცანის გადაჭრაში გარკვეულ წარმატებას მიაღწია. იაჰია ანტიოქიელის ცნობით, როცა ბიზანტიის კეისარი გამოსახამთრებლად ტრაპიზონს იმყოფებოდა. „ასფარაჯანის გამგებელმა სანაპარიბმა და იბნ ალ-დაირანიმ, რომელიც იბნ ალ-ასირის თანახმად ვასპურაკანის ნაწილს: ზაეზანს, ვანსა და ვასტანს ფლობდა⁹⁰, მთელი თავიანთი სამფლობელოები მას გადასცეს. ამან ბასილი დიდად გაახარა. შემოერთებული ადგილებიდან (ციხესიმაგრეებიდან თავიანთი შემოგარენით.

⁸⁸ ვ. კოპალიანი, დასახ. ნაშრომი, გვ. 97.

⁸⁹ ქართლის ცხოვრება, I, გვ. 285.

⁹⁰ იბნ ალ-ასირი, დასახ. თხზულება, VIII, 173, 177.

—ბ. ს.), რომელთა საერთო რაოდენობა ორმოცს აღემატებოდა, მან ცალკე საკატებანო (თემი) შექმნა და თითოეულ (ადგილს) თავისი გამგებელი და მცველი რაზმი მიუჩინა. სანაპარიბი და იბნ ალ-დაირანი კი თავიანთი ოჯახებითა და ნათესავებით დაასაჩუქრა ვრცელი მამულებით, დიდძალი ფულითა და მაღალი ტიტულებით⁹¹.

ბიზანტიისათვის ვასპურაკანის გადაცემის შესახებ მოგვითხრობს სომხური წყაროც. როგორც არისტაკესი გადმოგვცემს, „სენექერიმმა,, თავისი სამემკვიდრეო მამული, ვასპურაკანის ქვეყანა, ვასილ თვით-მპყრობელს მისცა; სამაგიეროდ ქალაქი სებასტია და მისი მიმდებარე მხარეები მიიღო“. მისივე თქმით, ვასპურაკანის გამგებლის ასეთი მოქმედება იმით იყო გამოწვეული, რომ მას „სპარსელები ავიწროებდნენ“⁹².

პართლაც, 1016 წლიდან მოყოლებული მომთაბარე ტომთა მოძალება ვასპურაკანს მოსვენებას აღარ აძლევდა და ამან, რა თქმა უნდა, საგრძნობლად შეუწყო ხელი მის გადასვლას ბიზანტიელთა ხელში. მაგრამ, ვფიქრობთ, გადამწყვეტი როლი ამ საქმეში მაინც საქართველოს დამარცხებამ და მისი სამხრეთ-დასავლეთ ნაწილის — საკურაპალატოს დაკარგვამ შეასრულა. საკურაპალატოს მიწა-წყლიდან გაძევებული გიორგი I უკვე მოკლებული იყო იმის შესაძლებლობას, რომ საჭირო დახმარება აღმოეჩინა თავისი სიმამრის, სანაქარიმ არწრუნისათვის როგორც მომთაბარე თურქული ტომთა თავდასხმების, ისე ბიზანტიელთა მუქარის მოგერიებაში.

არისტაკესის თხზულებაში თხრობა სანაქარიმის მიერ ბიზანტიისათვის თავისი სამეფო ვასპურიკანის გადაცემის შესახებ მოსდევს ბასილ II-ის წინააღმდეგ ნიკიფორე წარვაზისა (კისერმოქცეულის) და ანატოლიის პატრიკიოსის, ნიკიფორე ქსიფარუშის (ქსიფის) მეთაურობით მოწყობილი აჯანყების ამბის გადმოცემას. ეს აჯანყება კი, მისივე ქრონოლოგიით მოხდა 1022 წელს, ტაოში კეისრის მეორედ ლაშქრობის დროს. ამიტომ „სომხეთის ისტორიაშიც“, როდესაც ვასპურაკანის დამოუკიდებლობის დაკარგვაზეა მსჯელობა, ეს თარიღია მითითებული⁹³. ამავე დროს, აგაჯანოვ-იუზბაშიანმა და ვ. ისკანიანმა

⁹¹ В. Р. Розен, *დასახ. ნაშრომი*, ტექსტი, გვ. 59, თარგმანი, გვ. 62; *ო. ც. კ. ი. შ. ე. ი. ლ.*, *დასახ. ნაშრომი*, ტექსტი, გვ. 125, თარგმანი, გვ. 128.

⁹² Повествование вардапета Аристакаеса Ластивертци, с. 64.

⁹³ История армянского народа, ч. I. Ереван, 1951, с. 151, შტრ. Н. Скабаланович, Византийское государство и церковь в XI веке, 1884, гв. 191—192; ვ. კობალიანი, *დასახ. ნაშრომი*, გვ. 105.

დაამტკიცეს და დღეს სომხეთში აღარავინ დაობს იმის შესახებ, რომ სანაქარიში ბიზანტიაში გადასახლდა 1021 წელს⁹⁴, როცა მას სამეფო და მეფის პატივი უკვე აღარ ჰქონდა. ამ ორი განსხვავებული თარიღიდან უკანასკნელი უნდა იყოს სწორი. ამის საფუძველს გვაძლევს თვით არისტაკესი. როდესაც ის აღნიშნავს, სანაქარიმმა თავისი სამემკვიდრეო მამული, ვასპურაკანის ქვეყანა, ვასილ თვითმპყრობელს გადასცაო, იქვე დასძენს: „ეს მოხდა არცთუ ისე შორეულ წარსულში, ორი თუ სამი წლის წინათ“⁹⁵. რაც ახლოსაა იაპიასეულ თარიღთან (1021—1022 წწ. მიჯნა). ამ ცნობიდან ისიც გარკვევით ჩანს, რომ არისტაკესთან დარღვეულია მოვლენათა ქრონოლოგიური თანმიმდევრობა, კერძოდ, ის, რაც ნიკიფორესა და ქსიფის აჯანყებამდე მოხდა (ესაა სანაქარიმის მიერ ვასპურაკანის გადაცემა ბასილისათვის) მოთხრობილია მის შემდეგ. მიზეზი ამისა ისაა, რომ იგი არასწორადაა ინფორმირებული. ზუსტად ვერ ერკვევა ვითარებაში, რაც აშკარად ჩანს თუნდაც იქიდან, რომ მას სანაქარიში და დავითი ერთი პიროვნების ნებადსხვა სახელი ჰქონია („დავითი, რომლის მეორე სახელია სენეჟერიმი“)⁹⁶. ნამდვილად კი დავითი იყო სანაქარიმის ვაჟი, რომელმაც უღალატა აჯანყებულთ და მოკლა მათი მეთაური ნიკიფორე წარვეზი, რომლის მკვლელად, ზემოაღნიშნული გაუგებრობის გამო, არისტაკესი სანაქარის აცხადებს⁹⁷ და თხრობასაც ამ უკანასკნელის მიერ ვასპურაკანის კეისრისათვის გადაცემის ამბის შესახებ, აჯანყების შემდეგ იძლევა.

ვასპურაკანის ხელში ჩაგდება ბასილ II-ის სერიოზული მონაპოვარი იყო. მას უდიდესი მნიშვნელობა ჰქონდა მისთვის ეკონომიკურადაც და სამხედრო-პოლიტიკური თვალსაზრისითაც. ის წარმოადგენდა მეტად მოხერხებულ პლაცდარმს, საიდანაც ბიზანტიას თანაბრად შეეძლო საომარი მოქმედების წარმართვა, ერთი მხრივ, მუსლიმური საამიროების, ხოლო, მეორე მხრივ, საქართველოს მოკავშირე ანისის სამეფოსა და სომხეთის სხვა პოლიტიკური ერთეულების წინააღმდეგ.

⁹⁴ აუ აჯ ა ნ ო ვ ი უ ზ ბ ა შ ი ა ნ ი, თურქთა თავდასხმების ისტორიისათვის; ვ. კ. ისკანიანი, არწრუნთა გადასახლების შესახებ — „სომხეთის მეცნიერებათა აკადემიის ისტორიულ-ფილოლოგიური ჟურნალი“, 1965,3 (სომხურ ენაზე).

⁹⁵ Повествования Аристакеса..., с. 65. —

⁹⁶ იქვე, გვ. 64.

⁹⁷ იქვე, გვ. 64—65, 148, შენიშვნა მე-6.

ყოველივე ამან მნიშვნელოვნად გაურთულა მდგომარეობა საქართველოს მეფეს და აიძულა იგი გარკვეულ დათმობაზე წასულიყო, რათა თავიდან აეცილებინა ბიზანტიელთა ახალი ლაშქრობა, კეისარს გაზაფხულზე რომ უნდა დაეწყო.

იაპია ანტიოქიელის თქმით, გიორგი I თავისი ელჩის მეშვეობით ბოდიშს უხდიდა კეისარს საქართველოს გამო და შეწყალებას ითხოვდა. სამაგიეროდ. პირობას იძლეოდა, რომ დაუთმობდა დავით კურაპალატის კუთვნილ ყველა ციხესა და მთელ სამფლობელოს, მიქვლად მისცემდა თავის ვაჟს ბაგრატს და სანამ იცოცხლებდა მუდამ მისი ერთგული იქნებოდა. ბასილმა გიორგი მეფის თხოვნა შეისმინა და მის ელჩს თან გააყოლა თვისი მრავალი წარჩინებული და მოსამართლე, რომლებმაც მეფეს, მის კათალიკოსს, დიდებულებსა და ეპისკოპოსთ მტკიცე ფიცი ჩამოართვეს იმისა, რომ კეთილსინდისიერად შეასრულებდნენ დანაპირებს⁹⁸.

ვინაიდან საქართველოს სამეფო ხელისუფლების ასეთი გადაწყვეტილება რთული მდგომარეობით ნაკარნახევი იძულებითი ღონისძიება იყო, ის გულწრფელი ვერ იქნებოდა. ამაში კეისარს ეჭვი არ ეპარებოდა და მოუხედავად მიღწეული შეთანხმებებისა იგი მაინც ქართველი მეფის დანაპირები ადგილების მიღებას და გიორგის ვაჟის წაყვანას ჩქარობდა. ამ მიზნით, გაზაფხულდა თუ არა, იგი მაშინვე საქართველოსაკენ დაიძრა. მაგრამ ვიდრე მიზანს მიაღწევდა დიდი ხიფათი გადაიტანა.

მოუხედავად იმისა, რომ ბასილ II-მ X ს. ბოლო მეოთხედში სისლში ჩაახშო ჯერ ბარდა სკლიაროსის, ხოლო მერე ბარდა ფოკას აჯანყებები და ამით დიდი ბრძოლა გამართა მისი ხელისუფლების წინააღმდეგ მოქმედი ქვეყნის მსხვილი ფეოდალური არისტოკრატიის დასათრგუნავად, სასურველ შედეგს მთლიანად მაინც ვერ მიაღწია, აჯანყებების აღკვეთა ვერ მოახერხა. ერთ-ერთ ასეთ აჯანყებას ადგილი ჰქონდა XI ს. 20-იანი წლების დასაწყისში.

როგორც იაპია ანტიოქიელი იუწყება, ანატოლიის პატრიკიოსი ნიკიფორე, იქსიფარუსის სახელით რომ იყო ცნობილი, შეუერთდა ბარდა ფოკას ვაჟს ნიკიფორე ალ-მუ'ავვაჯს (კისერმოქცეულს) და ორივენი შეთანხმდნენ. ესარგებლათ აფხაზეთთან ბასილის გართულებული მდგომარეობის გამო შექმნილი ხელსაყრელი მომენტი და

⁹⁸ В. Р. Розен, *დასახ. ნაშრომი*, ტექსტი, გვ. 59, თარგმანი, გვ. 63.

შას აჯანყებოდნენ⁹⁹. იგივე ამბავი შედარებით უფრო ვრცლად და ოდნავ განსხვავებით მოთხრობილი აქვს არისტაკესსაც. მისი ცნობით, როცა პონტოს ველში გამოზამთრების შემდეგ ტაოსაკენ დაუყოვნებლივ წასული ავტოკრატი ბასიანს მივლია და დაბანაკდა, იქ თავი მოიყარა ბიზანტიის დიდკაცობამ, რომლებიც იმის გამო, რომ ადრე იმპერატორს სხვადასხვა მიზეზით ჩამოექვეითებინა, უკმაყოფილონი იყვნენ და გალიაში გამომწყვდეული ლომებივით ღრიალებდნენ. მათ ერთხმად გადაწყვიტეს ხელსაყრელი მომენტი გამოეყენებიათ. გამდგარყვენენ და იმპერატორად აერჩიათ ის, ვისაც თვითონ ისურვებდნენ. თავიანთი გადაწყვეტილების გამოცხადების შემდეგ ისინი ერთ ვრცელ ველში დაბანაკდნენ. იქ თავი მოიყარა ურიცხვმა ხალხმა და ერთმანეთს სთავაზობდნენ იმპერატორის პატივს. ბოლოს არჩევანი ფოკა წარვიზზე გააჩერეს. იგი თავიდანვე უარს ამბობდა, მაგრამ დაჟინებითი თხოვნის შემდეგ დათანხმდა¹⁰⁰. გ. კედრენე კი აჯანყების მიზეზის შესახებ აღნიშნავს: „მეფემ მთელი ჭარით გაილაშქრა გიორგის წინააღმდეგ, ხოლო პატრიკიოსი ნიკიფორე ქსიფიასი და პატრიკიოსი ნიკიფორე ბარდა ფოკას ძე შინ დატოვა“. მათ ეს შეურაცხყოფად მიიღეს, ჭარი შეკრიბეს კაპადოკიიდან, როდანტიდან, სხვა მეზობელი მხარეებიდან და აჯანყდნენო¹⁰¹.

აჯანყების გამომწვევი მიზეზების, მისი მიმდინარეობისა და საბოლოო ბედ-იღბლის გარემოებათა გამოკვლევა ჩვენს მიზანს ამჟამად არ შეადგენს, მაგრამ ვინაიდან მისი გათვალისწინების გარეშე საქართველო-ბიზანტიის ურთიერთობის სრული სურათის წარმოდგენა შეუძლებელია, ზოგიერთი რამ მაინც უნდა ითქვას. აჯანყება რომ წარმატებით დამთავრებულიყო, მისმა მოთავეებმა განიზრახეს იმპერატორის წინააღმდეგ ბრძოლაში ჩაებათ მისი პოლიტიკით უკმაყოფილო ყველა ძალა, მათ შორის საქართველო-სომხეთის სამეფოები: „ნიკიფორე ცდილობდა თავის მხარეზე გადაეხირობინა... გიორგი I და ვაგიკის ვაჟები იოვანეს სმბატი (1020—1041) და აშოტ IV“-ო —

⁹⁹ В. Р. Розен, *დასახ. ნაშრომი*, ტექსტ. გვ. 60, თარგმანი, გვ. 63: *ო. ცქიტიშვილი*, *დასახ. ნაშრომი*, გვ. 129. „მატიანე ქართლისას“ ცნობითაც „იქმნა დიდი განდგომილება საბერძნეთს. შეიერთნეს სპასპეტი და წარვეზი ძე ფოკას განდგომილისა და წარიდგინეს ქვეყანა აღმოსავლეთისა“. ამასვე იმეორებს სუმბატ დავითის ძეც (ქართლის ცხოვრება, I, გვ. 285—286, 383).

¹⁰⁰ Повествование Арпстакеца Ластивертци. გვ. 63—64.

¹⁰¹ გეორგიკა, V, გვ. 46.

იუწყება მათე ედესელი¹⁰² არსებობს სანდო ცნობები იმის შესახებ-
ბაკ. რომ აჯანყების აქტიური მონაწილენი იყვნენ აგრეთვე სანაქარი-
მის ვაჟი დავითი¹⁰³ და ბიზანტიაში მყოფი ზოგი ქართველი, კერძოდ,
ჯოჯიკის ვაჟი ფერისი¹⁰⁴, რომელიც 1001 წელს კეისარმა ტაოდან ბი-
ზანტიაში წაიყვანა როგორც მისთვის საშიში პიროვნება¹⁰⁵. არისტა-
კესის ჩვენებით, სწორედ ფერისი და მისი სიძე ანდრონიკი იყვნენ
რომ გიორგი I-ს (აფხაზს) დაუკავშირდნენ და დავით კურაპალატის
სამფლობელოს შეპირდნენ თუ იგი აჯანყებულთ დაეხმარებოდა¹⁰⁶.

ვინაიდან საქართველოსა და ბიზანტიას შორის მტრული დამო-
კიდებულება არსებობდა, გიორგი მეფე აჯანყებულთა წინადადებას
კმაყოფილებით შეხვდა. არც ჭომხურ სამეფოებს უთქვამთ უარი აჯან-
ყებაში მონაწილეობაზე და ეს ბუნებრივიც არის, რადგან იოანე-
სმბატი აჯანყებულთა გამარჯვებით ცდილობდა თავიდან აეშორებინა
ბასილის მუქარა, ანისის სამეფოს ჩამორთმევას რომ ითვალისწინებ-
და, ხოლო დავით სანაქარიმის ძე მამამისის მიერ დაკარგული ვას-
პურაკანის დაბრუნებას ელოდა.

წყაროთა მონაცემებით, აჯანყების მზადების შესახებ კეისარმა
მაშინ შეიტყო, როცა ის ბასიანს მივიდა. იგი დიდად შეძრწუნდა¹⁰⁷.
იმის შიშით, რომ „ვაითუ აბაზგებსა და აჯანყებულთა შუა მოვემ-
წყვდეთ და ცუდი ღღე დაგვადგესო“¹⁰⁸, მან „ყოყმანი იწყო“¹⁰⁹, სა-
ქართველოში წასვლა გადადო და არაქსის სამხრეთით არზრუმსა (კა-
რინსა) და ბასიანს შორის მდებარე მახლატის ციხესიმაგრეში გა-
მაგრდა.

აჯანყება ისეთი მასშტაბის იყო, რომ მის გამარჯვებაში გიორგი
I-სა და მის მოკავშირეებს ეჭვი არ ეპარებოდათ, მაგრამ ბასილ II-მ
მაინც მოახერხა მძიმე მდგომარეობიდან თავის დაღწევა და თანაც

¹⁰² Повествование Аристакеса... გვ. 145, შენიშვნა 6.

¹⁰³ В. Р. Р о з е н. დასახ. ნაშრომი, გვ. 374—375, შენიშვნა 378.

¹⁰⁴ ცხოვრება და მოქალაქეობა წმინდისა და ნეტარისა მამისა ჩუენისა გიორგი
მთაწმინდელისა, ათონის ივერიის მონასტრის 1074 წ. ხელნაწერი აღაპებით, 1901,
გვ. 290; ქართლის ცხოვრება, I, გვ. 287 — 384; Повествование Аристакеса...
с. 65.

¹⁰⁵ Повествование Аристакеса... გვ. 148, შენიშვნა 7; ვ. კ ა ლ ი ა ნ ი,
დასახ. ნაშრომი, გვ. 112—113.

¹⁰⁶ იქვე, გვ. 65—66.

¹⁰⁷ ქართლის ცხოვრება, I, გვ. 286, 384.

¹⁰⁸ გეორგიკა, V, გვ. 45—47.

¹⁰⁹ Повествование Аристакеса..., с. 64.

ისე, რომ დიდი მსხვერპლის გაღება არ დასჭირვებია. კედრენეს ცნობით, რომელიც სკილიცეს გადმოცემას ემყარება, კეისარმა წერილები გაუგზავნა აჯანყების მეთაურებს ქსიფიასს და ფოკას. შიკრიკი, ვინც ამ საქმისათვის იყო წარგზავნილი, გააფრთხილა, რომ წერილები მათთვის ერთმანეთის ჩუმად გადაეცა. დავალება შესრულებული იქნა¹¹⁰. ჩვენ არ ვიცით წერილების ზუსტი შინაარსი, მაგრამ თუ იმის მიხედვით ვიმსჯელებთ, რაც შემდეგ მოხდა, ადვილად დავრწმუნდებით, რომ მათ წამქეზებლური ხასიათი ჰქონდათ და შუღლი უნდა ჩამოეგდო ამბოხ ბელადებს შორის, რათა ისინი ერთმანეთისაგან გაეთიშა, აჯანყება დაექსაქსა, დაესუსტებინა და ადვილად ჩაეხშო. კეისარმა მიზანს მიადწია. როგორც კედრენე იტყობინება, ქსიფიასმა შეიტყო თუ არა ამ წერილების შინაარსი, ფოკა მოსალაპარაკებლად იხმო და წინასწარ ჩასაფრებულ კაცებს მოაკვლევინა¹¹¹. ამით მემამბოხეთა კავშირი მაშინვე დაიშალა. მონაწილენი ჩუმად, ერთმანეთზე მიყოლებით დაბრუნდნენ თავიანთ სახლებში. ქსიფიასმა ფოკას მოკვეთილი თავი კეისარს გაუგზავნა, რათა მისთვის ერთგულება დაემტკიცებინა და სასჯელი თავიდან აეცდინა, მაგრამ მოტყუვდა. ბასილმა იგი თეოფილაქტე დალასენოსის ძის ხელით შეიპყრო, ბერად აღკვეცა და ანტიგონეს კუნძულზე გადაასახლა. ხოლო „მიმდგომთა მისთა მრავალთა თავი მოჰკვეთა, რომელთა თანა იყო ფერის ჯოჯოკის ძე ქართველი“¹¹². იაპიას ცნობით, ქსიფიასისა და ფოკას განდგომა 1022 წ. მომხდარა.

აჯანყების ჩახშობისა და მისი მოთავეების დასჯის შემდეგ, ბასილს საშუალება მიეცა გიორგი ქართველთა მეფესთან სადავო საკითხიც მოეგვარებინა. მან კარგად იცოდა, რომ, როცა აჯანყება მზადდებოდა, გიორგიმ დრო იშოვა. ამბოხებულთ უმხრო და მისთვის მიცემული პირობის შესრულება აღარ მოინდომა¹¹³. ამის ზმჯარა გამოხატულება იყო ის, რომ ქართველთა მეფემ ჯერ თანხმობა განაცხადა ზაქარია ბერის ხელით მოტანილ კეისრის თხოვნაზე, დავითის ყოფილი ტერიტორიების გადაცემას რომ ითვალისწინებდა, ხოლო

¹¹⁰ გეორგიკა, IV, გვ. 47.

¹¹¹ გეორგიკა, V, გვ. 47. იაპიას ცნობით, ეს მოხდა 413 ჯუმადა I-ის 14 რიცხვში (ანუ 1022 წ. 18 ივნისს) (B. P. Poxen, დასახ. ნაშრომი, გვ. 65; ო. ცქიტიცილი, დასახ. ნაშრომი, ტექსტი. გვ. 127, თარგმანი გვ. 127).

¹¹² ქართლის ცხოვრება, I, გვ. 287, 384.

¹¹³ B. P. Poxen, დასახ. ნაშრომი, ტექსტი, გვ. 61, თარგმანი 65; ო. ცქიტიცილი, დასახ. ნაშრომი, ტექსტი. გვ. 126, თარგმანი, გვ. 128.

შემდეგ დადებითი პასუხით გასტუმრებულ ელჩს მალემსრო-
ლი დაადევნა და გატანებული თანხმობის წიგნი ჩამოართვა¹¹⁴. იაპიას
თქმით, კეისარი დარწმუნდა აფხაზის სიცრუეში, რაშიც ცოტა ბრა-
ლი როლი მიუძღოდა გიორგის ვაზირს ზვიადს, რომელიც შეფეს ურ-
ჩევდა ფიცი კეისარის თვალის ასახვევად და ხაფანგში გასაბმელად
ფაშოეყენებინა¹¹⁵.

იაპია ანტიოქიელის ცნობით, ამ უკეთურობის საპასუხოდ ბასილ-
მა როგორც კი მიიღო ფოკას მოკვეთილი თავი, იგი გიორგის გაუგ-
ზავნა¹¹⁶, რათა ეგრძნობინებინა მისთვის, რომ, ჯერ ერთი, იმპერა-
ტორმა ყველაფერი იცოდა მისი განზრახვის შესახებ და, მეორე, თუ
გონზე არ მოვიდოდა, მასაც ისეთი დღე დაუდგებოდა, როგორც
აჯანყების მოთავეს. ამავე დროს კეისარმა თავისი ლაშქარი, რომელ-
შიც დაქირავებული რუსთა დიდი რაზმიც შედიოდა, საბრძოლველად
მოამზადა და საქართველოსაკენ გაგზავნა.

¹¹⁴ Повествование Аристакеса... გვ. 66. არისტაკესი აღნიშნავს, რომ
ზაქარია იყო ქართველი, ცხოვრობდა და მოღვაწეობდა ვალარშაქერტში (გვ. 60),
რომელიც კ. იუზბაშიანის განმარტებით, ვალარშაევანად, აგრეთვე ბასიანადაც იწო-
დებოდა და მდებარეობა ქ. კარინის (არზრუმის) დასავლეთით, მდინარე არაქსის
ნაპირთან, სადაც დღეს ჰასან ყალაა (იქვე, გვ. 146, შენ. 21). თ. ჟორდანიას ვარა-
უდით, ვალარშაქერტი არის მდ. ევფრატის ხეობაში არსებული ალაშქერტი
(თ. ჟორდანიას, ქრონიკები, I, გვ. 155). მისივე თქმით, ზაქარია ვალაშქერტელს
შემდეგ ადგილი უნდა გამოეცვალა და „ბანელ სუნძელოზად“ გამხდარიყო (იქვე,
168). მაგრამ ამასთან დაკავშირებით ვ. კოპალიანი სრულიად მართებულად შენი-
შნავს, რომ თუ ზაქარია ნამდვილად ვალაშქერტელი იყო, შემდეგ „ბანელ სუნძე-
ლოზად“ ვეღარ გახდებოდა, რადგან საქართველოში ელჩობიდან დაბრუნებისთა-
ნავე მას ბასილმა ენა მოკვეთა (ვ. კოპალიანი, დასახ. ნაშრომი, გვ. 116).
მიზეზი ამისა, როგორც არისტაკესი იუწყება, ის იყო, რომ საქართველოდან დაბ-
რუნებულ ზაქარიას ბასილმა პკითხა გიორგის ჯარების რაოდენობისა და მხედრულ
წრთობის შესახებ რაზეც ზაქარიამ მიუგო; არავის არა ჰყავს იმდენი ისეთი ძლი-
ერი და საბრძოლველად მომზადებული ლაშქარი, რამდენიც გიორგისო. ასეთი
პასუხის გამო განრისხებულმა ბასილმა ზაქარიას უყვირა: შენ აჯანყებულებიდან
მოდი და ჩემი დაშინება გინდაო. შემდეგ ბრძანა, იგი კონსტანტინეპოლს წაეყვა-
ნათ და ენა ამოეღოეთ (Повествование Аристакеса Пластивертци... с. 66).

¹¹⁵ В. Р. Розен, დასახ. ნაშრომი, არაბ. ტექსტი, გვ. 61, თარგმანი, გვ.
65; ო. ცქიტოშვილი, დასახ. ნაშრომი, არაბ. ტექსტი, გვ. 127, თარგმანი,
გვ. 130;

¹¹⁶ ო. ცქიტოშვილი, დასახ. ნაშრომი, გვ. 129; В. Р. Розен,
დასახ. ნაშრომი, გვ. 61, 65.

გიორგი I-ის მდგომარეობა მძიმე იყო: მოკავშირეები აღარ ჰყავდა: ალ-ჰაქიმი რა ხანია უგზოუყვლოდ გაუჩინარდა, აჯანყება დამარცხდა და მისი მონაწილენი, ვინც სასტიკ სასჯელს გადაურჩნენ, თავიანთ ადგილებში მიიმალნენ ან ბასილის მხარეზე გადავიდნენ, კერძოდ, ბიზანტიის სიუზერენობა აღიარეს იოვანე სმბატმა¹¹⁷ და მისმა ძმამ აშოტ IV-მ. მოკავშირეებშემოცლილი გიორგი I მართლაც დარჩენილი მტრის პირისპირ საკუთარი ძალის ამარა, რომელიც სრულიადაც არ კმაროდა გასამარჯვებლად. მიუხედავად ასეთი სიტუაციისა, ქართველი მეფე დათმობაზე არ მიდიოდა. პირიქით, იგი ბასილ II-ს რაღაც თავის პირობებს სთავაზობდა დროის მოგების მიზნით, რომ ამასობაში თვითონ ძალები მოეკრიბა და მოულოდნელი თავდასხმებით ბრძოლა მოეგო. უდავოდ, ასეთი დასკვნის გაკეთების უფლებას გვაძლევს არისტაკესის ცნობა, სადაც აღნიშნულია: როდესაც იმპერატორი „შლპაის“¹¹⁸ მივიდა, „აფხაზმა ასეთ ხერხს მიმართა: თავის ეპისკოპოსთაგან ყველაზე რჩეული იმპერატორს გაუგზავნა, თვითონ კი ჭარით მას მიჰყვა, რათა მოულოდნელი თავდასხმით შეეშინებია და უკუეჭკია მოწინააღმდეგე“¹¹⁹. გიორგი I-ის მოქმედების შესახებ დაახლოებით ასეთნაირადვე მოგვითხრობენ ქართული წყაროებიც. „მატიანე ქართლისას“ ავტორის ცნობით, „ცნა რა გიორგი მეფემან (მოსვლა ბასილისა. — ბ. ს.). წარავლინა ზვადი ერისთავი სპი-

117 „იოვანესიკეს შეეშინდა, ვითუ მეფემ გიორგისთან კავშირისათვის საშინელი რამ დამმართოს, ჭალაქის გასაღებებით ეახლა მას და დანებდა (გეორგიკა, V, გვ. 59).

118 კ. იუზუაშვიანის განმარტებით, რომელიც არისტაკესის თხზულების მისეულ რუსულ თარგმანს ახლავს, „Шлп а'аи“, Ширимк“ (საძლე, აკლამა) და ქართული წყაროების „შირიმი“ ან „შირიმი“ იდენტური გეოგრაფიული ტოპონიმებია (Повествование Аристакеса Ластивертцы... გვ. 149, შენიშვნა 1). იგივე თხზულებს ფრანგულად მთარგმნელ-კომენტატორი პრუდომი კი „შლპაი“-ს ნაცვლად კოხელობს „შერფს“, არზრუმის ახლოს რომ არის (Histoire d'Armenie par Arisdagues de Lasterverd, traduite E-Prud'homme, გვ. 34). ამ წაკითხვას უჭერენ მხარს გ. ვასილევსკი, ე. კოპალიანი, შ. ბადრიძე (Труды В. Г. Василевского. т. I, 1908. გვ. 112; ე. კ. კ. პ. ა. ლ. ი. ა. ნ. ი., დასახ. ნაშრომი, გვ. 118; შ. ბ. ა. დ. რ. ი. ძ. ე. დასახ. ნაშრომი, გვ. 92). რაც შეეხება ქართულ წყაროებში დამოწმებულ „შირიმს“-ს „ყოლა-პალაკაიკოს სექტორში მდებარეობს და ბასილ II-სა და გიორგი I-ის შორის 1021 წელს გაპართული პირველი დიდი ბრძოლის ადგილს წარმოადგენდა (შ. ბ. ა. დ. რ. ი. ძ. ე. დასახ. ნაშრომი, გვ. 92).

119 Повествование Аристакеса, с. 67.

თა მისითა და უბრძანა, რათამცა ზავის მიპყრობითა მცირედ-ხან დაიმკვირვა ადგილსა და თვთ წარუდგა უკანა სპითა ძლიერი-თა და განიზრახვიდა ესრეთ: „უკეთუ ინებოს ზავი ბასილი მეფემან, იქმნეს ესრეთ; (და) უკეთუ ინებოს ომი, განვემზადნეთ მისთვისცა“¹²⁰. როგორც ვხედავთ, ქართული და სომხური წყაროების ცნობები ერთმანეთს ავსებენ და აშკარად წარმოგვიჩენენ არა მარტო იმას-თუ რა გზით ცდილობდა ქართველთა მეფე ძლიერი მტრის დამარცხებას, არამედ იმასაც, რომ ბიზანტიელთა ბანაკში მივლინებული ელჩი იყო ერისთავი ზვიადი, ხოლო ყოველივე ეს ხდებოდა სოფელ შირიმთან, რომელიც კ. იუზბაშიანის განმარტებით მდებარეობდა მდინარე არაქსის მარცხენა სანაპიროზე არარატის ოლქის არშარუნიკის თემში¹²¹. ამას აქ იმიტომ აღვნიშნავთ, რომ ქართული წყაროს ჩვენებით. შირიმი მიჩნეულია პირველი ლაშქრობის დროს (1021 წ.) გამართული ბრძოლის ადგილად¹²². მაშინ, როცა სომხური წყაროს თანახმად იგივე ბრძოლა მომხდარა პალაკაციოს (ცელის, იგივე ჩალდირის) ტბის ახლოს, ვანანდის გავარში¹²³.

გიორგის დაბეჯითებითი უარი კეისრის მოთხოვნის დაკმაყოფილებაზე მარტო საკუთარი მოსაზრებით არ იყო ნაკარნახევი. მას აქეთვე უბიძგებდა დიდებულთა ერთი ნაწილი, რომელიც ეტყობა პირად კეთილდღეობაზე უფრო ზრუნავდა, ვიდრე მეფისა და საკუთარი ქვეყნის ბედ-იღბალზე. ამას კარგად ამჩნევს სუმბატ დავითის ძე და ამიტომაც, რომ გულისტკივილით ამბობს: „ორკერძე მზაკუარნი იგი აზნაურნი არა მიეშუნეს გიორგის ყოფად ზავისა, რამეთუ არა უნდოდა მშვიდობა, არამედ აზრახეს მას ბრძოლად და „აწვეს იგი ბასილს ზედა“¹²⁴.

მათი დაყენებითი რჩევით, გიორგი I-მა თავისი ჯარი ბიზანტიელთა ბანაკისაგან დასძრა სანამ ისინი გამაგრებას მოასწრებდნენ.

120 ქართლის ცხოვრება, I, გვ. 287. სუმბატ დავითის ძის ცნობით, ამას ადგილი ჰქონია ზამთარში (ქართლის ცხოვრება, I, გვ. 384), ე. ი. 1022 წ. დასასრულს ან 1023 წ. დასაწყისში.

121 Повествование Армакеса. გვ. 165, შენ. 6; იხ. აგრეთვე ს. ერემიახი. სომხეთი „ამხარატუცი“-ს. (VII ს. „სომხური გეოგრაფია“) მხედვეთ. ერევანი, 1963, გვ. 81 (სომხურ ენაზე).

122 ქართლის ცხოვრება, I, გვ. 284, 383; ვ. კოპალიანი, დასახ. ნაშრომი; გვ. 94; შ. ბაღრიძე, დასახ. ნაშრომი, გვ. 74, 92.

123 Повествование Армакеса... გვ. 61, 146, შენ. 26 და 28.

124 ქართლის ცხოვრება, I, გვ. 384.

არისტაკესის თქმით, ქართველები სამხედრო ხელოვნების გათვალისწინებით კი არ მოქმედებდნენ, არამედ ერთმანეთის წინგასწრებით მიქროდნენ, თითქოს ნადავლისათვის იღვწოდნენ¹²⁵.

ასეთ მოულოდნელ, სწრაფ თავდასხმას გარკვეული დადებითი შედეგი გამოუღია: როგორც „მატიანე ქართლისაში“ და დავით სუმბატის ძის ქრონიკაშია აღნიშნული, მათ „იწყეს ბრძოლად და აოტეს ზოგი ლაშქრისა“ ბასილისა¹²⁶. მაგრამ ეს წარმატება ხანმოკლე გამომდგარა. კეისარს ლაშქრის თავმოყრა მოუხერხებია და მეორე ბრძოლაში მოწინააღმდეგე საბოლოოდ დაუმარცხებია, ძირითადად იმის წყალობით, რომ, არისტაკესის ჩვენებით, მხედრებით, რკინის შეიარაღებითა და ხანგრძლივი სიარულით დაუძლურებულ ცხენებს მოძრაობა აღარ შეეძლოთ¹²⁷. ალბათ, ამას გულსხმობს იაპიაც, როცა ამბობს: თუ ბასილმა განსაცდელს თავი დააღწია, ეს მხოლოდ მისი გამჭირახობისა და მასთან მყოფი მამაცი მეომრების თავდადებული ბრძოლის შედეგად მოხდაო. მან გაწყვიტა გიორგის მეომრები და მრავალი ხალხი. თვითონ გიორგი, მისი ვაზირი და ქვეშევრდომნი უკან მოუხედავად გაიქცნენ. მტერმა ხელთ ივღო მისი აურაცხელი ქონება, სურსათ-სანოვაგე და მახლობლების ბარგი-ბარხანა, აგრეთვე გარეკა საჯდომი და სახედარი პირუტყვი¹²⁸. კედრენე დაღუპულთა შორის იხსენიებს ქართველთა მეფის ჯარების მთავარსარდალს ლიპარიტს. ხოლო თვით მეფის შესახებ აღნიშნავს, თავი იბერიის შიდა მთებს შეეფარაო¹²⁹.

როდის მოხდა ეს ბრძოლა? იაპია ანტიოქიელი ამის ზუსტ თარიღს არ ასახელებს. კედრენეს მიხედვით, მეორე ბრძოლა გამართულა „სექტემბრის თერთმეტს, მეექვსე ინდიქტიონს, 6531 წელს“¹³⁰, ანუ 1022 წ. 11 სექტემბერს, ხოლო სუმბატ დავითის ძის ცნობით, სექ-

125 Повествование Арштакеса..., с. 67.

126 ქართლის ცხოვრება I, გვ. 287, 384. გ. კედრენე კი ამბობს: მართალია ამ ბრძოლაში ბევრი ბიზანტიელი დაიღუპა, მაგრამ გამარჯვება არავის რგებიაო (გეორგიკა, V, გვ. 47—48).

127 Повествование Арштакеса..., с. 67.

128 В. Р. Розен დასახ. ნაშრომი, ტექსტი, გ. 62. თარგმანი. გვ. 65; ო. ცქიტიშვილი, დასახ. ნაშრომი, ტექსტი, გვ. 127, თარგმანი. გვ. 130.

129 გეორგიკა, V, გვ. 48.

130 იქვე; ვ. კოპალიანი, კედრენეს ამ ცნობას შეცდომით არისტაკესს მიაწერს (ვ. კოპალიანი, დასახ. ნაშრომი, გვ. 118). (

ტემბერში კი არა, უფრო გვიან „რეცა ზამთრის სახედ“¹³¹ ნოემბერ-დეკემბერი¹³².

გადამწყვეტ ბრძოლაში დამარცხებულსა და სამშობლოს შიდა მთებს თავშეფარებულ გიორგი I-ს ისლა დარჩენოდა, რომ ბედის უკუღმართობას შერიგებოდა. იაპიას გადმოცემით, ცოტა ხნის შემდეგ იგი „დაბრუნდა, თავი დაიმცირა და კეისარს დაემორჩილა“. კეისარი კი იმის გაშო, რომ „შიში აქუნდა საბერძნეთით კულადცა განდგომილებისა“¹³³, საქმის გართულებას მოერიდა, გიორგისთან დაახლოებას შეეცადა და აუწყებდა: „არ იფიქრო, გამარჯვებულმა შენვან იმაზე მეტი ვითხოვო, რასაც ადრე გთხოვდი. დამიბრუნე კურაპალატის მიერ უართქმული მამული, მძევლად მიბოძე შენი ვაჟი და ჩვენს შორის მშვიდობა დამყარდებაო“¹³⁴. გიორგი I კეისრისაგან, ალბათ, ამაზე მეტის მოთხოვნას მოელოდა და რაკი მან მხოლოდ ეს იქმარა, უყოყმანოდ დათანხმდა და დაუზავდა. იაპია ანტიოქიელი იუწყება, რომ ეს მოხდა ბასილის მეფობის 48-ე წელს, ანუ 414 წელს ჰიჯრით¹³⁵. 414 წელი კი მოიცავს პერიოდს 1023 წლის 26 მარტიდან 1024 წლის 15 მარტამდე ქრისტიანული კალენდრით. მაგრამ რაკი აქ ნათქვამია, ეს ბასილის გამეფებიდან (976 წ.) 48-ე (და არა 48) წელს მოხდაო, უფლება გვაქვს დავასკვნათ, რომ საზავო შეთანხმება ბიზანტიასა და საქართველოს შორის დაუდევთ 1023 წელს, რასაც ადასტურებს წყაროს სხვა მონაცემებიც.

როგორც იაპია აღნიშნავს, შეთანხმების შემდეგ ბასილმა აფხაზთა ქვეყანა დატოვა და რუმისაკენ გაემართა. მან გიორგის პირობა მისცა, რომ მძევლად წაყვანილ ვაჟს 2 წლის შემდეგ დაუბრუნებდა და სიტყვა შეასრულა. გავიდა თუ არა დათქმული ვადა, კონსტანტინეპოლს მყოფი ბაგრატე გაათავისუფლა და მამას გაუგზავნა, თვითონ კი ავად გახდა და რამდენიმე ხნის შემდეგ, კერძოდ, 1337 წლის კანუნ I თვის 12 რიცხვში (1025 წ. დეკემბერი. — ბ. ს), 9 საათზე გარდაიცვალა¹³⁶. თუ კი ბაგრატე ნამდვილად ორი წლით იყო წაყვანილი

131 ქართლის ცხოვრება, I, გვ. 384.)

132 ქართველ-ბიზანტიელთა მეორე დიდი ბრძოლა რომ 1022 წელს გამართულა ამას შ. ბადრიძე ეთანხმება, მაგრამ მისი დაკვირვებით ბრძოლა მომხდარა „ბასიანის მიწაზე“ — „შლფას“ და არა „შირიმს“ (შ. ბადრიძე, დასახ. ნაშრომი, გვ. 92).

133 ქართლის ცხოვრება, I, გვ. 384.

134 Повествование Архистакса..., с. 67.

135 В. Р. Розен, დასახ. ნაშრომი, ტექსტი, გვ. 62, თარგმანი, გვ. 65; ო. ცქიტიშვილი, დასახ. ნაშრომი, ტექსტი, გვ. 127. თარგმანი, გვ. 130,)

136 В. Р. Розен, დასახ. ნაშრომი, ტექსტი, გვ. 62, თარგმანი, გვ. 65, 70.

მძველად კონსტანტინეპოლში და ამ ვადის გასვლის შემდეგ, 1025 წელს ბასილის სიკოცხლეშივე, იგი სამშობლოში დააბრუნეს, მაშინ ცხადია, მისი ბიზანტიაში წაყვანა და, მაშასადამე, დაზავებაც კეისარსა და ქართველთა მეფეს შორის 1023 წელს მომხდარა. ეს, არაბული წყაროს ცნობის გარდა, ქართული და სომხური წყაროების არააბრ-დაპირი ჩვენებებიდანაც კარგად ჩანს. მაგალითად, „მატიანე ქართლი-საში“ აღნიშნულია, რომ დაჯავების დროს მძველად წაყვანილი ბაგრატი კეისარს საქართველოში 1025 წელს დაუბრუნებია. იქვე ნა-თქვამია ისიც, რომ მისი დაბრუნება მომხდარა წაყვანიდან „წელსა მესამესა“¹³⁷, ე. ი. ორ წელზე ცოტა მეტი ხნის შემდეგ. თუ ამ დროს გამოვაკლებთ კეისრის გარდაცვალების თარიღს მივიღებთ 1023 წელს¹³⁸ დაზავების ასეთსავე თარიღს იძლევა არისტაკესის მონა-ცემებიც. მისი თქმით ბასილმა იმპერია მართა 50 წელიწადი, ე. ი. 1026 წლამდე, ბაგრატი კი წაიყვანა 3 წლით და დააბრუნა სამშობ-ლოში გარდაცვალებამდე რამდენიმე თვით ადრე¹³⁹. მაშასადამე, ბაგრა-ტი მას მძველად აუყვანია (1026-3) 1023 წელს. ამრიგად, ქართულ-სომხური წყაროების მონაცემები მთლიანად უჭერენ მხარს არაბი მე-მატიანის ცნობას საქართველოსა და ბიზანტიას შორის დაზავების თარიღის შესახებ და ადასტურებენ მის სისწორეს. მიუხედავად ამისა, ვ. კოპალიანი იაპია ანტიოქიელის ამ ცნობის სანდოობას საეჭვოდ მიიჩნევს და აღნიშნავს: რაკი „მეორე დიდი ბრძოლა ბიზანტიელებსა და ქართველებს შორის 1022 წლის 11 სექტემბერს მომხდარა“ და ქართველები დამარცხებულან, ხოლო ბასილი, ქართულ წყაროთა ჩვენებით, უკუქცეულთ მაშინვე დასდევნებია და იძულებული გაუხდია ისინი დათანხმებოდნენ მათთვის არახელსაყრელ ზავზე, ამიტომ ომის დამთავრება და დაზავებაც 1022 წლის დამლევს უნდა ვიგულისხმოთ. აქვს გვაფიქრებინებს ის გარემოებაც, — განაგრძობს მკვლევარი, — რომ იგივე ქართული წყაროების ცნობებით „1025 წლის დეკემბრის თვეში“ განთავისუფლებულმა ბაგრატმა სამი წელი (ხაზგასმა ჩვენია. — ბ. ს.) დაჰყო მძველობაში¹⁴⁰, მაგრამ ქართულ წყაროებში, კერძოდ „მატიანე ქართლისაში“ და სუმბატის ქრონიკაში ასეთი ცნო-ბები არ იძებნება. არის მხოლოდ ერთი ცნობა, რომელშიც აღნიშნუ-ლია, რომ „მისცა გიორგი მეფემან მძველად ძე თვისი ბაგრატ სამი-

137 ქართლის ცხოვრება I, გვ. 288—289.

138 ი. ვ. ჯავახიშვილი, ქართველი ერის ისტორია, II, 1965, გვ. 136.

139 Повествование Армакеса..., с. 67—69.

140 ვ. კოპალიანი, დასახ. ნაშრომი, გვ. 123.

სა წლისა ყრმა ჩვლი... და შემდგომად სამისა წლისა მაშინვე წარმოგზავნა აღუთქვა“¹⁴¹. მაგრამ სუმბატ დავითის ძის ამ ჩვენებიდან, რომელსაც ვ. კოპალიანი ემყარება თავისი მოსაზრების დასამტკიცებლად, ის კი არ ჩანს, რომ ბასილმა ბაგრატი სამი წლის შემდეგ დააბრუნა. არამედ ის, რომ მძევლად აყვანილი 3 წლის მეფის ძეს სამი წლის შემდეგ პატრონს დაუბრუნებდა. და, როგორც მეორე ქართული წყაროებიდან, „მატიანე ქართლისადას“ ვგებულობთ, ბასილ II-ს პირობა შეუსრულებია, ბაგრატ ვადაძე აღრე, „წელსა მესამესა“, გამოუგზავნია საქართველოში¹⁴², თვითონ კირამდენიმე თვეში გარდაცვალა (1025 წ.) შემდეგ ვ. კოპალიანს მხედველობიდან რჩება ის გარემოება. რომ 1022 წლის გვიან შემოდგომაზე „რეცა ზამთრის სახედ“¹⁴³, ე. ი. ზამთრის პირას, კედრენეს თქმით, „გიორგი გაიქცა იბერიის შიდა მთებში“ და მაშინვე კი არა, „ცოტა ხნის შემდეგ გამართა მოლაპარაკება მეფესთან და შეყრა ზავი“¹⁴⁴. ამიტომ მისი ვარაუდი რომ დაზავება ბიზანტიასა და გიორგის შორის 1022 წ. დასრულდა უნდა ვიგულისხმოდ, არ დასტურდება.

ბიზანტიასთან ზავშეკრულ გიორგი I-ს შესაძლებლობა მიეცა ყურადღება აღმოსავლეთისაკენ მიეპყრო და განძის მფლობელი, ურჩი ფაღლონი მოეთვინებინა.

როგორც ცნობილია, შადადიანთა არარანის სახელმწიფო, წარმოქმნისთანავე აგრესიულ პოლიტიკას ანხორციელებდა მეზობლების, მათ შორის საქართველოს მიმართაც. ეს განსაკუთრებით აშკარა და აუტანელი გახდა ამირა ფადლ იბნ მუჰამმადის (985—1031) დროს. „მას ჟამსა განდიდნა ფადლონი, ამირა განძისა, იწყო კირთებად ერისთავთა ჰერეთისა და კახეთისათა, ჟამითი-ჟამად მეკობრობით და პარვით რბევად და ტყენვად აღგილითი-აღგილად“¹⁴⁵, რისთვისაც მკაცრად დაიხაჯა. „იხილა რა დიდმან მეფემან ბაგრატ კადნიერებმა მისი, დიდად შეტრწუნდა, და აღივსო შურითა და განემზადა ყოვლითა სპითა მისითა“¹⁴⁶ ამავე დროს წარგზავნა მოციქულნი წინაშე გაგიკ შაჰან-

141 ქართლის ცხოვრება, I, გვ. 384—385. შდრ. არისტაკესის ცნობას (გვ. 67).

142 ქართლის ცხოვრება, I, გვ. 289. ბაგრატის ნაადრევი გამოგზავნით ბასილმ გარკვეულ მიზანს ისახავდა. იგი მაშინ სიცილიის დასალაშქრავად ემზადებოდა (Ф. И. Спенский, История Византийской империи, III, 1948, с. 33), და ამიტომ საქართველოსთან საქმის გართულებას ერიდებოდა.

143 ქართლის ცხოვრება, I, გვ. 384.

144 გეორგიკა, V, გვ. 48.

145 ქართლის ცხოვრება, I, გვ. 279.

146 იქვე.

შა სომეხთა მეფისა; აწვა, რათა იძიოს შური ფადლონისაგან¹⁴⁷. ხოლო მან დიდად გაიხარა, ჯარი შეკრიბა და ბაგრატ III-თან მისვლა არ დააყოვნა. ძალმოცემული ქართველი მეფე რანში შეიჭრა, მიადგა ქ. შამქორს, რამდენიმე დღეში იგი აიღო და აიძულა ფადლონი ეთხოვა შენდობა, რისთვისაც „აღუთქვა დღეთა შინა სიცოცხლისა მისისათა მსახურება, გაუკუეთა ხარაჯა და დაუწერა თავისთავითა ლაშქრობა მტერთა მისთა ზედა“¹⁴⁸, ე. ი. დამარცხებულმა ფადლონმა თავი ბაგრატ III-ის ყმად სცნო, ხარკის გადახდა და ლაშქრობაში მონაწილეობა ივალდებულა¹⁴⁹.

აღნიშნული ლაშქრობის ზუსტი თარიღი უცნობია. ივ. ჯავახიშვილის ვარაუდით ეს ბრძოლა 1010—1014 წწ. შორის უნდა მომხდარიყო¹⁵⁰, ხოლო ვ. დონდუა მას 1011—1012 წლებში ათავსებს¹⁵¹, განძის ამირას მიერ ბაგრატიანადმი ყმადნაფიცობის აღიარება, ხარკის გადახდა და მის ლაშქარში მონაწილეობა, გულწრფელი არ იყო. მისი მიზანი ხელისუფლების შენარჩუნება, დროის მოგება და ძალების მოკრება იყო, რომ შემდეგ ქართველი მეფისადმი მიცემული პირობა გაუქმებულად გამოეცხადებია. ასეც მოხდა. გართულდა თუ არა მდგომარეობა ბიზანტიასა და საქართველოს შორის, ამირა ფადლონმა დრო იხელთა და ნაკისრი ვალდებულებანი მთლიანად დაივიწყა. ამას კი საქართველოს პოლიტიკური მესვეურნი რეაგირების გარეშე ვერ დატოვებდნენ და როგორც მუნაჯიმ ბაში იუწყება „417 (1026) წელს აფხაზეთის პატრონი არანში შეჭრილა და ალყა შემოურტყამს შამქორისათვის“, მაგრამ ფადლონი მომზადებული დახვედრია. „დიდი ლაშქრით გამოსულა მის წინააღმდეგ, 10 ათასი კაცი დაუხოცავს, დაუმარცხებია და გაუქცევია“¹⁵². შემდეგ ეს ჯარ უქმარებია, სა-

147 ქართლის ცხოვრება, გვ. 279.

148 იქვე, გვ. 280.

149 ნ. ბერძენიშვილი, მიწათმფლობელობის ფორმებისათვის საქართველოში. ტერმინი „დაწერილისათვის“. საქართველოს ისტორიის საკითხები. თბ., 1966, გვ. 237.

150 ქართველი ერის ისტორია, II, გვ. 132.

151 ნ. ბერძენიშვილი, ვ. დონდუა, მ. დუმბაძე, გ. მელიქიშვილი, შ. მესხია, პ. რატიანი, საქართველოს ისტორია, 1, თბ., 1958, გვ. 141.

152 باب الشداية من كتاب جامع الدول لاحمد بن لطف الله الملقب منجم باشي 10. მუნაჯიმ ბაშის თხზულების ეს ნაწილი ინგლისური თარგმანითა და კომენტარებით გამოაქვეყნა ვ. მინორსკიმ 1953 წელს, ხოლო მისი რუსული თარგმანი,

ქართველოს დარბევაც განუზრახავს და დაურბევია კიდევაც, თუმცა მაშინ კი არა, ცოტა მოგვიანებით, ბაგრატ IV-ის ზეობის პირველ წლებში.

3. ბაგრატ IV-ის ღონისძიებანი

იაპია ანტიოქიელის გადმოცემით, საქართველოში დაბრუნებულ ბაგრატს უკვე კონსტანტინეს მეფობაში, მამა გარდაეცვალა და თვითონ დაჯდა ტახტზე. მაშინ ის ახალგაზრდა, არასრულწლოვანი იყო და ამიტომ სახელმწიფო საქმეებს დედამისი, მარიამ სანაპარიძის ასული წარმართავდა. სამეფო კარის მოხელენი მცირეწლოვან მეფეს ურჩევდნენ, ესარგებლა მომენთით და მოეთხოვა ის ადგილები, რომლებიც მამამისმა იმპერატორს ბასილს გადასცა¹⁵³. არაბი მემატიანე არც იმას მიუთითებს თუ როდის გარდაიცვალა გიორგი I და როდის, რამდენი წლისამ დაიდგა მეფის გვირგვინი ბაგრატმა, და არც იმას, თუ რაში გამოიხატებოდა ის ხელსაყრელი მომენტი, რომლის გამო კარის მოხელენი ახალგაზრდა მეფეს ურჩევდნენ გიორგი I-ის დროს ბიზანტიისათვის გადაცემული ტერიტორიების შოთხოვნას. მაგრამ ამ კითხვაზე პასუხს იძლევიან ქართული, ბიზანტიური და სომხური წყაროები.

„მატიანე ქართლისას“ ავტორი გვამცნობს, რომ როდესაც მძევლად წაყვანილი ბაგრატი კონსტანტინეპოლიდან ქუთაისს დაბრუნდა, „იყო ქორონიკონი მას უამსა ორას ორმოცდახუთი... შემდგომად ორინა წლისა გარდაიცვალა გიორგი მეფე... და მასვე უამსა მეფე იქმნა ბაგრატ... წელიწადისა ცხრისასა“¹⁵⁴, მაშასადამე, გიორგი I 1027 წელს გარდაცვლილა და ტახტი მაშინვე დაუკავებია 9 წლის ბაგრატს, რომელიც ქართული წყაროს ამ მონაცემების თანახმად 1018 წელს დაბადებულა¹⁵⁵.

შესრულებული ჯ. მამედოვის მიერ და მინორსკისეული ტექსტის ფოტოპირი დაიბეჭდა აზერბაიჯანის მეცნ. აკად. ისტორიის ინსტიტუტის შრომებში 1957 წელს (Труды Института истории АН. Аз ССР, XIII, 1957).

¹⁵³ В. Р. Розен, დასახ. ნაშრომი, ტექსტი, გვ. 67, თარგმანი, გვ. 70.

¹⁵⁴ ქართლის ცხოვრება, I, გვ. 290—291.

¹⁵⁵ ივ. ჭავჭავიძელთან მცირე უზუსტობა შეიმჩნევა. 1018 წლის ნაცვლად მასთან ბაგრატის დაბადების თარიღად რატომღაც 1020 წელია მითითებული (ქართველი ერის ისტორია, II, გვ. 137).

ხელსაყრელში დრო, რომლის გამოყენებას დაკარგული მიწა-წყლის დასაბრუნებლად მეფეს მისი კარის მოხელენი ურჩევდნენ, როგორც ქართულ ისტორიოგრაფიაშია ცნობილი, გამოიხატებოდა ბიზანტიის იმპერიის საშინაო მდგომარეობის გაუარესებაში ანტისამთავრობო და სეპარატისტული მოძრაობის კვლავ გაძლიერებით რომ იყო გამოწვეული¹⁵⁶. ჭერ კიდევ ბასილის სიციცხლეში გახდა ცნობილი, რომ მაღალი თანამდებობის ფეოდალური არისტოკრატია წინააღმდეგი იყო კონსტანტინეს გამეფების და ამ მიზნით ყოველნაირად აყოვნებდა სულთამბრძოლი იმპერატორის ბრძანების შესრულებას — ნიკეიდან კონსტანტინეს გამოძახებას და მისთვის სამეფო გვირგვინის გადაცემას¹⁵⁷. ამავე დროს, თავი იჩინა სეპარატისტულმა მოძრაობამ ბასილ II-ის დროს მიტაცებულ აღმოსავლეთის ქვეყნებში. ვასპურაკანის მმართველმა ნიკიფორე კომნენოსმა, კონსტანტინე VIII-ის ზეობის პირველ წელს აღმოსავლეთის მეფედ გახდომა განიზრახა და, როგორც არისტაკესი იტყობინება, გიორგი I-ს დაუკავშირდა¹⁵⁸. მართალია ყოველივე ეს ბაგრატ IV-ის ტახტზე ასვლაძღედ მოხდა და კონსტანტინემ მისი სწრაფად ლიკვიდირება შეძლო. მაგრამ საშინაო არეულობის მთლიანად მოსპობა ვერ მოახერხა, რის გამოც იმპერიის დასუსტება და საიმპერიო ხელისუფლების პოპულარობის დაცემა იმდენად შესამჩნევი იყო, რომ ბაგრატის მრჩეველ დიდებულებს შეეძლოთ ის ბიზანტიელთა მიერ მიტაცებული ქართული მიწა-წყლის დაბრუნებისათვის ხელსაყრელ პირობად მიეჩნიათ.

ისმინა თუ არა მეფემ დიდებულთა ეს რჩევა, ამის შესახებ არავითარი პირდაპირი ცნობა არ მოგვეპოვება. მიუხედავად ამისა, არ შეეცდებით თუ ვიტყვით, რომ ბაგრატს მათთვის უარი არ უთქვამს. ამ დასკვნაძღედ მივეყვართ იაპის შემდეგ ცნობას, რომელშიც აღნიშნულია: „ამის გამო კონსტანტინემ თავისი მეფობის მესამე წელს, მისი მსახური პარაკიმენონი ნიკოლოზი აფხაზეთს გაგზავნა, ჭარი გაატანა და ამ ქვეყნის აკლება დაავალა¹⁵⁹“.

¹⁵⁶ ვ. კოპალიანი, დასახ. ნაშრომი, გვ. 125—128, 133.

¹⁵⁷ Повествование Аристакеса, с. 69; Н. С ка ба л а н о в и ч, Византийское государство и церковь в XI веке. СПб., 1998, с. 6—7.

¹⁵⁸ Повествование Аристакеса, с. 70. სკაბალოვოვიჩის თქმით ნიკიფორეს გიორგისთან ხელშეკრულებაც კი დაუდევს (Н. С ка ба л а н о в и ч, დასახ. ნაშრომი, გვ. 8).

¹⁵⁹ В. Р. Розен, დასახ. ნაშრომი, ტექსტი, გვ. 67, თარგმანი, გვ. 76.

არაბი მემატიანის ეს ცნობა უშუალო აზრობრივ კავშირშია და პირდაპირ მოსდევს მისსავე ზემოთ მოტანილ ცნობას. გამოდის, რომ აფხაზეთის დარბევა კეისარს, თურმე, იმის გამო განუზრახავს, რომ ქართველ დიდებულთა ერთ ჯგუფს თავიანთი მეფისათვის ურჩევია, გიორგი I-ის დროს ბიზანტიის ხელში გადასული მიწების დაბრუნებაზე ეზრუნა. მაგრამ, ეტყობა, ცნობას სიზუსტე აკლია და საქმე სულ სხვანაირად იყო. არა გვეგონია, მეფისადმი დიდებულთა მართო ეს რჩევა გამხდარიყო მიზეზი საქართველოში ბიზანტიელთა დამსჯელი ექსპედიციის იგავზავნისა, თუკი თვით მეფე სხვა აზრისა იყო და მათ არ თანაუგრძნობდა. რაკი კონსტანტინე აფხაზეთში ჯარს აგზავნის, ეს იმას ნიშნავს, რომ ბაგრატიმა ყურად იღო დიდებულთა რჩევა და ამიტომ კეისარმაც აღარ დააყოვნა ზომების მიღება, დაარღვია გიორგი I-სა და ბასილ II-ს შორის მიღწეული საზავო შეთანხმება და თავისი ლაშქარი ბაგრატის სახელოს მიუსია. ნიკოლოზ პარაკიმანოვის (პარაკიმანოსის, პარკიმანოზის) ლაშქრობა საქართველოში რომ ბაგრატის საქციელით უნდა ყოფილიყო გამოწვეული, ამაში ქვემოთაც დავრწმუნდებით.

კეისრის საწოლთუხუცესს დიდი ზიანი უყვია ბაგრატის სამეფოსათვის. იაჰიას ცნობით, „მან მოსპო იგი, გადასწვა, დახოცა და დაატყვევა მრავალი. გადარჩნენ მხოლოდ ისინი ვინც თავი შეაფარა მიუვალ ადგილებს, სადაც ჯარი ვერ შევიდა“¹⁶⁰.

კონსტანტინე VIII-ის მეფობის პირველსავე წლებში რომ საქართველოს ბიზანტიელთაგან სერიოზული ზარალი მოსვლია, ამას სხვა წყაროებიდანაც ვგებულობთ. სუმბატ დავითის ძის ცნობით, კონსტანტინეს მიერ გამოგზავნილმა ურიცხვმა ჯარმა პარაკიმანოსის სარდლობით მოვლო და მოარბია მთელი ქვეყანა თრიალეთამდე¹⁶¹. უფრო ყონკრეტულ ცნობას იძლევა „მატიანე ქართლისას“ ავტორი. მისი ჩვენებით, პარაკიმანოზს აუოხრებია ის ქვეყნები, რომლებიც აღრე ბასილს აუკლია და თრიალეთში კლდეკარის ციხემდე მიუღწევია¹⁶². მაშასადამე, ახლაც ბიზანტიელთა თავდასხმის მთავარი ობიექტი სამხრეთ-დასავლეთ საქართველო, ანუ ტაო-კლარჯეთის საკურაპალატო ყოფილა.

ქართული წყაროები კონსტანტინე VIII-ის პარაკიმანოსის სახელს არ ახსენებენ: ამავე დროს, ისინი ლაშქრობის თარიღად კეისა-

¹⁶⁰ В. Р. Р о з е н, დასახ. ნაშრომი, ტექსტი, გვ. 67, თარგმანი, გვ. 70.

¹⁶¹ ქართლის ცხოვრება, I, გვ. 885.

¹⁶² იქვე, 83. 292.

რის ზეობის მესამე წელს კი არა, „მეორე წელს“ მიიჩნევენ¹⁶³, რის გამოც იქმნება შთაბეჭდილება, თითქოს აქ საუბარი იყოს არა არაბულ წყაროში მითითებულ ნიკოლოზ პარაკიმანოსის წინამძღოლობით მოწყობილ ბიზანტიელთა სამხედრო ექსპედიციაზე, არამედ სულ სხვა ლაშქრობის შესახებ. ამ შთაბეჭდილებას კიდევ უფრო აძლიერებს ის გარემოება, რომ არისტაკესის მიხედვით, კონსტანტინემ თავისი მეფობის მეორე წელს აღმოსავლეთის გამგებლად ნიკიტა გამოგზავნა, ხოლო მესამე წელს კი საჭურისი სიმონ პარაკიმანოსი¹⁶⁴. მაგრამ ეს უკანასკნელი არ შეიძლება მივიჩნიოთ ქართულ წყაროებში მოთხრობილი ლაშქრობის ხელმძღვანელად, რადგან, არისტაკესისავე ცნობით, მას საქართველოში ვერაფრის გაკეთება ვერ მოუხწრია. მოსვლისთანავე შეუტყვია, რომ კონსტანტინე გარდაცვლილიყო და თავისი ლაშქრით მაშინვე კონსტანტინეპოლს დაბრუნებულა¹⁶⁵. ამიტომ მართალია ივ. ჭავჭავიძე, რომელიც ქართულ წყაროებში აღწერილ ზემოაღნიშნულ ლაშქრობის მოთავედ ნიკიტას ასახელებს¹⁶⁶. კედრენეს ცნობით, ეს არის კეისრის მიერ იბერიის დუკად დანიშნული ნიკიტა პისიდიელი, თავის ბოროტებით განთქმული პიროვნება¹⁶⁷, რომელიც იაპიას ცნობაში ნიკოლოზის სახელითაა მოხსენიებული.

რაც შეეხება მცირე სხვაობას, რომელიც შეიმჩნევა, ერთი მხრივ, ქართულ-სომხურ წყაროთა მონაცემებსა, ხოლო, მეორე მხრივ, არაბი მწერლის ცნობას შორის ლაშქრობის თარიღთან დაკავშირებით, იგი ალბათ, იმით უნდა აიხსნას, რომ არაბი მემატინანე, ეტყობა, კონსტანტინეს ზეობის წლებს ითვლის ბასილ II-ის გარდაცვალების დღიდან: 5 (ე. ი. 1025 წ. 12 დეკემბრიდან), ხოლო ქართველი და სომეხი მწერლები — 1026 წ. დასაწყისიდან. თუ ეს ასეა, მაშინ იაპიას ცნობა მთლიანად ემთხვევა ქართულ-სომხურ წყაროთა ცნობებს და ის სანდოა. აღნიშნულ ლაშქრობას ადგილი ჰქონია არა 1028 წელს, როგორც ეს მიღებულია ქართულ ისტორიოგრაფიაში¹⁶⁸, არამედ 1027

¹⁶³ ქართლის ცხოვრება, I, გვ. 291, 385.

¹⁶⁴ Повествование Аристакеса, с. 70.

¹⁶⁵ იქვე.

¹⁶⁶ ივ. ჭავჭავიძე, ქართველი ერის ისტორია, II, გვ. 137. ასეთვე მოსაზრებისაა აგრეთვე არისტაკესის თხზულების რუსულად მთარგმნელი და კომენტატორი კ. იუზაშვიანიც (იხ. Повествование Аристакеса გვ. 150).

¹⁶⁷ გეორგიკა, V, გ. 53.

¹⁶⁸ ივ. ჭავჭავიძე, დასახ. ნაშრომი, გვ. 138; ვ. კობალიანი, დასახ. ნაშრომი, გვ. 149; საქართველოს ისტორიის ნარკვევები, III, 1979, გვ. 179. ს. ყაუხჩიშვილის თქმით, თარიღი „1028 წელი“ დასახელებული აქვს არისტაკესს

წლის შემოდგომაზე. გიორგი I-ის გარდაცვალებისა (16 აგვისტო) და ბაკრატის აღზევებისთანავე.

მტერთან ბრძოლაში დამარცხებულსა და მიუვალ ადგილებში თავშეფარებულ ქართველებს იქ დიდხანს დარჩენა არ შეეძლოთ. ბიზანტიელნი კი, ეტყობა, დაპყრობილი ტერიტორიიდან ფეხს არ იცვლიდნენ, რომ თავშეფარებულნი თავიანთ საცხოვრებელ ადგილებს არ დაბრუნებოდნენ. ამიტომ გამოუვალ მდგომარეობაში ჩავარდნილ ქართველებს, ბოლოს, წინააღმდეგობის შეწყვეტა და ნიკოლოზ პარაკიმანოსთან დაზავება უმჯობინებიათ. ამ მიზნით, როგორც იაჰია იტყობინება, პარაკიმანოსთან „გამოცხადებულა ქართველთა ბევრი ბელადი თხოვნით, ეპატიებინა მას ბაკრატისათვის. სამაგიეროდ აღუთქვამდნენ, რომ იქნებოდნენ კონსტანტინეს ერთგულნი და ამიერიდან არავინ გამოვიდოდა მის წინააღმდეგ. საქმე ამით დამთავრდა და ნიკოლოზი კონსტანტინეპოლს დაბრუნდაო“ — დასძენს დასასრულს მემატიანე¹⁶⁹.

იგივე ამბავი სულ სხვანაირადაა მოთხრობილი ქართულ წყაროებში. „მატიანე ქართლისას“ ავტორი იუწყება, რომ კლდეკარის ციხის პატრონმა, ერისთავთერისთავმა ლიპარიტ ლიპარიტისძემ „შემოიკრიბნა სხუანიცა აზნაურნი, დაუდგეს განძათა და შეებნეს (ბიზანტიელთ) ციხესა ქუეშე. რაჟამს იხილა პარაკიმანოზმან, რომელ ვერას ავნებდა, შეიქცა გარე“¹⁷⁰, ე. ი. კლდეკარის ციხე ნიკოლოზს ვერ აუღია და მას განშორებია. მაგრამ საბოლოოდ რით დამთავრდა კეისრის ამ მოხელის ლაშქრობა საქართველოში, ქართული წყაროს ცნობიდან არ ჩანს. არც სომხურ და ბიზანტიურ წყაროებშია რაიმე აღნიშნული ამის შესახებ. ამიტომ უპირატესობა, პირობითაც მაინც, არაბი მწერლის ჩვენებას უნდა მივანიჭოთ. ნიკოლოზ პარაკიმანოსის ლაშქრობა რომ ნამდვილად სრული მარცხით დამთავრებულიყო და ბაკრატ IV-ის მდგომარეობა მტკიცე ყოფილიყო, მაშინ, ჯერ ერთი, ქართველ მემატიანეს ეს გარემოება, ალბათ, აღუნიშნავი არ დარჩებოდა, და, მეორე, ქართველ აზნაურთა დიდი ნაწილის ბიზანტიელთა მხარეზე გადასვლაზე, რასაც ერთნაირად აღნიშნავენ სუმბატ დავითის ძე და არისტაკესი¹⁷¹, თავს შეიკავებდა. აღარც სასულიერო პირთ — ეპისკო-

(იხ. გეორგიკა V, გვ. 54), მაგრამ ეს სომეხი ავტორი 1028 წ. სრულებით არ ახსენებს.

¹⁶⁹ В. - Р. Розен, დასახ. ნაშრომი, ტექსტი, გვ. 67, თარგმანი, გვ. 70.

¹⁷⁰ ქართლის ცხოვრება, I, გვ. 292.

¹⁷¹ ქართლის ცხოვრება, I, გვ. 385; Повествование Аристакеса, с. 70.

პოს საბა მტბეეარს და მის თანამზრახველთ დასკირღებოდათ ციხე-სიმაგრეების აშენება და ქვეყნის თაღაცვაზე ზრუნვა¹⁷².

თუ ყოველივე ზემოაღნიშნულის გამო იაპია ანტიოქიელის ცნობას სანდოდ მივიჩნევთ, მაშინ ეჭვი აღარ უნდა შეგვეპაროს იმაში, რომ კეისრის პარაკიმანოსის ლაშქრობის მიზეზი საქართველოში ბაგრატ IV-ის ტერიტორიული მოთხოვნები იყო და არა აზნაურთა მოქმედება. თუ ეს არა, სხვანაირად გაუგებარი იქნება, რატომ სთხოვდნენ ნიკოლოზს მასთან გამოცხადებული ქართველი აზნაურები, რომ მას ბაგრატისათვის ეპატიებინა.

მწვადობა ქართველებსა და ბიზანტიელებს შორის დიდხანს არ გაგრძელდებულა. არისტაკესის მიხედვით, კონსტანტინე VIII-ის გამეფებლადან მესამე წელს დიდძალი ჯარით აღმოსავლეთისაკენ დაიძრა და საქართველოში მოვიდა საჭურისი სიმონ პარაკიმანოსის¹⁷³, ხოლო „მატიანე ქართლისაში“ კი ვკითხულობთ, რომ „მის ეამსა გავზავნა პარაკიმანოზმან და პროედროსმან იოვანე ბანელი ხარტულარი, წარიყვანა თანა ვალანგი ლაშქრითა დიდითა და მიასკა თანა“¹⁷⁴ „ძე გურგენ კლარჯისა დემეტრე“¹⁷⁵, რომელიც ბაგრატ III-ის დროს, მამის ციხეში ჩამწყვდევის შემდგომ, 1012 წ. კონსტანტინეპოლში გაიქცა, სიკვდილს გადარჩა¹⁷⁶ და ახლა ბაგრატ IV-ისათვის უნდა დაეპირისპირებინათ, რომ ქართულ სამეფოში არეულობა შეეტანათ.

ვინაიდან სხვა წყაროები ამ ამბის შესახებ არაფერს აღნიშნავენ, ძნელია დანამდვილებით იმის თქმა, კონსტანტინე VIII-ის გამეფების მესამე წელს სიმონ პარაკიმანოსი იყო გამოვზავნილი ივერიის თემის (საკატეხანოს) დასარბევად თუ იოანე ბანელი ხარტულარი და ვალანგი, მაგრამ ის კი აშკარაა, რომ ლაშქრობას როგორც სომხური. ისე ქართული წყაროების მონაცემებით, ადგილი ჰქონია 1028 წელს და საქართველო მძიმე განსაცდელისაგან უხსნია კეისრის გარდაცვალებას¹⁷⁷, რაც 15 ნოემბერს მოხდა.

გულთავებელმა საომარმა მოქმედებამ. რასაც ქართველი მეფენი ბიზანტიის წინააღმდეგ ეწეოდნენ დაკარგული მიწების დასაბრუნებლად, ცხადყო, რომ მიზნის მიღწევა ჯერჯერობით შეუძლებელი იყო

172 ქართლის ცხოვრება, I, გვ. 292, 286.

173 Повествование Аристакеса, с. 70.

174 ქართლის ცხოვრება, I, გვ. 292.

175 იქვე, გვ. 386.

176 ივ. ჯავახიშვილი, დასახ. ნაშრომი, გვ. 138.

177 Повествование Аристакеса, გვ. 70; ქართლის ცხოვრება, I, გვ. 293.

და ბრძოლის განგრძობას მისი დაუყოვნებლივ შეწყვეტა სჯობდა. მით უფრო, რომ ბიზანტიასთან ნორმალური ურთიერთობის დამყარება საქართველოს სამეფო ხელისუფლებას ხელ-ფეხს უხსნიდა დაეწყო მოქმედება კახეთ-ჰერეთისა და თბილისის საამიროს შემოსაერთებლად და მეფის ურჩი მსხვილი ფეოდალების თვითნებობის ასალაგმავად. ამიტომ გადაწყდა ბიზანტიასთან დაზავება და ეს რთული მისია თავს იღო ბაგრატ IV-ის დედამ მარიამმა, რომელიც, იაპიას ცნობით, კონსტანტინეპოლს ეწვია¹⁷⁸. ქართულ წყაროთა ჩვენებით, ეს მომხდარა კონსტანტინე VIII-ის გარდაცვალებისა და რომანოზ III-ის (1028—1034) აღზევების მესამე წელს. ამ დროს (ე. ი. 1031 წ.) აღნიშნავს „მატიანე ქართლისას“ ავტორი, „წარვიდა დედოფალი მარიამ... საბერძნეთად ძიებად მშვიდობისა და ერთობისა, და კუალად ძიებად პატივისა კურაპალატობისა ძისათვის თვისისა.. და მოყვანებისათვის მის ცოლისა“¹⁷⁹.

ოდნავ განსხვავებულია კედრენეს ცნობა. განსხვავება იმაშია, რომ მის თანახმად, ბიზანტიის მპყრობელთან მარიამი პირადად კი არ წასულა, ელჩები გაუგზავნია¹⁸⁰. მაგრამ ეტყობა ამ ცნობას სიზუსტე აკლია. ყოველ შემთხვევაში, რაკი არაბ და ქართველ მემატიანეთა მონაცემები ამ მხრივ ერთმანეთს ემთხვევიან, უპირატესობაც მათ უნდა მივანიჭოთ.

მარიამის მისია წარმატებით დასრულებულა. „მატიანე ქართლისაში“, ნათქვამია, რომ ბერძენთა მეფემ „აღუსრულა ყოველი სათხოველი... მოსცნა ფიცნი და სიმტკიცენი ერთობისა და სიყუარულისათვის. დაუწერნა ოქრო-ბეჭედნი, მოსცა პატივი კურაპალატობისა, და მოსცა ცოლად ბაგრატიისათვის ელენე დედოფალი“¹⁸¹, რომელიც იყო რომანოზ III-ის ძმის ბასილის ქალიშვილი¹⁸².

როგორც ვხედავთ, ქართულ წყაროთა („მატიანე ქართლისა“ და „სუმბატ დავითის ძის ქრონიკის“) მონაცემები არა მარტო ადასტურებენ იაპის ცნობის სისწორეს კონსტანტინეპოლში მარიამის გა-

178 В. Р. Розен, *დასახ. იაშრომი*, გვ. 70.

179 ქართლის ცხოვრება, 1, გვ. 294, 386.

180 გეორგია, V, გვ. 55.

181 ქართლის ცხოვრება, 1, გვ. 294.

182 Н. С ка ба л а н о в и ч, *Византийское государство и церковь в XI веке*, СПб., 1884, გვ. 12—13; ს. ყაუხჩიშვილი (*იბ. გეორგია*, V, გვ. 56—57). სკაბალა-

მგზავრების¹⁸³ შესახებ, არამედ ზედმიწევნით ავსებენ, გვიხსნიან ამ ელჩობის მოწყობის დროს, მიზანსა და შედეგებს.

ელჩობის წარმატებით დამთავრების მიზეზების ახსნა ჩვენ მიზანს არ შეადგენს, მაგრამ ის მაინც უნდა ითქვას, რომ ამ წარმატებაში გადამწყვეტი როლი შეასრულა იმპერიის მაშინდელმა რთულმა საშინაო და საგარეო სამხედრო-პოლიტიკურმა ვითარებამ, კერძოდ კი რომანოვ არგვიროსის (1028—1034) საწინააღმდეგო შეთქმულებამ, (რომელშიც იმპერიის დასავლეთი ნაწილის სხვადასხვა მხარის მმართველებთან ერთად მონაწილეობდნენ ქართველი მოღვაწენი გიორგი და ვარაზფაჩე) და ალექსოში¹⁰²⁹ წ. მოწყობილი ლაშქრობის სრულმა მარცხმა. ასეთ ვითარებაში, თუ კეისარი საქართველოსთან დამოკიდებულებას არ შეეცლიდა, შეიძლებოდა განმეორებულიყო ის, რაც გიორგი I-ის დროს მოხდა სამხრეთ ტაოს მიწა-წყლის დასაბრუნებლად¹⁸⁴.

ასეთი მშვიდობა ცხადია, დიდხანს ვერ გაგრძელდებოდა და, მართლაც მალე დაირღვა. როგორც ცნობილია, ელენე დედოფლის სიცოცხლე ხანმოკლე გამოდგა. გარდაიცვალა თუ არა იგი, რომანოვ არგვიროსმა მაშინვე ბაგრატის წინააღმდეგ მისი ნახევარძმა დემეტრე ამოქმედა და გარკვეული ზიანიც მიაყენა. მისი წყალობით ხელთ იგდო ანაკოფიის ციხე და ამით ბიზანტიას საშუალება მიეცა საქართველოს ჩრდილო-დასავლეთ საზღვრებშიც შეედგა ფეხი. მაგრამ, მიუხედავად ამისა, ბიზანტია-საქართველოს შორის მიღწეულ სამშვიდობო შეთანხმებას მაინც დიდი მნიშვნელობა ჰქონდა საქართველოსათვის. კეისარი თავს იკავებდა პირდაპირ ლაშქრობაზე და ამით ხელსაყრელი ვითარება ექმნებოდა ბაგრატ IV-ს ეზრუნა ქვეყნის გაერთიანება-გაძლიერებაზე, რასაც მაშინ გადამწყვეტი მნიშვნელობა ჰქონდა.

ამ მიმართებით საჭიროა აღინიშნოს ბაგრატის ბრძოლა თავგასული განძის ამირა ფადლუნის წინააღმდეგ. როგორც უკვე ითქვა,

ნოვიჩი ელენეს გათხოვებას ბაგრატზე 1029—1030 წლით ათარიღებს (იხ. მისი დასახ. ნაშრომი, გვ. 13), რაც ერთი წლით ჩამორჩება სინამდვილეს.

¹⁸³ ქართულ ისტორიოგრაფიაში გამოთქმულია მოსაზრება, რომ კონსტანტინეპოლს წასულ მარიამს თან უნდა ხლებოდა მელქისედეკ კათალიკოს-პატრიარქი (საქართველოს ისტორია, დამხმარე სახელმძღვანელო, 1, 1958, გვ. 198; საქართველოს ისტორიის ნარკვევები, III. თბ., 1979, გვ. 182), მაგრამ ჩვენ მიერ მოტანილი არც ერთი წყარო ამას არ ადასტურებს.

¹⁸⁴ უფრო ვრცლად ამის შესახებ იხ. ვ. კოპალიანი, დასახ. ნაშრ., გვ. 165—177.

ამირამ ფეხქვეშ გათელა ბაგრატ III-ისათვის მიცემული ყველა პირობა და ახლა საქართველოს დარბევასაც აღარ ერიდებოდა. იბნ ალ-ასირის ცნობით, მას ქართველებზე¹⁸⁵ თავდასხმისას გაუწყვეტია მრავალი, დაუტყვევებია რამდენიმე (ათასი) და დიდძალი ნადავლით უკან გამოპრუნებულა¹⁸⁶. ეტყობა ამ თავდასხმისას ქართველებს სერიოზული ზარალი განუცდიათ. ამიტომ, როგორც მემატიანე ამბობს, „თავისი ქვეყნისაკენ გაბრუნებული ფადლუნი, თურმე ნელა მიდიოდა, რადგან თავს უშიშრად გრძნობდა და ფიქრობდა, რომ მან ქართველები საბოლოოდ დაამარცხა“¹⁸⁷. მაგრამ მისი ვარაუდი მცდარი გამოდგარა. ქართველები ჩქარა დადევნებია მას, დაუხოცავთ ათი ათასამდე კაცი მისი ხალხიდან და მასთან მყოფი მოხალისეებიდან, წაურთმევეით წადებული ნადავლი, აგრეთვე მთელი მათი ქონება და ისე დაბრუნებულან¹⁸⁸.

ეტყობა, ამ ლაშქრობას გულისხმობს „მატიანე ქართლისას“ ავტორი, როცა წერს: „და დიდი ფადლონ ავად იქცეოდა, და სწუნობდა ყოველთა მოთაულთა ამის სამეფოთა. და ვიდრე ყრმაღა იყო ბაგრატ, შეკრბეს ლაშქარნი ამის სამეფოსანი, იპირნენ ლიპარიტ და ივანე აბაზას — ძე; მოვიდა დიდი კვრიკე, რანთა და კახთა მეფე, დავით სომეხთა მეფე, და ჯათარ ამირა ტფილელი, რამეთუ ესე ყოველნი პირობითა კვრიკესითა შეკრებილ იყვნეს ეკლეცს ფადლონს ზედა; გააქციეს ფადლონ და აწყვდეს ლაშქარი, აიღეს ავარი და განძი ურიცხვ ამიერითგან ვიდრე სიკუდილამდე შეჰავდა ფადლონ“¹⁸⁹.

ქართული წყაროები ლაშქრობის თარიღს არ ასახელებენ. ამიტომ ქართულ ისტორიოგრაფიაში ამ საკითხთან დაკავშირებით გამოთქმულია რამდენიმე ვარაუდი. ნ. ბერძენიშვილის მიხედვით, აღნი-

¹⁸⁵ ტექსტშია: الخزر, მაგრამ ბარტოლდს დაკვირვებით, აქ საქმე გვაქვს (აღბათ, გადაშწორება მერ დაშვებულ.—ბ. ს.) შედღეობასთან და ამიტომ الخزر-ის ნაცვლად უნდა წავიკითხოთ البحرز ان البخزر (B. B. Бартольд, Хазары. Сочинение, т. V, М., с. 601). ბარტოლდისაგან დამოუკიდებლად ასეთივე დასკვნას აკეთებს ირანელი მეცნიერი ქანსრაეი (იხ. პ. თ. ო. უ. რ. ი. ა., აღმოსავლეთ ამიერკავკასიის პოლიტიკური ერთეულები XI—XII საუკუნეებში, თბ., 1975, გვ. 192). ჩვენ ვიზიარებთ რა ამ აზრს, გრაფიკული მოხაზულობის გამო უფრო ბუნებრივად მიგვაჩნია ტექსტისეული

الخزر-ის წაკითხვა البحرز-ად.

¹⁸⁶ იბნ ალ-ასირი, IX, გვ. 171.

¹⁸⁷ იქვე.

¹⁸⁸ იქვე.

¹⁸⁹ ქართლის ცხოვრება, 1, გვ. 296.

ზნული ლაშქრობა 1027—1030 წლებს შორის უნდა მომხდარიყო¹⁹⁰. პ. თოფურია კი საძიებელი თარიღის ფარგლებს უფრო ავიწროებს და მას 1027—1029 წწ.-ში ათავსებს¹⁹¹. მაგრამ ორივე ამ თარიღს, ვფიქრობთ სიზუსტე აკლია, რადგან დაუდგენელი რჩება თუ კონკრეტულად როდის ჩატარდა აღნიშნული ლაშქრობა. ამიტომ, ამ საკითხთან დაკავშირებით ყურადღებას იპყრობს იბნ ალ-ასირის ცნობა, რომელშიც აღნიშნულია, რომ ფადლუნის ამ მარცხიან თავდასხმას საქართველოზე ადგილი ჰქონდა 421 წელს ჰიჯრით¹⁹², ანუ 1030 წელს ქრისტიანული კალენდრით. დაახლოებით ასეთივე დასკვნამდე მივყავართ ქართულ წყაროთა მონაცემების ანალიზსაც.

„მატიანე ქართლისას“ ავტორი ირწმუნება, რომ „ამიერიდან ვიდრე სიკუდილამდე შეჰავდა ფადლონ“, ე. ი. ფადლონს ამ ლაშქრობის შემდეგ კიდევ უცოცხლია რამდენიმე ხანს და, როგორც ცნობილია, გარდაიცვალა 422 (1031) წელს¹⁹³. მაშასადამე, აღნიშნული ლაშქრობა მართლაც 1030 წელს მომხდარა. ამას თითქოს რამდენადმე ეწინააღმდეგება ერთი გარემოება, კერძოდ, ლაშქრობის ერთ-ერთი მონაწილის — კვირიკე კახთა მეფის გარდაცვალების თარიღი. ვახუშტი ბატონიშვილის ცნობით, კვირიკე მოკლა ვინმე ოსმან მონამან... ქსა ჩლთ. ქართ ჰწით¹⁹⁴ (1039) წელს. მ. ბროსეს გაანგარიშებით კი იგი 1029 წელს დაღუპულა. ნ. ბერძენიშვილის აზრით, „შესაძლებელია, ბროსეს თარიღი ... უფრო სწორეც იყოს, ვიდრე ვახუშტისა“¹⁹⁵. თუ დადასტურდება, რომ ეს ნამდვილად ასეა და კვირიკე 1029 წელს გარდაიცვალა, მაშინ ფადლუნის ლაშქრობის აღ-ასირისეული თარიღი ერთი წლით მაინც უნდა დავსწიოთ უკან. მაგრამ სანამ ეს არ დამტკიცდება, უპირატესობა არაბი ავტორის პირდაპირ ჩვენებას უნდა მივანიჭოთ.

ტკუა ასწავლა რა განძის ამირა ფადლონს, რომელსაც საქართველოს გაერთიანება არ სიამოვნებდა, ბაგრატიმა თბილისის საამიროს შემოერთება გადაწყვიტა.

190 ნ. ბერძენიშვილი, მცხეთის საბუთი XI საუკუნისა (საქართველოს ისტორიის საკითხები, IV, თბ., 1967, გვ. 236).

191 პ. თოფურია, დასახ. ნაშრომი, გვ. 192.

192 იბნ ალ-ასირი, გვ. 115; პ. თოფურია, დასახ. ნაშრომი, გვ. 192.

193 К. Э. Босворт. Мусульманские династии, М., 1971, с. 132.

194 ქართლის ცხოვრება, IV, გვ. 562.

195 ნ. ბერძენიშვილი, დასახ. ნაშრომი, გვ. 236.

ბიზანტიის წინააღმდეგ ქართველ მეფეთა წარმოებული ბრძოლების წარუმატებლად დასრულების მიზეზი იყო საქართველოს სამეფოს სისუსტე, რასაც მისი დაქსაქსულობა განაპირობებდა. ეს მშვენივრად ესმოდა სამეფო კარსაც და სამშობლოს კეთილდღეობის მოსურნე დიდგვაროვანთა გარკვეულ ჯგუფსაც, მოწინავე აზნაურებს. ამიტომ, როგორც კი ბიზანტიასთან მშვიდობა დამყარდა, სრულიად ახალგაზრდა (12 წლის) ბაგრატის, თავისი ერთგული მრჩეველების კარნახით, მაშინვე ცალკეულ საერისთავოებად დანაწილებულ საქართველოს ტერიტორიის გაერთიანებას შეუდგა და ეს აუცილებელი, მაგრამ მეტად რთული საქმე მან, სრულიად მართებულად თბილისის შემოერთებით დაიწყო. თბილისის საამირო ხომ არაბთა ბატონობის დროს (VIII ს-ში) წარმოქმნილ მუსლიმურ პოლიტიკურ-ადმინისტრაციულ ერთეულს წარმოადგენდა, რომელიც თვითონაც ეწინააღმდეგებოდა საქართველოს გაერთიანება-გაძლიერებას და საქართველოს მიმართ მტრულად განწყობილ სხვა სამთავრო-საამიროთა საიმედო მოკავშირის როლსაც ასრულებდა. ამდენად, მისი გაუქმება და საქართველოს სამეფოს ფარგლებში მოქცევა, მაჰმადიანურ საამიროებსაც მოუშლიდა საყრდენს და ქართულ სამთავროთა, კერძოდ, ჰერეთ-კახეთის შემოერთებასაც საგრძნობლად დააჩქარებდა.

როგორც ერქუშანთ სოფლის (ამბარლოს) ეკლესიის წარწერა იუწყება, ბაგრატ IV თბილისის საამიროს შემოერთებას 1032 წელს შესდგომია, ხოლო ბრძოლის მოთავენი კლდეკარის ერისთავი ლიპარიტ ლიპარიტის ძე და ქართლის ერისთავი ივანე აბაზას ძე ყოფილან¹⁹⁶. „მატიანე ქართლისას“ ცნობით, მათ მუხათგუერდს გამოუტყუებიათ ტფილელი ამირა ჯაფარი, შეუპყრიათ და მისთვის ბირთვისი წაურთმევიათ, მაგრამ მეფის მოულოდნელ გადაწყვეტილებას კარგად დაწყებული საქმე არარაობად უქცევია. დატყვევებული ჯაფარი მას გაუთავისუფლებია და კვლავ „ტფილისის ზედა ამირად“ განუტყუებია. მემათიანე ბაგრატის ასეთ მოქმედებას იმით ხსნის, რომ აფხაზთა მეფემ შეიწყალა იგიო¹⁹⁷, მაგრამ ეს არ არის სწორი. მას რომ ამირა ასე ძლიერ შეცოდებოდა არც გაილაშქრებდა. ამიტომ მართალია ვ. კოპალიანი, რომელიც ვარაუდობს, რომ მეფემ ეს მოიმოქმედა

196 ი. ვ. ჯავახიშვილი, ქართველი ერის ისტორია, II, გვ. 140.

197 ქართლის ცხოვრება, I, გვ. 296—297.

„ლიპარტის გაძლიერების მოწინააღმდეგე აზნაურებმა ჩაგონებით, რათა არ დაეშვათ თბილისის საამიროს ხარჯზე მისი სამფლობელოს გაფართოება“¹⁹⁸.

ბაგრატის პოზიციამ ამირასადმი ქართველ მეფეს სარგებლობა არ მოუტანა, მისი მიზანი მიუღწეველი დარჩა, ჯაფარისა და ლიპარტის ურთიერთ დამოკიდებულება კი მკვეთრად დაიძაბა. კლდეკარის ერისთავი არ ცხრებოდა, წაგებული საქმის თავის სასარგებლოდ შემობრუნებას ცდილობდა და მეფეს არწმუნებდა, ამირას წინააღმდეგ ბრძოლა განეახლებია. მეფე კი თვითონვე მიხვდა, რომ თბილისი ამირასათვის არ უნდა დაებრუნებია და ლიპარტის რჩევას სიამოვნებით შეხვდა.

იბნ ალ-ასირის ცნობით, „429 (1037/8) წელს¹⁹⁹ აფხაზთა მეფემ ქალაქი თბილისი ალყაში მოაქცია და მიუხედავად იმისა, რომ მოსახლეობის მხრიდან შედგარ წინააღმდეგობას წააწყდა, გარემოცვას და შევიწროებას მაინც განაგრძობდა. როდესაც ხორაგი გამოელა და სურსათის მიწოდება შეწყდა, მოსახლეობამ აზერბაიჯანის მუსლიმებს დახმარება და სამხედრო მხარდაჭერა სთხოვა. მაგრამ როდესაც დუზებმა აზერბაიჯანამდე მიიღწიეს და აფხაზებმა მათი მოახლოება შეიტყვეს, და ისიც გაიგეს, თუ როგორ უსწორდებოდნენ ისინი სომხებს, შიშისაგან თბილისს მაშინვე ალყა მოხსნეს და დატოვეს“²⁰⁰.

იგივე ამბავი უფრო ვრცლად, ოღონდ უთარილოდ, მოთხრობილია ქართულ წყაროებშიც. „მატიანე ქართლისას“ ავტორის მიხედვით, პირველი ლაშქრობიდან ცოტა ხნის შემდეგ, ბაგრატ IV-მ დახმარება სთხოვა გაგიკ კახთა მეფეს და, როდესაც კახელნი მოვიდნენ, ქართველთა შეერთებული ლაშქარი თბილისს გარშემოადგა. „მტკუარსა ამიერით, ზემოთ და ქვემოთ, აფხაზთა მეფის ლაშქარი“ იდგა; „წყალსა იმიერით, ისინი კერძო“ — ჰერ-კახნი. გარემოცვა ორ წელიწადს გაგრძელდა ამირა ჯაფარ ალის ძე და თფილელნი ისეთ დღეში ჩავარდნენ, რომ „ლიტრს ვირის ჯორცი ხუთას დრამად ასყიდის და ვერღარა დაუდგმიდეს შიმშილთა და ბრძოლათა ძლიერთა“. ქართველებმა ამირას წაართვეს ციხენი ორბეთი და ფარცხისი. ჯაფარი მზად იყო გაპარულიყო და თავი განძის მპყრობელთან შეეთარებინა, მაგრამ ქართველნი აჩქარდნენ. ზოგიერთმა დიდებულმა ლიპარი-

198 ვ. კოპალიანი, დასახ. ნაშრომი, გვ. 181—182.

199 429 წელი დაიწყო 1037 წ. 14 ოქტომბერს და დამთავრდა 1038 წ. 3 ოქტომბერს.

200 იბნ ალ-ასირი, ტ. IX, გვ. 190.

ტისაგან ფარულად მეფეს ურჩია „არ გაძევება ამირასი“ და ბაგრატი-
მაც დაამკვიდრა იგი „ტფილისსავე ზედა“²⁰¹.

ერთი შეხედვითაც კი აშკარად ჩანს, რომ არაბი მწერლისა და
ქართველი მემკატიანის ცნობები თბილისის საამიროს წინააღმდეგ
ქართველთა ბრძოლის შესახებ ერთმანეთს ავსებენ და აზუსტებენ.
კერძოდ, ქართული წყაროდან ვგებულობთ, რომ თბილისის საამი-
როს წინააღმდეგ ბრძოლაში ბაგრატის გარდა მონაწილეობა მიუღია
კახეთის მეფესაც, თბილისის ალყა ორ წელნიწადს გაგრძელებულა
და უშედეგოდ დასრულებულა ქართველთათვის მათივე აჩქარებულო-
ბის გამო. იბნ ალ-ასირი კი აღნიშნავს ლაშქრობის დაწყების თარიღს,
გვიხსნის ქართველთა აჩქარებულობის, ანუ უკუქცევისა და საამიროს
ვადაზღვევის, ობიექტურ მიზეზს, რასაც მნიშვნელობა აქვს ამ ისტო-
რიული მოვლენის სწორი გაგებრსათვის.

თუ ქართული წყაროს ცნობას დავუჯერებთ, მაშინ ისე გამო-
დის, თითქოს თბილისისათვის ალყის მოხსნა, ჯაფარ ალის ძის ამი-
რად დატოვება და საამიროს დედაქალაქიდან განშორება ქართველ
მეფეს და მის მრჩეველ დიდებულებს ლიპარიტის მტრობით ჩაედი-
ნოთ. არაბი მწერლის მიხედვით კი ქართველების აჩქარება იმით იყო
გამოწვეული, რომ მათ ახალი, თანაც ძლიერი მტრის — ოღუზების მო-
ახლოება შეიტყვეს და ისიც გაიფიქრა, რომ მათ უკვე სომხეთი აეკლოთ.
ამიტომ ამირასთან და მის მიერ დასახმარებლად მოწვეულ აზერბაი-
ჯანის გამგებელ ვაჰსუზანთან ომის გაგრძელებას, ქართველმა პოლი-
ტიკურმა მესვეურებმა, თბილისის აღებაზე უარის თქმა ამჯობინეს
და ქალაქს ალყა მოხსნეს. ივ. ჯავახიშვილის შეფასებით, მეფისა და
მისი მრჩეველი დიდებულების ეს გადაწყვეტილება ყველაზე გონივ-
რული იყო²⁰². სხვა შეფასება ქართულ ისტორიოგრაფიაში ამ ფაქტისა-
რ არსებობს. ოღონდ ზოგს მიაჩნია, რომ თბილისის საამიროს შე-
მოერთებაში ბაგრატს ხელი შეუშალა ოღუზთა გამოჩენამ²⁰³. ხოლო
ზოგი კი თვლის, რომ „მეფეზე გადამწყვეტი გავლენა“ იქონია „ლიპა-
რიტის წინააღმდეგ დაჯგუფებამ“²⁰⁴. ალბათ, ეს უკანასკნელი უფრო
სწორია. ხომ ფაქტია, რომ სანამ ოღუზები მოვიდოდნენ და მათი
დამაქცეველი მოქმედების შედეგები აშკარა გახდებოდა, საქართვე-

201 ქართლის ცხოვრება, I, გვ. 297—298.

202 ივ. ჯავახიშვილი, დასახ. ნაშრომი, გვ. 142.

203 პ. თოფურია, დასახ. ნაშრომი, გვ. 194.

204 მ. ლორთქიფანიძე, ბრძოლა საქართველოს გაერთიანებისათვის (სა-
ქართველოს ისტორიის ნარკვევები, III, გვ. 163);

ლოში მანამ დაიძაბა პოლიტიკური ვითარება. შეფისა და მის თანამზრახველთა პოლიტიკა, ქვეყნის გაერთიანებას რომ ისახავდა მიზნად, ბევრს (როგორც შინაურს, ისე გარეშეს) არ მოსწონდა და ცენტრალური ხელისუფლების სულ უმნიშვნელო წარმატებაც კი მოსვენებას უკარგავდა. ამ მხრივ ქართველ დიდგვარიან აზნაურ ოპოზიციონერთა შორის განსაკუთრებით გამოირჩეოდა ლიპარიტ ბაღვაში, ივანე აბაზასძე, კახთა მეფე აღსათან გაგიკისძე და სხვ., რომელთაც გარედან ზურგს უმაგრებდა, ქმედით დახმარებას უწევდა და მეფის წინააღმდეგ ამხედრებდა საქართველოს დაქუცმაცება-დასუსტებით სისხლხორცეულად დაინტერესებული ბიზანტია. ამიტომ ბაგრატ IV ამ ბოროტ ძალთა წინააღმდეგ ბრძოლებით იყო ხელფენშეკრული და თბილისის საამიროს შემოერთების საშუალება მას აღარ ჰქონდა. ესა და საქართველოს გაერთიანების საკითხიც დიდი ხნით გადაიდო. ხოლო ქვეყნის გაერთიანება-გაძლიერების მოწინააღმდეგე ძალები (როგორც შინაური, ისე გარეშე) თავიანთ სიბრიყვეში მაშინ დარწმუნდნენ, როცა სელჩუკები „ვითარცა მკალნი“ საქართველოსა და მთელ მცირე აზიას შოედვნენ და გაუნადგურებელი მათ არაფერი დარჩენიათ.

შ ი ნ ა ა რ ს ი

წინასიტყვაობა	3
პირველი თავი. არაბი და არაბულენოვანი მწერლების ცნობები IV—VI სს. საქართველოს შესახებ	6
მეორე თავი. არაბთა დაპყრობითი ომები	35
მესამე თავი. არაბთა ბატონობის დასაწყისი საქართველოში ჰაბიბ იბნ შალამას „დაცვის სიგელი“	56
მეოთხე თავი. ომები ჩრდილოეთში და მათი შედეგები საქართველოსათვის	66
მუჰამედ იბნ მარვანის ლაშქრობა	68
ალ-ჯარაჰის პირველი ლაშქრობა	71
ალ-ჯარაჰის მეორე ლაშქრობა და მისი „დაცვის სიგელი“	74
აჯანყებები და მათი მიზეზები	88
საზარების გაძევება ამიერკავკასიიდან. არჩილ მეფის გახიზვნა ეგრისს, სამთა კავშირი. არაბთა წინააღმდეგ და „მურვან ყრუს“ ლაშქრობა	96
მეხუთე თავი. საქართველო VIII ს. II ნახევარში	107
არაბთა ბატონობის გაძლიერება	107
ა) თბილისის საამიროს წარმოქმნა	107
ბ) რას ტარხანის ლაშქრობა	110
ქართველი ხალხის ბრძოლა არაბობის წინააღმდეგ	126
ა) წანარების აჯანყება	126
მექვსე თავი. საქართველოს პოლიტიკური მდგომარეობა IX ს. II ნახევარში	138
თბილისის ამირების ბრძოლა დამოუკიდებლობისათვის	138
ბუღა თურქის ლაშქრობა	147
არაბობის დასასრულის დასაწყისი	163
დამატება. პოლიტიკური მდგომარეობა საქართველოში არაბობის დასასრულოდან სელჩუკობამდე	169
ურთიერთობა ბიზანტიასთან დავით III კურაპალატის დროს	169
გიორგი I-ის ბრძოლა ბიზანტიის მიერ შიტაცებული დავით III-ის სამფლობელოს დასაბრუნებლად	186
ბაგრატ IV-ის ღონისძიებანი	210
ბრძოლა თბილისის საამიროს შემოსაერთებლად	220

Вениамин Георгиевич Силагадзе

АРАБСКОЕ ГОСПОДСТВО В ГРУЗИИ

(на грузинском языке)

ТБИЛИСИ
«МЕЦНИЕРЕБА»

1991

დაიბეჭდა საქართველოს მეცნიერებათა აკადემიის
სამეცნიერო-საგამომცემლო საბჭოს დადგენილებით

სბ 4559

გამომცემლობის რედაქტორი ლ. სიხარულიძე
მხატვარი გ. ლომიძე
მხატვრული რედაქტორი თ. ჭაყელი
ტექნორედაქტორი ნ. ბოკერიძე
კორექტორი ც. ქიტიაშვილი

გადაეცა წარმოებას 25.2.91; ხელმოწერილია დასაბეჭდად 13.8.91;
ქალაქის ზომა 60×84¹/₁₆; ქალაქი № 2; ბეჭდვა მაღალი;
გარნიტურა ვენური; პირობითი საბეჭდო თაბახი 13.02;
სააღრიცხვო-საგამომცემლო თაბახი 11.9;
ტირაჟი 3200; შეკვეთა № 362

ფასი 4 მან.

გამომცემლობა „მეცნიერება“, თბილისი, 380060, კუტუზოვის ქ. 19
Издательство «Мецниереба», Тбилиси, 380060, ул. Кутузова, 19

საქართველოს მეცნ. აკადემიის სტამბა, თბილისი, 380060, კუტუზოვის ქ. 19
Тбилисрцфия АИ Грузии, Тбилиси, 380060, ул. Кутузова, 19